

## 新五代史

宋 徐無黨 註

中華書局

卷三二至卷五

册

一七(傳)

# 新五代史卷三十二

### 死節傳第二十

語曰:「世亂識忠臣。」誠哉!」五代之際,不可以爲無人,吾得全節之士三人焉,作死節

{傳。

### 土彦章 裝約 劉仁瞻附

履棘行百步。 使、行營先鋒馬軍使。 末帝卽位,遷濮州刺史,又徙澶州刺史。 王彥章字子明,鄭州壽張人也行。少爲軍卒,事梁太祖,爲開封府押衙、左親從指揮 持一鐵鎗,騎而馳突,奮疾如飛,而佗人莫能舉也,軍中號王鐵鎗 **彦章爲人曉勇有力,能跣足** 

分魏、相六州為兩鎮, 一樂、晉爭天下爲勁敵,獨<mark>彥章心常輕晉王,謂人曰:「亞次</mark>鬬雞小兒耳,何足懼哉 懼魏軍不從,遣彦章將五百騎入魏,屯金波亭以虞變。 魏軍果亂,

三四七

死

節傳

第二

+

王

产童

間遺使 攻彥章、彥章 《者招彥章,彥章斬其使者以自絕。 南走,魏人降晉。晉軍攻破澶州,虜彥章妻子歸之太原,賜以第宅,供給甚備, 然晉人畏彥章之在梁也,必欲招致之,待其妻子

兩城,號「夾寨」。而梁末帝昏亂,小人趙嚴、張漢傑等用事,大臣宿將多被讒間,彥章雖爲 可 身不用,不如死!」乃引繩 見末帝,泣曰:「先帝取天下,不以臣爲不肖,所謀無不用。 討 面 副 ,」、一大帝乃召彦章爲招討使,以段凝爲副。 行營副招討使,又徙宜義軍節度使。是時,晉已盡有河北,以鐵鎖斷德勝口,築河南、北 使,而謀不見用。 自梁失魏、博,與晉夾河而軍,彥章常爲先鋒。 龍德三年夏,晉取鄆州,梁人大恐,宰相敬翔顧事急,以繩內靴中, 將自經。 末帝使人止之,問所欲言。 |末帝問破敵之期,|彥章對曰:「三日。」左右皆 遷汝鄭二州防禦使、匡國軍節度使、 今彊敵未滅, 翔日:「事急矣, 陛下棄忽臣言, 非彦章不 北 臣

時莊宗在魏,以朱守殿守夾寨,聞彥章爲招討使,驚日:「彥章聽勇, 兵舉鎖燒斷之,因以巨斧斬浮橋,而彥章引兵急擊南城,浮橋斷, 、載冶者,具鞴炭,乘流而下。 **彦章受命而出**, 馳兩日至滑州,置酒大會,陰遣人具舟於楊村, 南城遂破, 蓋三日矣。 吾嘗避其鋒,非守殷敵 命甲士六百人皆持互

章兵已至。」比至,而南城破矣。 舟栰相及ļ戰,一日數十接。 也。 然彥章兵少,利於速戰,必急攻我南城。」即馳騎救之,行二十里,而得夾寨報者曰:「彥 **彦章至楊劉,攻之幾下。**晉人築壘博州東岸,彦章引兵攻之, 莊宗徹北城爲栰,下楊劉,與彥章俱浮于河,各行一岸,每

不克,還擊楊劉,戰敗。

等從中日夜毀之,乃罷彥章,以凝爲招討使。彥章馳至京師入見,以笏畫地,自陳勝敗之 凝而不及彥章,軍士皆失色。及楊劉之敗也,凝乃上書言:「彥章使酒輕敵而至於敗。」趙嚴 迹,嚴等諷有司劾|彦章不恭,勒還第。 凝各為捷書以聞,凝遣人告嚴等匿彥章書而上己書,末帝初疑其事,已而使者至軍,獨賜勞 人曰:「俟吾破賊還,誅姦臣以謝天下。」嚴等聞之懼,與凝叶力傾之。其破南城也,彥章與 是時,段凝已有異志,與趙巖、張漢傑交通,彥章素剛,憤梁日削,而嫉巖等所爲,嘗謂

舉稍刺之,彥章傷重,馬踣,被擒。莊宗見之,曰:「爾常以孺子待我,今日服乎?」又曰:「爾 中都,又敗,與其牙兵百餘騎死戰。唐將夏魯奇素與彥章善,藏其語音,曰:「王鐵鎗也!」 善戰者,何不守兗州而守中都。中都無壁壘,何以自固。」彥章對曰:「大事已去,非人力可 騎,皆新捉募之兵,不可用,乃以屬彦章,而以張漢傑監之。彦章至遞坊,以兵少戰敗,退保 唐兵攻兗州,末帝召彦章使守捉東路。 是時,梁之勝兵皆屬段凝,京師祇有保鑾五百

王彦章

何 曰:「汝非邈佶烈乎?我豈苟活者?」遂見殺,年六十一。 M 面 戰 其於忠義,蓋天性也。 目見天下之人乎! 十餘年,今兵敗力窮,不死何待?且臣受梁恩,非死不能報,豈有朝事梁而暮事晉, 莊宗惻然, 賜藥以封其創。 ·」<u>莊宗又遣明宗往諭之,彥章</u>病創,臥不能起, 莊宗愛其曉勇,欲全活之,使人慰諭彥章,彥章謝曰:「臣與陛 **彦章武人不知書,常爲俚語謂人曰:「豹死留皮,人死留** 晉高祖時, 追贈彥章太師。 仰顧明宗, 呼其小字 下 生

分財 也! 州 饗士,欲報梁仇,不幸早世。 嗣昭卒, 」衆皆感泣 與彥章同時有裴約者,路州之牙將也。 ,其子繼韜以澤、潞叛降于梁,約召其州 今郎君父喪未葬, 莊宗以李嗣昭爲昭義軍節度使,約以裨將守澤 人泣 違背君親, 而諭 日:「吾 吾能死于此, 1事故使 二十餘年, 不能從以 解梁 見其

大號 約來。」存審以五千騎馳至遼州,而梁兵已破澤州,約見殺。 分逆 ~順 梁遣董璋率兵圍之,約與州人拒守,求救於莊宗。 聞繼韜叛 邪 |顧符存審日 ⑴:「吾不惜澤州與梁, 《降梁,頗有憂色,及聞<u>約獨不叛,喜曰:「吾於</u>繼韜 一州易得, 是時,莊宗方與梁人戰河上,而 |約難得也。 何薄? 於約 爾識機便, 何 厚? 爲我取 而 約 能

至周世宗時,又有劉仁贍者焉。

輕財 以仁贍爲淸淮軍節度使,鎭壽州。 仁赡以爲不可,彥貞不聽,仁贍獨按兵城守。 彥貞果敗於正陽。 李景使掌親軍,以爲武昌軍節度使。 重士,法令嚴肅,少略通兵書。 仁膽字守惠,彭城人也。 父金事楊行密,爲濠、滁二州刺史,以驍勇知名。 李穀退守正陽浮橋,彥貞見周兵之却,意其怯,急追之。 事南唐,爲左監門衞將軍、黃袁二州刺史, 周師征准,先遣李穀攻自壽春,景遣將劉彦貞 所至 仁贍爲將, 拒周兵, 一稱治。

是憤惋成疾。 金山下,爲夾道以屬城中。 周兵多死。世宗東趨濠梁,以李重進爲廬、壽都招討使。 下,而歲大暑,霖雨彌旬,周兵營寨水深數尺,淮、淝暴漲,礟舟竹龍皆飄南岸,爲景兵所焚, 屋,號爲「竹龍」,載甲士以攻之;又決其水砦入于淝河。 世宗攻壽州,圍之數重,以方舟載礮,自淝河中流擊其城;又束巨竹數十萬竿,上施版 而重進與張永德兩軍相疑不協,仁贍屢請出戰,景達不許,由 景亦遣其元帥齊王景達等列砦紫 攻之百端, 自正月至于四月不能

景君臣亦皆震懾,奉表稱臣,願割土地、輸貢賦,以效誠款,而仁膽獨堅守,不可下。 守將廣陵馮延魯、光州張紹、舒州周祚、泰州方訥、泗州范再遇等,或走或降,皆不能守, 明年正月,世宗復至淮上,盡破紫金山砦,壞其夾道,景兵大敗,諸將往往見擒,而景之 世宗使 雖

死節傳

第二十

王彦

童

使周廷構哭于中門救之,不得,於是士卒皆感泣,願以死守。 景所遺使者孫晟等至城下示之,仁贍子崇諫幸其父病,謀與諸將出降,仁贍立命斬之,監軍

前代名臣,幾人可比!予之南伐,得爾爲多。」乃拜仁贍檢校太尉兼中書令、天平軍節度使。 仁贍不能受命而卒,年五十八。 嘆嗟久之,賜以玉帶、御馬,復使入城養疾,是日卒。制曰(hì:「劉仁瞻盡忠所事,抗節無 三月,仁赡病甚,已不知人,其副使孫羽詐爲仁贍書,以城降。 世宗命异仁瞻至帳前

景聞仁贍卒,亦贈太師。 [:「吾以旌仁贍之節也。」 世宗遣使弔祭,喪事官給,追封彭城郡王,以其子崇讚爲懷州刺史,賜莊宅各一區。 壽州故治壽春,世宗以其難剋,遂徙城下蔡,而復其軍曰忠正軍,

宗實錄 之事 而降,世宗頗嗟其忠,然止於爲大將軍。 ,如彥章者, 嗚呼,天下惡梁久矣!然士之不幸而生其時者,不爲之臣可也,其食人之禄者,必死人 載仁赡降書,蓋其副 可謂得其死哉 使孫羽等所 !仁膽旣殺其子以自明矣, 爲 也。 視世宗待二人之薄厚而考其制書, 當世宗時,王環爲蜀守秦州,攻之久不下,其 豈有 垂 死 mi 變節者乎。今周世 乃知仁瞻

非降者也。自古忠臣義士之難得也!五代之亂,三人者,或出於軍卒,或出於僞國之臣,可

### 校勘記

勝嘆哉

可勝嘆哉!

(1) 鄆州壽張人 「張」,各本原作「昌」。按薛史卷二一王彥章傳及歐陽文忠公集卷三九王彥章畫

像記均作「鄆州壽張人」,通鑑卷二六七亦稱「壽張王彥章」。考新、舊唐書地理志及太平寰宇

記,禪州惟有壽張縣,隸河南道;壽昌縣自屬沙州,隸隴右道(舊書隸河西道)。 此當是「壽張」,

據改。

3 符存審 薛史卷二九唐莊宗紀、卷五二裴約傳及通鑑卷二七二均作「李紹斌」。

[三] 復使入城養疾是日卒制曰 節度使兼中書令,制出之日,薨於其家。」按通鑑卷二九三,劉仁贍入城養疾之日在戊申;制下 薛史卷一二九劉仁瞻傳云:「(周世宗)復令入城養病, 尋授天平軍

在辛亥,是日劉仁瞻卒。本史時序不清,疑有訛舛。

## 新五代史卷三十三

## 死事傳第二十一

荷生爲得,非徒不知愧,而反以其得爲榮者,可勝數哉!故吾於死事之臣,有所取焉。 君子 彥超者,其有旨哉!其有旨哉!作死事傳O。 其初無卓然之節,而終以死人之事者,得十有五人焉,而戰沒者不得與也。然吾取王淸、史 之於人也,樂成其美而不求其備,況死者人之所難乎?吾於五代,得全節之士三人而已。 不去爲當然。至於儒者,以仁義忠信爲學,享人之祿,任人之國者,不顧其存亡,皆恬然以 節而不二者,固鮮矣。於此之時,責士以死與必去,則天下爲無士矣。然其習俗,遂以苟生 嗚呼甚哉!自開平訖于顯德,終始五十三年,而天下五代,士之不幸而生其時,欲全其

○ 不能立傳者五人:馬彥超附朱守殷傳,宋令詢、李遐、張彥卿、鄭昭業見於本紀而已。

### 張源德

張 源德者,不知其世家,或日本晉人也。 少事晉,無所稱。 從李罕之以路州叛晉降梁

罕之遺源德見梁太祖。 太祖時,源德自金吾衛將軍爲蔡州刺史。

易 德 源 劉 徳爲 圖 雖 鄩 粉兵萬 也 卡特 梁 劉劉 介貞明 | 事守貝州。 少乃 之兵, 先襲破德州 人,屯于魏以虞變。 三年〔1〕,魏博節度使楊師厚卒,末帝分魏、相等六州爲兩鎮,懼魏軍不從,乃遣 然與滄州相 晉王入魏,諸將欲先擊見州,晉王曰:「貝城 然後以兵五千攻源德,源德堅守不下,晉軍塹而圍 首尾, 魏軍果叛,迫其節度使賀德倫以魏、博二州降晉。 今德州居其中而 無備, 不如先取之,則滄、 小而堅, 攻之難卒下。 貝之勢分而 當是時. 且

之踰 閣 寶皆以 而鎭 年不 m 定皆附于晉, 可 城 劉 降晉, 劑 大 、敗于故元城, 源德守既堅,而具人聞晉已盡有河北,城中食且盡, 磁州 自河 刺 史靳 以北、 南走黎陽, 昭、 山以東, 相州 張筠、 晉軍攻破洺州 几 面 滄州 千里,六鎭 戴思遠 數 登音棄城 而 衞 十州之地 州 刺 走。 史 乃勸源德出降 來昭言、那 皆歸晉 當此 時, 汕 晉已 貝 州 源德不 節度使 州 圍

逐見殺

執兵而降,得赦而後釋之,如何? 源德已死,貝人謀曰:「晉圍吾久,吾窮而後降,懼皆不免也。」乃告于晉曰:「吾欲被甲 」膏軍許諾,貝人三千出降,已釋甲,膏兵四面圍而盡殺

夏魯奇

之。

夏魯奇字邦傑, 青州人也。 唐莊宗時,賜姓名曰李紹奇,其後莊宗賜姓名者,皆復其

故。

將單廷珪、元行欽以曉勇自負,魯奇每與二將鬭,輒不能解,兩軍皆釋兵而觀之。 魯奇初事梁爲宣武軍校,後奔于晉,爲衞護指揮使。 從周德威攻劉守光於幽州,

忠武,河陽之人遮留不得行,父老詣京師乞留,明宗遣中使往諭之,魯奇乃得去。 中都,擒王彦章,莊宗壯之,賜絹千疋,拜鄭州防禦使。 |奇力戰,手殺百餘人,身被二十餘瘡,與||莊宗決圍而出。||莊宗益奇之,以爲||磁州刺史。 晉已下魏博,梁將劉鄩軍于洹水,莊宗以百騎覘敵,遇鄟伏兵,圍之數重,幾不得脫, 遷河陽節度使,爲政有惠愛。 徙鎮 從戰 魯

唐師伐荆南,以魯奇爲招討副使,無功而還。 死 車 僔 第二十 夏魯奇 姚 洪 Œ 思 同 徙鎭武信,東川董璋反,攻遂州, 三五七 魯奇閉

三五八

城拒之,旬月救兵不至,城中食盡,魯奇自刎死,年四十九〇。

○ 吳巒兵猶可戰而不戰,魯奇食靈力窮而死,故取捨異。

### 姚洪

姚洪,本梁之小校也。 自董璋爲梁將,洪嘗事璋,後事唐爲指揮使。

錄其二子,而厚卹其家。 能從人奴以生!」障怒,然鑊于前,令壯士十人刲其肉而食, 奴,掃馬糞,得一臠殘炙,感恩不已。 破閬州,執洪,璋日:「爾爲健兒,我遇汝厚,奈何負我邪?」洪駡曰:「老賊 長興中,遣洪將千人戍閬州。 董璋反,遣人以書招洪,洪得障書,輒投廁中。 今天子用爾爲節度使, 何苦反邪?吾能爲國家死, 洪至死大駡。 ! 明宗聞之泣下, 爾昔為李七郎 後璋兵攻

### 王思同

王思同,幽州人也。 其父敬柔,娶劉仁恭女,生思同。 思同事仁恭爲銀胡鞍指揮使,仁

功遷神武 恭爲其子守光所囚,思同奔晉,以爲飛勝指揮使 (三)。 一年都指揮使,累遷鄭州防禦使。 思同爲人敢勇,善騎射,好學,頗喜爲詩,輕財 梁、晉相距于幸,遣思同築壘楊劉, 以

重義

`多禮文士,然未嘗有戰功。

而却。 宗顧 列四 西京留守。 **【左右曰:「人言思同不管事,能若是邪?」於是始知其材,** 一十餘栅以禦之。居五年,來朝,明宗問以邊事,思同指畫 明宗時,以久次爲匡國軍節度使,徙鎭雄武。 敬瑭兵罷,思同徙鎭山南西道,已而復爲京兆尹、西京留守。 石敬瑭討董璋。思同爲先鋒指揮使,兵入劍門,而後軍不繼, 是時,吐蕃數爲寇,而秦州無亭障, 山川, ,以爲右武衞上將軍、京兆尹、 陳其利; 思同與璋戰,不勝 害。 思同去, 思同

鎭兵 侵弱宗室, 而朝廷信用姦人,離間骨肉,我實何罪而見伐乎?」因慟哭。 **珂所使推官郝詡等送京師。** 以通意。 「吾從先帝二十年,大小數百 圍鳳翔 應順元年二月,潞王從珂反鳳翔,馳檄四鄰, 是時,諸鎮皆懷嚮背,所得潞王書檄,雖以上聞,而不絕其使。 動搖藩方,陳己所以與兵討亂之狀。 破東西關城。 1戰, 從珂兵弱而守甚堅, 愍帝嘉其忠,即以思同爲西面行營馬步軍都部署。 甲不解體,金瘡滿身,士卒固嘗從我矣。 外兵傷死者衆, 因遺伶奴安十十以五 言姦臣幸先帝疾病, 士卒聞者,皆悲憐之。 從珂登城呼外兵而泣曰: 絃謁思同,欲因其權 賊殺秦王而立幼嗣 獨思同執十十及從 今先帝新棄天下, 三月,會諸

死

事

儜

第二十

王思

同

張敬達

主也 下。」從珂媿其言,乃殺之。漢高祖卽位,贈侍中曰。 執思同。 同挺身走,至長安,西京副留守劉遂雅閉門不納,乃走潼關。 軍入城受賞矣!何用戰邪?」士卒解甲棄仗,聲聞數里,遂皆入城降。諸鎭之兵皆潰。 虔釗攻城西, l!」乃引軍自西門入降<u>從</u>珂。 從珂責日:「罪可逃乎?」 思同日: 「非不知從王而得生, 恐終死不能見先帝於地 **督**戰甚急,士卒苦之,反兵攻虔釗,虔釗走。羽林指揮使楊思權呼曰:「潞王,吾 而思同未知,猶督戰。 嚴衞指揮使尹暉壓其衆曰:「城西 從珂引兵東,至昭應,前鋒追

♥思同東走,將自歸于天子,與元行欽走異,故予其死。

### 張敬達

東馬步軍 張敬達字志通,代州人也,小字生鐵。少以騎射事唐莊宗爲廳直軍使。 一都指 揮使,領欽州刺 史,累遷彰國、大同軍節度使,徙鎭武信、晉昌。 明宗時,爲河

随有異志,乃以敬達爲北面副總管,以分其兵。 馬步 軍都 清 泰 三年, 總管,屯于忻州,屯兵聚噪遮敬瑭呼「萬歲」, 契丹數犯 邊, 廢帝以河東節度使石敬瑭兼大同、彰國、振武、威塞等軍蕃漢 明年夏,徙敬瑭鎭天平,遂以敬達爲大同、 敬瑭斬三十餘人以止之。 廢帝疑敬

彰國、 六月,兵圍太原,敬達爲長城連栅,雲梯飛礮以攻之,所爲城栅將成,輒有大風雨水暴至以 振武、威塞等軍蕃漢馬步軍都部署, 敬瑭因此遂反。 即以敬達爲太原四面招討使。

壞之。

斬敬達降。 不忍背唐,而救兵且至,光遠促之不已,敬達曰:「諸公何相迫邪!何不殺我而降?」光遠即 唐軍。 食盡,削木篩糞以飼其馬,馬死者食之,已而馬盡。副招討使楊光遠勸敬達降晉,敬達自以 得,由是閉壁不敢復出。延壽等皆有二心,無救敬達意。 穹廬連屬如岡阜,四面亙以毛索,掛鈴爲警,縱犬往來。 相去皆百餘里。 敬達收軍栅晉安,契丹圍之。廢帝遣趙延壽、范延光等救之。延壽屯團柏谷,延光屯遼州, 使者未復命,而兵已交。敬達陣於西山,契丹以羸騎三千,革鞭木韃,人馬皆不甲冑,以趨 敬瑭曰:「吾欲今日破敵可乎?」敬瑭報曰:「大兵遠來,而賊勢方盛,要在成功,不必速也。」 敬瑭求救于契丹。 唐軍爭馳之,契丹兵走,追至汾曲,伏發,斷唐軍爲二,其在北者皆死,死者萬餘人。 契丹耶律德光聞敬達死,哀其忠,遣人收葬之曰。 契丹兵圍敬達者,自晉安寨南,長百餘里,闊五十里,敬達軍中望之,但見 九月,契丹耶律德光自鴈門入,旌旗相屬五十餘里。 敬達猶有兵五萬人、馬萬匹,久之 敬達軍中有夜出者,輒爲契丹所 德光先遣人告

本紀貴其不誅光遠而諷其殺己以降賊,故不書死而書如其志。而傳錄其死者,終嘉其不降也。然己雖不屈而諷人 死 事傳第二十 張 截 達 70 進 宗 沈 斌 三六一

降賊,故不得爲死

### 翟進宗 張萬迪附

州 刺 暴其罪而斬之。 出帝贈進宗左武衞上將軍。及光遠平,曲赦靑州, 史。 翟進宗、張萬迪者,皆不知其何人也。 楊光遠反,以騎兵百脅取二刺史至青州,萬迪聽命, 韶求進宗尸,加禮歸葬,葬事官給,以其子仁欽爲東頭供奉官。 初皆事唐,後事晉, 雖光遠子孫皆見慰釋,而獨不敖萬 而進宗獨不屈, 進宗爲淄州刺史, 光遠遂殺進 萬迪 爲

#### 沈斌

沈斌字安時,徐州下邳人也。 少爲軍卒,事梁爲拱辰都指揮使。 後事唐, 從魏王 繼岌

破蜀,平康延孝,以功爲虢州刺史,歷隨、趙等八州刺 史。

贏乏可擊, 晉 「開運元年,爲祁州刺 即以州兵邀之。 史。 契丹以精騎剗門, 契丹犯塞至于榆林, 斌兵多死, 過耐州, 城中無備 斌以謂 虜將趙延壽留兵急攻 契丹深入晉地而歸兵

之, 渡橋 戰而死。 奪橋開路,公率諸軍繼進以入鎭州,可以守也。」重威許之,遣與宋彥筠俱前,淸與虜戰, 叛襄州,從高行周攻之,逾年不能下,清謂行周曰:「從進閉孤城以自守,其勢豈得久邪?」 邦,斌能爲國死爾,不能效公所爲也!」已而城陷,斌自盡,其家屬皆沒于虜。 之,延壽招斌降,斌從城上駡延壽曰:「公父子誤計,陷于腥膻,忍以犬羊之衆,殘賊父母之 曰:「晉軍危矣!今去鎭州五里,而守死于此,營孤食盡,將若之何?請以步兵二千爲先鋒, 天 [請先登,遂攻破之。 奪其橋。 南,虜軍其北以相拒,而虜以精騎並西山出晉軍後,南擊變城,斷晉餉道。 開運二年多,從杜重威戰陽城,淸以力戰功爲步軍之最,加檢校司徒。是多,重威軍中 王清字去瑕, 年五十三。 是時,重威已有二志,猶豫不肯進,彥筠亦退走,清日:「吾獨死於此矣!」因力 洛州曲周人也。 漢高祖立,贈清太傅。 初事唐爲寧衞指揮使。後事晉爲奉國都虞候。 清謂重威 安從進

死 事

敗

### 史彥超

史彥超,雲州人也。爲人勇悍聽捷。 周太祖起魏時, 彦超爲漢龍捷都指揮使, 以兵從。

以戍兵堅守月餘,太祖遣王峻救之,旻兵解去。 太祖入立,遷虎捷都指揮使,戍于晉州。 劉旻攻晉州,州無主帥, 以功遷龍捷右廂都指揮使,領鄭州防禦使。 知州王萬敢不能拒,彥超

周、漢戰高平,彥超爲前鋒,先登陷陣,以功拜感德軍節度使印。 周兵圍漢太原,契丹救漢,出忻、代。 世宗遣符彥卿拒之,以彥超爲先鋒,戰忻口,彥超

勇憤俱發,左右馳擊,解而復合者數四,遂歿于陣。

未決, 是時,世宗敗漢高平,乘勝而進,圍城之役,諸將議不一,故久無成功。 聞彥超戰死,遽班師,倉卒之際,亡失甚衆。 世宗旣惜彥超而憤無成功, 世宗欲解去而 憂忿不食者

數日。贈彥超太師,優卹其家焉。

### 孫晟

孫晟初名鳳、又名忌,密州人也。 好學,有文辭,尤長於詩。少爲道士,居廬山簡寂宮。

唐詩人賈島像置于屋壁,晨夕事之。 簡寂宮道士惡晟,以爲妖,以杖驅出之。乃儒服

北之趙、魏,謁唐莊宗于鎭州,莊宗以晟爲著作佐郎。

重誨惡晟,以謂敎守殷反者晟也,畫其像購之,不可得,遂族其家。 天成中,朱守殷鎭汴州,辟爲判官。守殷反,伏誅,晟乃棄其妻子,亡命陳、宋之間。安

侍,號「肉臺盤」,時人多效之。 乎?」晟事界父子二十餘年,官至司空,家益富驕,每食不設几案,使衆妓各執一器,環立而 多合意,以爲右僕射, 展爲人口吃,遇人不能道寒暄,已而坐定,談辯鋒生,聽者忘倦。 晟奔于吳。 是時,李昪方篡楊氏,多招四方之士,得晟,喜其文辭,使爲敎令,由是知 與馮延巳並爲昪相。晟輕延巳爲人,常曰:「金椀玉盃 昪尤愛之,引與計議, 而盛狗屎可

諸州, 皆言 盛,壽春且危,乃曰:「願陛下寬臣五日之誅,容臣還取景表,盡獻淮北諸州。」世宗許之,遣 學士鍾謨、文理院學士李德明奉表稱臣,不答。乃遣禮部尚書王崇質副晟奉表,謨與晟等 周世宗征准,李景懼,始遣泗州牙將王知朗至徐州,奉書以求和,世宗不答。 欲盡取淮南乃止, 因留使者不遣, 願割壽、濠、泗、楚、光、海六州之地,歲貢百萬以佐軍。」而世宗已取滁、揚、濠、泗 而攻壽州益急。 謨等見世宗英武非景敵 又遺翰林 而師 甚

死 事

傳

第二十

孫

以暑 供奉 書遺重進,勸其反。 重進 與永德兩軍相疑,有隙,永德上書言重進反,世宗不聽。景知二將之相疑也,乃以蠟丸 雨 官安弘道押德明、崇質南還,而謨與晟皆見留。 班 師, 留李重進、張永德等分攻廬、壽, 周兵所得揚、泰諸州, 德明等既還,景悔,不肯割地。 皆不能守, 景兵復振 世宗亦

隣晟忠,悔殺之, 召拜 **邁**膜衛尉少卿。 景畏吾神武,願得北面稱臣,保無二心,安得此指斥之言乎?」亟召侍衞軍虞候韓通收晟下 南望而拜曰:「臣惟以死報國爾!」乃就刑。晟旣死,鍾謨亦貶耀州司馬。 獄,及其從者二百餘人皆殺之。晟臨死,世宗猶遣近臣問之,晟終不對,神色怡然,正其衣冠 怒,未有以發。會重進以景蠟丸書來上,多斥周過惡以爲言,由是發怒曰:「晟來使我, 也。 召見必飲以醇酒。已而周兵數敗,盡失所得諸州,世宗憂之,召晟問江南事,晟不對,世宗 及崇質還,而晟興鍾謨俱至京師,館于都亭驛,待之甚厚,每朝會入閣,使班東省官後, 展之奉使也, 語崇質曰:「吾行必不免, 然吾終不負永陵一抔土也。」永陵者, 孱墓 景已割江北,遂遣謨還,而景聞愚死,亦贈魯國公。 其後,世宗怒解

(1) 貞明三年

按賀德倫叛梁降晉事,本史卷三梁末帝紀、薛史卷八梁末帝紀、卷二三劉鄩傳及通

鑑卷二六九俱繫在貞明元年。

(三) 來昭 薛史卷二八莊宗紀及通鑑卷二六九作「米昭」。

(三) 飛勝指揮使 (四) 威德軍節度使 南昌、鄂本及薛史卷六五王思同傳「勝」作「腾」・ 薛史卷一一四周世宗紀及卷一二四史彦超傳俱作「華州節度使」。

死

ij 傳

第二十

# 新五代史卷三十四

## 一行傳第二十二

況世變多故,而君子道消之時乎!吾又以謂必有負材能,脩節義,而沉淪于下,泯沒而無 自古材賢有韞于中而不見于外,或窮居陋巷,委身草莽,雖顏子之行,不遇仲尼而名不彰, 隳壞,至於如此,然自古天下未嘗無人也,吾意必有絜身自負之士,嫉世遠去而不可見者。 聞者。 出於亂世,而怪當時可道者何少也,豈果無其人哉?雖曰干戈興,學校廢,而禮義衰,風俗 其父,而搢紳之士安其祿而立其朝,充然無復廉恥之色者皆是也。吾以謂自古忠臣義士多 嗚呼, 求之傳記,而亂世崩離,文字殘缺,不可復得,然僅得者四五人而已。 五代之亂極矣,傳所謂「天地閉,賢人隱」之時歟!當此之時,臣弒其君,子弒

放 《身而自得。吾得二人焉,曰鄭邀、張薦明。 勢利不屈其心,去就不違其義,吾得一人焉,曰 處乎山林而羣麋鹿,雖不足以爲中道,然與其食人之祿, 俛首而包羞,孰若無愧於心, 苟利於君,以忠獲罪,而何必自明,有至死而不言者,此古之義士也,吾得一人焉,日

迹不著,而無可紀次,獨其名氏或因見於書者,吾亦不敢沒,而其略可錄者,吾得一人焉,曰 而天理幾乎其滅矣。 温福贄。 五代之亂,君不君,臣不臣,父不父,子不子,至於兄弟、夫婦人倫之際,無不大壞, 於此之時,能以孝悌自脩於一鄉,而風行於天下者,獨或有之,然其事

### 鄭遨 張鷹明附

李自倫。

作一行傳。

乃入少室山爲道士。 唐昭宗時,舉進士不中,見天下已亂,有拂衣遠去之意,欲攜其妻、子與俱隱,其妻不從,邀 鄭遨字雲叟, 滑州白馬人也。 其妻數以書勸||邀還家,輒投之於火,後聞其妻、子卒,一慟而 唐明宗祖廟諱遨,故世行其字。 邀少好學, 敏於文辭。 咔

由 [是聞者益高其行。 邀與李振故善,振後事梁貴顯,欲以祿邀,邀不顧,後振得罪南竄,邀徒步千里往省之,

道 而 不餌,又能化石爲金,邀嘗驗其信然,而不之求也。 士李道殷、羅隱之友善,世目以爲三高士。邀種田,隱之賣藥以自給,道殷有釣魚術, 其後,邀聞華山有五粒松,脂淪入地,千歲化爲藥,能去三尸,因徙居華陰,欲求之。 節度使劉遂凝數以寶貨遺之,邀一不 鈎 與

年卒,年七十四。 唐明宗時以左拾遺、晉高祖時以諫議大夫召之,皆不起,即賜號爲逍遙先生。 天福四

形,玩于屋壁,其迹雖遠而其名愈彰,與乎石門、荷蓧之徒異矣。 數?然邀好飲酒弈棊,時時爲詩章落人間,人間多寫以縑素,相贈遺以爲寶,至或圖寫其 邀之節高矣,遭亂世不汚於榮利,至棄妻、子不顧而去,豈非與世自絕而篤愛其身者

以治天下。」高祖善之,賜號通玄先生,後不知其所終。 乎?其聲一而已。五音十二律,鼓無一焉,然和之者鼓也。夫一,萬事之本也,能守一者可 天地也。」高祖大其言,延入內殿講道德經,拜以爲師。薦明聞宮中奏時鼓,曰:「陛下聞鼓 召見,問道家可以治國乎。對曰:「道也者,妙萬物而爲言,得其極者,尸居袵席之間可以治 與邀同時張薦明者,燕人也。少以儒學遊河朔,後去爲道士,通老子、莊周之說。

#### 石昂

石昂,青州臨淄人也。 行傳第二十二 石 家有書數千卷,喜延四方之士,士無遠近,多就昂學問,食其門 昂 程 福 登

趨出。 于庭,仰責逐期日:「內侍奈何以私害公!昂姓『石』,非『右』也。」意朗大怒,拂衣起去,昂即 下者或累歲,昂未嘗有怠色。而昂不求仕進。節度使符習高其行,召以爲臨淄令。 京師,監軍楊彥朗知留後事,昂以公事至府上謁,贊者以彥朗諱「石」,更其姓曰「右」。 解官還于家,語其子曰:「吾本不欲仕亂世,果爲刑人所辱,子孫其以我爲戒! 習入朝 |昂趨

家不可以佛事汚吾先人。 昂父亦好學, 平生不喜佛說, 父死, 昂於柩前誦尚書, 日: 「此吾先人之所欲閗也。」禁其

卿。 郎王延等相與詣東上閤門,上昂行義可以應詔。詔昂至京師,召見便殿,以爲宗正丞。遷少 出帝卽位,晉政日壞,昂數上疏極諫,不聽,乃稱疾東歸,以壽終于家。。昂旣去,而晉室 晉 高祖 一時,韶天下求孝悌之士,戶部尙書王權、宗正卿石光贊、國子祭酒田敏、兵部侍

### 程福贇

出帝時,爲奉國右廂都指揮使。 程 福贇者,不知其世家。爲人沉厚寡言而有勇。少爲軍卒,以戰功累遷洺州團練使。晉 開運中,契丹入寇,出帝北征,奉國軍士乘間夜縱火焚營,

因 京師虚空,不宜以小故動搖人聽,因匿其事不以聞。 欲因以爲亂,福灣身自救火被傷,火滅而亂者不得發。 [誣福贇與亂者同謀,不然何以不奏。出帝下屆營獄,人皆以爲冤,福營終不自辨以見殺。 軍將李殷位次福贇下,利其去而代之, 福蠶以爲契丹且大至,而天子在軍,

### 李自倫

敕以所居飛鳧鄉爲孝義鄉,匡聖里爲仁和里,准式旌表門閭。 程言等稱,自倫高祖訓,訓生燦,燦生則,則生忠,忠生自倫,自倫生光厚,六世同居不妄。」 奉敕准格。按格,孝義旌表,必先加按驗,孝者復其終身,義門仍加旌表。得本州審到鄕老 李自倫者,深州人也。天福四年正月,尚書戶部奏:「深州司功參軍李自倫六世同居,

左右建臺,高一丈二尺,廣狹方正稱焉,圬以白而赤其四角,使不孝不義者見之,可以悛心 槐柳,十有五步,請如之。」敕曰:「此故事也,令式無之。其量地之宜,高其外門,門安綽楔, 鳥頭正門,閥閱一丈二尺,鳥頭二柱端冒以瓦桶,築雙闞一丈,在鳥頭之南三丈七尺,夾樹 而易行焉。」 九月丙子,戶部復奏:「前登州義門王仲昭六世同居,其旌表有聽事、步欄,前列屏, 樹

行傳

第二十二

李自偷



# 新五代史卷三十五

## 唐六臣傳第二十三

射崔遠、守太保致仕趙崇、兵部侍郎王贊、工部尚書王溥、吏部尚書陸扆皆以無罪貶, 北,掃文昌、軒轅、天市,宰相柳璨希梁王旨,歸其譴於大臣,於是左僕射裴樞獨孤損、右僕 將,不可。梁王由此大怒,曰:「吾常語。握純厚不陷浮薄,今亦爲此邪!」是歲四月,彗出 年,梁王欲以嬖吏張廷範爲太常卿,唐宰相裴樞以謂太常卿唐常以淸流爲之,廷範乃梁客 賜死于白馬驛。凡搢紳之士與唐而不與梁者,皆誣以朋黨,坐貶死者數百人,而朝廷爲之 甚哉,白馬之禍,悲夫,可爲流涕者矣!然士之生死, **豈其一身之事哉?初,唐天祐三** 同日 西

書蘇循爲副,中書侍郎、同中書門下平章事楊涉爲押傳國寶使,翰林學士、中書舍人張策 副; 明年三月,唐哀帝遜位于梁,遣中書侍郎、同中書門下平章事張文蔚爲册禮使,禮部尚 御史大夫薛貽矩爲押金寶使,尚書左丞趙光逢爲副。 四月甲子,文蔚等自上源驛奉

唐

六臣

傳第二十三

張文蔚

北 殿,進讀已,臣涉、臣策奉傳國璽,臣貽矩、臣光逢奉金寶,以次升, 册 面 舞蹈 乘輅車,導以金吾仗衞、太常鹵簿,朝梁于金祥殿。 再拜賀。 王衮冕南面,臣文蔚、臣循奉册升 進讀已,降,率文武

懦 必 能 一不肖、傾險獪猾、趨利賣國之徒也。 存唐,然必不亡唐而獨存也。 夫一太常卿與社稷孰爲重? 使樞等不死, 尚惜一卿, 其肯以國與人乎? 雖樞等之力未 嗚呼!唐之亡也,賢人君子旣與之共盡,其餘在者皆庸 不然,安能蒙恥忍辱於梁庭如此哉 !作唐六臣傳。

### 張文蔚

蔚 中書門下平章事 是時,天子微弱,制度已隳,文蔚居翰林,制詔 力講解之,朝士 張文蔚字右華,河間人也。 o 多賴以全活。 柳璨殺裴樞等七人,蔓引朝士,輒加誅殺,縉紳相視以目, 初以文行知名,舉進士及第。 四方, 獨守大體。 唐昭宗時,爲翰林 昭宗遷洛, 拜 皆不自保, 中書侍 學 士 承旨。 郞 同 文

祖 北巡、留文蔚西都,以暴疾卒、贈右僕射。 梁太祖立,仍以文蔚爲相, 梁初制度皆文蔚所裁定。 文蔚居家亦孝悌。

### 楊涉

等。」唐亡,事梁爲門下侍郎、同中書門下平章事,在位三年,俛首無所施爲,罷爲左僕射,知 貢舉,後數年卒。 之亂。拜相之日,與家人相對泣下,顧謂其子凝式曰:「吾不能脫此網羅,禍將至矣,必累爾 哀帝即位,拜中書侍郎、同中書門下平章事。涉,唐名家,世守禮法,而性特謹厚,不幸遭唐 楊涉、祖收、唐懿宗時宰相;父嚴口、官至兵部侍郎。 涉舉進士,昭宗時爲吏部尚書。

子凝式,有文詞,善筆札,歷事梁、唐、晉、漢、周,常以心疾致仕,居于洛陽,官至太子太

保。

### 張策

居洛陽敦化里,浚井得古鼎,銘曰:「魏黃初元年春二月,匠吉千。」同以爲奇,策時年十三, 張策字少逸,河西燉煌人也。 父同,爲唐容管經略使。 策少聰悟好學,通章句。 父同,

唐

六臣傳

第二十

=

楊沙

張策

趙光隆

三七七

居同 |初元年無二月也,銘何謬邪?」|同大驚異之。 ·側,啓日:「漢建安二十五年,曹公薨,改元延康。 是歲十月,文帝受禪,又改黃初,是黃

工部侍 亂, 部尙書,致仕,卒于洛陽。 喜曰:「張夫子至矣。」遂留以爲掌書記,薦之于朝,累拜中書舍人、翰林學士。 入唐爲膳部員外郎。 婢肩興其母東歸,行積雪中,行者憐之。梁太祖兼四鎭,辟鄭、滑支使,以母喪解職。 居田里十餘年。召拜廣文館博士。邠州王行瑜辟觀察支使。晉王李克用攻行瑜,策與 策少好浮圖之說,乃落髮爲僧,居長安慈恩寺。 郎奉旨。開平二年, 華州韓建辟判官,建徙許州,以爲掌書記,建遣策聘于太祖,太祖見而 拜刑部侍郎、同中書門下平章事, 黃巢犯長安,策乃返初服,奉父母以避 遷中書侍郎。 以風恙罷爲刑 太祖卽位,遷 服除

### 趙光逢

趙 昭宗時爲翰林學士 光逢字延吉,父隱,唐左僕射。 一承旨、御史中丞,以世 光逢在唐以文行 亂棄官 ()居洛陽,杜門絕人事者五六年。 .知名,時人稱其方直温潤, 謂 之「玉 柳

| 樂為

相

與光逢有舊恩,起光逢爲吏部侍郎、太常卿

位, 起爲司空、同中書門下平章事,復以司徒致仕。 唐亡,事梁爲中書侍郎、 同中書門下平章事, 累遷左僕射, 唐天成 中, 以太子太保致仕。 即其家拜太保,封齊國公, 末帝卽

### 薛貽矩

卒,贈太傅。

太祖 誅官 臣 拜吏部尙書,遷御史大夫。 一平章事 百拜舞 揖之升階,貽矩 者,貽矩時爲中尉韓全誨 薛貽矩字熙用, 大太祖側 ,累拜司空。 身以避之。 曰:「殿下功德及人,三靈改卜,皇帝方行舜、禹之事,臣安敢違? 河東聞喜人也,仕唐爲兵部侍郎、翰林學士承旨。 贻矩爲|梁相五年,卒,贈侍中。 胎矩還,<u>逐趣哀帝遜位</u>。 天祐三年,太祖自長蘆還軍,哀帝遣貽矩來勞, 等作畫像贊,坐左遷 **貽矩乃自結於梁太祖,太祖** 太祖卽位,拜貽矩中書侍郎、同中書門 昭宗自岐還長安, 貽矩 以臣禮見, 言之於朝, 」乃稱

### 蘇循 杜曉附

加 梁兵 蘇 昭宗, 攻楊行密, Ĭ 知 哀帝,唐之舊臣皆憤 何 許 大敗于 人 也。 | 澳河, 爲 人 Ý 太祖 佞, 惋 躁忿, 阿諛 切 齒 以無廉恥 或 急於禪 優首 惟利 長禍 代, 欲邀 是 或 趨 去 0 唐九錫, 示 事 住, 唐 爲 翠臣 而 禮 循 部 莫敢 特 尙 附會 計 當 梁以希 其 是 進 太

循

倡

梁王

一功德,

天命

所

歸

宜

卽

受禪

一明年

-,梁太祖

刨

付

循

爲

册

禮

副

使。

昭宗 範 固 前 出 之 本 於 有 謂 皇 梁 梁 司 循 帝 恭 客 諡 有 楷 將 先 日 亂 爲 恭 掌掌 |楷 帝 而 日昭 起 靈 乾 求 不 居 莊 損之謂 、太常卿 寧中 郎 閔 皇帝 , 名 興 舉 實 柳 靈 不 進 廟號 一,武 得 璨 不 土 者 稱 及第 張 面 襄宗。」 广、公爲 廷 不 廷 昭宗 - 遂之謂 範 範 亦以 等相 太常 遣 鄭, 結, 莊, 學士 此 怨唐, 在國 子 因謂 一陸展覆 史 文官也,一 逢 因 廷範 難 下 落之, 之謂 楷 日:「夫 不 疏 可 楷常 閔, 廷範 以 諡 不 因 慚 者 ·言。」乃上 廷 事 恨 ٠, 範 有 所 議 功 以 及 之謂 易名 昭宗 疏 臣 駁 襄, 遇弑 而 聞 貴 請 執 信 改 唐 事 而 也 諡 堅 政 廷

造, 於 者。 河 臣 宜得 中。 惕 梁太 循 父 涉 端 **子**皆自 其 祖 張 土以 後 已即 文蔚等皆慚 友謙叛梁降晉, 厚風 以附會梁得所 位 置 俗 酒玄 循 懼 父子 一德殿 俯 伏 皆 託 晉王將卽位,求唐故臣 不 無 顧羣 能 旦夕引 行, 對 臣自 不可 獨 首 循 陳 立 與張 徳薄 希 於 新 見 禕 不 朝。」 進 在者, 足以當 用 薛 貽 於是父子 敬翔 矩 以備 天命, 盛 尤 稱 惡之, 百官之闕, 皆 梁王 皆諸 勒 歸 功 謂 公推 德, H 太 里 祖 友謙遺循 所 越 泛力。 乃 日 以 依 順 朱 梁 天 至魏 友謙 應 唐 室

日又獻「畫日筆」三十管,晉王益喜,因以循爲節度副使。已而病卒。 循始至魏州,望州廨聽事即拜,謂之「拜殿」。及入謁,蹈舞呼萬歲而稱臣,晉王大悅。明 楷,同光中爲尚書員外郎。明宗卽位,大臣欲理其駁諡之罪,以憂死。 是時梁未滅, 晉諸將相多不欲晉王卽帝位。 晉王之意雖銳, 將相大臣未有贊成其議 莊宗卽位, 贈左僕射。

等討賊,兵大掠,曉爲亂兵所殺,赠右僕射。 **嶢日:「嵇康死,子紹自廢不出仕,山濤以物理責之,乃仕。吾子忍令杜氏歲時鋪席祭其先** 十餘年。 貞兵犯京師,昭宗殺讓能於臨皋以自解。曉以父死無罪,居喪哀毀;服除,布衣幅巾,自廢 開平二年,拜中書侍郎、同中書門下平章事。 人同匹庶乎?」曉乃爲之起。累遷膳部郎中、翰林學士。梁太祖卽位,遷工部侍郎奉旨。 當唐之亡也,又有杜曉者,字明遠。 崔胤判鹽鐵,辟巡官,除畿縣尉,直昭文館,皆不起。崔遠判戶部,又辟巡官,或謂 祖審權,父讓能,皆爲唐相。 友珪立,遷禮部尚書、集賢殿大學士。 昭宗時,王行瑜、李茂 **袁象先** 

嗚呼,始爲朋黨之論者誰歟?甚乎作俑者也,眞可謂不仁之人哉!予嘗至繁城讀魏受 唐 六 臣 傳 第二十 == 蘇 循

漢、唐之末,舉其朝皆小人也,而其君子者何在哉!當漢之亡也,先以朋黨禁錮天下賢人君 子,而立其朝者,皆小人也,然後漢從而亡。及唐之亡也,又先以朋黨盡殺朝廷之士,而其 等所爲如此,未嘗不爲之流涕也。夫以國予人而自夸耀,及遂相之,此非小人,孰能爲也? 餘存者,皆庸懦不肖傾險之人也,然後唐從而亡。 見漢之羣臣稱魏功徳,而大書深刻,自列其姓名,以夸耀于世。 又讀梁實錄,見文蔚

譽則 倀 于下矣,見善不敢薦,則人主之目 朋黨罪之,則無免者矣。 親戚故舊,謂之朋黨可也;交游執友,謂之朋黨可也;宦學相同,謂之朋黨可也;門生故 者,有不可誣者,不能遍及也。至欲舉天下之善,求其類而盡去之,惟指以爲朋黨耳。故其 K然誰與之圖治安之計哉?故曰:欲孤人主之勢而蔽其耳目者,必用朋黨之說也。 ·羣小人雖衆,必有所忌,而有所不敢爲,惟空國而無君子,然後小人得肆志於無所不爲, 謂之朋黨可也。 《謂之朋黨,得善者必相薦引,薦引則謂之朋黨,使人聞善不敢稱譽,人主之耳不聞有善 夫欲空人之國而去其君子者,必進朋黨之說;欲孤人主之勢而蔽其耳目者,必進**朋**黨 是數者,皆其類也,皆善人也。故曰:欲空人之國而去其君子者,惟以 夫善善之相樂,以其類同,此自然之理也。 不得見善人矣。 善人日遠,而 小人日進,則爲 故聞善者必相稱譽,稱 人主者,倀 有可誣

唐大臣傳第二十三 校勘記

則漢魏、唐梁之際是也。 故曰:可奪國而予人者,由其國無君子, 空國而無君子,由以朋黨

而去之也。

嗚呼,朋黨之說,人主可不察哉!

傳曰「一言可以喪邦」者,其是之謂與!可不鑒哉!可不戒哉!

校勘記

(1) 楊涉祖收唐懿宗時宰相父嚴 舊唐書卷一七七楊收傳、新唐書卷七一下宰相世系表及卷一八四

楊收傳俱記楊遺直生發、假(太平廣記卷一五五楊收條作「嘏」)、收、嚴四子,嚴子涉、注。 

**預言卷一二楊收條合。是收與嚴乃兄弟,于涉爲從父,此云「涉祖」誤。** 

# 新五代史卷三十六

# 義兒傳第二十四

作義兒傳口。 矣,其可紀者九人,其一是爲明宗,其次曰嗣昭、嗣本、嗣恩、存信、存孝、存進、存璋、存賢。 往往養以爲兒,號「義兒軍」,至其有天下, 豈非因時之隙,以利合而相資者邪!唐自號沙陀,起代北,其所與俱皆一時雄傑虣武之士, 五 一十年間,天下五代而實八姓,其三出於丐養。蓋其大者取天下,其次立功名、位將相, 嗚呼!世道衰,人倫壞,而親疏之理反其常,干戈起於骨肉,異類合爲父子。 , 多用以成功業, 及其亡也亦由焉。 太祖養子多 開平、顯

○李存審,后復以符氏大顯,故別自爲傳。

## 李嗣昭

異 涌 後更名嗣 召其 嗣 昭 父 昭 問 本 .焉。父言家適 姓 嗣 韓 昭爲 氏 汾州 人短 太谷縣民家 生兒 小,而 太祖 膽勇過人。 因遺以 子 巾 金 太祖 初 帛 喜嗜酒, 而 出 取之,命其弟克柔養 殲、至 太祖嘗微戒之,遂終身不 其 家, 見其 林 H 以 爲 鬱 子 鬱 有 初名 氣 進

祖

愛其謹

厚,常從

用兵,爲衙內指

揮

使。

慶爲梁所敗,太祖酖殺君慶,嗣昭攻克之。三年,出山東,取梁洺州,梁太祖自將攻之,遣葛 之, 嗣 昭 ,嗣昭與會戰含山,執其將一人,斬首三千級,遂取澤州。 又敗之于胡壁堡,執其將一人。光化元年,澤州李罕之襲潞州以降梁,梁遣丁會應罕 陝州 王珙與其兄珂爭立於河中, 遣 嗣 昭 助 河, 敗珙於猗氏, 二年,晉遣李君慶攻梁路州, 獲其將三人。 梁軍 救

入于梁。 昭 昭 陰 梁 從周設伏於青山口。 乘間 等敗走,友寧追之,晉遣李存信率兵迎嗣昭,存信 地、取慈州、降其刺史唐禮。 兵,會大雨,梁軍解去。晉汾州刺史李瑭叛降梁軍,梁軍已去,嗣昭復取汾州,斬 天復元年,梁破河中,執王珂,取晉、絳、慈、隰,因大舉擊晉,圍太原。嗣昭日以精騎出 [攻梁晉、絳,戰平陽,執梁將一人。 進攻蒲縣。 梁朱 太祖大恐,謀走雲州, 嗣昭聞梁太祖自來,棄城走,前遇伏兵,因大敗 李存信等勸太祖奔于契丹,嗣昭力爭以爲不可,賴劉太妃 又取濕州,降其刺史張瓌。 豆敗。 友寧、氏叔踪以兵十萬迎擊之, 梁軍 是歲, · 遂圍太原,而慈、隰、汾州 梁軍西犯京師, 圍 塘。 鳳 翔 逐出

言之,乃止。 而附梁。 晉外失大國之援,內亡諸州,仍歲之間,孤城被圍者再。 嗣昭晝夜出奇兵擊梁軍,梁軍解去,嗣昭復取汾、慈、隰。 於此時,嗣昭力戰之功爲 是時,鎭、定皆已絕晉

轉擊 李 於山 之?宜以精騎撓之,因其勞乏,可以勝也。」莊宗然之。是時, 欲收兵還臨濮, 萬 攻破夾城。 紹 攻略,築夾城以圍之。 宏代之。 西,晉軍從上急擊,大敗之。於是晉城德勝矣。 山 天祐三年,與周德威攻梁潞州,降丁會,以嗣昭爲昭義軍節度使。 北 ,而自以銀槍軍趨而呼曰:「今日之戰, 嗣昭完緝兵民,撫養甚有恩意。 嗣昭將去,幽州人皆號哭閉關遮留之,嗣昭夜遯,乃得去。 嗣昭日:「梁軍已勝, 梁太祖嘗遺人招降嗣昭,嗣昭斬其使者,閉城拒守, 旦暮思歸。吾若收軍,使彼休息,整而復出, 梁、晉戰胡柳, 得山者勝! 周德威死,嗣昭權知 晉軍敗, 周德威戰死。 梁軍已登無石山,莊宗遣嗣 梁遣李思安將兵十 幽州 踰年, 莊宗始 梁軍遽下 居數月,以 莊宗懼, 何以當 ', 陣 昭

拔矢于腦 以奇兵擊之,鎖 出 是時,晉遣閻寶攻張文禮於鎭州,寶爲鎭人所敗,乃以嗣昭代之。 九年,從莊宗擊契丹於望都,莊宗爲契丹圍之數十重,嗣昭以三百騎決圍,取莊宗以 小射殺 軍且 人,還營而 一盡,餘三人匿破垣中,嗣昭馳馬射之,反爲賊射中腦, 卒。 鎭兵出掠 嗣昭顧箙中矢盡, 九門,嗣昭

\*\*

兒

傳

第

+

pu

李嗣

昭

機網 以事 事泄,斬于天津橋。 宦官、伶人求歸 貸。」由是莊宗釋繼韜。 長復何爲乎? 絕,楊氏之積, 聽。 以見天子? 語趣 因 繼韜初無惡意 间 繼韜母楊 將走契丹,會赦至,乃已,因隨其母朝于京師,繼遠諫曰:「兄爲臣子,以反爲名,復何面 之,繼韜乃遺其弟繼遠 以爲 召 嗣 監 昭 軍張居翰、節度判官任圜。 昭 諸 且潞城堅而 義 子 ,蓋有助 氏, 軍 至是因丼誅之。 為爲姦 鎭, 繼 一留後。 儔 善畜財, 莊宗不許。 其二子嘗爲質于梁,莊宗破梁得之,撫其背曰:「爾幼, 長 焉 人所悞耳。」楊夫人亦以賂謁劉皇后, 嘗從獵, 而懦 倉廩實,不如閉 繼韜 至是,乃齎銀數十萬兩至京師,厚賂宦官、伶人,宦官、伶人皆言 平生居積行販, 至貲百萬。 入梁,梁末帝卽拜繼韜同中書門下平章事 委其政 其弟繼韜囚之以自立, 龍倖無間。 繼韜 卽遺 於魏琢、申蒙,琢等常教繼韜反,繼韜 陰使人告繼遠, 入斬 **琢等以謂莊宗召居翰等問繼韜** 城坐食積栗, 繼遠 李存渥 以繼儔 无 莊宗方與梁兵相持河上, 令起變於軍中,冀天子遣已往安緝之, 切齒,數詆責之,繼韜懷不自安, 以 知路州 當嗣 延 一歲月, 劉皇后爲言:「嗣昭功臣, 昭爲梁 事 愈於往 圍以夾城 事 而就 繼韜且 居數月,莊宗 未決。 **猶能佐其父**反 **戮也。」繼韜** 彌 不 見誅, 年, 眼究其 莊宗 軍用乏 宜蒙恩 滅梁 在 復略

7. ,誅死,而大兄不仁,利其貲財,淫其妻妾,吾所不忍也!」乃服緀麻,引數百騎坐戟門,使 召繼儔 還京師 繼儔 悉取繼韜妓妾 **公珍翫** mi 不 時即 路。 其弟繼達怒曰:「吾兄父

人入殺繼信。 節度副使李繼珂募市人千餘攻繼達,繼達走城外,自剄死。

中卒。 爲援,契丹求路,高祖貸于繼忠以取足。 見殺,惟一子繼忠僅免。繼忠家于晉陽,楊氏所積餘貲猶鉅萬,晉高祖自太原起兵,召契丹 嗣昭七子。至明宗時,子繼能坐答殺其母主藏婢,婢家告變,言繼能反,與其弟繼襲皆 楊氏平生積產,嗣昭父子三人賴之。 高祖入立,甚德之,以爲沂、棣、單三州刺史, 開運

### 嗣本

汗。 爲子。 蔚州 破陽陰。從莊宗破路州夾城。 一嗣本戰歿。 天祐十三年,從莊宗擊劉鄩於故元城,下洛、磁諸州,六月,還軍振武。 嗣本,本姓張氏,鴈門人也。 從擊居庸關,以功遷義兒軍使。 累以戰功遷代州刺史、雲州防禦使、振武節度使,號威信 世爲銅冶鎭將。 從破王行瑜,遷威遠軍使。 嗣本少事太祖,太祖愛之,賜以姓名, 從攻羅弘信, 契丹入代北,攻 以先鋒兵 町

#### 嗣恩

原。 劉鄭攻太原,兵趣樂平,嗣恩從後追之,自佗道先入太原以守。鄭兵去,嗣恩亦以兵會莊宗 中,與梁兵力戰,稍中其口,戰不已。遷遼州刺史。從莊宗入魏,遷天雄軍馬步都指揮使。 于魏,從戰于幸。 使,賜姓名,以爲子。從敗康懷英於河西,遷左廂馬軍都指揮使。從李嗣昭援朱友謙於河 追贈太尉。 嗣恩,本姓駱,吐谷渾部人也。少事太祖,能騎射,爲鐵林軍將, 遷代州刺史、石嶺關已北都知兵馬使、振武節度使。 稍以戰功遷突陣指揮 天祐十五年,卒于太

#### 存信

孝俱爲養子,材勇不及存孝,而存信不爲之下,由是交惡,存孝所爲,存信每沮激之,存孝卒 從太祖起代北,入關破黃巢,累以功爲馬步軍都指揮使,遂賜姓名,以爲子。 存信,本姓張氏,其父君政,回鶻李思忠之部人也。 存信少善騎射,能四 『夷語,『 存信與存 通六蕃

所擊,存信敗,亡太祖子落落。 日吾醉,公不能爲我戰邪?古人三敗,公已二矣。」將殺之,存信叩頭謝罪而免。 得罪死。 而存信數從征伐,以功領郴州刺史。太祖遣將兵救朱宣,存信屯于莘縣,爲羅弘信 後從太祖討劉仁恭,大敗于安塞。 太祖大怒,顧存信日:「昨 由是大懼,

### 存孝

常稱疾,天復二年卒,年四十一。

存孝,代州飛狐人也。 本姓安,名敬思。 太祖掠地代北得之、給事帳中,賜姓名, 以爲

子,常從爲騎將。

嘗不在兵間。 方立死,晉取三州,存孝功爲多。 行, 存孝大敗, 安休休被執。是時, 晉已得澤、潞,歲出山東,與孟方立爭邢、洺、磁, 存孝未 休休等以兵七千助罕之還擊河陽。 文德元年,河南張言襲破河陽,李罕之來歸晉,晉處罕之于澤州,遣存孝與薛阿檀、安 梁亦遣丁會、 牛存節等助<u>言。</u>戰于温縣, 梁軍先扼太

梁軍呼罕之日:「公常恃太原以爲命,今上黨已歸唐,唐兵大集,圍太原,沙陀將無穴以自 明年,路州軍亂,殺李克恭以歸唐,梁遣李讜攻李罕之于澤州,存孝以騎兵五千救之。

羲

|孝 信、 州 以 還 食 文音州 以待 変 軍 路 百 阿檀 可令 騎 州 伏 等當 肥者 濬 聞 人長子 唐以 恃 兵 揆見執、皆棄 m 、出戰, 濬, 围 ,西崖 孫揆爲潞州節度使,揆儒者,以梁卒三千爲衞,褒衣大蓋,擁節 不降乎? 鬭 ,別遭 容間, 輒 」梁驍將鄧季筠 存孝 復 敗 去, 」存孝以精騎五百 同揆軍過,横擊斷之,擒揆以歸。 軍于趙城。 晉遂復取路州。 因閉壁不 引軍出 敢出。存孝去, 唐 軍 ٠, 一戰敗于 戦 繞梁栅而呼曰:「我沙陀之求穴者, 是時, ,存孝舞稍擒之,李讜敗走,追擊至馬 陰地關,潛 張濬、韓建伐晉, 攻絳州 濬、建 初, 退保晉州 梁遣 皆 擊陰 走 葛從周、朱崇節 韓 地關 建 走 先 待 晉 以 爾 牢 守路 李存 肉以 存

塹不 去。 孝 反 攻 下 议 艄 負 加 自歸 -得成。 兵 常常 其 存孝 存孝 派 分 111 干 萬 素與 沒臂善射 初, 唐 存 不 裨將 袁奉韜使人說 存孝曰:「公所畏者晉王爾 助 存孝 孝 食 存 晉 因 常爲先鋒 者 語 擊 信 數 取 存 有 會兵以 路州 身被 日。 隙 孝 <del>;</del> 下 存信 重鎧 功爲 及走張濬 父伐晉 存孝 趙 譖 多 一、秦弓 嬰城 臨城 之日:「存孝 唐命 而 遷邠州 坐稍 自 太祖 元氏。 守, 趙王 別以 太祖 手 王鎔援之。 刺 有 舞鐵檛,出 趙 大將 史。 自 三心, 王 1將兵 求 康 大 次救於 順 常避 君 傅其 明 立 入 火幽州 八陣中 年, 年, 爲 趙 城 王俟塹成,且留 路州 不擊。」存孝 徙那 李 趙 掘 以 與幽州 崖 留後, 塹 威 州 兩騎 以 留 圍 匡 後。 存孝 自 有隙 之, 亦 威 從 自 兵至 存孝 兵去, 諸將非公 爲 是 安 戰 汾州 懼 時 酣 出 而 晉 晉 乃 易騎 興晉 兵 刺 附 軍 軍 衝 史 梁通 軱 連 撃, 一歲 存 引

縛載後車,至太原,車裂之以徇。然太祖惜其材,悵然恨諸將之不能容也,爲之不視事者十 功而無過,所以至此,由存信爲之耳!」太祖叱曰:「爾爲書檄,罪我百端,亦存信爲之邪?」 言而死。」太祖哀之,遺劉夫人入城慰諭之,劉夫人引與俱來,存孝泥首請罪曰:「兒於晉有 盡,登城呼曰:「兒蒙王恩,位至將相,豈欲捨父子而附仇讎,乃存信構陷之耳。 敵也,雖塹何爲?」存孝以爲然,縱兵成塹。塹成,深溝高壘,不可近,存孝遂窘。 願生見王一 城中食

殺之。 宗時,逐段文楚,與太祖俱起雲中,蓋君立首事。 諸將博,語及存孝,流涕不已,君立以爲不然,太祖怒,酖殺君立。 康君立素與存信相善,方二人之交惡也,君立每左右存信以傾之。存孝已死,太祖 其後累立戰功,表昭義節度使,以存孝故 君立初爲雲州牙將,唐僖 興

餘日。

### 存進

存進,振武人也,本姓孫,名重進。 太祖攻破朔州得之,賜以姓名, 養爲子。 從太祖入

關破黃巢、以爲義兒軍使。

竷

見傳第二十四

存 進

存章

遷振 都 部署 武 從莊宗戰柏鄉,遷行營馬步軍都虞候,歷慈、沁二州刺史。 治梁 軍節度使。 是時,晉軍德勝,爲南北寨,每以舟兵來往,頗以爲勞,而河北無竹石,存 一切以法,人有犯者,輒梟首磔尸於市,魏 大喜,解衣以賜之。 人屏息畏之。 莊宗初得魏博,以爲天雄 從戰河上,以功 軍

討 兵千餘逼存進 使, 晉 軍于東垣渡。 討張文禮於鎭州, 一棚,存進出戰橋上,殺處球兵殆盡,而 東垣 土惡,築壘不 久不克, 而史建瑭、閻寶、李嗣昭相次戰歿,乃以存進代嗣昭爲招 能就,存進伐木爲 存進亦歿于陣。 柳。 晉軍晨出獨牧,文禮 追贈太尉 子處球以

進乃以葦笮維

大艦

爲浮梁。

莊宗

年七十餘,卒于蜀。 唐軍皆降于從珂 子 漢韶 明宗時復本姓, 獨漢韶與虔釗軍不降, 爲洋州節度使。 俱奔于蜀。 路王從珂以鳳翔 事出 反, 歷永平、興元、武信節度使。 漢韶與張虔釗會唐軍討

#### 存璋

璋與張承業等受顧命,立莊宗爲晉王, 存璋字德璜 ,初與康君立、薛志勤等從太祖入關,破黃巢, 晉王以存璋爲河東馬步軍使。 累遷義 兒軍使。 晉自先王時, 太祖 病革,存 嘗優假

戰柏鄉 軍上,軍士多犯法踰禁,莊宗新立,尤患之,存璋一切繩之以法,境內爲之淸肅。 入太原距守,以功遷大同軍防禦使,遂爲節度使。 以功遷汾州刺史。 莊宗與劉鄩戰於魏博、梁遣王檀來、乘虛襲太原、存璋以汾州兵 天祐十九年以疾卒。 追贈太尉。 從攻夾城

#### 存賢

養爲子。 自距守,卒不能近。遷武州刺史、山北團練使,又遷慈州。 而寓居。至存賢爲刺史,曰:「徙城避敵,豈勇者所爲?」乃復城故州。 存賢,許州人也,本姓王名賢。少爲軍卒,善角觝,太祖擊黃巢于陳州,得之,賜以姓名, 後爲義兒軍副兵馬使,遷沁州刺史。先時,沁州當敵衝,徙其南百餘里,據險立栅 梁兵屢攻之,存賢力

中食少,人心多貳,諜者因謂存賢曰:「河中人欲殺子以歸梁,宜亟去。」存賢曰:「死王事,吾 天祐十八年,梁兵攻朱友謙于河中,莊宗遣存賢援友謙。 復何恨哉!」卒擊走梁兵。 是時,友謙新叛梁歸晉,而河

賢曰:「爾能勝我,與爾一鎭。」存賢博而勝之。同光二年春,幽州符存審病,莊宗置酒宮中, 莊宗卽位,拜右武衞上將軍。莊宗亦好角觝,嘗與王較而屢勝〔〕,頗以自矜,因顧存

三九六

歎曰:「吾創業故人,零落殆盡,其所存者惟存審耳!今又病篤,北方之事誰可代之?」 因顧 存賢曰:「無以易卿。 角觝之勝,吾不食言。」卽日以爲盧龍軍節度使。 是歲,卒于幽州,

### 校勘記

六十五。贈太傅。

(1) 嘗與王較而屢勝 定。 處直傳,王郁與王都爲兄弟,一爲庶子,一爲養子。此處「王」下顯有脫字,然爲郁爲都,不能確 五代史纂誤續補卷三有考辨,可參。 他本「王」下有「都」字,薛史卷五三李存賢傅「都」作「郁」。按本史卷三九王

# 新五代史卷三十七

## 伶官傳第二十五

滅,爲天下笑。夫禍患常積於忽微,而智勇多困於所溺,豈獨伶人也哉!作伶官傳。 然之理也。故方其盛也,舉天下之豪傑莫能與之爭,及其衰也,數十伶人困之,而身死國 本其成敗之迹而皆自於人歟?書曰:「滿招損,謙得益。」憂勞可以興國,逸豫可以亡身,自 散,君臣相顧,不知所歸,至於誓天斷髮,泣下沾襟,何其衰也!豈得之難而失之易歟?抑 盛,可謂壯哉!及仇讎已滅,天下已定,一夫夜呼,亂者四應,蒼皇東出,未及見賊而士卒離 旋而納之。方其係燕父子以組,函梁君臣之首,入于太廟,還矢先王而告以成功,其意氣之 宗受而藏之于廟。 其後用兵,則遣從事以一少牢告廟,請其矢,盛以錦囊,負而前驅,及凱 與吾約爲兄弟,而皆背晉以歸梁。此三者,吾遺恨也。與爾三矢,爾其無忘乃父之志!」莊 以知之矣。世言晉王之將終也,以三矢賜莊宗而告之曰:「梁,吾仇也;燕王吾所立,契丹 嗚呼,盛衰之理,雖日天命,豈非人事哉!原莊宗之所以得天下,與其所以失之者,可

绵

也。其小字亞子,當時人或謂之亞次。 莊宗旣好俳優,又知音,能度曲,至今汾、晉之俗,往往能歌其聲,謂之「御製」者皆是 又別爲優名以自目,日李天下。自其爲王,至於爲天

子,常身與俳優雜戲于庭,伶人由此用事,遂至於亡。

內,日:「劉山人來省女。」劉氏大怒,答繼岌而逐之。宮中以爲笑樂。 世家,而特諱其事。莊宗乃爲劉叟衣服,自負蓍囊藥笈,使其子繼岌提破帽而隨之,造其臥 皇后劉氏素微,其父劉叟,賣藥善卜,號劉山人。劉氏性悍,方與諸姬爭寵,常自恥其

下者,皆英豪忠勇之士。今大功始就,封賞未及於一人,而先以伶人爲刺史,恐失天下心。 德源之力也。願乞二州以報此兩人。」莊宗皆許以爲刺史。郭崇韜諫曰:「陛下所與共取天 賜以金帛,勞其良苦。周匝對曰:「身陷仇人,而得不死以生者,敎坊使陳俊、內園栽接使儲 其戰於胡柳也,嬖伶周匝爲梁人所得。其後滅梁入汴,周匝謁於馬前,莊宗得之喜甚, 一」因格♡ 其命。踰年,而伶人屢以爲言,莊宗謂崇韜曰:「吾已許周匝矣,使吾慚見此 公言雖正,然當爲我屈意行之。」卒以俊爲景州刺史、德源爲憲州刺史。

當死!」因前請亟行刑,諸伶共唱和之,莊宗大笑,縣令乃得冤去。 子好獵邪?奈何縱民稼穡以供稅賦 伶人敬新磨知其不可,乃率諸伶走追縣令,擒至馬前責之曰:「汝爲縣令, 莊宗好畋獵,獵于中产,踐民川。 !何不饑汝縣民而空此地, 中牟縣令當馬切諫,爲民請,莊宗怒,叱縣令去,將殺 以備吾天子之馳騁?汝罪 獨不知吾天

莊宗失色,左右皆恐,羣伶亦大驚駭,共持新磨詰曰:「汝奈何批天子頰?」新磨對曰:「李天 下者,一人而已,復誰呼邪!」於是左右皆笑,莊宗大喜,賜與新磨甚厚。 莊宗嘗與羣優戲于庭,四顧而呼曰:「李天下,李天下何在?」新磨遽前以手批其頻。

磨急呼曰:「陛下無殺臣!臣與陛下爲一體,殺之不祥!」莊宗大驚,問其故,對曰:「陛下開 **囓人!」莊宗家世夷狄,夷狄之人諱狗,故新磨以此譏之。莊宗大怒,彎弓注矢將射之,新** 國,改元同光,天下皆謂陛下同光帝。 新磨嘗奏事殿中,殿中多惡犬,新磨去,一犬起逐之,新磨倚柱而呼曰:「陛下毋縱兒女 且同,銅也,若殺敬新磨,則同無光矣。」莊宗大笑,乃

然時諸伶,獨新磨尤善俳,其語最著,而不聞其佗過惡。 其敗政亂國者,有景進、史彥

瓊、郭門高三人爲最。

藩鎭 中,左右皆屛退,軍機國政皆與參決,三司使孔謙兄事之,呼爲「八哥」。 ,貨賂交行,而景進最居中用事。 是時, 諸伶人出入宮掖,侮弄縉紳,羣臣憤嫉,莫敢出氣,或反相附託,以希恩倖, 莊宗遣進等出訪民間,事無大小皆以聞。每進奏事殿 四方

|宗還洛, |鄴,乃遣進等採||鄴美女千人,以充後宮。而||進等緣以爲姦,軍士妻女因而逃逸者數千人。 問所以禳之者,因曰:「故唐時,後宮萬人,今空宮多怪,當實以人乃息。」莊宗欣然。 莊宗初入洛,居唐故宮室,而嬪御未備。 進載鄰女千人以從,道路相屬,男女無別。 閹宦希旨,多言宮中夜見鬼物,相驚恐, 其後幸 莊宗

之,天下不勝其冤。 囚 伶 人由 殺之。 進乃讒 魏 此皆樂其死。 Ī |繼岌已破蜀,劉皇后聽宦者讒言,遺繼岌賊殺郭崇韜。 崇韜素嫉伶人,常裁抑之, 朱友謙, 友謙曰:「崇韜且誅,友謙不自安,必反,宜丼誅之。」於是及其將五六人皆族滅 進,官至銀青光祿大夫、檢校左散騎常侍兼御史大夫,上柱國 以梁河中降晉者,及莊宗入洛,伶人皆求路於友謙, 皇弟存义,崇韜之壻也, ,進讒於莊宗曰:「存义且反,爲婦翁報仇。」乃 友謙 不能給 而辭

史意瓊者,爲武德使,居鄰都,而魏博六州之政皆決彥瓊, 白留守王正言而下, 皆俛首

**彥瓊以兵登北門,聞賊呼聲,大恐,棄其兵而走,單騎歸于京師。** 貝州 叛亂者,由彥瓊啓而縱之也。 都巡檢使孫鐸,見彥瓊求兵禦賊,彥瓊不肯與,曰:「賊未至,至而給兵豈晚邪? 友謙 夜馳出,因驚傳曰:「劉皇后怒崇韜之殺繼岌也,已弑帝而自立,急召彥瓊計事。」鄴都大恐。 承事之。 景韜殺魏王繼岌而自王於蜀矣,以故族其家。」鄴人聞之,方疑惑。 人有來鄰者,傳此語以歸。戍卒皇甫暉聞之,由此劫趙在禮作亂。 子廷徽爲澶州刺史(11)有詔彥瓊使殺之,彥瓊祕其事,夜半馳出城。 是時,郭崇韜以無罪見殺于蜀,天下未知其死也,第見京師殺其諸子,因相傳曰: 在禮由是得入于鄴以成其 已而,朱友謙又見殺。 在禮 **鄴人見彦瓊無故** 已至館陶, 」已而賊至,

温故,俟破鄴,盡阬爾曹。」軍士信之,皆欲爲亂。 見囚 而 事覺被誅。 馬直 !激其軍士曰:「罄爾之貲,食肉而飮酒,無爲後日計也。」軍士問其故,從謙因曰:「上以王 「,從謙置酒軍中,憤然流涕,稱此二人之冤。 一、蓋親軍 郭門高者,名從謙,門高其優名也。 莊宗戲從謙曰:「汝黨存义、崇韜負我,又教王温反。 也。 從謙以姓郭,拜崇韜爲叔父,而皇弟存乂又以從謙爲養子。 雖以優進,而嘗有軍功,故以爲從馬直指揮使。 是時,從馬直軍士王温宿衞禁中,夜謀亂, 復欲何爲乎? 崇韜死, 存义 了,從謙恐,退 從

伶官

四〇二

骨,葬新安之雍陵。以從謙爲景州刺史,已而殺之。 自皇后、 兵縱火焚門,緣城而入,莊宗擊殺數十百人。亂兵從樓上射帝,帝傷重,踣于絳霄殿廊下, 謙自營中露刃注矢,馳攻興教門,與黃甲軍相射。莊宗聞亂,率諸王衞士擊亂兵出門。 殿,宰相對三刻罷。 散,倘有二萬餘人。居數日,莊宗復東幸汜水,謀扼關以爲拒。 李嗣源兵反,嚮京師,莊宗東幸汴州,而嗣源先入。莊宗至萬勝,不得進而還,軍士離 諸王左右皆奔走。 從駕黃甲馬軍陣於宣仁門、步軍陣於五鳳門以俟。莊宗入食內殿, 至午時,帝崩,五坊人善友,聚樂器而焚之。嗣源入洛,得其 四月丁亥朔,朝羣臣於中興 從 亂

[傳曰:「君以此始,必以此終。」莊宗好伶,而弒於門高,焚以樂器。 可不信哉!可不戒

校勘記

哉!

[1] 廷徽 汪本同,他本及通鑑卷二七四「廷」作「建」。

# 新五代史卷三十八

## 宦者傳第二十六

也。 雖然,不可以不戒。 嗚呼,自古宦、女之禍深矣!明者未形而知懼,暗者患及而猶安焉,至於亂亡而不可悔 作宣者傳。

## 張承業

以道意,因以爲河東監軍。其後崔胤誅宦官,宦官在外者,悉詔所在殺之。晉王憐承業,不 忍殺,匿之斛律寺。 瑜,承業數往來兵間,晉王喜其爲人。及昭宗爲李茂貞所迫,將出奔太原,乃先遣承業使晉 張承業字繼元, 唐僖宗時宦者也。本姓康, 幼閹, 爲內常侍張泰養子。 晉王兵擊王行 昭宗崩,乃出承業,復爲監軍

晉王病且革,以莊宗屬承業曰:「以亞子累公等!」莊宗常兄事承業,歲時昇堂拜母,甚

者

傳

第二十

六

張承

妃及諸公子在晉陽者,承業一切以法繩之,權貴皆斂手畏承業。

積

金果

兵

勸課農桑,

而

Ĥ

貞

簡

太后、韓德妃、

伊淑

親

太后 巵謝 宗衣而泣, 曰:「臣受先王顧託之命, 誓雪家國之讎。 用之, 語承業日:「和哥乏錢, 也。」莊宗以語侵之,承業怒曰:「臣,老敕使,非爲子孫計, 中 言之忠,而 酒 承 閻 使 莊 何必問臣?财盡兵散,豈獨 業 人 直實從 謝 日 使子繼岌爲承業起舞, 歲時自魏歸省親, 吾 承業 反諂諛 (旁解承業手令去) 日「小兒忤公, 杯酒之失,且得 以自容邪 可與錢一積,何用帶、 !」太后 須錢 承業奮拳歐寶路, 罪太后。 已答之矣。」 以蒲博、 舞罷,承業出寶帶、幣、 臣受禍 聞之, 賞賜伶人, 而承業主藏, 使召莊宗。 也? 願 明 公 」莊宗顧元行欽曰:「 馬爲也?」承業謝曰:「國家錢, 飮 日 此, **罵曰:「閻** 太 后 爲吾分過 今日 莊宗性 上與莊宗? 馬爲贈, 惜此 怎 為 王 寶、朱温之賊、蒙晉厚恩,不 至孝,聞太后召,甚 俱 !」承業不肯飲 一
惜
庫
物
而 庫錢,佐王成霸業爾 過承業第 莊宗指錢積呼繼岌小字以 錢不 取劍來 ·可得。 死, !」承業起,持莊 慰勞之。 死不愧於先 莊宗乃置 非臣所得 莊宗入內 乃 岩 能 酌 酒庫 坏 有 私

臣請爲王殺之。」莊宗曰:「吾方招納賢才以就功業,公何言之過也!」永業起賀日 廬 晳 嗒 酒 傲 忽 自莊宗 及諸 公子 多見侮 慢,莊 宗 深 、嫉之。 承業 乘間 浦 日:「盧質 喈 酒 無

能如此,天下不足平也!」質因此獲免。

敕使, 王自取之!悞老奴矣。」肩與歸太原,不食而卒,年七十七。同光元年,贈左武衞上將軍,諡 耳!誠願見大王之成功, 日正憲。 之。使唐之子孫在,孰敢當之?使唐無子孫,天下之士,誰可與王爭者?臣,唐家一老奴 唐、晉之仇賊,而天下所共惡也。今王誠能爲天下去大惡,復列聖之深讎,然後求唐後而立 非王父子之初心,且失天下望,不可!」莊宗謝曰:「此諸將之所欲也。」承業曰:「不然,梁, 王父子與梁血戰三十年,本欲雪家國之讎,而復唐之社稷。今元兇未滅,而遽以尊名自居, ,先王時監軍也』,豈不臣主俱榮哉?」莊宗不聽。 承業知不可諫,乃仰天大哭曰:「吾 天祐十八年,莊宗已諾諸將卽皇帝位。 然後退身田里,使百官送出洛東門,而令路人指而歎曰『此本朝 承業方臥病,聞之,自太原肩興至魏,諫曰:「大

### 張居翰

相善。 張居翰字德卿,故唐掖廷令張從攻之養子。 天復中,大誅宦者,仁恭匿居翰大安山之北谿以死。 昭宗時,爲范陽軍監軍, 其後,梁兵攻仁恭,仁恭遣居翰 與節度使劉仁恭

宦

者

傳第二十

· 六

從晉王攻梁潞州以牽其兵,晉遂取潞州,以居翰爲昭義監軍

莊宗即位,與郭崇韜並爲樞密使。 莊宗滅梁而縣,宦官因以用事,郭崇韜又專任政,居

翰默默, 苟免而已。

韶傅柱,揩去「行」字,改爲一「家」。時圖降人與衍俱東者千餘人,皆獲免。 馳韶魏王殺之。韶書已印畫,而居翰發視之,詔書言「誅術一行」,居翰以謂殺降不祥,乃以 魏王破蜀,王衍朝京師,行至秦川行了,而明宗軍變于魏。莊宗東征,慮衍有變,遣人

班宗遇弒,居翰見明宗于至德宮,求歸田里。 天成三年,卒于長安,年七十一。

足以發之,遂使泯然無傳於後世。然獨張承業事卓卓在人耳目,至今故老猶能道之。 以 記 繆。至於英豪奮起,戰爭勝敗,國家興廢之際,豈無謀臣之略,辯士之談;而文字不 五代文章陋矣,而史官之職廢於喪亂,傳記小說多失其傳,故其事迹,終始不完,而雜

近而習,其爲心也專而忍。 自 [古宦者亂人之國,其源深於女禍。女,色而已;宦者之害,非一端也。 能以小善中人之意,小信固人之心,使人主必信而親之。 蓋其用事也 待其

議可謂傑然歟!殆非宦者之言也。

既出,而唐亡矣。 胤爲宰相,顧力不足爲,乃召兵於梁,梁兵且至,而宦者挾天子走之岐,梁兵圍之三年,昭宗 悟,捽而去之可也。宦者之爲禍,雖欲悔悟,而勢有不得而去也,唐昭宗之事是已。故曰 忠臣碩士於外,蓋其漸積而勢使之然也。夫女色之惑,不幸而不悟,則禍斯及矣;使其一 之心而後已。此前史所載宦者之禍常如此者,非一世也。夫爲人主者,非欲養禍於內而疎 「深於女禍」者,謂此也。可不戒哉!昭宗信狎宦者,由是有東宮之幽。旣出而與崔胤圖之, 急之則挾人主以爲質,雖有聖智不能與謀,謀之而不可爲,爲之而不可成,至其甚,則俱傷 孤。勢孤,則懼禍之心日益切,而把持者日益牢,安危出其喜怒,禍息伏於惟闥,則嚮之所謂 而兩敗。故其大者亡國,其次亡身,而使姦豪得借以爲資而起,至抉其種類,盡殺以快天下 可恃者,乃所以爲患也。患已深而覺之,欲與疎遠之臣圖左右之親近,緩之則養禍而益深, 飲食、前後左右之親爲可恃也。故前後左右者日益親,則忠臣碩士日益疎,而人主之勢日益 已信,然後懼以禍福而把持之。 雖有忠臣碩士列于朝廷,而人主以爲去已疎遠,不若起居

韶天下訪求故唐時宦者悉送京師,得數百人,宦者遂復用事,以至於亡。此何異求已覆之 而宦者多爲諸鎭所藏匿而不殺。是時,方鎭僭擬,悉以宦官給事,而吳越最多。及莊宗立, 初,昭宗之出也,梁王悉誅唐宦者第五可範等七百餘人,其在外者,悉韶天下捕殺之,

# 車,躬駕而履其轍也? 可爲悲夫!

者七 之時 邪?及明宗入立,又詔天下悉捕宦者而殺之。 11 反以情告明宗。 徒 賜 也。 姓李,頗見信用。 一十餘人,悉捕而殺之都亭驛,流 郭崇韜已破蜀,莊宗信宦者言而疑之。然崇韜之死,莊宗不知,皆宦者爲之也。當 莊宗未滅梁時,承業已死。 。是時,明宗自鎭州入覲,奉朝請於京師。莊宗頗疑其有異志,陰遣紹宏伺其動靜,紹宏 舉唐之精兵皆在蜀,使崇韜不死,明宗入洛, 明宗自魏而反,天下皆知禍起於魏, 然誣殺大臣,黷貨賂,專威福,以取怨於天下者,左右狎暱,贲門內養之 其後居翰雖爲樞密使, 血盈 庭。 **官者亡竄山谷,多削髮爲浮圖。** ,豈無西顧之患?其能晏然取唐而代之 孰知其啓明宗之二心者, 而不用事。 有宣徽使馬紹宏者,嘗 其亡至太原 自紹宏始 此

奔于 決, 出 m 漢瓊 衞 明宗 聞哭聲, 州 **遽**入見明宗,言秦王反,即 晚而 漢瓊 以謂帝崩矣,乃謀以兵 多病,王淑妃 西迎廢帝 于路, 專內以干政, 廢帝 以兵誅之, 惠 入宮者, 而殺之。 宦 一者孟漢瓊因以用事。 陷 懼 不得立· 秦王大惡, 也。 MI 大臣 明宗以此飲恨 朱弘昭等方圖 秦王入視明宗疾已革, 而 終。 其 事 後愍帝 議 未 旣

没入之。 鳴 14 明宗非佚君,而猶若此者, 人情處安樂,自 非 聖 哲 不能 蓋其在位差久也。 久 而 無驕 息。 其餘多武人崛起,及其嗣續,世數短 宦、女之禍 非一日,必伺 人之驕 怠而

而年不永,故宦者莫暇施爲。其爲大害者,略可見矣。 一字以活千人。君子之於人也,苟有善焉,無所不取。吾於斯二人者有所取焉。 獨承業之論,偉然可愛,而居翰更 取其善而

戒其惡,所謂「愛而知其惡,憎而知其善」也。

故幷述其禍敗之所以然者著于篇。

### 校勘記

(1) 行至秦川 按秦川乃泛指關中,「驛」字不當省。 本史卷六三前蜀世家作「行至秦川驛」,通鑑卷二七四亦云「盡殺衍宗族於秦川驛」。

# 新五代史卷三十九

## 雜傳第二十七

### 王鎔

使。 懿,紹鼎子日景崇。 王氏。沒諾干子日末坦活,末坦活子日昇,昇子日廷凑,廷凑子日**元**逵,元逵子日紹鼎、紹 景崇官至守太尉,封常山郡王,唐中和二年卒。子鎔立,年十歲。 王鎔,其先回鶻阿布思之遺種,日沒諾干,爲鎭州王武俊騎將,武俊錄以爲子,遂冒姓 。自昇以上三世,常爲鎭州騎將,自景崇以上四世五人,皆爲成德軍節度

年雖少,藉其世家以取重,四方諸鎭廢立承繼,有請於唐者,皆因鎔以聞。 豪傑並起而交爭。 是時,晉新有太原,李匡威據幽州,王處存據中山,赫連鐸據大同,孟方立據邢臺, [][ 面

自晉兵出山東,已破孟遷,取邢、洛、磁三州,景福元年,乃大舉擊趙,下臨城。 | 鎔 求 教

雑

傳第二十七

王鎔

於李匡 河,晉軍 於匡威,晉軍 而 鎔 未 嘗臨 ·大敗。 匡威 軍, 遣追 來救, 明年春,晉攻天長軍,鎔出兵救之,敗于叱日嶺 風都 晉軍解去。 團 練使段亮、翦寇都團 明年, 晉會王處存攻鎔堅固、新市。 練使馬珂 等, 以兵 ,晉軍遂出井陘 屬 匡 晉王 威 而 一與處存 已。 鎔又求救 匡 皆自將 威 戰 磁

園(三,以父事之。 不敢還,乃以符印歸其弟,而將奔于京師。 初,匡威悅其弟匡儔之婦美而淫之,匡儔怒,及其救鎔也,誘其軍 行至深州,鎔德匡威救己,使人邀之, 亂而自立。 館于梅子 匡威 內慚

解

去

位。 W, 而 之,從缺垣中躍出,挾鎔于馬,負之而走,亂軍擊殺匡威、正抱,燕人皆走。 事,是所甘心。」因叩頭以位與匡威。 晨詣館慰,坐定,甲士自幕後出,持鎔兩袖,鎔曰:「吾國賴公而存,誠無以報厚德,今日之 陽以大義責鎔甚急。鎔旣失燕援,而晉軍急攻平山,劫鎔以盟,鎔遂與晉和 相與登城西高閣,顧覽山川,泫然而泣,乃與匡威謀劫而代之。因詐爲忌日,鎔去衞從, 行過親事營,軍士閉門大躁,天雨震電,暴風拔木,屋瓦皆飛。 匡 一威客李正抱者(三),少游燕、 趙間, 匡威素少鎔,以謂無能爲也,因與鎔方轡詣府,將代其 每徘徊常山,愛之不能去。 屠者墨君和望見鎔,識 正抱、匡威皆失國 匡儔雖憾其兄 無

其後梁太祖下晉邢、洛、磁三州,乃爲書韶○鎔,使絕晉而歸梁,鎔依違不決⑤。晉將李

官周式 名,而假嗣昭以爲辭。 争, 乎, 太祖 望見式,爲曰:「吾常以書招鎔不來,今吾至此,而爾爲說客,晚矣! 臥 同司 吾知李嗣昭在城中,可使先出。」乃以所得鎔與嗣昭書示式,式進曰:「梁欲取一鎭州 與中 昭 而欲 太祖 且休民 怒 【衣而撫之曰:「吾言戲耳。」因延式於上坐,議與鎔和。 復取洺州 - , 梁軍大沮。 ,辨士也,對曰:「此難與力爭,而可以理奪也。」<br/>」式與梁太祖有舊,因請入梁軍。 因移兵常山 **'成霸業於天下也?且霸者責人以義而不私,今天子在上,諸侯守封** 即位,封鎔趙王。 也 梁太祖擊敗嗣昭,嗣昭棄洛州走。 昔曹公破袁紹, 梁太祖自將傅城下,焚其南關, ,顧謂葛從周曰:「得鎭州以與爾, 且王氏五世六公撫有此 得魏將吏與紹 上,豈無死士, 書,悉焚之,此英雄之事 梁獲其輜重,得鎔與嗣昭書,多道梁事 鎔懼,顧其屬曰:「事急矣! 奈何? 爾爲我先鋒。」從周至臨城, 鎔以子昭祚爲質,梁太祖以女妻 而待嗣昭乎? 且晉吾仇也, 平 」太祖 今梁知兵舉 陸 鄰 而鎔附之, ", 所以 大喜, 中流 而 息 起 <del>111</del>:

〇 古本作招

〇 一作訣。

因 一欲 一盆取 鎔 加 河北 母 喪,諮鎭皆吊, 開平四年多,遺供奉官杜廷隱監魏博將夏諲,以兵三千襲深、冀二州,以王 梁使者見管使在館 ,還言趙王有二志。 是時, 魏博 羅紹 威卒,梁

雜

似

第二十

王鎔

壽

此

刀斷

盟

誘 火 遽 資, 月忘 日:「憨王 弘 府 道 爭 規规 、焚其 節 以 希蒙 開城 錬丹 莊宗 而 為 歸 鎔 趙 宮 使其子 為 亂 空宫, 任 以鎔 藥 遣親 止 獨 一者希蒙 室 人仁 其政 个,求長 之。 夜 安, 华 逐滅 父友, 事 逾月不 樂王 昭 而 宦者李弘 於宦者。 軍 祚 親 不武, 也, 生, Ŧ ·將蘇漢衡 與大 軍 一氏之無 尊禮之, 氏 請殺之以謝 與道士王 返,使一夫閉門不納 之族 將 未嘗敢爲 餘 宦者 規 以入踰垣 張 事 諫 隆车兵 酒酣 文禮族 ٠, 石 日:「今晉王 一若訥 都 希蒙 爲鎔歌 軍 **冯**兵
先
, 擐 人士女褒 一而入,鎔方與道士焚香受籙,軍士斬鎔首,袖之而 土 留 一個 弘規、漢衡 與鎔 游 !」鎔不答, 西山 佗兵 以,拔佩 **一**刃於帳 同臥 從者 身白暴 衣 公博帶, 攻 登王 起。 趙 ,收其偏 前 大王 露 弘規呼鎔甲士 日..「軍 天祐 衣而 母 以親 務夸 常 欲 祠 藉 將下 何歸 十八年多,鎔 矢石 修爲嬉 鄰 使婦 士勞矣 兵爲 許以 獄, 乎? , 人維 丽 遊。 救。 窮 斬 女 大王 希蒙首 究 || 妻谿子 鎔 錦 願 當 鎔 懼 反 從王 自 繡 一竭軍 狀, 尤 是 西山 牽 促 驕 時 持 昭 歸 擲於 親 駕 國之用 於富 宿 而 希蒙! 軍 諸 上。 皆懼 鎔 弘 鎭 貴 前 為游 相 規 出 固 每 繼 上弊於 又 鎔懼 一,將還 止之。 出 文禮 酸之 而 好 進 逾 左 戰

鎔

小子昭誨,年十歲,其軍

·士有德鎔者,藏之穴中,亂定,髡其髮,被以僧衣,

遇湖南人

74 四

李震, 匿昭誨於茶籠中,載之湖南,依南嶽爲浮圖,易名崇隱。 昭海自稱前成德軍中軍使以見,拜考 明宗時,昭誨已長、思歸, 而

功郎中、司農少卿。

周顯德中,猶爲少府監云。

進代之,存進 納之,後知其通於梁也,遣趙故將符習與閻寶擊之。 折足歸于晉。 死,文禮懼,病疽卒。 張文禮者,狡獪人也,鎔惑愛之,以爲子,號王德明。 一輒復戰歿,乃以符存審爲招討使,遂破之。 趙人請而醢之,磔文禮尸于市。 子處瑾祕喪拒守,擊敗習等。 以李嗣昭代之,嗣昭中流矢卒,以李存 文禮家鬼夜哭,野河水變爲血 執文禮妻及子處瑾、處球、處琪等, 鎔已死,文禮自爲留後。 一, 游 莊宗初 漁皆

### 羅紹威

羅紹威字端己,其先長沙人。 祖讓,北遷爲魏州貴鄉

後,已而又殺之。牙將未 君等帥也。」弘信狀貌 父弘信, 爲牧監卒。 奇怪,面色青黑,軍中異之,共立爲留後。 、知所立,乃聚呼曰:「孰能爲我帥者? 文德元年,魏博牙軍亂,遂曰 殺其帥樂彥貞,立其將趙文建爲留 」弘信從衆中出應曰:「我 唐昭宗即位 拜弘信節度 可爲

왞

使

0 古本作逐。

遣李存 太祖 之, 以 以爲然, 縣 故太祖 (四)。 乃與晉絕。 北 梁太祖將攻晉, 信救朱宣,假道于魏。 面 戰于 往 乃發兵擊存信於幸縣 拜 |來燕、趙之間 前 內黃, 受幣,謂使者曰:「六兄於我有倍年之長, 太祖 ()魏兵五戰 **獨疑弘信有二心,乃以兄事** 乞糴于弘信 卒有 五敗 太祖 河北者, 太祖遣葛從周 聞, 弘信懼,請盟 遭使語弘信日:「晉人志在 魏不爲之患也。 不 與, 助之。 弘信, 由是有隙。 乃止。 梁兵擒晉王子落落, 常爲 吾何敢慢之。」弘信 弘信 是時, 卑辭厚幣以聘魏。 梁兵攻魏 死, 梁方東攻克、鄲, 紹威 河朔, 立 兵還滅 取黎陽、 大喜,以爲 送于魏, 魏 魏矣。 北敵晉 使者至梁, 淇 弘信殺 。」以信 厚己。

求救 放封長 於梁, 紹威 紹紹 好學工書, 大敗燕軍 沙 那王, 紹威襲 一於內黃 頗 知屬文, 父爵 明年,梁太 長沙。 聚書數萬卷, 紹威新 祖遣葛從周會魏兵攻滄州 立,幽州 開館以延四方之士。 劉仁恭以兵十萬攻 ,取其德州 弘信 在唐, 魏 屠貝 以其先 州 長 紹 威 沙 於

前 帥 史憲誠 魏 博 自 田 何全皥、韓君雄、樂彦貞等, 承 嗣 始有 牙 軍 , 牙 軍 一歲 久 (盆驕) 皆由牙軍所立 至紹 威 時已二百 怒輒遂⊖殺之。 年, 父子 世相 紹威為人精悍明 婚 加 以 自

老鴉

隄

威

Ü

故德梁

助己。

已而牙校李公佺作亂,紹威誅之,乃間遺使告梁乞兵,欲盡誅牙軍。 通習更事,爲政有威嚴,然其家世由牙軍所立。 天祐二年,魏州城中地陷,紹威懼有變。 梁太祖許之,爲遣李思

〇 古本作逐字。

安等攻滄州

,召兵於魏,紹威因悉發魏兵以從,獨牙軍在。

亂 盡殺之。 興 、夫入魏, 數月,太祖爲悉平之。 紹威子廷規娶梁女,會梁女卒,太祖陰遺客將馬嗣勳選良兵實興中,以長直軍千人雜 太祖自內黃馳至魏,魏兵從攻滄州者行至歷亭,聞之皆反,入澶、博諸州, **詐爲助葬**, 太祖以兵繼其後。 牙軍死,魏兵悉叛,紹威勢益孤,太祖乃欲奪其地,紹威始 紹威夜以奴兵數百, 會嗣勳兵擊牙軍 魏境大 大悔。

具,梁兵數十萬皆取足,紹威以此重困。 是歲,太祖復攻滄州,宿兵長蘆,紹威饋給梁兵,自滄至魏五百里,起亭堠,供帳什物自

昭宗東遷洛陽,詔諸鎭繕理京師,紹威營太廟成,加拜守侍中,進封鄴王。

朝元前殿、浮河而上、立之京師。 得見,紹威懼太祖終襲己,乃乘間入見曰:「今四方稱兵,爲梁患者,以唐在故也; 已去,不如早自取之。」太祖大喜,乃急歸。 太祖 国 滄州 未下,劉守光會晉軍破梁路州。太祖 太祖嘆日:「吾聞蕭何守關中,爲漢起未央宮,豈若紹威越 太祖卽位,將都洛陽,紹威取魏良材爲五鳳樓、 自長蘆歸,過魏,疾作,臥府 中,諸將 唐家天命

千里而爲此,若神化然,功過蕭何遠矣!」賜以寶帶名馬。

「吾常攻燕不能下,今紹威折簡,乃勝用兵十萬。」太祖每有大事, 燕王劉守光囚其父仁恭, 與其兄守文有隙, 紹威馳書勸守光等降梁。 多遣使者問之,紹威時亦 太祖聞之笑日:

馳簡入白,使者相遇道中,其事往往相合。

旭 累拜太師兼中書令,卒年三十四,贈尙書令,諡曰貞壯。 主,爲我彊飯,如有不諱,當世世貴爾子孫。今使周翰監府事,尙冀卿復愈耳。」紹威仕梁, 得梁一有功重臣臨之,請以骸骨就第。」太祖亟命其子周翰監府事,語使者曰:「亟行,語而 益以紹威盡忠,遣將程厚、盧凝督其役。舟未成而紹威病,乃表言:「魏故大鎭,多外兵,願 紹威自以魏久不用兵,願伐木安陽淇門爲船,自河入洛,歲漕穀百萬石,以供京師。

壽春公主,周敬亦娶末帝女,日晉安公主(四)。 馬都尉、光祿卿。 節度使,卒于官,年十四。周敬代爲宣義軍節度使,年十歲,徙鎭忠武。明年,爲祕書監、駙 二年卒,年三十二。廷規娶梁太祖二女,一日安陽公主,一日金華公主。周翰娶末帝女,日 子三人,廷規,官至司農卿卒。 唐莊宗時爲金吾大將軍,明宗以爲匡國軍節度使,罷爲上將軍。晉天福 周翰襲父位,乾化二年八月爲楊師厚所逐,徙爲宣義軍

#### 王處直

王處直字允明,京兆萬年人也。父宗,善殖財貨,富擬王侯,爲唐神策軍吏, 官至金吾

大將軍,領興元節度使,子處存、處直。

度使。黃巢陷長安,處存感憤流涕,率鎭兵入關討賊。 一,勤王倡義,處存爲第一。乾寧二年,處存卒于鎭,三軍以河朔故事,推處存子問爲留後, 處存以父任爲驍衞將軍、定州已來制置內閑廐宮苑等使。 巢敗第功,而收城擊賊,李克用爲第 乾符六年, 卽拜義武軍節

卽 ;拜節度使,加檢校司空、同中書門下平章事。 處直爲後院中軍都知兵馬使。

問出奔晉, 亂兵推處直爲留後。 梁兵圍之,處直遣人告梁,請絕晉而事梁, 出絹十萬匹犒 光化三年,梁兵攻定州,郜遣處直率兵拒之,戰于沙河,爲梁兵所敗。兵返入城逐郜,

軍,乃與梁盟。梁太祖表處直義武軍節度使,累封太原王。太祖卽位,封處直北平王。

五千從,破梁軍於柏鄉。其後晉北破燕,南取魏博,與梁戰河上,十餘年,處直未嘗不以兵 其後梁兵攻王鎔,鎔求救于晉,處直亦遣人至晉,願絕梁以自効。晉兵救鎔,處直以兵

從。

雑

第二十七

王處直

伏甲城 與。 皆用左道。 養以爲子,而處直未有子,乃以雲郞與處直,而給曰:「此子生而有異。」處直養以爲子,更名 神 一都,甚愛之。 使衣道 明 日 外,以備不虞。 1、第功行賞,因陰疏甲士姓名,自隊長已上藏于別籍,其後因事誅之,凡二十年,無 好巫 一士服,以爲行營司馬,軍政無大小,咸取決焉。 處直 應之由此益橫,乃籍管內丁壯,別立新軍,自將之,治第博陵坊, 而客有李應之者,妖妄人也。 |將吏知其必爲患,而莫能諫也。 是時 匡儔已去,甲士入城圍應之第,執而殺之,因詣處直請殺都, 處直 |有疾,應之以左道治之而 ,幽州李匡儔假道中山以如京師,處直 初,應之於脛邑闌得小兒劉 愈 一處直 四面 處直不 益以爲 開門,

禮 與梁蠟 公日:「鎭  $ar{\Xi}$ 人 學國 以 (発者) 郁 都 以 自 女 爲 率晉兵,且許 、妻之,爲新州 · 入寇 院人皆不欲 契丹之舉, () 定之蔽也,文禮雖有罪,然鎭 書示處直 人狡佞多謀,處直以爲節度副使。 而處直終爲都所殺 常恐處直 日:「文禮負 召 防禦使。 |郁 不 容,因 爲 嗣 (我,師不可 處直 「此大喜,以爲乘其隙可取之,乃 都聞之不說。 見莊宗必討文禮, 小吏和昭訓勸都舉事 亡定不獨存。」 止。」處直有孽子郁,當郜之亡于晉也,郁亦 張文禮弑王鎔,莊宗發兵討文禮,處直與左右 而定人皆言契丹 乃遣人請莊宗毋發兵,莊宗取所 益自疑, 都因執處直 乃陰與郁交通 以厚略 不可召,恐自 誘 契丹 囚之西宅 貽 使郁 阿保機。 患, 處直不 北 招契 SH

胸而呼曰:「逆賊!吾何負爾?」然左右無兵,遂欲囓其鼻,都掣袖而走,處直遂見殺。 留後,凡王氏子孫及處直將校殺戮殆盡。明年正月朔旦,都拜處直於西宅,處直奮起揕其

所致 ,而定人皆知其不祥,曰:「蛇穴山澤,而處人室,鵲巢鳥,降而田居,小人竊位,而在上 初,有黃蛇見于碑樓,處直以爲龍,藏而祠之,又有野鵲數百,巢麥田中,處直以爲己德

者失其所居之象也。」已而處直果被廢死。

不復出。 臨 指揮使鄭季璘、龍泉鎭將杜弘壽以二千人迎契丹,爲晏球所敗。季璘、弘壽被執,晏球責 曰:「吾嘗使人招汝,何故不降? 之計。」已而朱守殷反於汴州,都遂亦反,遣人以蠟書招青、徐、岐、路、梓五鎮,約皆舉兵,而 州,都供饋多闕,益不自安。和昭訓爲都謀曰:「天子新立,四方未附,其勢易離,可爲自安 五鎮不應。明宗遣王晏球討之。都復與王郁招契丹爲援,契丹遣禿餒將萬騎救都。 及明宗立,頗惡都爲人,而安重誨每以法繩之,都始有異志。是時,唐兵擊契丹,數往來定 節度使。 刑 ,神色自若。 脏宗已敗契丹于沙河,追奔過定州,與都相得權甚,以其子繼岌娶都女,以都爲義武軍 同光二年,莊宗幸鄴,都來朝,賜與鉅萬。莊宗以繼岌故,待都甚厚,所請無不從。 晏球屯軍望都,與都及契丹戰,大敗之曲陽,都及禿餒得數騎遯去,閉城 」弘壽對日:「受恩中山兩世矣,不敢有二心。」遂見殺,弘壽

雑

度使。 隰州刺史。 范延光反于鄴,晉高祖以廷胤爲楊光遠行營中軍使。 破延光有功,拜彰德軍節 **鄴子廷胤,與莊宗連外姻,爲人聽勇,自爲軍校,能與士卒同辛苦,明宗時,歷貝、忻、密、澶、** 故堅守經年。天成四年二月,城破,都與家屬皆自焚死,王氏遂絕于中山。 丹二千人守城,呼禿餒爲餒王,屈身事之。諸將有欲出降者,都伺祭嚴密,殺戮無虛日,以 子之服,使巡城上,以示晏球軍,軍士識者曰:「繼陶也。」共詬之。都居城中,兵少,惟以契 初,莊宗軍中闌得一男子,愛之,使冒姓李,名繼陶,養於宮中以爲子。明宗即位,安重 而處存有子鄴,

之後也。」後徙鎭海而卒(H)。 之。」契丹怒曰:「爾自諸侯爲天子,豈有漸乎?」高祖聞之,遽徙廷胤鎭義武, 」高祖對曰:「中國之法,自將校爲刺史,升團練防禦而至節度使,請送威歸中國,漸進 初, 處直爲都所囚,幼子威北走契丹。 契丹謂晉高祖曰:「吾欲使威襲其先人爵土,如 日:「此亦汪氏

#### 劉守光

蔚州。 爲瀛州景城縣令。 頭」。稍以功遷軍校。仁恭爲人有勇,好大言。可舉死,子匡威惡其爲人,不欲使居軍中,徙 劉守光,深州樂壽人也。其父仁恭,事幽州李可舉,能穴地爲道以攻城,軍中號「劉窟 戍兵過期不得代,皆思歸,出怨言。 匡威為弟匡儔所逐, 仁恭聞亂, 乃擁戍兵攻幽 瀛州軍亂,殺刺史,仁恭募縣中得千人,討平之,匡威喜,復以爲將,使戍

留後,留其親信燕留得等十餘人監其軍,爲之請命于唐,拜檢校司空、虛龍軍節度使。 逐。」因道燕虛實,陳可取之謀,晉王益信而愛之。乾寧元年,晉擊破匡儔,乃以仁恭爲幽州 仁恭多智詐,善事人,事晉王愛將蓋寓尤謹,每對寓涕泣,自言:「居燕無罪,以讒見 |州,行至居庸關,戰敗,奔晉,晉以爲壽陽鎭將。

曰:「爲我語天子,旌節吾自有,但要長安本色爾,何屢求而不得邪!」昭宗卒以守文爲橫海 度使盧彥威,遂取滄、景、德三州。爲其子請命于唐,昭宗遲之,未即從,仁恭怒,語唐使者 燕留得等以叛。晉王自將討之,戰于安塞,晉王大敗。光化元年,遣其子守文襲滄州,逐節 其後晉攻羅弘信,求兵於仁恭,仁恭不興,晉王以書微責誚之,仁恭大怒,執晉使者,殺

救魏,大敗守文於內黃,斬首五萬。 仁恭父子率兩鎭兵十萬,號稱三十萬以擊魏,屠貝州。 仁恭走,梁軍追擊之,自魏至長河,橫尸數百里。梁軍 羅紹威求救於梁,梁遣李思安

軍節度使。

自是連歲攻之,破其瀛、漠二州,仁恭懼,復附晉。

晉王爲之攻潞州以牽梁圍,晉破潞州,梁軍乃解去。 被圍百餘日,城中食盡,人自相食,析骸而爨,或丸墐土而食,死者十六七。仁恭求救於晉, 「定霸都」,得二十萬人,兵糧自具,屯于瓦橋。梁軍壁長蘆,深溝高壘,仁恭不能近。 |天祐三年,梁攻滄州,仁恭調其境內凡男子年十五已上、七十已下,皆黥其面, 文日:

莫知其處。 丹藥,冀可不死。 然仁恭幸世多故,而驕於富貴,築宮大安山,窮極奢侈,選燕美女充其中。 一令燕人用墐土爲錢,悉斂銅錢,鑿山而藏之,已而殺其工以滅口,後人皆 又與道士鍊

別室,既而殺之。 陽爲不忍,出於陣而呼其衆曰:「毋殺吾弟!」守光將元行欽識守文,躍馬而擒之,又囚之於 戰玉田,又敗,乃乞兵于契丹。明年,守文將契丹、吐渾兵四萬人戰于鷄蘇,守光兵敗,守文 恭,仁恭在大安,守光自外將兵以入,擊走思安,乃自稱盧龍節度使,遣李小喜、元行欽以兵 攻大安山,執仁恭而幽之。其兄守文聞父且囚,卽率兵討守光,至于盧臺,爲守光所敗,進 仁恭有愛妾羅氏,其子守光烝之,仁恭怒,答守光,逐之。梁開平元年,遣李思安攻仁

守文將吏孫鶴、呂兗等,立守文子延祚以距守光,守光圍之百餘日,城中食盡,米卧直

錢三萬,人相殺而食,或食墐土,馬相食其騣尾,免等率城中饑民食以麴,號「宰務」,日殺以

**餉軍。久之,延祚力窮,遂降。** 

其後,此腹心之患也。」乃爲之班師。 大差爭黃池之會,而越入吳;項羽貪伐齊之利,而漢敗楚。今吾越千里以伐人,而疆燕在 語動鎭、定曰:「燕有精兵三十萬,率二鎭以從晉,然誰當主此盟者?」晉人患之,謀曰:「昔 救趙,大敗梁兵於柏鄉,進掠邢、洛,至于黎陽。守光聞晉空國深入梁,乃治兵戒嚴,遣人以 我盟而背之,今急乃來歸我;且兩虎方鬭,可待之,吾當爲卞莊子也。」遂不出兵。晉王果 趙之兵,先至者霸,臣恐燕軍未出,而晉已先破梁矣,此不可失之時也。」守光曰:「趙王嘗與 孫鶴切諫以爲不可。梁攻趙,趙王王鎔求救於守光,孫鶴曰:「今趙無罪,而梁伐之,諸侯救 以死,燕之士逃禍于佗境。守光身衣赭黄,謂其將吏曰:「我衣此而南面,可以帝天下乎?」 守光素庸愚,由此益驕,爲鐵籠、鐵刷,人有過者,坐之籠中,外燎以火,或刷剔其皮膚

受册,用唐册太尉禮儀,守光問曰:「此儀注何不郊天,改元?」有司曰:「此天子之禮也,尚 己河北兵馬都統,以討鎭、定、河東。梁遣閤門使王瞳拜守光河北採訪使。有司白守光,尚父 嗣昭、義武王處直、成德王鎔等,以墨制册尊守光爲尙書令、尙父。守光又遣告于梁,請授 守光以爲諸鎭畏其彊,乃諷諸鎭共推尊己,於是晉王率天德宋瑤、振武周德威、昭義李

**傳第二十七** 

劉守

光

賀册尚父,至燕,而守光已僭號。 乾化元年八月,自號大燕皇帝,改元曰應天,以王瞳、齊涉爲左右相。 伏鑕,令軍士割而啖之。 父雖 者稱王,我以二千里之燕,獨不能帝一方乎?」乃械梁、晉使者下獄, 敢諫者死 尊 `,乃人臣耳。」守光怒曰:「我爲尙父,誰當帝者乎? 且今天下四分五裂,大者稱帝,小 ·」孫鶴進曰:「滄州之敗,臣蒙王不殺之恩,今日之事,不敢不諫。」守光怒,推之 鶴呼曰:「不出百日,大兵當至!」命窒其口而醢之。 有司迫承勵稱臣,承勳不屈,以列國交聘禮入見,守光怒 置斧鑕于其庭, 晉遣太原少尹李承勳 守光遂以梁 令 曰:

守光登城見晉王,晉王問將如何?守光曰:「今日俎上肉耳,惟王所爲也!」守光有嬖者李 不急人之危乎?」遣人以所乘馬易德威馬而去,因告曰:「俟晉王至則降。」晉王乃自臨軍, 以情告公,富貴成敗,人之常理;錄功宥過,霸者之事也。守光去歲妄自尊崇,本不能爲失 亂,不知其佗也。」守光益窘,乃獻絹千匹、銀千兩、錦百段,遣其將周**遵**業謂德威曰:「吾王 迎降。 今其病矣,公善爲我辭焉。」德威謂遵化曰:「大燕皇帝尙未郊天,何至此邪?予受命以討僭 下耳,豈意大國暴師經年,幸少寬之。」德威不許。 明年,晉遣周德威將三萬人,會鎭、定之兵以攻燕,自祈溝關入,其澶、涿、武、順諸州皆 守光被圍經年,累戰常敗,乃遣客將王遵化致書于德威曰:「予得罪于晉,迷而不復, 。守光登城呼德威曰:「公三晉賢士,獨

温

小喜,勸其毋降,守光因請俟佗日。是夕,小喜叛降于晉軍。明旦,晉軍攻破其城,執仁恭

及其家族三百口。

之,引置下坐。飲食自若,皆無慚色。 軍,客將引守光見,晉王戲之曰:「主人何避客之遽也?」守光叩頭請死,命械守光丼其父仁 得食,遣其妻祝氏乞食於田家,田家怪而詰之,祝氏以實告,乃被擒送幽州。晉王方大饗 守光與其妻李氏、祝氏,子繼珣、繼方、繼祚等,南走滄州,迷失道,至燕樂界中,數日不

存霸執仁恭至鴈門,刺其心血以祭先王墓,然後斬之。 不赦臣使自効?」其二婦從旁駡曰:「事已至此,生復何爲?願先死! 肉,亦小喜教爾邪?」晉王怒,命先斬小喜。 者,李小喜也,罪人不死,臣將訴于地下。」晉王使召小喜,小喜瞋目曰:「囚父弒兄,烝其骨 晉王至太原,仁恭父子曳以組練,獻于太廟。守光將死,泣曰:「臣死無恨,然敎臣不降 守光知不免,呼曰:「王將復唐室以成霸業,何 一乃俱死。 晉王命李

#### 校勘記

(1) 館于梅子園 時海子園也,鎔嘗館李匡威於此。……鎮人矜大其池,謂之『潭園』,蓋不知昔嘗謂之『海子』矣。」 「梅」,南昌、鄂本作「海」。夢溪筆談卷二四云:「鎭陽池苑之盛,冠于諸鎮,乃王鎔

i.

疑「梅」爲「海」之形訛。

(三) 李正抱 新唐書卷二一二及舊唐書卷一八〇李全忠傳作「李抱貞」, 北夢瑣言卷一三作「李貞

抱。

(三) 梁兵攻魏取黎陽淇門衞縣 他本「黎陽」下均有「臨河」二字。

(图) 周敬亦娶末帝女曰晉安公主 南監、汪、南昌、鄂本及薛史卷九一羅周敬傳「晉安」作「普安」。

(豆) 後徙鎮海而卒 開運 □元年秋卒于位。」按本史卷六○職方考、太平寰宇記卷六五及卷九三,杭州曰鎮海,滄州 「鎮海」,薛史卷八八王庭胤傳云:「少帝嗣位,改滄州節度使,累官至檢校太尉。

後唐時爲橫海軍。 纂誤補卷三謂「此鎮海當是橫海之誤」。

# 新五代史卷四十

# 雜傳第二十八

### 李茂貞

李茂貞,深州博野人也。 本姓宋,名文通,爲博野軍卒,戍鳳翔。 黄巢犯京師, 

博野軍擊賊,茂貞以功自隊長遷軍校。

僖宗遣茂貞擊殺昌符,以功拜鳳翔隴右節度使。大順元年,封隴西郡王 東歸,至鳳翔,鳳翔節度使李昌符與天威都頭楊守立爭道,以兵相攻,昌符不勝,走隴州。 行瑜於大唐峯。明年,政遂敗死。茂貞以功自扈蹕都頭拜武定軍節度使,賜以姓名。 光啓元年,朱政反,僖宗出居興元。 政遣王行瑜攻大散關,茂貞與保鑾都將李鋋等敗 扈避

乃上書言復恭父子罪皆當誅,因自請爲山南招討使。 二年,樞密使楊復恭得罪,奔於興元,興元節度使楊守亮,復恭之養子也,納之。茂貞 昭宗以宦者故,難之,未許。茂貞擅

傳第二十八

李茂

贞

# 發兵攻破興元,復恭父子見殺。

直素與讓能有隙,因曰:「謀舉兵者非兩樞密,乃讓能也。」陳兵臨皋驛,請殺讓能。 医,唐軍敗潰,茂貞遂犯京師,屯于三橋。 「臣故先言之矣,惟殺臣可以紓國難。」昭宗泣下沾襟,貶讓能雷州司戶參軍,賜死,茂貞乃 宰相、宰相下輿而走,亡其堂印,人情大恐,昭宗意益堅。覃王率扈駕軍五十四都戰于整 為京西招討使。令下,京師市人皆知不可,相與聚承天門,遮宰相請無舉兵,爭投瓦石擊 謝諸侯,恐不能也。」昭宗怒曰:「吾不能孱孱坐曰受凌弱!」乃責讓能治兵,而以覃王嗣 地大兵疆,而唐力未可以致討;鳳翔又近京師,易以自危而難於後悔,佗日雖欲誅晁錯以 乘興播越,自此何之?」昭宗以茂貞表辭不遜,不能忍,以問宰相杜讓能,讓能以謂:「茂貞 茂貞 茂貞不奉韶,上表自論曰:「但慮軍情忽變,戎馬難羈。徒令甸服生靈,因兹受幣;未審 、表其子繼密權知興元軍府事 ,昭宗乃徙茂貞山南西道節度使,以宰相徐彦若鎭鳳 昭宗御安福門,殺兩樞密以謝茂貞,使罷兵。 譲能日

### 〇 古本作生。

行瑜請立珙 明年,河中節度使王重盈卒,其諸子珂、珙爭立。 昭宗不許。 茂貞等怒,率三鎭兵犯京師,謀廢昭宗 晉王 李克用請立珂,茂貞 立吉王保。 未果,而晉王 與韓建、王

繼鵬與行職弟行實等爭劫昭宗出奔,京師大亂昭宗出居于石門。 亦舉兵,茂貞懼,乃殺宰相韋昭度、李磎,留其養子繼鵬以兵二千宿衞而去。 茂貞以兵至鄂縣,斬繼 晉兵至河中,

鵬自贖。

已也!

冀緩急之可恃也;且茂貞已殺其子自贖矣,乃詔罷歸晉軍。 晉兵已破王行瑜,還軍渭北,請擊茂貞。 昭宗以謂晉遠而茂貞近,因欲庇之以爲德,而 克用歎曰:「唐不誅茂貞,憂未

觀,京師大恐,居人亡入山谷。 茂貞遂犯京師,昭宗遣覃王拒之,覃王至三橋,軍潰,昭宗出 居于華州。遣宰相孫偓以兵討茂貞,韓建爲茂貞請,乃已。久之,加拜茂貞尙書令,封岐 昭宗自石門還,益募安聖、捧宸等軍萬餘人,以諸王將之。茂貞謂唐將討己,亦治兵請

韓全誨等,亦倚茂貞之彊,以爲外援,茂貞造其子繼筠以兵數千宿衞京師,宦者恃岐兵, 其後,昭宗爲宦者所廢,旣反正,宰相崔胤欲借梁兵誅諸宦者,陰與梁太祖謀之。 中尉

驕不可制。

逾年,茂貞每戰輒敗 天復元年,胤召梁太祖以西,梁軍至同州, `,閉壁不敢出。城中薪食俱盡,自冬涉春,雨雪不止,民凍餓死者日以千 全酶等懼,與繼筠劫昭宗幸鳳翔。 梁軍 ·

國之

第

= +

九

李茂貞

梁軍,梁圍解。天子雖得出,然梁遂劫東遷而唐亡,茂貞非惟亡唐,亦自困矣。 茂貞 粥,一日食不托,安能不與梁和乎?」三年正月,茂貞與梁約和,斬韓全誨等二十餘人,傳首 得而食之!」人肉斤直錢百,狗肉斤直錢五百,父甘食其子,而人肉賤於狗。 小磨,遣宮人自屑豆麥以供御,自後宮、諸王十六宅;凍餒而死者日三四。 城中人相與邀遮 ,求路以爲生,茂貞窮急,謀以天子與梁以爲解。 昭宗謂|茂貞曰:「殷與六宮皆一日食 米斗直錢七千,至燒人屎煑尸而食,父自食其子,人有爭其肉者,曰:「此吾子也,汝安 天子於宮中設

下令推油,因禁城門無內松薪,以其可爲炬也,有優者誚之曰:「臣請丼禁月明。」茂貞笑而 皇后,鳴梢羽扇視朝,出入擬天子而已。茂貞居岐,以寬仁愛物,民頗安之,嘗以地狹賦薄, 及梁太祖卽位,諸侯之彊者皆相次稱帝,獨茂貞不能,但稱岐王,開府置官屬,以妻爲

初,茂貞破楊守亮取興元,而邠、寧、鄜、坊皆附之,有地二十州; 其被梁圍也,興元入 開平已後,邠、寧、鄜、坊入于梁,秦、鳳、階、成又入于蜀;當梁末年,所有七州而

○二十州者:岐、隴、涇、原、渭、武、秦、成、階、鳳、邠、寧、慶、衍、鄜、坊、丹、延、梁、洋也。

莊宗已破梁,茂貞稱岐王,上牋以季父行自處。及聞入洛,乃上表稱臣,遣其子從嚴來

朝 莊宗以其耆老,甚尊禮之,改封秦王,韶書不名。 同光二年,以疾卒,年六十九,諡曰忠

敬。

從嚴爲人柔而善書畫,茂貞承制拜從嚴彰義軍節度使。 茂貞卒,拜鳳翔節度使。

繼岌征蜀,爲供軍轉運應接使。

蜀平,繼岌遣從曮部送王衍,行至鳳翔,監軍使柴重厚拒而不納, 從嚴遂東至華州, 聞

莊宗之難乃西歸。 明宗入立,聞重厚當拒從職,遣人誅之。 從職上書, 言重厚守鳳翔,軍民

無所擾,願貸其過。 雖不許,士人以此多之。 歷鎭宣武、天平。

鳳翔 人叩馬乞從嚴。 從職有田千頃、竹千畝在鳳翔,懼侵民利,未嘗省理,鳳翔人愛之。 廢帝入立,復以從曮爲鳳翔節度使,卒年四十九。 廢帝起鳳翔、將行,

#### 韓建

長安,巢已破 韓建字佐時,許州長社人也。 復光 亦死,晏弘與建等無所屬, 少為蔡州 重 乃以麾下兵西迎僖宗於蜀, 校,隸忠武軍將鹿晏弘。 從楊復光攻黃巢於 所過攻劫。 行至

興元, 水,據 山南。 已而不能守,晏弘東走許州,建乃奔于蜀,拜金吾衞將

郭,亦善緝荆楚。 暇則課學書史。是時,天下已亂,諸鎭皆武夫,獨建撫緝兵民,又好學。 名目以視之,久乃漸通文字。 乃 | 披荆棘,督民耕植,出入閭里,問其疾苦。| 建初不知書,乃使人題其所服器皿 僖宗還長安,建爲潼關防禦使、華州刺史。 華州數經大兵,戶口流散,建少賤, 當時號爲「北韓南郭」。 。見玉篇,喜曰:「吾以類求之,何所不得也。」因以通音韻 荆南成汭時冒姓 牀榻,爲其 習農事 文聲偶

舉兵且至,建等懼,乃還。晉兵問罪三鎭,兵傅華州, 何爲見攻?」晉人曰:「君以兵犯天子,殺大臣,是以討也。」已而與晉和 人助珂,建與王行瑜、李茂貞助珙。昭宗不許,建等大怒,以三鎭兵犯京師。 之,行瑜、茂貞惶恐戰汗不能語,獨建前自陳述。乃殺宰相韋昭度、李磎等,謀廢昭宗。會晉 大順元年,以兵屬張濬伐晉,濬敗,建自含山遯歸。 建登城呼曰:「弊邑未常失禮於大國, 河中王 |重盈死,諸子珂、珙爭立,晉 昭宗見建等責

鄜州 乾寧三年,李茂貞復犯京師,昭宗將奔太原,次渭北, 建遣子 九請幸華州。 昭宗又欲如 建追及昭宗於富平,泣曰:「藩臣伽疆,非止茂貞,若捨近畿而巡極塞,乘興渡河,不可

復矣!」昭宗亦泣,遂幸華州

是時,天子孤弱,獨有殿後軍及定州三都將李筠等兵千餘人爲衞,以諸王將之。建已

德政碑以慰安之。 殺建、劫天子幸佗鎮。昭宗召建,將辨之,建稱疾不出,乃遣諸王自詣,建不見、口,請送諸王 得昭宗幸其鎮,遂欲制之,因請罷諸王將兵,散去殿後諸軍,累表不報。 中尉劉季述誣諸王謀反,以兵圍十六宅,諸王皆登屋叫呼,遂見殺。 十六宅,昭宗難之。建乃率精兵數千圍行宮,請誅李筠。 迎歸大內中?」酒酣,與從臣悲歌泣下,建與諸王皆屬和之。建心尤不悅,因遣人告諸王謀 北顧望京師,作菩薩蠻辭三章以思歸,其卒章曰:「野煙生碧樹,陌上行人去。 三都衞兵、幽諸王於十六宅。 昭宗益悔幸華,遺延王戒丕使于晉,以謀興復。 昭宗大懼,遽詔斬筠,悉散殿後及 昭宗無如之何,爲建立 昭宗登齊雲樓, 戒丕還,建與 安得有英雄, 西

咔 之禍,吾不忍見,不如先死!」因泣下歔欷。 曰:「汝陳、許間一田夫爾, 遭時之亂, 蒙天子厚恩至此, 光化元年,昭宗還長安,自爲建畫像,封建潁川郡王,賜以鐵券。 建已殺諸王,乃營南莊,起樓閣,欲邀昭宗遊幸,因以廢之而立德王裕。 李茂貞、梁太祖皆欲發兵迎天子,建稍恐懼,乃 ,欲以兩州百里之地行大事,覆族 建辭王爵,乃封建許 其父叔豐謂

#### 國公。

降 |太祖青建背己,建日:「判官李巨川之謀也。」太祖怒,即殺巨川,以建從行。 梁太祖以兵嚮長安,遣張存敬攻同州,建判官司馬鄴以城降,太祖使鄰召建,建乃出

傳第二十八 韓建 李仁福

兩 人。」次何皇后舉觴,建躡太祖足,太祖乃陽醉去。 昭宗 東遷,建從至洛,昭宗舉酒屬太祖與建曰:「遷都之後,國步小康,社稷安危, 建出,謂太祖曰:"「天子與宮人眼語,幕 繁卿

1!」太祖以故尤德之,表建平盧軍節度使。

下有兵仗聲,恐公不免也

亦優容之。 太祖卽位,拜司徒同中書門下平章事。 太祖郊于洛,建爲大禮使。 罷相, 太祖性剛暴,臣下莫敢諫諍,惟建時有言,太祖 出鎮許州, 太祖崩,許州軍亂, 見殺,年五十

#### 李仁福

李仁福,不知其世家。

當唐僖宗時,有拓拔思敬者,爲夏州偏將,後以與破黃巢功,賜姓李氏,拜夏州節度使。

思敬卒,乾寧二年,以其弟思諫爲節度使。

唐息,而亦無大功。朱玫之亂,思敬與鄜州李思孝皆以兵屯渭橋。 始終。是時,興元、鳳翔、邠寧、鄜坊、河中、同華諸鎭之兵,四面並起而交爭,獨靈夏未嘗爲 自唐末天下大亂,史官實錄多闕,諸鎭因時倔起,自非有大善惡暴著于世者,不能紀其 其後,黃巢陷京師,王重

際、李克用等會諸鎮兵討賊,思敬與破巢復京師,然皆未嘗有所可稱,故思敬之世次、 功過

不顯而無傳。

疎也。 茂貞,晉王李克用,數會兵攻仁福,梁輒出兵救之。 亂,殺弊昌。是時,仁福爲蕃部指揮使,戍兵于外,軍中乃迎仁福立之,不知其於思諫爲親 梁開平二年,思諫卒,軍中立其子彝昌爲留後,即拜彝昌節度使。 是歲四月,拜仁福檢校司空、定難軍節度使。 仁福累官至檢校太師銀中書令,封朔方 終梁之世,奉正朔而已。 明年,其將高宗益作 是時,岐王李

王。長興四年三月卒,其子彝超自立爲留後。

土築之,從進等穴地道,至城下堅如鐵石,鑿不能入。彝超外招党項,抄掠從進等糧道, 節度使。淸泰二年卒。 <u>彝超果不受代,從進與彥稠以兵圍之,百餘日不克。</u> 武軍節度使,而徙彰武安從進代之。恐彝超不受代,遣邠州藥彥稠以兵五萬送從進之鎮。 自仁福時,邊將多言仁福通於契丹,恐爲邊患。明宗因其卒,乃以彝超爲延州刺史、彰 夏州城壁素堅,故老傳言赫連勃勃蒸

其弟彝興、累官檢校太師兼侍中,周顯德中,封西平王,其後事具國史。

雜

#### 韓遜

韓遜,不知其世家。 初爲靈武軍校,當唐末之亂,據有靈鹽, 唐卽以爲節度使, 而 史失

不錄,不見其事。 梁開平三年,封朔方節度使韓遜爲潁川王,始見於史。

梁、未嘗以兵爭。 貞明中, 遜卒, 是時,邪寧楊崇本、鄜延李周彝、鳳翔李茂貞, 李茂貞嘗遺劉知俊攻遜,不能克,遜亦善撫其部,人皆愛之,爲遜立生祠。 軍中立其子涨爲留後,梁即以爲節度使。 皆與梁爭戰, 至莊宗時, 又以洙兼河西節 獨遜與夏州李思諫臣屬于

#### 度。

宗以康福爲朔方河西節度使以代澄,由是命吏而相代矣。 天成四年,珠卒,即以珠子澄爲朔方軍留後云。其將李賓作亂,澄乃上章請帥於朝, 韓氏自遜有靈武,傳世皆無所稱 明

### 楊崇本

述,澄後不知其所終。

楊崇本,幼事李茂貞,養以爲子,冒姓李,名曰繼徽, 茂貞表崇本靜難軍節度使。

祖攻岐未下,乃移兵攻邠州,崇本迎降,太祖使復其姓,賜名崇本,遷其家於河中以爲質。

夫不能庇其伉儷,我已爲<u>朱公婦矣,無面視君,有刀繩而已!」</u>崇本涕泣憤怒。 其後梁兵解 崇本妻有美色,太祖用兵,往來河中,嘗幸之。崇本妻頗媿恥,間遣人誚崇本曰:「大丈

岐圍,崇本妻得歸,崇本乃復背梁歸茂貞。

復東。 至永壽而卒,梁兵乃旋。崇本屯美原,太祖復遣劉知俊、康懷英等擊之,崇本大敗,自此不 茂貞西連蜀兵會崇本攻雍、華,關西大震。太祖以兵西至河中,遣郴王友裕擊之,友裕

乾化四年,爲其子彥魯所弒。 崇本養子李保衡、殺意魯以降梁。

### 高萬與

許從實殺萬子,自爲延州刺史。 俱事敬璋爲騎將。 高萬興,河西人也。唐末,河西屬李茂貞,茂貞將胡敬璋爲延州刺史,萬興與其弟萬金 |敬璋死,其將||劉萬子代爲刺史。||梁開平二年,葬於州南,萬子在會,其將 是時,萬興兄弟皆將兵戍境上,聞萬子死,以其部下數千人

雜

傳第二十

八

高萬與

湿

懿

降梁。

萬興累遷檢校太師 兼中書令,渤海郡王。 使,以牛存節爲保大軍節度使。已而劉知俊叛,乃徙存節守同州,以萬金爲保大軍節度使。 許從實。 梁太祖兵屯河中,遣同州劉知俊以兵應萬興,攻丹州,執其刺史崔公實。 鄜州李彦容、坊州李彦昱皆棄城走。 貞明四年,萬金卒,乃以萬興爲鄜延節度使,進 梁太祖乃以萬興爲延州刺史、 進攻延州, 忠義軍節度 執

萬興兄弟皆聽勇,而未嘗立戰功,然以戍兵降梁,梁取鄜、坊、丹、延自萬興始, 故其兄

弟世守其土。

封延安郡王,徙封北平王。

梁亡,莊宗入洛,萬興嘗一

來朝。

同光三年,卒于鎭。

萬興子允韜代立,長興元年徙鎭安國,又徙義成,淸泰中卒。

延州 軍亂,逐密,密守東城,而西城之兵以允權爲留後。 萬金子允權,開運中爲膚施令,罷居于家。是時,周密爲彰信軍節度使〔三〕,契丹滅晉 聞漢高祖起太原,遂歸漢,即拜節

度使,廣順三年卒。

溫韜

又以美原縣爲鼎州, 原縣爲耀州 温韜,京兆華原人也。 了以韜爲刺史。 建義勝軍,以韜爲節度使。末帝時,韜復叛茂貞降梁,梁改耀州爲崇 梁太祖圍茂貞於鳳翔,韜以耀州降梁,已而 少爲盜,後事李茂貞,爲華原鎭將,冒姓李, 復叛歸茂貞。 名彦韜。 茂貞以華 茂貞

見宮室制度閎麗,不異人間,中爲正寢,東西廂列石牀,牀上石函中爲鐵匣,悉藏前世圖書, | 韜在鎭七年,唐諸陵在其境內者,悉發掘之,取其所藏金寶,而昭陵最固,韜從埏道下,

州

**踵、王筆迹,紙墨如新,韜悉取之,遂傳人間,惟乾陵風雨不可發。** 

冲。 宗滅梁,韜自許來朝,因伶人景進納路劉皇后,皇后爲言之,莊宗待韜甚厚,賜姓名曰李紹 郭崇韜曰:「此劫陵賊爾,罪不可赦!」莊宗曰:「已宥之矣,不可失信。」遽遣還鎭。 明宗入洛,與段凝俱收下獄,已而赦之,勒歸田里。明年,流于德州,賜死。 其後朱友謙叛梁,取同州,晉王以兵援友謙而趨華原,韜懼,求徙佗鎮,遂徙忠武。

不能開其惑者矣!豈非富貴之欲,溺其所自私者篤,而未然之禍,難述於無形,不足以動 嗚呼,厚葬之弊,自秦漢已來,率多聰明英偉之主,雖有高談善說之士,極陳其禍福,

雜傳第二十八 溫韜 校勘記

其心歟?然而聞温韜之事者,可以少戒也!

遺世宗,使以瓦棺、紙衣而斂,將葬,開棺示人,旣葬, 妾,其意丁寧切至,然實錄不書其葬之薄厚也。 二,其一于京師,其一于澶州; 一代之君,往往不得其死,何暇顧其後哉。 又葬其劍、甲各二,其一于河中,其一于大名者,莫能原其旨 又使葬其平生所服衮冕、通天冠、絳紗袍各 獨周太祖能鑒韜之禍, 刻石以告後世, 毋作下宮, 毋置 其將終也, 爲 一守陵 書以

#### 校勘記

也。

- 1] 乃遣諸王自詣建不見 他本「詣」下均有「建辨之」三字。
- 遜傳 珠卒即以珠子澄爲朔方軍留後 亦 稱「洪卒,朝廷以其弟澄爲朔方軍節度觀察留後」。 本史卷四六康福傳云:「韓洙死,其弟澄立。」薛史卷一三二韓 此云「珠子澄」,恐誤。
- 3 周密 密爲三軍所逐」, 度 (使」;又卷九九漢高祖紀載, 爲彰信軍節度使 與本史卷一〇漢高 按薛史卷八四晉少帝紀載,開運三年八月「以右龍武統軍周密爲延州節 天福 祖紀 十二年(即開連四年)權延州留後高允權奏稱「本道節度 合。 明 周密實爲延 帥。 叉按 本史卷六〇職方考,延州 使 周

後唐時為彰武軍,彰信軍後周始置於曹州。

此處「彰信」當是「彰武」之訛

# 新 五代史卷四十

# 雜傳第二十九

### 盧光稠 譚全播

**盧光稠、譚全播,皆南康人也。** 光稠狀貌雄偉,無佗材能,而全播勇敢有識略,然全播

## 常奇光稠爲人。

良帥,盧公堂堂,眞君等主也。」衆陽諾之,全播怒,拔劍擊木三,斬之,曰:「不從令者如此 乃相與聚兵爲盜。衆推全播爲主,全播曰:「諸君徒爲賊乎?而欲成功乎?若欲成功,當得 」衆懼,乃立光稠爲帥。 唐末,羣盜起南方,全播謂光稠曰:「天下洶洶,此眞吾等之時,無徒守此貧賤爲也!」

mi 輕進,全播戒其持重,不聽,度其必敗, 是時,王潮攻陷嶺南, \_ `全播攻潮, 取其虔、韶二州, ,乃爲奇兵伏其歸路。 又遣光稠弟光睦攻潮州。 光睦果敗走,潮人追之, 光陸 全播 好勇

雑

傳 第

-|-九

虚 光

稝

M 全

審

以伏兵邀擊,大敗之,遂取潮州。

功, 於城南,告嚴戰期。 之,今日非 全播悉推諸將,光稠 是時 劉嚴 公不能守也。」全播日:「吾知劉嚴易與爾 起 南海,擊走光睦, 以老弱五千出 心益賢之。 戰, 以兵數萬攻虔州。 戰酣,僞北,嚴急追之,伏兵發,嚴遂人敗。 三」乃選精兵萬人,伏山谷中, 光稠 大懼,謂全播曰:「虔 、潮皆 陽治 光稠 第戦 公取 戰 地

貢 賦。 梁初,江南 太祖爲置百勝軍,以光稠爲防禦使、兼五嶺開通使,又建鎭南軍,以爲留後 、嶺麦悉爲吳與南漢分據,而光稠獨以虔、韶二州請命于京師,願通道路,

好遊 開 || 下五年,光稠病,以符印屬||全播,全播不受。 光稠卒,全播立其子延昌 而事之。 求乃自 延昌 請

命于梁。

彦圖 疑之,使人覘其動靜, 乾化元年,拜求防禦使。 全播應覘爲狀以自免。 水暴病死, 其將李彥圖自立, 彦圖死, 全播益懼,遂稱疾 州人相率詣全播第, 篤 杜 扣門請之, 門 自絕。

至播乃起,遣使請命于梁,拜防禦使。

氏 時 全播治虔州七年,有善政,楊隆演遣劉信攻破虔州,以全播歸廣陵,卒年八十五。 劉龑已取韶州,及全播被執,虔州遂入于吳。 當盧

#### 雷滿

區 景思、周岳等聚諸蠻數千,獵于大澤中,乃擊鮮釃酒,擇坐中豪者, T 滿,武陵人也。 爲人兇悍獢勇,文身斷髮。 唐廣明中,湖南饑, 盜賊起, 補置伍長, 滿與同里人 號土團軍

諸蠻從之,推滿爲帥。

是時,高駢鎭荆南,召滿隸麾下,使以蠻軍擊賊。 **퇡徙淮南,滿從至廣陵,逃歸,殺刺史** 

崔翥,遂據朗州,請命于唐。 昭宗以澧、朗爲武貞軍,拜滿節度使。

外,滿亦以輕舟上下荆江,攻劫州縣。楊行密攻杜洪于鄂州, 是時,遭陽人向瓌殺刺史呂自牧據澧州, 而溪洞諸蠻宋鄴昌、師益等,皆起兵剽掠湖 荆南成汭出兵救洪,汭戰敗,

溺死於君山。滿襲破荆南,不能守,焚掠殆盡而去。

滿嘗鑿深池於府中,客有過者,召宴池上,指其水曰:「蛟龍水怪皆窟於此,蓋水府也。」

酒酣,取坐上器擲池中,因裸而入,取器嬉水上,久之乃出,治衣復坐,意氣自若

恭附于楊行密 滿居朗州,引沅 亦嘗攻劫爲荆、湖患。 水塹其城,上爲長橋,爲不可攻之計。 開平元年,馬殷發兵攻彥恭,恃塹爲阻,逾年不能破。 天祐中, 滿卒, 子彥恭自立。

傳第二十九 雷滿 鎮傳

雜

三年,彥恭奔于楊行密,馬殷擒其弟彥雄等七人送于梁,斬于汴市,彥恭卒於淮南,禮、朗遂

#### 鍾傳

入于楚。

擊 賊 ()頻勝,遂逐觀察使, 鍾傳, 洪州高安人也。 自稱留後。 事州爲小校,黃巢攻掠江淮,所在盜起,往往據州縣。 唐以洪州爲鎭南軍,拜傳節 度使。 江夏伶人杜洪者 傳以州兵

亦據鄂州,

楊行密屢攻之,洪頗倚傳爲首尾。

久之,洪敗死

能下, 祭天,嚮城再 是時, 乃自率兵圍之。 危全諷 拜,祝曰:「全諷不降,非民之罪,顧天止火。」全諷聞之,明日乃亦聽命,請以女 (、韓師德等分據撫、吉諸州,傳皆不能節度,以兵攻之,稍聽命, 城中夜火起, 諸將請急攻之,傳曰:「吾聞君子不迫人之危。」乃掃 獨全諷 地

妻傳子匡時。

兵於楊渥,渥遣秦裴等攻匡時,匡時敗,被執歸廣陵。 請 命于 傳 唐。 居江 全諷 西三十餘年,累拜太保、中書令, 日:聽鍾 郎為節度 |使三年,吾將自爲之。| 已而傳養子 封南平王。 開平三年, 天祐三年, 傳卒, 全諷等起兵江西, 延規 子匡 與 匡 時 时 自 稱 謀復鍾 爭立,乞 留

### 趙匡凝

梁太祖攻蔡州 趙匡凝字光儀, 宗權 屢敗,德諲乃以山南東道 蔡州人也。 其父德諲事秦宗權,爲申州刺史。 七州降。 梁太祖初鎮宣武,嘗爲宗權所困 宗權反,德諲攻下襄陽。 一,聞

德諲降, 大喜, 表爲行營副都統, 河陽、保義、義昌三節度行軍司馬。 會其兵以攻蔡州 破

之,德諲功多。德諲卒,子匡凝自立。

是時,成內死,雷彥恭襲取荆南,匡凝遺其弟匡明逐彥恭,太祖表匡凝荆襄節度使,

以

匡凝爲人氣貌甚偉,性方嚴,喜自脩飾,頗好學問,聚書數千卷,爲政有威惠。

太祖攻兗州, ,朱瑾求救於晉,晉遣史儼等將兵數千救瑾,瑾敗,與儼等奔于淮南。 晉王

是時, 李克用遣人以書幣假道于匡凝, 梁已破兗、鄆,遣氏叔琮、康懷英等攻匡凝,叔琮取泌、隨二州, 以聘于楊行密, 求歸儼等。晉王使者爲梁得, 懷英取鄧州 太祖 匡 一凝懼, 大怒。

請盟,乃止。

雜傳第二十九 趙匡凝

深,不敢妄有佗志。」太祖遣楊師厚攻之,太祖以兵殿漢北, 太祖弑昭宗, 將謀代唐, 畏匡凝兄弟不從, 造使告之, 匡凝對使者流涕答曰:「 受唐恩 匡凝戰敗, 以輕舟奔于楊行密

師厚進攻荆南,匡明奔于蜀。

熱。」諸將以爲慢,渥遷匡凝海陵,後爲徐温所殺。 密厚遇之。 曰:「僕世爲唐臣,歲時職貢,非輸賊也。今以不從賊之故,力屈歸公,惟公生死之耳!」行 匡凝至廣陵,行密見之,戲曰:「君在鎮時,輕車重馬,歲輸于梁,今敗乃歸我乎? 其後行密死,楊渥稍不禮之。渥方宴,食青梅,匡凝顧渥曰:「勿多食,發小兒 匡明 卒于蜀。

# 新五代史卷四十二

## 雜傳第三十

## 朱宣弟強

指 使薛崇卒,其將崔君預自稱留後。 重 揮使。 校,敬武以隸其將曹全晟。 朱宣,宋州下邑人也。 已而全晟死,軍中推宣爲留後,唐僖宗即拜宣天平軍節度使。 少從其父販鹽爲盜,父抵法死,宣乃去事青州節度使王敬武爲 中和二年,敬武遣全晟入關與破黃巢。 全晟攻殺君預,遂據鄆州。 宣以戰功,爲鄆州馬步軍都 還過鄆州, **鄆州節度** 

國 宣 官 與其弟瑾以克、鄆之兵救汴,大破蔡兵,走宗權。 苦戰曹、濮間。 梁太祖鎭宣武,以兄事宣。 是時,梁又東攻徐州,西有蔡賊,北敵強晉,宣、避兄弟自相首尾,然卒爲 太祖新就鎮,兵力尚少,數爲秦宗權所困,太祖乞兵於宣。 是時,太祖已襲取滑州, 稍欲丼吞諸鎮, 遂爲敵

雞

僔

第

三 十

朱宣

梁所滅。

乾 寧四 年, 宣 敗 走中都,爲葛從周所執,斬于汴橋 下号

○ 今流俗以宜蓮兄,於名加「王」者,非也。

瑾 了,宣從父弟也。從宣居剛州,補軍 校。 少倜儻,有大志,兗州節度使齊克讓愛其爲

以女妻之。瑾行親迎,乃選壯士爲興夫,伏兵器興中。 夜至兗州,兵發,遂虜克讓,自

後。僖宗卽拜瑾泰寧軍節度使。

**瑾與宜已破秦宗權於汴州,梁太祖責瑾誘宣武軍卒以歸,遣朱珍攻瑾,取曹州** 又攻濮

州 而太祖自攻鄲。 **嘆兄弟往來相救,凡十餘年,大小數十戰,與太祖屢相勝敗** 

已降,不如早自歸。」」瑾僞曰:「諾。」乃遺牙將胡規持書幣詣軍門請降。 太祖得宣將賀瓌、何懷寶及嘩兄瓊,乃將瓊等至兗城下,告瑾曰:「汝兄敗矣!今瓊等 太祖大喜,至 延壽

瓊,揮手語捍日:「請瓊獨來!」瓊前, 與瑾交語,瑾曰:「願得瓊送符印。」太祖信之,遣客將劉捍送瓊往。 ,壯士擒之,遂閉門,責瓊先降,斬之,擲其首城 **瑾伏壯士橋下,單騎** 迎

祖度不可下,乃留兵圍之而去。

運嬰城自守,而與葛從周等戰城下,**運兵屢敗,**宣亦敗於鄲州, 乃乞兵於晉, 晉遣李承

間, 嗣 走海州,梁兵急追之,乃奔于淮南。 梁兵奄至, 史嚴 等以騎兵五千救之。 **瑾將康懷英等以城降梁。** 太祖已破宣,乃急趨兗。 楊行密聞瑾來,大喜,解其玉帶贈之, **運城中食盡,與承嗣等掠食豐、 沂州刺史尹處賓不納。** 表瑾領武寧軍節 又

師古。 行密累表瑾東南諸道行營副都統、領平盧軍節度使、同中書門下平章事。

其後,梁遣龐師古、葛從周等攻淮南,

行密用瑾,大破梁兵於清口,斬

度使,

以爲行軍副使。

訓 嘗以 行密 死, 月旦遺愛妾候 渥及隆演相繼立, 知訓家, 皆年少, 知訓強通之,妾歸自訴,僅益不平。 徐温與其子知訓專政,畏瑾, 欲除之, 瑾乃謀殺知 屢勸隆演誅徐氏,以

去國患,隆演不能爲。

升堂, 矣! 中, 垣,折其足。 」隆演日:「此事 知訓 旣 出其妻陶氏, 而 知訓 、而釋馬,使相踶鳴, 瑾顧路窮 以泗州建靜淮軍,出瑾爲節度使。 非吾敢知 知訓方拜, ?,大呼曰:「吾爲萬人去害,而以一 • | 蓮以笏擊踣之,伏兵自戶突出,殺之。 」遽起入內。 故外人莫聞 其變。 **瑾忿然以首擊柱**,提 將行, **瑾攜其首馳示隆演** 召之夜飲。 身死之! 剣而 逐 明日,知訓過瑾謝, 自刎 出 日:「今日爲吳除 初,谨以二 府門 已闔 惡馬繫庭 因踰 延之 患

見公矣!」陶氏收淚,欣然就戮,聞者哀之。 浬 州 徐 知誥聞 1 亂,以兵趨廣陵, 族瑾 家。 **瑾妻陶氏臨刑而泣**, 其妾曰:「何爲泣乎?今

雜傳第三十 朱實 王師範

墓 曰:「但理之,吾非以病死者。」於是果然。 温 上 病 夢瑾 一土,以水服之,云 璍 名重 挽 江 弓射之。 淮 ,人畏之,其死也,尸之廣陵北門,路人私共瘞之。 病輒愈, 温懼, 網其骨,葬 更益新土,漸 塘側 卒年五十二。 成 立, 高墳。 祠 其 上 徐温 等惡之,發其尸 初, |瑾嘗病疽,醫者視之,色懼 是時 , 投於雷 民多 河病瘧 公塘。 皆取 後 其

#### 王師範

間 平盧節度使安師儒遣敬武率兵擊破之。敬武反兵逐師儒,自 師範,青州 人也。 其父敬武, 爲 平盧 軍牙將。 唐廣 **明元** 年,無棣 一稱留後, 人洪霸 都統王鐸承制 郎爲盜齊、 棣

一一 酮 襲 師 敬武節度使。 表青州 **"爲牙將。」明日,洪來,師範出迎,鄩於坐上斬之,伏兵發,盡殺其餘兵,** 催 選以 安潛爲平盧節度使。 敬武 師範陽爲好辭,遣人迎語洪曰:「吾幼未能任事,賴諸將共持之爾。 了卒,師範尙幼,其棣州刺史張蟾叛。 師範無能爲、遂還,不爲 師範不受代,蟾迎安潛入棣州。 備 師範伏兵於道,語其 昭宗以爲師範年少,其下不服從,乃拜太子少 ·僕劉鄩日:「洪來,爲我斬之! 師範遣其將盧洪攻蟾,洪以兵返 乃急攻棣州,破張 不然,聽公所為 用

蟾,安潛奔歸于京師。昭宗乃拜師範節度使。

其兵。 稱 乃遣劉鄩與其弟師魯分攻兗、密諸州。 以兵自衞 召 兵攻梁。 師範 諸 領兵以擊梁。 師範 使者聘梁,因欲劫殺太祖。 居厚途擊殺敬思,以兵攻西城,不克而反。劉鄩逐葛從周取兗州,而平盧諸州皆起 **【頗好儒學,聚書至萬卷,爲政有威愛。** 吾雖力不足,當成敗以之。」乃遣使乞兵於楊行密。 韶至青州,師範泣曰:「諸鎭有兵,所以藩扞天子,今天子危辱,而諸鎭反 居厚至華州東城,華州將婁敬思疑其有異,剖興視之,見 遣張居厚以壯士二百爲興夫,伏兵興中,西馳梁軍, 梁太祖圍昭宗於鳳翔,宦官韓全海等矯詔 是時,梁已東下兗、鄆,師範

旭 魯大敗,遂傅其城,而梁別將劉 還軍。」師範以爲然,乃遣師魯悉兵攻之,師厚拒而不戰。 師範以兵迫之,師厚陽爲怯不敢出,問遺 請罪,太祖待以客禮。 其後,梁太祖自鳳翔東還,遣朱友寧攻師範, 久之,表師範 重霸下其棣州 河陽 |人陽言曰:「梁兵少,方乞兵於鳳翔,今糧且絕, 節度使。 師範 友寧戰死。 乃請降,太祖許之。 師魯兵却,師厚追擊至聖王山 復遣楊師厚攻之,屯于臨朐。 師範素服乘驢詣太 當

封王,宴於宮中,友寧妻泣謂太祖曰:「陛下化家爲國,諸子人人皆得封,而妾夫獨以戰死, 太祖 即位, 召爲右金吾衞上將軍,居于洛陽。 太祖心欲誅之,未有以發。 太祖諸子已

雜

有罪乎? 奈何讎人猶 至,先掘 坑於外,乃入告之。 然懼少長失序,下愧於先人。」酒半,令少長以次起,就戮於坑所, 在 朝 廷 ! 」太祖奮然戟手曰:「吾亦幾忘此賊!」乃遣人就洛陽族滅之。 師範設席爲具,與諸宗族飲酒,謂使者曰:「死,人之所不免,況 聞者皆哀憐之。 使者

#### 李罕之

同光三年,贈師範太尉。

往皆不容。乃乞食酸棗市中,市中人皆不與,罕之擲器于地,裂其衣,又去爲盜。 李罕之,陳州項城人也。爲人驍勇,力兼數人。少學,讀書不成,去爲僧,以其無賴,所

闕 以兵屯宋州,又表河南尹、東都留守。 罕之爲懷州刺史。巢已敗走,爽降唐,僖宗拜爽東南面招討使,以攻宗權,爽表罕之副使, 州 刺 剽掠而去。 史。歲餘,秦宗權急攻光州,罕之不能守,還走項城,收其餘衆,依諸葛爽於河陽,爽以 是時,黃巢起曹、濮,乃往依之。巢北渡江,罕之與其麾下走淮南,自歸於高駢,駢表光 罕之壁澠池。 秦宗權遣孫儒攻河南,罕之兵少,西走澠池,儒燒宮

歲餘,諸葛爽死,其將劉經立爽子仲方。 仲方年少,事皆任經,經慮罕之兇勇難制,以

經,與罕之合攻河陽,爲經所敗,退保懷州。 兵攻之,罕之返擊走經。罕之追至鞏縣,陳舟于汜水,將渡河,經遣張言拒之河上,言反背 已而孫儒陷河陽,仲方奔于梁。梁兵擊走儒,

罕之襲取河陽,言取河南,皆附于梁。

統,表罕之爲副。破王行瑜,加檢校太尉,食邑千戶。 東,頗倚罕之爲扞蔽。李茂貞等犯京師,克用以兵至渭北,僖宗以克用爲邠州四面行營都 人爲食。居民屯聚摩雲山,罕之悉攻殺之,立栅其上,時人號曰李摩雲。 于沈河,乃歸太原,李克用延之帳中。罕之留其子頎事晉,乃之澤州,日以兵鈔懷、孟間,啖 陽,罕之齊晉。晉表罕之澤州刺史,使李存孝以兵三萬助罕之攻言。言求救於梁。罕之敗 無已,言頗苦之,不能輸,罕之召言軍吏笞責之,言益不平。罕之悉兵攻晉、絳,言夜襲河 暴,頗失士心。而言善治軍旅,敎民播殖,務爲積聚。罕之用兵,言嘗供給其乏。罕之求取 罕之與言皆爽叛將,事已成,乃相與交臂爲盟,誓同休戚不相忘。罕之御衆無法,性苛 是時,晉方徇地山

對。佗日,諸鎭擇守將,未嘗及罕之,罕之心益怏怏。寓告克用,懼罕之有佗心,克用曰: 矣,無能爲也。若吾王見憐,與一小鎭,使休兵養疾而後歸老,幸也!」寓爲言之,克用不 「吾於罕之豈惜一鎭,然鷹鳥之性,飽則颺矣!」 罕之自以功多於晉,私謂蓋寓曰:「自吾脫身河陽,賴晉容我,未能有以報之;今行老

然者 以乞兵。 1,備佗盜耳 元年, 梁太祖遣丁會守潞州,以罕之爲河陽節度使,行至懷州,以疾卒,年五十八 路州薛志勤卒, !」克用大怒,遣李嗣昭攻之。 罕之遽入路州, 罕之執晉守將馬溉、伊鐔等,遣子願送于梁 使人啓晉王曰:「志勤且 苑,新 帥 \*未至, 所以

唐,歷衞、衍二州刺史,累遷右領軍衞上將軍。 **衞昭宗,故頎當太祖時,** 以歸梁,晉王怒,欲殺頎,莊宗與之駿馬,使奔于梁。太祖得頎父子大喜,使與友倫將兵以 罕之初背梁而歸晉,晉王以罕之守澤州,罕之留其子頎與莊宗遊,甚狎。 常掌禁兵。末帝誅友珪,頎與其謀,拜右羽林統軍 天福中卒,年七十,赠太尉。 、澶州刺史。 後罕之背晉

#### 孟方立

諸 「葛爽于河陽,遣方立將兵出天井關爲先鋒。 孟方立,邢州平鄉人也。少爲軍卒,以勇力選爲隊將。唐廣明中,潞州節度使高潯攻 方立聞

亂,引兵自天井入據潞州,唐因以爲昭義軍節度使。

自 |劉稹以來嘗逐其帥; 昭 義 所節制澤、路、邢、洛、磁 且己邢人也,因徙其軍于邢州 五 州 而治 潞州。 方立以謂潞州山川高險,而人俗勁悍, 而 路人怨方立之徙也, 因以澤、路

雜傳第三十 孟方立 王珂

一州歸于晉。 晉遣李克修爲澤路節度使,方立以邢、洛、磁三州自爲昭義軍

晉,鎔許之。方立乃遣其將冥忠信攻晉遼州,而鎔以佗故不能出兵。 兵旣失約,忠信大敗, 方立以孤城自守,求救于梁,梁方東事兗、鄆,不能救也。文德元年,方立乞兵于王鎔以攻 晉數遣李存孝等出兵以窺山東,三州之人俘掠殆盡,赤地數千里, 無復耕桑者累年。

而晉兵乘勝攻之。

州,方立來救,可以敗也。」金俊以爲然。軍于滏水之西,方立果帥兵來救,爲金俊所敗,馳 知不可,乃歸飮酖而卒。 入邢州,閉壁不復出。外無救兵,城中食且盡,方立夜出巡城,號令守者,守者皆不應,方立 金俊厚遇之,問以攻邢之策,元佐曰:「方立善守而邢城堅,若攻之,必不得志。 宜急攻其磁 方立將石元佐者,善兵而多智,方立嘗信用之。忠信之敗也,元佐爲晉將安金俊所得,

虔裕降晉。晉徙遷族于太原,以爲汾州刺史,後以爲澤路節度使。 軍中以其弟洺州刺史遷爲留後,求救於梁。梁太祖遣王虔裕將騎兵三百助遷守,遷執

軍還過路,以遷歸于梁,梁太祖惡其返覆,殺之。 天復元年,梁遣氏叔琮攻晉,出天井關,遷開門降,爲梁兵鄉道以攻太原,不克。

#### 四五八

#### 王珂

子,以其兄重簡子珂爲後。 河中人也。 其仲父重榮,以河中兵破黃巢, 重榮卒,弟重盈立,重盈卒,軍中乃以河重榮子,立之。 有功於唐,拜河中節度使。 重榮無

易。 之。偏將李璠因洪戰敗,殺洪,自稱留後。 妻之,遣李嗣昭將兵助珂攻珙陝州。珙爲人慘刻,嘗斬人擲其首於前,言笑自若,其下苦 西討三鎮,行下絳州,斬瑤而過,至于渭北,擊破行瑜。昭宗卒以珂爲河中節度使。晉以女 行瑜、韓建、李茂貞爲援,行瑜等交章論列,昭宗報以重榮與晉於唐嘗有大功,業許之,不可 小字忠兒,不應得立。阿亦求援於晉,晉人言之朝,昭宗以晉故,許之。 行瑜等怒,以兵犯京師,殺宰相李磎等而去。洪、瑤連兵攻河河中,珂求援於晉,晉兵 重盈子陝州節度使洪、絳州刺史瑤,與河爭立,洪、瑤以書與梁太祖,言河故汪氏蒼頭, 而珙、瑤亦西結王

等兵出含山,破晉、絳二州,遣何絪以兵守之,絕晉援。 梁太祖以珂在河中,懼爲患,乃顧張存敬、侯言,以一大繩與之,曰:「爲我持縛珂來!」存敬 是時,梁已下鎭、定,將移兵西,而昭宗爲劉季述所廢,京師大亂。 存敬圍河中,珂告急於晉,晉以網故 崔胤陰召梁以兵西,

若弊邑朝亡,則西北諸鎮非諸君所能守也!願與華州出兵潼關以爲應。」茂貞不報。 晉王報之曰:「梁兵爲阻,衆寡不敵,救之則井晉俱亡,不若與王郎自歸朝廷。」 珂乃爲書與 不 李茂貞曰:「天子初返正,詔藩鎭無相侵以安王室。今朱公棄約以見攻,其勢不止於弊邑, 得 前 珂乃遣其妻以書告晉王曰:「賊勢如此,朝夕乞食於梁矣! 大人何忍而不救邪? 河計

攜 訓 乃解 家夜濟 且爲款狀以緩梁兵,徐圖向背。」珂以爲然。 珂 衣 夜登城諭 公自索 人必爭舟, [而入曰:「公苟懷疑, 請先斷臂 守陴者,守陴者皆不應。牙將劉訓夜入珂寢白事,珂叱之曰:「兵欲反邪! 一夫鴟張,大事 ,即去。 !」阿日:「事急矣!計安出乎? 不若遲明以情諭軍中,願從者猶得其半。不 一.訓日:「公若

乃治舟于河,將歸于京師。

太祖 梁王 思 至 何 河 梁太祖 時 中 以珂晉壻也, 有家世之舊,兵當退舍,俟梁王來,吾將聽命。」存敬乃退舍,使馳詣太祖 可忘, , 先之城東, 哭於重榮之墓而後入。 自同州 鄓 | 君若以亡國之禮見,太師其謂 疑其貳己,使珂 降唐, 即依重榮 西入覲, 以母王氏, 行至 河欲 華州 我何? 面 故事重榮爲舅。 [縛牽羊以見太祖 ?;使人 河 殺之傳舍。 迎於路, 珂乃登城呼存敬曰:「吾於 一、太祖 握 于 ,嘘晞, 謂曰:「太師阿舅之 於洛陽。 乃徙珂於汴。

瓚 雜 重盈 僔 第 之諸 Ξ + 子 也,梁太祖已執珂,自領河中節度使, 以瓚爲吏。 瓚事梁, 爲諸衞大將

 $\pm$ 

Ŧ

趙 浬

時,晉已城德勝 電 百餘戰,瓚卒無功,末帝遣戴思遠代,瓚復爲開封 泰寧、 鎭國 西, 費自 軍節度使。 [黎陽渡河攻澶州,不克,退屯楊村,扼河上流, 末帝時, 爲開封尹。 貞明五年,代賀褒爲 與晉人相持經 北 面行營招討使。 年, 大

尹

邪 ! 贈太子太師。 費開門迎降, 「使吾保此者, 」因以爲開封尹 莊宗自鄆入京師,末帝聞唐兵且至,日夜涕泣,不知所爲,自持 伏地請死, 繫卿之畫如何耳!」唐兵已過<u>宛朐,</u>瓚驅率市人登城拒守。 , 遷宣武軍節度使。 莊宗勞而起之曰:「殷與 已而故梁臣趙巖、 卿家世婚姻, 張漢傑等相次誅死,齊以憂卒 然人臣各爲主耳, 國寶,指其宮室謂瓚 唐兵攻封丘 復何罪 門,

#### 趙犨

諸大兒皆聽其節度,其父叔文見之,驚曰:「大吾門者,此兒也!」及壯,善用弓劍,爲人勇 重氣義,刺史聞其材,召置麾下。 趙犨,其先青州人也。 世爲陳州牙將。 累遷忠武軍馬步軍都虞侯 犨幼與羣兒戲道中,部分行伍,指顧如將帥 雖

王仙芝寇河南,陷汝州,將犯東都,犨引兵擊敗之,仙芝乃南去。 已而黃巢起,所在州

昶、琊爲將。 適當其衝矣! 往往陷賊。 已而 ||巢陷長安,犫語諸將吏曰:||以吾計,巢若不爲長安市人所誅,必驅其衆東走,吾州 巢敗,果東走,先遣孟楷據項城,昶擊破之,執楷以歸。巢從後至,聞楷被執 」乃治城池爲守備,遷民六十里內者皆入城中,選其子弟,配以兵甲,以其弟 陳州豪傑數百人,相與詣忠武軍,求得犨爲刺史以自保,忠武軍表犨陳州刺

會陳, 時。 犨語其下曰:「吾家三世陳將,必能保此。 人馬皆洞, 二十萬。 陳人皆踴躍。 旣 擊敗巢將黃鄴于西華。 而 陳人舊有巨弩數百,皆廢壞,後生弩工皆不識其器。 秦宗權以蔡州附巢,巢勢甚盛,乃悉衆圍犨,置春磨,糜人之肉以爲食。 以故巢不敢近。 巢栅城北三里爲八仙營,起宮闕,置百官,聚糧餉, 圍凡三百日,犨食將盡, 西華 有積栗,巢恃以爲餉,及|||取,巢乃解圍去。 爾曹男子,當於死中求生,建功立業,未必不因此 乃乞兵於梁。 珝創意理之, 弩矢激五百步 梁太祖與李克用皆自將 ,欲以久弊之,其兵號 陳人恐,

權皆敗死,唐昭宗卽以陳州爲忠武軍,拜犨節度使。 已去,秦宗權復亂淮西,陷旁二十餘州,而陳去蔡最近 梁太祖入陳州 以梁援己恩,爲太祖 立生祠, 朝夕拜謁。 然犨陰識 以其子巖尙太祖女, 犨已病,乃以位與其弟冠,後數月卒。 太祖必成大事 ,犨兄弟力拒之,卒不 是謂長樂公主。 乃降心屈迹, 能下。 後巢、宗 爲自託 黄巢

昶 乘 大寇新 滅, 乃休兵課農, 事梁尤謹。 梁兵攻戰四方, **昶饋輓供億** 未嘗 少解 昶

卒, 现代立。

于家,陳人爲之罷市。

加 已降韓建,取同、華,徙琊爲同州留後。 **羽頗知** 書,乃求鄧艾故迹, 決翟王陂漑民田。 入唐,爲右金吾衞上將軍。 兄弟居陳二十餘年, 歲餘,以疾免官歸,卒 陳人大賴之。

虐殺戮爲事,而末帝爲人特和柔恭謹,然性庸愚,以漢傑婦家,而嚴壻也,故親信之,大臣 **雙次子巖,梁末帝時爲戶部尙書、租庸使,與張漢傑、漢倫等居中用事。** 梁自太祖以暴

老將皆切齒,末帝獨不悟,以至於亡。

之。嚴爲末帝謀,遺人召楊師厚兵起事。嚴還西都,卒與袁象先以禁兵誅友珪,取傳國寶以 初, 友珪殺太祖自立, 以末帝為東都留守。 嚴如東都,末帝與之飲酒,從容以誠款告

授末帝。

乃占天下良田大宅,裒刻商旅,其門如市,租庸之物,半入其私,嚴飲食必費萬錢 |末帝立, 嚴自以有功於梁, 又尙公主, 聞唐駙馬|杜悰位至將相, 自奉甚豐, 恥其不及。

二千,末帝患之。 故時,魏州牙兵驕,數爲亂,羅紹威盡誅之。太祖崩,楊師厚逐羅氏,據魏州,復置牙兵 師厚死,嚴與租庸判官邵贊議曰:「魏爲唐患,百有餘年, 自先帝時, 嘗切

也。陛下不以此時制之,寧知後人不爲師厚也?不若分相、魏爲兩鎭,則無北顧之憂矣。」 齒紹威,以其前恭而後倨。 今先帝新棄天下,師厚復爲陛下憂,所以然者,以邈地大而兵多

|末帝以爲然,乃分相、澶、衞爲昭德軍。 牙兵亂,以魏博降晉,梁由是盡失河北。

池水矣!」或曰:「下鄭、濮矣!」京師大風拔木,末帝大懼,從官相顧而泣,末帝乃還東都, 受實弊也。」末帝不聽,乃備法駕幸西京,而莊宗取楊劉,或傳:「晉兵入東都矣!」或曰:「扼 遂不果郊。 下力行之。」敬翔以爲不可,曰:「今府庫虚竭,箕斂供軍,若行郊禋,則必賞賚;是取虛名而 卽 ;位猶未郊天,議者以爲朝廷無異藩鎭,如此何以威重天下。 今河北雖失,天下幸安,願陛 是時,梁將劉鄩等與莊宗相距澶、魏之間,兵數敗。嚴曰:「古之王者必郊祀天地,陛下

矣。」敬翔以爲然,嚴與漢傑皆以爲不可,乃止。其後黜王彥章用段凝,皆嚴力也。 鎭州張文禮殺王鎔,使人告梁曰:「臣已北召契丹,願梁以兵萬人出德、棣州,則晉兵憊

殿曰:「勢已如此,一下此樓,何人可保!」末帝卒死於樓上。 久,雖使入汴,不能守也。宜幸洛陽,保嶮以召天下兵,徐圖之,勝負未可知也。」末帝猶豫, 莊宗兵將至汴,末帝惶惑不知所爲,登建國樓以問羣臣,或曰:「晉以孤軍遠來,勢難持

當嚴用事 第 三 十 許州温韜尤曲事處,嚴因顧其左右曰:「吾常待韜厚,今以急投之,必不 趙 얉 馮 行 Ų 四六三

幸吾爲利。」乃走投韜, 韜斬其首以獻。 莊宗已滅梁,嚴素所善段凝奏請誅嚴家屬, 乃族滅

也? 自以 福? **犨之求福於梁,蓋|老氏之所謂福也,非君子之所求也,可不戒哉 )先見之明,深結梁太祖,及其子孫皆享其祿利,** 惟君子之罹非禍者,未必不爲福;小人求非福者,未嘗不及禍, 嗚呼, 後世之談禍福者, 禍福之理,豈可一哉!君子小人之禍福異也。 皆以其言爲至論也。 **夫爲善而受福**, 自謂 老子曰:「禍兮福所倚, 知所託矣, 焉得禍。爲惡而受禍 此自然之理 安知其族卒與梁俱滅 也。 福兮禍所 始 焉得

## 馮行襲

嬰爲州 定。」喜以爲然,乃留其兵江北,獨與行襲渡江。 民懼虜掠,恐其驚擾,請留兵江 馮 行襲字 校, 乃陰選勇士伏 ,正臣,均州 八江南, 人也。 獨 唐末,山南盜孫喜以衆千人襲均州刺史呂燁,燁 北,獨 乘 小舟逆喜, 與腹心數 軍吏前謁 告曰:「州人聞 人從行, 願爲 行襲擊喜仆地,斬之,伏兵發, 公至, 河前導, 皆欲歸 以慰 。安州 矣 ! 民 不能禦。行 然知公兵 事 可立

殺 從行者。 餘兵在江北,聞喜死,皆潰。 山南節度使劉巨容表行襲均州刺

是時,僖宗在蜀,諸鎭貢獻行在者皆道山南,盜賊多據州西長山以邀劫之,行襲盡破諸

贼。 李茂貞兼領山南,遣子繼臻守金州,行襲逐之,遂據金州。 洋州葛佐辟行襲行軍司馬,使以兵鎭谷口,通秦、蜀道,行襲由此知名。 昭宗乃以金州爲戎昭軍,拜

行襲 准,以拒太祖,行襲已附梁,乃盡殺文晏等。太祖攻趙匡凝于襄陽,行襲遣子勗以舟兵會 節度使。 昭宗在岐, 梁太祖引兵而西,中尉韓全海遣中官郯文晏等二十餘人召兵江

均、房,以功遷匡國軍節度使。

知梁必興,尤盡心傾附事梁,官至司空,封長樂郡王,卒贈太傅,諡曰忠敬。 行襲爲人嚴酷少恩,而所至輒天幸,境旱有蝗,則飛鳥食之,歲凶,田中鹵穀自生。 唐

# 新五代史卷四十三

## 雜傳第三十一

#### 氏叔琮

之,使將後院馬軍,從攻徐、克,表宿州刺史。 氏叔琮,開封尉氏人也。 爲梁騎兵伍長,梁兵擊黃巢陳、許間,叔踪戰數有功, 使攻襄陽,戰數敗, 降爲陽翟鎭遏使。久之, 太祖出

遷曹州刺史。

等攻之。叔琮自太行入,取澤、潞,出石會,營于洞渦,久之糧盡,乃旋。 太祖下河中,取晉、絳,晉王遣使致書太祖求成,太祖以晉書詞嫚,乃遣叔琮與賀德倫 表晉州刺 史。

寧兵萬人會叔琮禦晉, 兵,雜行道中,何其怠,撳晉二人而歸。 晉人復取絳州, 攻臨汾, 友寧欲休兵以待, 叔琮選壯士二人深目而胡鬚者,牧馬襄陵道旁,晉人以爲晉 晉人大驚,以爲有伏兵,乃退屯于蒲縣。 叔踪曰:「敵聞救至必走,走則何功邪? 太祖遣友 」乃夜撃

四六七

雜

傳第三十

氏叔琮

李彦威

令曰:「病不能行者焚之。」病者懼,皆言無恙,乃以精卒爲殿而還石會,留數騎,以大將旗幟 之, 管人大敗, 逐之至于太原。太祖大喜曰:「破太原非氏老不可。」已而兵大疫, 叔琮班師,

昭宗遷洛,拜右龍武統軍。太祖遣叔琮與李彦威等弑昭宗,已而殺之。

立于高岡、晉兵疑其有伏、乃不敢追。久之、徙保大軍節度使。

#### 李彦威

氏,名友恭。歷汝、潁二州刺史。昭宗下洛,拜右龍武統軍。 李彥威,壽州人也。少事梁太祖,爲人穎悟,善揣人意,太祖憐之,養以爲子,冒姓朱

欲賣 安得猶在乎?公白天子殺之。」胤奏之,昭宗不許,佗日以問太祖,太祖曰:「臣安敢及之,胤 始 封爲德王。 臣爾。」昭宗遷洛,謂蔣玄暉曰:「德王, 股愛子也, 全忠何爲欲殺之? 」因泣下,囓指流 劉季述廢昭宗,立皇太子裕爲天子。 昭宗自岐還,太祖見裕眉目疏秀,惡之,謂宰相崔胤曰:「德王嘗爲季述所立, 昭宗反正,以爲太子幼,爲賊所立,赦之,復其

是時,昭宗改元天祐,遷于東都,爲梁所迫,而晉人、蜀人以爲天祐之號非唐所建,不復

m

玄暉具以白太祖,太祖益惡之。

神理何?」顧廷範曰:「勉之,公行自及。」遂見殺。已而還其姓名。 邪!」太祖至洛,流彥威、叔琮嶺南,使張廷範殺之。彥威臨刑大呼曰:「賣我以滅口,其如 之,昭宗崩。計至河中,太祖陽爲驚駭,投地號哭,駡曰:「奴輩負我,俾我被惡名於後世 中,夜二鼓,以兵百人叩宮門奏事,夫人裴正一開門問曰:「奏事安得以兵入?」龍武牙官史 中,陰遺敬翔至洛行了,告彥威與氏叔琮等,使行弑逆。八月壬辰,彥威、叔琮以龍武兵宿禁 稱之,但稱天復。 太殺之,趨椒蘭殿,問昭宗所在,昭宗方醉,起走,太持劍逐之,昭宗單衣旋柱而走,太劍及 王建亦傳檄天下,舉兵誅梁。 太祖大懼,恐昭宗奔佗鎮,以兵七萬如河

坑,瘞于龍興寺北,請合爲一冢而改葬之。韶以故濮王爲首,葬以一品禮云。 莊宗時,得故唐內人景姹,言當彥威等殺昭宗時,諸王宗屬數百人皆遇害,而同爲一

#### 李振

不果行,乃西歸。過樂,以策干太祖,太祖留之。太祖兼領鄆州,表振節度副使。 李振字興緒,其祖抱眞,唐潞州節度使。振爲唐金吾衞將軍,拜合州刺史。盜起浙東,

振奏事長安,舍梁邸。 宦官劉季述謀廢昭宗, 遣其姪希正因梁邸吏程嚴見振曰:「今主

傳

詣 爲霸者資 |邢、洛間,||季述詐爲太上皇誥告太祖,太祖獨豫,未知所爲, 振還,季述卒與巖等廢昭宗,幽之東宮,號太上皇,立皇太子裕爲天子。 「百歲奴事三歲主,而 上嚴急,誅殺不辜,中尉懼及禍,將行廢立,請與諸邸吏協力以定中外, 囂京 師見崔胤, 也。 今閹宦作亂,天子危辱,此王仗義立功之時。」太祖大悟,乃囚 謀出昭宗。 1 敢爾邪 昭宗返正,太祖大喜,執振 ! 今梁王百萬之師,方仗大義尊天子,君等無爲此不祥也! 手曰:「卿謀得之矣!」 振曰:「夫豎刁、伊戾之亂,所以 是時, 如何? [季述使者,遣振 振 太祖用兵在 駭然日:

豈 繡 與曹公爲 王 怨害忠臣乎? 飾 範 敵 以青州降梁, 然不歸袁紹 師範 遺振往代 洗然自釋,乃西歸 而歸曹公者,知其志大,不以私讎殺人也。 師範, 師範疑懼,不知所爲, 梁。 振曰:「獨不聞漢張繍 今梁王方欲成 大事 乎?

京 師 昭宗 朝廷必有貶降。 遷洛,振往來 時人 京 師 目振爲鴟 朝臣皆仄目,振 梟 視之若無人。 有所小怒,必加譴謫。 故振

至

等宜 加 太祖 何? 之弑 振 昭宗也, 日一一昔晉司馬氏殺魏君 遺振 至京 師與朱友恭、氏叔踪謀之。 而誅成濟, 不然, 何以塞天下口 昭宗崩 太祖問振所以待 ? ||太祖 乃歸罪友恭 友恭

振嘗舉進士咸通、乾符中,連不中,尤憤唐公卿,及裴樞等七人賜死白馬驛, 振謂太祖

等

前

殺

之。

曰:「此輩嘗自言清流,可投之河,使爲濁流也。」太祖笑而從之。

郭崇韜、崇韜曰:「人言李振一代奇才,吾今見之 乃常人爾!」已而伏誅。 太祖卽位,累遷戶部尚書。 友珪時,以振代敬翔爲崇政院使。 莊宗滅梁入汴, 振謁見

#### 裴迪

爲出使巡官。都統王鐸鎭滑州,奏迪汴、宋、鄲等州供軍院使。鐸爲租庸使,辟租庸招納 裴迪字昇之,河東聞喜人也。 爲人明敏,善治財賦,精於簿書。唐司空襲曠判度支,辟

自 .處,而以貨財獄訟一切任迪。 梁太祖鎭宣武,辟節度判官。 太祖用兵四方,常留迪以調兵賦。 太祖乃牓門,以兵事

事卒不成。 立 |色動,乃屛人密詰之,具得其事。 太祖西攻岐,王師範謀襲汴,遣健卒苗公立持書至汴,陰伺虚實。 太祖自岐還,將吏皆賜「迎鑾叶贊功臣」,將吏入見,太祖目迪曰:「叶贊之功,惟 迪不暇啓,遣朱友寧以兵巡兗、鄆,以故師範雖竊發而 迪召公立問東事、公

雜

傳第

#### 韋震

列,卒俘宗權。 黃巢,獻馘而已,宗權不足俘,左拾遺徐彥樞亦疏請所在斬決。太祖遣震奏事京師,往復論 叢 遣 人也。」叢後果爲郭璠所殺。 |騎兵三百迎震,欲殺之,震以計得免。還白太祖曰:「護不足慮,爲其謀者牙將襲涉,妄庸 | 執秦宗權,欲送于太祖,又欲自獻於京師,又欲挾宗權奪其兵。 太祖遣震入蔡州視之,叢 章震字東卿 太祖德之,表爲節度副使。 雍州萬年人也。 潘以宗權歸于太祖,太祖欲大其事,請獻俘于唐,唐以<u>時</u>溥破 初名肇。爲人彊敏,有口辯。 事梁太祖爲都統判官。

兼領鄆州。 吳,大敗于清口。 昭宗幸石門,太祖遣震由虢略間道奉表行在,昭宗賜其名震。太祖已破兗、鄆,遂攻 昭宗初不許,慶彊辯,敢大言,語數不遜,昭宗卒許梁以鄆州,太祖遂兼四鎮,表 太祖懼諸鎭乘間圖己,乃諷杜洪、鍾傳、王師範、錢鏐等薦己爲元帥,且求

震鄲州留後。

昭宗遷洛,震入爲河南尹、六軍諸衞副使,以病瘖,守太子太保致仕。 太祖受禪、改太

#### 孔循

爲子,乳母之夫姓趙,循又冒姓爲趙氏,名殷衡。 宣武,以李讓爲養子,循乃冒姓朱氏。 孔循,不知其家世何人也。少孤,流落於汴州,富人李讓闌得之,養以爲子。 稍長,給事太祖帳中,太祖諸兒乳母有愛之者 昭宗東遷洛陽,太祖盡去天子左右,悉以 梁太祖鎮 養循

梁人代之,以王殷爲宣徽使,循爲副使。

密 怒。 作天子可乎? 之興,必有封國,而唐所以不卽遜位者,當先建國備 封太祖魏王,備九錫,太祖拒而不受。 郊,循因與王殷讒于太祖曰:「玄暉私侍何太后,與廷範等奉天子郊天,冀延唐祚。」太祖大 副 使。 是時,梁兵攻壽春,大敗而歸,哀帝遣裴迪勞軍,太祖見迪,怒甚, 循與蔣玄暉、張廷範等共與弑昭宗之謀, 」燦懼,馳去。 太祖遣循與王殷弑何皇后, 。玄暉與宰相柳燦相次馳至梁自解,燦日:「自古王者 其後循與玄暉有隙,哀帝卽位,將有事于南 九錫,然後禪也。」太祖曰:「我不由九錫 因殺璨及玄暉、廷範等, 迪還,哀帝不敢郊。 以循為樞

雜

儜

第

三十

明宗自魏兵反而南,莊宗東出汜水,循持兩端,遣迎明宗於北門,迎莊宗於西門,供帳牲餼 唐 亡,事梁爲汝州防禦使、左衞 :大將軍、租庸使,始改姓孔, 名循。 莊宗 時, 權 知汴州。

|如一,而戒其人曰::「先至者入之。」明宗先至,遂納之。

其冤,因詔天下除麴禁,許民得造麴。 明宗卽位,以爲樞密使。明宗幸汴州,循留守東都,民有犯麴者,循族殺其家, 明宗知

横海,卒于鎭,年四十八,贈太尉。 宗,求女妻皇子,明宗即以宋王從厚娶循女。 女,重誨以問循,循曰:「公爲機密之臣,不宜與皇子婚。」重誨信之,乃止。 循爲人柔佞而險猾,安重誨尤親信之,凡循所言,無不聽用。 重酶始惡其爲人,出循爲忠武軍節度使,徙鎮 明宗嘗欲以皇子娶重誨 而循陰使人白

明

### 孫徳昭

義兵千人,南攻,與于咸陽,與平州將壯共所為,益以州兵二千。與破賊功,拜右金吾衞大將 孫 、徳昭, 鹽州五原人也。其父惟最至,有材略。 黃巢陷長安, 惟最率其鄉里子弟, 得

部目 闕請 朱 惟最之鎮 政亂京師,僖宗幸興元,惟最率兵擊賊。 ,京師民數萬與神策軍復遮留不得行,改<u>荆南節度使,在京制置,</u> 累遷鄜州節度使, 留京師宿衞。 鄜州 分判神策 將吏

- ,號「扈駕都」。是時,京師亂,民皆賴以爲保。

年正 首 中書門下平章事 樓 聞 陰使人求義 反正,以功拜靜海軍節度使,賜姓李,號「扶傾濟難忠烈功臣」, 外諠譁,大恐。 」德昭擲其首入。 |月朔,未旦,季述將朝,德昭伏甲士道旁,邀其興斬之(四),承誨等分索餘黨皆盡。 德昭以父任爲神策軍指揮使。 (土可共成事者,德昭乃與孫承海(三)、董從實應胤,胤裂衣襟爲書以盟。 了圖形凌煙閣,俱留京師,號「三使相」,恩寵無比 德昭馳至,扣門曰:「季述誅矣,皇帝當反正! 已而承誨等悉取餘黨首以獻,昭宗信之。 光化三年,劉季述廢昭宗,幽之東宮,宰相崔胤謀反正 」何皇后呼曰:「汝可進逆 與承誨等皆拜節度使、 德昭破鎖出昭宗, 御丹鳳 天復元 昭宗

街,趣梁兵以西,梁太祖頗德其附己,以龍鳳劍、鬬鷄紗遺之。 十月,宦者韓全誨劫昭宗幸鳳翔, 是時,崔胤方欲誅唐宦官,外交梁以爲恃,而宦官亦倚李茂貞爲扞蔽,梁、岐交爭。 承誨、從實皆從, 而德昭獨與梁, 乃率兵衞胤及百官保東

遂爲兩街制置使。 太祖 至華州 德昭以軍禮迎謁道旁。 梁兵圍鳳翔,德昭以其兵八千屬太祖,太祖益德之,使先之洛陽,賜甲第 太祖 至京師,表同州留後, 將行, 京師民復請留

雜

傳第

三十

孫

區。

間, 以爲左衞大將軍。 昭宗 東遷, 拜左威衞上將軍,以疾死。 末帝立,拜左金吾大將軍以卒。 太祖卽位,以烏銀帶、袍、笏、 承誨、從實至鳳翔,與宦者俱見殺。 名馬賜之。 疾少

#### 王敬薨

王敬薨,潁州汝陰人也。 事州爲牙將。 唐末, 王仙芝等攻劫汝、潁間,刺史不能拒,敬

養遂代之,即拜刺史。一敬養爲人狀貌魁傑,而沈勇有力,善用鐵槍,重三十斤。 潁州與淮西爲鄰境,數爲秦宗權所攻,力戰拒之,宗權悉陷河南諸州,獨敬義不可下,

由 是顯旁諸州民,皆保敬薨避賊。是時,所在殘破,獨潁州戶二萬

兵攻吳,龐師古死淸口,敗兵亡歸,過潁,大雪,士卒飢凍, 梁太祖攻淮南,道過潁州,敬薨供饋梁兵甚厚,太祖大喜,表敬薨沿淮指揮使。 其後梁 敬義乃沿淮積薪爲作糜粥餔之,

亡卒多賴以全活,太祖表敬薨武寧軍留後,遂拜節度使。

天祐三年,爲左衞上將軍。 太祖卽位,敬薨以疾致仕,後卒于家

蔣殷,幼爲王重盈養子,冒姓王氏。 梁太祖取河中,以王氏舊恩錄其子孫, 表殷牙將,

太祖尤愛之。

殷不受代。 叩頭爲玄暉等言:「梁王禪位後,願全唐家子母。」殷乃誣玄暉嘗私侍太后,太祖斬玄暉及張 諸侯助祭者以謀興復,太祖大怒,哀帝爲改卜郊。是時,太祖將有篡弒之謀,何太后嘗泣涕 時,哀帝方卜郊,殷與樞密使蔣玄暉等有隙,因譖之太祖,言玄暉等教天子卜郊祈天,且待 <u>延範、柳璨等,遣殷弒太后於積善宮。 哀帝下韶慚愧,自言以母后故無以奉天,乃卒不郊。</u> 唐遷洛陽,殷爲宣徽北院使。太祖已下襄陽,轉攻淮南,還屯正陽,哀帝遣殷勞軍。 庶人友珪與殷善,友珪弑太祖自立,拜殷武寧軍節度使。 王瓚亦王氏子,懼爲殷所累, 乃言殷非压氏子,本姓蔣。 末帝卽位,以福王友璋代殷, 末帝詔削官爵,還其 是

- (1) 陰遺敬翔至洛 本卷李振傳云:「太祖之弑昭宗也, 遺振至京師與朱友恭、氏叔琮謀之。」舊唐書
- 卷二〇上昭宗紀、新唐書卷二二三下蔣玄暉傳略同。 是至洛者乃李振,此作敬翔疑誤。
- $\Xi$ 惟最 南監、汪、殿、汲、蜀、劉校本同、貴池、南昌、鄂本作「惟最」。薛史卷一五孫德昭傳(百衲本)

作「惟政」。

- 3 孫承誨 「孫」,薛史卷一五孫德昭傳同,新唐書卷一〇及舊唐書卷二〇上昭宗紀、通鑑卷二六
- 均作「周」。
- 季述將朝德昭伏甲士道旁邀其奧斬之 述傳云:「待旦,仲先乘肩輿造朝,德昭等劫之,斬東宮門外。」通鑑卷二六二亦云「王仲先入朝 薛史卷一五孫德昭傳略同。 惟按新唐書卷二〇八劉季

至安福門,孫德昭擒斬之」。 則德昭所斬乃王仲先,非劉季述。 未知孰是。

# 新五代史卷四十四

## 雜傳第三十二

## 劉知俊

劉知俊字希賢, 徐州沛人也。 少事時溥,溥與梁相攻,知俊與其麾下二千人降梁,

以爲左開道指揮使。

知俊麥貌雄傑,能被甲上馬,輪劍入敵,勇出諸將。 當是時, 劉開道名重軍中。

歷海、

與

懷、鄭三州刺史,從破靑州,以功表匡國軍節度使。

康懷英等擊敗崇本,斬馘二萬,獲馬三千匹,執其偏裨百人。 是時,太祖方與諸將攻滄州,知俊不俟命,

西路行營招討使,敗邪、岐兵於慕谷。是時,延州高萬興叛楊崇本降梁,太祖遣知俊會萬興, 李思安爲夾城攻潞州,久不下,太祖罷思安,拜知俊行營招討使,未至潞,夾城已破,徙

雜傳第三十二 夠知俊

四八〇

殺諸 攻下 將,王重師 丹、延、鄜、 坊 無罪見殺,知俊益懼,不自安。 pa 州,加檢校太尉兼侍中, 封大彭郡王 太祖已下廊、坊,遣知俊復攻邠州 知俊 功益高, 太祖性多猜 知俊以 忌, 屢

給

未行

至矣, 語 來。 青 知知 知俊 太祖 何相負邪? 俊 幸河 固 逐叛,臣於李茂貞,以兵攻 不報 知 卿 中, 以此, ,以兵斷潼 .」知俊報日:「王 使宣徽使王殷召知俊。 吾誅 重師 褟 乃劉 重 師 雍 | 捍誤我, 不負 華 陛 執劉捍送于鳳翔。 其弟知浣爲親軍指揮使, 下而 致卿至此,吾豈不恨之邪? 族滅, 臣非背德, 太祖 使人謂 但畏死爾! 間遣 人告知俊以不宜 知 今捍已死 俊 」太祖 日:「股 未能 待 復 使 卿

茂貞 韓遜 大喜 告急 太 祖 1,以|知俊爲||涇州節度使,使攻 遣 太祖 劉 潮 遣 牛存 康 懷英、寇彦卿 節攻知俊, 知俊遂 等攻邠寧以牽之。 興元,取興、 奔于茂貞。 鳳 茂貞 知俊 圍 西縣 地狹, 大敗懷英於昇平 無以處之, , 殺梁將許從 使之西攻 靈武。

度使 而其生歲 「吾老矣, 已而 使返攻茂貞, **然在丑。** 茂貞左 吾且 死, 右忌知俊 建之諸子,皆以「宗」、「承」爲名(1),乃於里巷構爲謠言曰:「黑牛出圈椶繩 知俊 取秦、鳳、階、成四 非 爾輩 功,以事間之, 所 能 制, 州 不 茂貞奪其 如 建 雖 早圖之!」而 待 知俊 軍 甚 知俊 厚, 蜀 乃奔于蜀, 人亦共 然亦陰忌 嫉 之。 心其材, 王建 知俊爲 以爲武信 管謂. 左 X 色黑, 右 軍節

#### 丁會

丁會字道隱,壽州壽春人也。少工挽喪之歌,尤能悽愴其聲以自喜。 後去爲盜,與梁

太祖俱從黃巢。梁太祖鎭宣武,以爲宣武都押衙。

吾兵少而來遠,且不虞吾之速至也。出其不意,掩其不備者,兵家之勝策也。」乃渡九鼎,直 軍 一在魏, 光啓四年,東都張全義襲破河陽,逐李罕之,罕之召晉兵圍河陽, ,乃遣會及葛從周等將萬人救之。 。會等行至河陰,謀曰:「罕之料吾不敢渡九鼎, 全義告急。 是時

趨河陽,戰于沇水,罕之大敗,河陽圍解。

擊單父,會及瑾戰于金鄉,大敗之。 遣會別攻宿州,刺史張筠閉城距守, 大順元年,梁軍擊魏,會及葛從周破黎陽、臨河,遂敗羅弘信于內黃。 會堰汴水浸其東, 城壞,筠降。 兗州朱瑾以兵萬餘 梁軍攻時溥於徐

後 會畏梁太祖雄精,常稱疾者累年。 光化二年,李罕之叛晉,以路州降梁。 會自河陽攻晉澤州, 下之。乃以會爲昭義軍留

州 天復元年 一守光乞師于晉,晉人爲攻潞州 太祖 復起會爲昭義軍節 度使。 會乃降晉 昭宗遇弑, 晉王 以會歸于太原, 會與三軍 ·編素發哀。 賜以甲第,位 梁軍 攻 燕滄 在 部

莊宗立,以會爲都招討使。 天祐七年,以疾卒于太原。 唐興、追贈太師。

#### 賀徳倫

賀 德 倫 河西 人也。 少爲滑州牙將。 梁太祖兼領宣義, 德倫從太祖征伐, 以 功 累

**盧軍節度使。** 

定 戚 其衆曰:「 閱 爲 魏 節 王彦章 去 兵籍, 度使; 貞 鄉 |明元 里 朝 以騎 檢 生不 廷 魏、 年 校府 闪 ,博、貝三 兵 魏 如死。」乃相 我 庫。 五 州楊師厚卒,末帝以魏兵素驕難制, 軍 百 府 入魏州 徳倫促 州 彊 盛, 仍爲 與夜攻金波亭, 設法 牙兵 天雄 屯金波亭以虞變; 殘 Œ 軍 (破之。 道, 、以德倫 牙 兵親戚 況我 爲節度使。 走出。 六 分魏牙兵之半入昭德。 和訣 州舊 乃分相、澶、衛三州建昭 別, 爲 遲 明 海 遣 哭聲 府, 劉鄩以兵六萬渡 魏 兵攻牙城 盈 未嘗 塗 遠 効 H 節 租 河門 殺 庸 軍 五 徳軍 河,聲言 將 使 百 張 遣 餘人 ' , 以 彦 日 孔 1 攻鎖 謀 離 張 目 執 親 吏 於

**德倫致之樓上,縱兵大掠。** 

耳! 召鄟還。」戒彥勿爲朝廷生事。 朝廷負三軍,割隸無名,所以亂耳。 曰:「傭保兒敢如是邪!」乃召羅紹威故吏司空頲曰:「爲我作奏,若復依違, 言彥狂蹶不足畏,宜促鄭兵擊之。末帝使人諭彥,以制置已定,不可復易。 」末帝優韶答之,言:「王鎔死,鎭人請降,遣鄩以兵定鎭州,非有佗也,若魏不便之, 末帝遺供奉官扈異馳至魏諭彥, 但以六州還魏, 許以刺史。 **彥謂異日:「爲我報皇帝,** 而韶劉鄩反兵, 皇帝可以高枕。」異還, 使者三反,彦怒 三軍不負朝廷, 則渡河虜之 卽

地, 曰:「愚主聽人穿鼻,難與共事矣! 彥乃以楊師厚鎭魏州嘗帶招討使,逼德倫論列之,末帝不許,論以韶書,**彥**裂韶書抵于 ·」乃迫德倫降晉,德倫惶恐曰:「惟將軍命。」乃遣牙將

**曹廷隱奉書莊宗。** 

殺之。

軍 一節度使。 莊宗 入魏,德倫以彥逼己,遺人陰訴於莊宗, 行至太原,監軍張承業留之。 王檀攻太原,德倫麾下多奔檀,承業懼德倫爲變, 莊宗斬彥於臨淸而後入。 徙德倫爲大同

#### 閻寶

閻寶字瓊美, 鄆州人也。 少爲朱瑾牙將,瑾走淮南,寶降於梁。 梁太祖時,爲諸軍都處

候 常從諸將征伐,未嘗獨立戰功。 至末帝時,以寶爲保義軍節度使。

寶遂 都指揮 降晉。 貞明元年(三),賀德倫以魏博降晉, 使張温 晉王拜寶檢校太尉、 將五 一百騎救寶,温至內黃,遇晉軍,乃降晉。 同中書門下平章事,領天平軍節度使、東南面 晉軍攻下洛、磁、相、衞, 晉遣温將所降梁軍 移兵圍邢州。 招 至城下招寶, 末帝遣捉生 討 使,位在

得, 曰:「微公,幾敗 斷在不疑。 梁、晉戰胡柳、晉軍敗。 今梁兵窘蹙, 吾事。」乃整軍復戰,遂敗梁兵。 莊宗欲引兵退保臨濮,寶曰:「夫決勝料勢, 其勢可破; 勝而 驕怠, 其情可知。 此不可失之時也。」莊宗 決戰料情, 情勢旣

諸將上。

疽卒、 十八年,晉 追贈太師。 軍討張文禮於鎭州,以實爲招討使。 晉天福中, 追封太原王。 明年三月,實戰敗,退保趙州 慚憤發

#### 康延孝

先鋒指揮使。延孝見梁末帝任用羣小,知其必亡,乃以百騎奔于唐。見莊宗于朝城,莊宗 解御衣、金帶以賜之。拜延孝博州刺史、捧日軍使兼南面招討指揮使。 康 延孝,代北人也。爲太原軍卒,有罪亡命于梁。末帝遣段凝軍于河上,以延孝爲左右

入汴,凡八日而滅梁。 餘。 甚壯其言。 延孝言梁必亡,喜,及聞其大舉也,懼,曰:「其將何以禦之?」延孝曰:「梁兵雖衆,分則無 洛之兵掠邢洛以趨鎮定,王彥章以京師禁衞擊鄆州,段凝以河上之軍當陛下。」莊宗初聞 竊聞其議:期以仲冬大舉,遣董璋以陝號、澤路之衆出石會以攻太原;霍彥威以關西、汝、 小人進任, 而忠臣勇士皆見疎斥, 此其必亡之勢也。」 莊宗又問梁計如何, 曰: 「臣在梁時, 姦邪,以入金多爲大將,自其父時故將皆出其下。王彥章,驍將也,遣漢傑監其軍而制之。 臣請待其旣分,以鐵騎五千自鄆趨冰,出其不意,擣其空虚,不旬日,天下定矣。」莊宗 莊宗屛人問延孝梁事,延孝具言:「末帝懦弱。趙巖婿也,張漢傑婦家,皆用事。 。後董璋等雖不出兵,而梁兵悉屬段凝于河上,京師無備,莊宗卒用延孝策,自鄲 以功拜鄭州防禦使,賜姓名曰李紹琛。二年,遷保義軍節度使。 段凝

傳

王繼岌。 繕 餘人,遂 遠 橋 軍 斷吉柏 ·千里,入人之國,利 梁,必留數日,使衍得閉關爲備,則勝負未可知也。」因與嚴乘馬浮江,軍士隨之濟者千 ( ) 鹿頭關, 江 征 浮橋, 蜀 以 ,下漢州,居三日, 延孝 延 孝 在速戰。 爲先鋒排陣斬斫使,破鳳州 造舟以渡, 乘衍破膽之時,但得 進取綿州 後軍始至。 衍 。衍弟宗弼果以蜀降。 復斷綿江浮橋。延孝 (,取固鎭,降興州。 百騎過鹿 頭關,彼將迎降不 謂 延孝屯漢州 與王衍戰三泉,衍敗 招撫使李嚴曰:「吾 以俟魏 若修

**俛首何門邪?」璋求哀以免。** 不可。 節度使,延孝愈怒曰:「吾冒白刃,犯險阻,以定兩川 **俛首郭公之門**,吾爲都將,獨不能以軍法斬公邪?」璋訴于崇韜, 有軍 事,獨召璋與計議,而不問延孝,延孝大怒,責璋曰:「吾有平蜀之功,公等僕遬相從,反 蜀 崇韜曰:「紹琛反邪? 敢違吾節度!」延孝懼而退。 平, 延孝功爲多。 左廂馬步軍都指揮使董璋位在延孝下,然特見重於郭崇韜。 , 璋有何功而得旄節! 」因見崇韜言其 明年崇韜死,延孝謂璋曰:「公復 崇韜解璋軍職,表爲東川

**遂州** 又不謁,延孝大怒,謂其下曰:「南平梁,西取蜀, 繼岌班師,命延孝以萬二千人爲殿,行至武連,聞朱友謙無罪見殺。 莊宗遣使者詔繼岌卽誅之。 繼岌不遭延孝,而遣董璋,延孝已自疑, 其謀盡出於郭公;而汗馬之勞, 攻城破敵 友謙有子令德在 及璋過延孝軍

死, 人,數日之間,衆至五萬。 孝部下皆友謙舊將,知友謙被族,皆號哭訴于軍門曰:「朱公無罪,二百口被誅,舊將往往從 者我也。 我等死必矣!」延孝遂擁其衆自劍州返入蜀,自稱西川節度、三川制置等使。 今郭公已死,我豈得存?而友謙與我俱背梁以歸唐者,友謙之禍次及我矣!」延 繼岌遣任圜以七千騎追之,及于漢州, 會孟知祥夾攻之, 延孝戰 馳檄蜀

東還,延孝檻車至鳳翔,莊宗遣宦者殺之。 兵不血刃而取兩川,一旦無罪,闔門受戮。 擁節旄。 | 圜置酒軍中,引檻車至坐上,知祥酌大巵從車中飮之而謂曰: 「公自梁朝脫身歸命, 今平蜀之功,何患富貴,而入此檻車邪?」延孝曰:「郭崇韜佐命之臣,功在第一, 顧如延孝,何保首領,以此不敢歸朝耳!」任圜

敗,被擒,載以檻車。

#### 校勘記

(二) 建之諸子皆以宗承爲名 條載:劉知俊流入蜀,蜀人謠曰:「黑牛無繫絆,椶繩一時斷。」王建聞之懼,曰:「黑牛者,劉之小 字,椶繩者,吾子孫之名也。蓋前輩連宗字,後輩連承字爲名,椶繩與宗承音同。吾老矣,得不 「諸子」,薛史卷一三劉知俊傳作「子孫」。考太平廣記卷一六三竹貓

爲子孫之患乎!」又六國春秋卷三九王承檢傳云:「王承檢事高祖,賜姓名與諸孫齒。」是王建諸

雑

欿

第三十二

校勘

EL.

子皆以「宗」爲名、諸孫皆以「承」爲名。此「諸子」當從蔣史作「子孫」。

(三) 貞明元年 「元」,各本原作「三」。按魏博降晉,本卷賀德倫傳、薛史卷八梁末帝紀、卷二一賀德

倫傳及通鑑卷二六九均繁於貞明元年,據改。

# 新五代史卷四十五

# 雜傳第三十三

#### 張全義

賊中。 張全義字國維,濮州臨濮人也。少以田家子役于縣,縣令數困辱之,全義因亡入黃泉 巢陷長安,以全義爲吏部尚書、水運使。巢賊敗,去事諸葛爽于河陽。 爽死,事其子

仲方。

罕之仰給全義,全義不能給,二人因有隙。 貪暴,日以寇鈔爲事。 仲方爲孫儒所逐, 全義勤儉,御軍有法,督民耕殖。 全義與李罕之分據河陽、洛陽以附于梁,二人相得甚歡。 以故,罕之常乏食,而全義常有餘。 然罕之性

于梁、梁遣牛存節、丁會等以兵萬人自九鼎渡河、擊敗罕之於沇水、晉軍解去。 罕之出兵攻晉、絳,全義襲取河陽,罕之奔晉,晉遣兵助罕之,圍全義甚急。 梁以丁會守 全義乞兵

雜

河陽, 全義還爲河南尹。 全義德梁出己,由是盡心焉。

民畎畝之間,築南、北二城以居之。數年, 是時, 河南遭巢、儒兵火之後,城邑殘破,戶不滿百, 人物完盛, 民甚賴之。 全義披荆棘,勸耕殖,躬載酒食,勞 及梁太祖劫唐昭宗東遷,

`晚年尤甚,全義奉事益謹,卒以自免。 全義初名言,唐昭宗賜名全義。 唐亡, 全義事梁, 又請改名,太祖賜名宗奭。 太祖猜

繕理宮闕、府廨、倉庫,皆全義之力也。

夕, 而 病 太祖,全義止之曰:「吾爲李罕之兵圍河陽,啖木屑以爲食,惟有一馬, 還洛, 自梁與晉戰河北,兵數敗亡,全義輒蒐卒伍鎧馬,月獻之以補其缺。 ||梁兵出之,得至今日,此恩 幸全義會節園避暑,留旬日, 不可忘也。」繼祚乃止。 全義妻女皆迫淫之。 其子繼祚憤 欲殺以餉軍,死 恥不自勝 太祖兵敗蓨縣,道 一欲割 在朝 讱

能爲,而陛下疑之, 曰:「宗奭,種田 皆有言全義於太祖者,太祖召全義,其意不測。 I叟爾 何也? ! 守河南三十年,開荒斸土,捃拾財賦 」太祖笑曰:「我無惡心,嫗勿多言。 全義妻儲氏明敏有口辯,遽入 ), 助 陛下創業,今年齒衰朽, 見,厲聲 已無

事、天下兵馬副元帥,封魏王 全 義 事 梁, ,累拜 中書令,食邑至萬三千戶,兼領忠武陝虢鄭滑河陽節度使、判六軍諸衛

发、皇弟存紀等皆兄事之。全義因去梁所賜名,請復其故名。而全義猶不自安,乃厚賂劉 家弟姪,幸復相見。」全義俯伏感涕。年老不能進趨,遣人掖扶而登,宴犒盡歡,命皇子繼 義常陰遣人通問於太原。及梁亡,莊宗入汴,全義自洛來朝, 泥首待罪, 莊宗勞之曰:「卿 初,全義爲李罕之所敗,其弟全武及其家屬爲晉兵所得,晉王給以田宅,待之甚厚,全

義爲父,改封齊王。 不具,因改用來年二月,然不以前語責全義。以皇后故,待之愈厚,數幸其第,命皇后拜全 儀物已具。 莊宗大悅,加拜全義太師、尙書令。 初,梁末帝幸洛陽,將祀天於南郊而不果,其儀仗法物猶在,全義因請幸洛陽, 。明年十一月口,莊宗幸洛陽, 南郊而禮物 白南郊

皇后以自託。

怨,剖棺之戮,非王者以大度示天下也。莊宗以爲然,鏟去墓闕而已。 初,莊宗滅梁,欲掘梁太祖墓,斷棺戮尸。全義以謂梁雖仇敵,今已屠滅其家,足以報

殺監軍者,天下冤之。其聽訟,以先訴者爲直,民頗以爲苦。 巢阅後,洛陽園宅無復能守,豈獨平泉一石哉!」全義嘗在巢賊中,以爲譏己,因大怒,奏答 全義監軍嘗得李德裕平泉醒酒石,德裕孫延古,因託全義復求之。監軍忿然曰:「自黃

同光四年,趙在禮反於魏,元行欽討賊無功,莊宗欲自將討之,大臣皆諫以爲不可,因

傳第三十三

張全義

朱友識

遣也。 言明宗可將。 羣臣固請,不從;最後全義力以爲言,莊宗乃從。 是時,郭崇韜、朱友謙皆已見殺,明宗自鎭州來朝,處之私第,莊宗疑之,不欲 已而明宗至魏果反,全義以憂卒,

|珙嘗事全義有恩,乞全活之,不許,止誅||繼祚及其妻子而已。 子繼祚,官至上將軍。 晉高祖時,與張從賓反於河陽,當族誅。 而宰相桑維翰以其父 年七十五,諡日忠肅

### 朱友謙

朱友謙字德光,許州人也。 初名簡,以卒隸澠池鎮,有罪亡去,爲盜石濠、三鄉之間,商

旅行路皆苦之。久之,去爲陝州軍校。

于梁,太祖表璠代珙。 陝州節度使王珙,爲人嚴酷,與其弟河爭河中,戰敗,其牙將李璠與友謙謀,共殺珙,附 璠立, 友謙復以兵攻之, 璠得逃去, 梁太祖又表友謙代璠

位,徙鎭河中,累遷中書令,封冀王。 帥之力也!且幸同姓,願更名以齒諸子。」太祖益憐之,乃更其名友謙,錄以爲子。 梁兵西攻李茂貞,太祖往來過陝,友謙奉事尤謹,因請曰:「僕本無功, 而富貴至此 太祖卽 元

友識 不行,乃附于晉。 太祖遇弑,友珪立,加友謙侍中,友謙雖受命,而心常不平。 友珪遣招討使韓勍將康懷英等兵五萬擊友謙。晉王出澤、潞以救之, 已而友珪使召友謙入覲,

遇懷英于解縣,大敗之,追至白逕嶺,夜秉炬擊之,懷英又敗,梁兵乃解去。<br />
友謙醉寢晉王

帳中,晉王視之,顧左右曰:「冀王雖甚貴,然恨其臂短耳!」

遺劉鄩等討之,鄰爲李存審所敗。晉封友謙西平王, 程全暉,因求兼鎭。<br />
末帝初不許,已而許之,制命未至,<br />
友謙復叛,始絕梁而附晉矣。 末帝卽位,友謙復臣于梁而不絕晉也。貞明六年,友謙遣其子令德襲同州,逐節度使 加守太尉, 以其子令德爲同州節度

**券恕死罪。以其子令德爲遂州節度使,** 莊宗滅梁入洛,友謙來朝,賜姓名曰李繼麟,賜予鉅萬。 ,令錫忠武軍節度使,諸子及其將校爲刺史者十餘 明年,加守太師、尚書令,賜鐵

人,恩寵之盛,時無與比。

使。

| 識見崇韜死, 謀與存义爲郭氏報冤。」 | 莊宗初疑其事,羣伶、宦官日夜以爲言。 以爲討己,閱兵自備。」又言:「與崇韜謀反。」且曰:「崇韜所以反于圖者,以友謙爲內應。 友 蜀,友謙閱其精兵,命其子令德將以從軍。及郭崇韜見殺,伶人景進言:「唐兵初出時,友謙 是時,宦官、伶人用事,多求賂于友謙,友謙不能給而辭焉,宦官、伶人皆怒。 友識聞之大 唐兵伐

先

遂州 張氏入室取其鐵券示魯奇曰:「此皇帝所賜也,不知爲何語!」魯奇亦爲之慚 度使,遣朱守殷夜以兵圍其館,驅友謙出徽安門外,殺之,復其姓名。 爲我言者!」乃單 二百餘口見魯奇曰:「朱氏宗族當死,願無濫及平人。」乃別其婢僕百人,以其族百口就刑 恐,將入朝以自 ,王思同殺令錫於許州,夏魯奇族其家屬于河中。 [明,將吏皆勸其毋行。 車入朝。 景進使人詐爲變書,告友謙反。 友謙曰:「郭公有大功於國,而 魯奇至其家, 莊宗惑之,乃徙 以讒死,我不 友謙妻張氏率其宗族 韶魏王繼岌殺令德於 友謙義 自 成 明 軍 節

袁象先

|友謙死,其將史武等七人皆坐友謙族誅,天下冤之。

是爲萬安大長公主。象先以梁甥爲宣武軍內外馬步軍都指揮使,歷宿、洺、陳三州刺史。 **袁象先,宋州下邑人,唐南陽王恕己之後也。父敬初,梁太府卿、駙馬都尉,尙太祖妹,** 

楊令公一言諭禁軍,則事可成。」末帝卽遺人之魏州,以謀告楊師厚, 太祖遇弑,友珪立。末帝留守康都,以大事謀於趙嚴,嚴曰:「此事如反掌耳,但得招討 师厚遣裨將王舜賢至

太祖

即位,累遷左龍武統軍、在京馬步軍都指揮使。

洛陽與象先謀, 象先許諾。 是時, **龍驤軍將劉重遇戍于懷州,以其軍作亂,** 友珪遣霍彦威

友珪死。末帝卽位,拜象先鎭南軍節度使、同中書門下平章事、開封尹、判在京馬步軍諸軍 踴躍曰:「王言是也。」末帝卽馳奏,言:「龍驤軍反。」象先聞之,卽引禁軍千人入宮攻友珪, <u></u> 珪弑父與君,天下之賊也!爾能趨洛陽擒之,以其首祭先帝,則所謂轉禍而爲福也。」軍士 杰 擊敗于鄢陵,其餘兵奔散, | 召龍驤軍至洛而誅之。」乃僞爲友珪詔書示之,龍驤軍恐懼,不知所爲,因告之曰: 「友 捕之甚急。 末帝即召龍驤軍在東京者告之曰:「上以重遇故,欲

皇后等,由是內外翕然稱其爲人。莊宗待之甚厚,賜姓名爲李紹安,改宣武軍爲歸德軍, 誅斂其民,積貨千萬。莊宗滅梁,象先來朝洛陽,輦其資數十萬,路唐將相、伶官、宦者及劉 象先爲梁將,未嘗有戰功,徒以甥故掌親軍。及誅友珪,有功於末帝。 在宋州十餘年,

貞明四年,爲平盧軍節度使,徙鎭宣武。

曰:「歸德之名,爲卿設也。」遣之還鎭。 是歲卒,年六十,贈太師。

時,獻錢五萬緡,領衢州刺史。晉高祖入立,復獻五萬緡,求爲眞刺史。拜雄州刺史,州在 靈武之西,吐蕃界中。 萬戶,邸舍四千間,其卒也,不以分諸子,而悉與正辭。正辭初以父任爲飛龍副使。唐廢帝 象先二子,正辭官至刺史,義周世宗時爲橫海軍節度使。象先平生所積財產數千 正辭憚,不欲行,復獻錢數萬,乃得免。」正辭不勝其忿,以衣帶自經,

傳

第三十三

**鼓** 

先

朱

漢瓷

四九六

其家人救之而止。 。出帝時, 又獻錢三萬緡、銀萬兩,出帝憐之,欲與一內郡,未及而卒。

聲,求其同類爾,宜益以錢,聲必止。」聞者傳以爲笑。 IE 一辭積錢盈室,室中嘗有聲如牛,人以爲妖,勸其散積以禳之。 正辭曰:「吾聞物之有

#### 朱漢賓

朱漢賓字績臣, 亳州譙人也。其父元禮爲軍校,從梁軍戰,歿于清口。漢賓爲人有膽

力,梁太祖以其父死戰,憐之,以爲養子。

之,乃更選勇士數百人,號「落鴈都」,以漢賓爲指揮使。及漢賓貴,人循以爲「朱落鴈」。 是時,梁方東攻克、鄭,鄭州朱瑾募其軍中驍勇者,黥雙鴈于其頰,號「鴈子都」。太祖聞

因侍左右,進酒食,奏歌舞,莊宗懽甚,留至夜漏二更而去,漢賓自此有寵 脏宗滅梁,罷漢賓爲右龍武統軍,待之頗薄。後莊宗因出遊幸其第,漢賓妻有色而惠, 賓事梁爲天威軍使,歷磁滑宋亳曹五州刺史、安遠軍節度使。

實數寓書友謙、友謙不答,漢賓銜之。 初,漢賓在梁也,與朱友謙俱爲太祖養子,而友謙年長,漢賓以兄事之。 其後皮識見族,人皆以爲漢賓有力。 其後梁亡,漢

明宗入立,以漢賓爲莊宗所厚,惡之,以爲右衞上將軍。 安重誨用事, 漢賓依附之,相

爲婚姻,由是復得爲昭義軍節度使。 重誨死,漢賓罷爲上將軍,遂以太子少保致仕

晉高祖時, 贈太子少傅, 諡曰貞惠。 漢賓爲將,未嘗有戰功,而臨政能守法,好施惠,人頗愛之。 清泰二年卒,年六十四。

#### 段凝

段凝,開封人也。 初名明遠,後更名凝。爲澠池主簿。 其父事梁太祖,以事坐徙。 後

|凝棄官,亦事||太祖,爲軍巡使。 又以其妹內||太祖,妹有色,後爲美人。

加 北征,過懷州,凝獻饋甚豐,太祖大悅。 凝爲人憸巧,善窺迎人意,又以妹故,太祖漸親信之,常使監諸軍。 過相州,相州刺史李思安獻饋如常禮,比凝爲薄, 爲懷州刺史,梁太

太祖怒,思安因以得罪死。 有罪。」振曰:「待其有罪,則社稷亡矣!」然終不罷也。 遷凝鄭州刺史,使監兵於河上。李振亟請罷之,太祖曰:「凝未

趙嚴、 莊宗已下魏博,與梁相距河上。梁以王彦章爲招討使,凝爲副。 張漢傑等用事,凝依附嚴等爲姦。 **彦章爲招討使,三日,用奇計破唐德勝南城。** 是時,末帝昏亂,小人

四九七

而

雜

傳

第三十三

段

凝

劉 H

帝惑嚴等言,

一本以凝爲招討使,軍于王村

凝 與彥章各自上 上其功, 嚴等從中匿彥章功狀, 悉歸其功於凝 凝因納金嚴等, 求代彦章

由 十萬 汴 皇 侮 亡,凝率精兵五 弄 兵悉已屬凝,京師無備, 權 是時, 以水 終釋之。 有 柄, 司 請責 、思寵。 残害生 唐已下郸州 (其償 萬 莊宗 靈 降唐,莊宗賜以錦 ,請皆族之。」 莊宗 凝 甚親愛之,賜姓名曰 釋之。 乃遣張漢 乃自酸棗 郭崇韜固 凝出入唐朝無媿色, 倫 袍、御馬。 決河東注軍,以隔絕唐軍,號「護駕水」。莊宗自鄲趨汴, 馳馹召凝于河上,漢倫 李紹 請, 明日 以爲 欽 ,凝奏:「故梁姦 以爲泰 不 見唐 可, 寧 將 莊宗怒曰:「朕爲 相若倡 中道 軍 節度 人趙巖、張漢傑等十 墜馬,傷不能進。 使。 優, 因 伶· 居月餘, 卿所 人景 制 用 淮 都 庫 納 錢 餘 不 賂 而 數 梁 劉

以爲 裨 皆其故黨, 不可。 莊宗遣李紹 遷 武 莊宗疑之,乃止。 宏監 勝 軍 諸將備 節 度 使。 契丹,凝軍瓦 趙 明宗即位, 在 禮 反, 橋關, 紹宏請以凝 勒歸田 以諂 里。 # 招討, 明年 紹宏, ٠, 莊宗 紹宏數薦凝 長流遼州 使凝 條奏 賜死 可 方略 大 用 郭 凝 崇鉛 所 請 偏 包

#### 劉玘

梁太祖鎭宣武,田以軍卒補隊長,稍以戰功遷

牙將,爲襄州都指揮使。

酒半,擒爲亂者殺之。會梁遣陳暉兵亦至,襄州平,以功拜復州刺史,徙亳、安二州。 山南節度使王班爲亂軍所殺,亂軍推迅爲留後,迅僞許之,明日饗士于庭,伏甲幕中,

疾卒于道中,贈侍中。 遂以爲節度使,徙鎭安遠。 |劉侯亡恙,爾居||晉陽之南鄙久矣,不早相聞,今日見訪,不其晚邪?」||迅頓首謝罪,遣還鎭, 末帝時,爲晉州觀察留後,凡八年,日與晉人交戰。莊宗滅梁, 旺來朝,莊宗勞之曰: 天成元年,以史敬鎔代之,田還京師,未至,拜武勝軍節度使,以

#### 周知裕

文。 守光又攻殺守文,乃與張萬進立守文子延祚而事之。守光又殺延祚, 周知裕字好問,幽州人也。爲劉仁恭騎將,仁恭爲其子守光所囚,知裕去事守光兄守 以其子繼威代

萬進殺繼威,與知裕俱奔于梁。 梁太祖得知裕喜甚,爲置歸化軍,以知裕爲指揮使,凡與晉戰所得,及兵背晉而歸梁

第三十三 劉玘 周知裕 陸思鐸

四九九

皆以隸知裕 |梁、 晉相拒河上十餘年, 其摧堅陷陣,歸化一 軍爲最, 然知裕位不過刺

爲右神武統軍。 時,歷絳、淄二州刺史,遷宿州 母有疾,置之佗室,以竹竿繋飲食委之,至死不近。 寵待之,諸將嫉其寵, 莊宗入汴,知裕與段凝軍河上,聞梁已亡,欲自殺,爲賓客故人止之,乃降唐。 應順中卒、贈太傅。 因獵射之, 知裕走以免。 團練使、安州留後。 莊宗爲殺射者, 所居皆有善政。 知裕深患之, 以知裕爲房州 加以教道, 安州近淮 由是稍革。 ,俗惡病者, 刺史。 莊宗尤 明宗

#### 陸思鐸

陸思鐸, 澶州臨黃人也。 少事梁爲宣武軍卒,以善射知名。 累遷拱辰左廂都指揮使,

領 恩州刺史。

武右廂都指揮使。

姓名,奇之。 梁、晉相 其後滅梁, 拒河上,思鐸鏤其姓名於箭筈以射晉軍,而矢中莊宗馬鞍, 思鐸謁見,莊宗出其矢以示之,思鐸伏地請死,莊宗慰而起之,拜龍 莊宗拔矢,見思鐸

雜傳第三十三 校勘記

晉高祖時,爲陳、蔡二州刺史。卒年五十四。思鐸在陳州,有善政,臨終戒其子曰:「陳人

愛我,我死則葬焉。」遂葬于陳州。

#### 校勘記

(二) 明年十一月 按通鑑卷二七二載: 同光元年十一月戊申, 張全義請幸洛陽, 甲子, 唐莊宗發

大梁;十二月庚午, 至洛陽。 離史卷三○唐莊宗紀記離汴至洛年月日與通鑑合。 「明年」二字

疑衍。

(三) 象先平生所積財產數千萬 「千」,他本均作「十」。

## 新 五代史卷四十六

# 雜傳第三十四

## 趙在禮

之;乃攜二首詣在禮。 之二首,日:「不從我者如此首! 軍士皇甫暉作亂,推其將楊仁晟爲首〔1〕,仁晟不從,殺之;又推一小校,小校不從,又殺 |文爲其弟|守光所殺,在禮乃奔于||晉。||莊宗時,爲効節指揮使,將魏兵戍瓦橋關。還至貝州, 趙在禮字幹臣,涿州人也。少事劉仁恭爲軍校,仁恭遣佐其子守文襲取滄州。 在禮聞亂,衣不及帶,方踰垣而走,暉曳其足而下之,環以白刃,示 」在禮從之,遂反。 其後守

**吏已奔散,正言猶不知,方據案大怒,左右告曰:「賊已市中殺人,吏民皆走,欲誰呼邪?** 在禮自見州還攻魏,縱軍大掠。是時,興唐尹王正言年老病昏,聞在禮至,呼吏草奏, 雜 僔 第 = + 74 趙 在 醴 霍 彦 威 正

五〇四

出 府門,見在禮,望而 下拜,在禮呼正言曰:「公何自屈之甚邪!此軍士之情,非予志也。」在

禮卽自稱兵馬留後。

都留守、興唐尹。久之,皇甫暉等皆去,在禮獨在魏,思魏軍之驕,懼及禍,乃求徙鎭橫海。 明宗兵反嚮京師,在禮留于魏。明宗即位,拜在禮義成軍節度使,在禮不受命,遂拜鄴 莊宗遣元行欽討之,行欽攻魏不克,乃遣明宗代行欽。明宗至鄴,軍變,因入城與在禮

苦之;已而罷去,宋人喜而相謂曰:「眼中拔釘,豈不樂哉!」旣而復受詔居職,乃籍管內, 口率錢一千,自號「拔釘錢」。 晉出帝時,以在禮爲北面行營馬步都虞候,以擊契丹,未嘗有戰功。 在禮在宋州,人尤

歷鎭泰寧、匡國、天平、忠武、武寧、歸德、晉呂,所至邸店羅列,積貲互萬。

而卒,年六十二。漢高祖立,贈中書令。 責貨 財,在禮不勝其憤。行至鄭州,聞晉大臣多爲契丹所鎖,中夜惶惑,解衣帶就馬櫪自經 晉亡,契丹入汴,在禮自宋馳至洛陽,遇契丹拽刺等,拜於馬首,搜刺等兵共侵辱之,誅

#### 霍彦威

從存戰,中矢,眇其一目。 霍彥威字子重,洛州曲周人也。 後事梁太祖,太祖亦愛之,稍遷左龍驤軍使、右監門衞上將軍。 少遭兵亂,梁將霍存掠得之,愛其儁爽,養以爲子。

預誅友珪,以功拜洛州刺史,遷邠寧節度使。

不復攻。 李茂貞遣梁叛將劉知俊攻邠州,彦威固守踰年,每獲知俊兵,必縱還之,知俊德之,後 徙鎮義成,又徙天平,兼北面行營招討使,與晉軍相持河上,彥威屢敗,降爲陝州

留後。

宗擊契丹,明宗愛其爲人,甚親厚之。 地請死,莊宗勞之曰:「吾與總管戲爾,卿無畏也。」賜姓名曰李紹眞。 宗酒酣,指彥威等舉酒屬明宗日:「此皆前日之勍敵,今侍吾飲,乃卿功也。」彥威等惶恐伏 莊宗滅梁,彥威自陝來朝,莊宗置酒故梁崇元殿,彥威與梁將段凝、袁象先等皆在。 明年,徙鎮武寧,從明

之人何罪,戍卒思歸而不得耳!天子不垂原宥,志在勦除。 軍,某等初無叛心,直畏死耳!今宜興城中合勢,擊退諸鎭之兵,請天子帝河南,令公鎭河 **贼城破在旦夕**,乃爾輩立功名、取富貴之時。 況爾天子親軍,返効賊邪! |吏張破敗率衆殺將校,縱火焚營譟呼,明宗叱之曰:「自吾爲帥十有餘年,何負爾輩!今 其後,趙在禮反,彥威別討趙太於邢州,破之,還以兵屬明宗討在禮。明宗軍變,從馬直 且聞破魏之後,欲盡坑魏博諸 」軍士對日:「城中

雂

卑! 置酒 明宗復出,得彥威兵,乃之魏縣,謀欲還鎭州,彥威、重誨勸明宗以兵南向 :大會,而部兵在外者聞明宗反,皆潰去,獨彥威所將五千人營城西北隅不動。 明宗涕泣諭之,亂兵環列而呼曰:「令公不欲帝河北, 」 
彦威與安重 **| 誨勸明宗許之,乃擁兵入城,與在禮合, 彥威獨不入。** 則佗人有之, 我輩 明宗入城, 狼 虎, 與在禮 豈識尊

韜 恩信示人,豈公報仇之時?」彥威乃止。 有隙,因擅捕凝、韜下獄,將殺之,安重誨曰:「凝、韜之惡,天下所知,然主上方平內難,以 |莊宗崩, 彦威從明宗入路陽, 首率羣臣勸進, 內外機事, 皆決彦威。 明宗即位,乃赦凝、韜,放歸田里,已而卒賜死。 **彦威素與段凝、温** 

以死。 自意處爲偏裨時已從之。彥威嘗戰敗脫身走,麾下兵無從者,獨晏徒步以一劍從之榛棘間 臣皆不知禮,動多此類。然彥威客有淳于晏者,登州人也,少舉明經及第,遭世亂,依彥威 夷狄之法,起兵令衆,以傳箭爲號令,然非下得施於上也。明宗本出夷狄,而彥威武人,君 當時諸鎭辟召寮屬,皆以晏爲法 彦威徙鎭平盧。 朱守殷反,伏誅, 彦威遣使者馳騎獻兩箭爲賀, 明宗賜兩箭以報之。 彦威高其義,所歷方鎭,常辟以自從,至其家事無大小,皆決於晏, 彦威以故得少過

宮,輟朝,仍終其月不舉樂,贈彥威太師,諡曰忠武 天成三年冬, 彦威卒于鎭。是時, 明宗方獵于近郊, 青州馳騎奏彦威卒, 明宗涕泣還

#### 房知溫

軍 指 揮 房 知温 使。 学伯玉 莊宗取魏博,得知温,賜姓|李氏,名曰|紹英, 一,兗州 瑕丘 人也。 少以勇 力爲 赤甲都官健, 以爲澶州刺史,歷曹、貝二州刺史, 後隸 魏州 馬 鬭 軍, 稍遷 親

戍瓦橋關。

梁患。 作亂, 軍 使, 皆此 梁 也。 m 屯于盧臺。 - 繋旗 明宗 厚賞。 軍 明宗自魏反兵南向, 劫德倫叛梁而降晉,梁遂失河北。 也。 魏州自羅紹威誅衙軍,楊 師厚卒,以賀德倫代之。一末帝患魏軍彊難制,與趙嚴等謀分相、魏爲兩鎭,魏軍 幟 乃以皇子從榮代在禮,而遣魏効節 及梁亡,魏軍雖數賜與,而 以 明宗入立,在禮鎭天雄軍,以魏軍 表 明宗遣烏慶往代知温還鎭,其戍卒劾節軍將龍晊等攻震殺之。 公 伍 軍 知温首馳赴之。 士頗自疑惑。 師厚爲節度使,復置銀槍効節軍。 驕縱無厭, 明年, 莊宗自得魏兵、與梁戰河上, 天成元年, 九指揮北 ·素驕,常懼禍,不 明宗遣烏震代知温戍, 常懷怨望, 拜泰寧軍節度使。 戍盧臺。 皇甫暉之亂, 皇居,陰遣人訴 軍發之日, 當梁末帝時, 而 數有功, 知 明年, 温意尤不樂。 不給兵甲, 劫趙在禮入魏 于明宗,求解 許其軍以滅 効節, 爲北面招討 師厚 幾爲 惟以 由 魏州 此

雜

傳

第

Ξ

+

79

房

知溫

家數萬 臺戍軍 躍 Щ 而 不 馬登舟渡河入西寨,以騎軍 亂 問 軍擊殺震, 夾 ,徙鎮 八水東 驅 武 至潭水上殺之,潭水爲之變色。 西 (寧,加兼侍中,歷鎭天平、平盧。 爲 執轡留知温, 兩 ! 寨,震初至,與知温會東寨,方博,効節軍亂,噪于門外, ·盡殺亂者。 知温 [給日:「騎兵皆在西寨,今獨步軍, 明宗下韶, 魏之驕兵,於是而盡。 悉誅其家屬于 魏州 明宗 恐無能 知變自知温起, 凡 知温 爲 九指揮三千餘 也。 卽 知 乘馬 温 釋 卽 m

廢帝 請 厚。 図 表而 下 簿 因 兵部、 知温 起兵鳳翔 西以覘之。」及沖 初 鼓吹、輅車、法物不出都城, 考之故事 時 建義 明宗為 還鎭 太常、 当 功必有 北 愍帝 太僕 東平王。 面招討使,而知温 出一种, 成。」 八給鹵 至京 師, |沖日:「今天子孱弱,上下離心, 簿、 太常上言:「策拜王 知温 廢帝已入立, 、鼓吹 乘間有窺覦之意 爲副 輅 車、 使,廢帝時以裨將事知温 法物 無 沖卽 説明文。 **公**, 赴 奉 , 皇帝 本道 謂其司 表稱 今北 臨 禮 賀, 平王 軒 路王兵威甚盛,事 馬 畢還 這遺策。 還勸 李沖日:「吾有錢 一德鈞、 省司 知温 甚謹,後因杯酒失意 其在 東平 入朝 外者 主 知 未 廢帝 数屋 温 正 可 受 衙 知 慰勞之甚 封 命 養兵數 冲 使,而 遣 請 及 懷

知 温 在 鎭 常 厚 斂 《其民,積貲鉅萬,治第 青州 南城 出入以聲妓, 游嬉不恤 政事

元年卒于官,贈太尉。

知 温 | 卒後,其子彥編獻其父錢三萬絡、絹布三萬匹、金百兩、銀千兩、茶千五百斤、絲十

#### 王晏球

敗之于河陽,以功遷龍驤第一指揮使。 子都指揮使。太祖卽位,爲右千牛衞將軍。友珪立,龍驤戍卒反,自懷州趣京師,遣晏球擊 氏。 梁太祖鎭宣武,選富家子之材武者置之帳下,號「廳子都」。晏球爲人倜儻有大節,爲廳 王晏球字瑩之,洛陽人也。少遇亂,爲盜所掠,汴州富人杜氏得之,養以爲子,冒姓杜

宮城,而責臣破賊。」遲明盡殺之,以功拜澶旦州刺史。 稍却。末帝登樓見之,呼曰:「此非吾龍驤軍邪!」晏球奏曰:「亂者,李霸一都爾,陛下嚴守 入,縱火大躁,以長竿縛布沃油,仰燒建國門。。晏球聞亂,不俟命,率龍驤五百騎擊之,賊勢 末帝即位,遷龍驤四軍指揮使。梁遣捉生軍將李霸將千人戍楊劉,霸夜作亂,自水門

〇 古本作單。

聞末帝已崩,即解甲降唐,莊宗賜姓名曰李紹虔,拜齊州防禦使,戍瓦橋關 梁、晉軍河上,以晏球爲行營馬步軍都指揮使。 莊宗入汴, 晏球以兵追之,行至封丘,

雜

求 擎延朗 自 際 坚 中國 契丹 馬項 皆橐弓矢、用短 晏球 而都衆掩至, 與數 浸球 歸惕 敗 禿餒,又走惕隱,其餘衆奔潰投村落,村落之人以鋤耰白 多故,彊於北方,北方諸夷無大小皆畏伏,而中國之兵遭契丹者,未嘗少得 又遣惕隱以七千騎益 馳 爲招 聞禿餒等兵且來,留張延朗屯新樂,自逆於望都。 明宗 始 元人都軍 隱等,辭甚卑遜,輒斬其使以絕之。於是時,中國之威幾於大震, Ŧ 軍 一,延朗 騎走至幽州 也 計 兵 使, 變, 晏球與左右十餘人連矢射之,都衆稍却,而後軍亦至。 ,都遂大敗,自曲陽至定州,橫尸棄甲六十餘里。 兵,回顧者斬。符彥卿以左軍攻其左,高行珪以右軍 自鄴 大敗,收餘兵會晏球趨曲陽, 與宣徽南院 而 西,爲趙德鈞擒送京師。 南,遣人招晏球,晏球從至洛陽, 都,晏球遇之唐河,追擊至滿城,斬首二千級,獲馬 使張延朗等討之。 都 明宗下韶責消契丹。 乘勝追之。 都遣人北招契丹,契丹遣秃餒 而 拜歸德軍 契丹從他道入定州, 晏球先至水次, 方坐胡床指麾 . 梃所在擊殺之,無復遺類 都與禿餒入城, 節度使。 ·攻其右臼,中軍騎 晏球立 契丹後數遣使至中國, 而契丹少衰伏矣, 定州 高 千 岡 將萬 志。 匹。 與都出不意 王都 不敢復出 號 騎 自晏球 契丹自 令諸 反,以 救都 七抱 惕 將

到等宣言曰:「**晏球怯耳!」乃驅兵以進,兵果敗,殺傷三千餘人,由是諸將不敢復言攻。** 晏球 攻定州,久不克,明宗數遣人促其破賊,晏球以謂未可急攻。 其偏將朱 弘昭、張虔

先出其民萬餘人,數與禿餒謀決圍以走,不果,都將馬讓能以城降,都自焚死。 球乃休養士卒,食其三州之賦,悉以俸祿所入具牛酒,日與諸將高會。 久之,都城中食盡,

破都功,拜天平軍節度使。 返 2,獨不動,卒以持久弊之。 自|天成三年四月|都反,明年二月始克之,軍中未嘗戮一人。 以 晏球爲將有機略,善撫士卒。其擊禿餒,旣因敗以爲功,而諸將皆欲乘勝取都,晏球 又徙平盧,累官至兼中書令。是歲卒,年六十二,贈太尉。

#### 安重霸

願與公俱西。」承休素親信之,以爲然。承休整軍將發,秦人送之,帳飮城外。 恐,以問重霸,重霸曰:「劍門天下之險,雖有精兵,不可過也。 度使,重虧爲其副使。 深結承休以自託。 了重霸立承休馬前,辭曰:「秦、隴不可失,願留爲公守。」承休業已上道,無如之何。 安重霸,雲州人也,初與明宗俱事晉王。重霸得罪奔于梁,又奔于蜀。 重霸爲人狡譎多智,善事人。蜀王建以爲親將。王衍立,少年,宦者王承休用事,重霸 梁末,蜀取李茂貞奏、成、階三州,重霸勸承休求鎭秦州,衍以承休爲節 重霸與承休多取秦州花木獻衍,請衍東遊。 。然公受國恩,聞難不可不赴, 唐魏王兵伐蜀,承休大 酒罷,承休上

傳第三十四

安重

钢

Ŧ.

建立

五二二

久之,以爲匡國軍節度使。 唐軍 已破蜀, 重霸亦以秦、成、階三州降唐,明宗以爲閬州團練使。 廢帝時,爲京洮尹、西京留守,徙鎭大同,以病罷還,卒于潞州。 罷爲 左衞大將軍

#### 王建立

宗益愛之。 祭墓,女奴侵擾代人,建立捕而笞之。脏宗怒,欲殺之,明宗爲庇護之以免。明宗自魏反, 犯京師,曹皇后、王淑妃皆在常山,建立殺常山監軍丼其守兵,明宗家屬因得無患,由是明 王建立,遼州楡社人也。唐明宗爲代州刺史,以建立爲虞侯將。莊宗嘗遣女奴之代州 **明宗卽位,以爲成德軍節度副使,已而拜節度使、檢校太尉、同中書門下平章** 

平盧節度使,又徙上黨。 譅 明宗 左 右諷 文字,願解三司,明宗不許。久之,建立稱疾,明宗笑曰:「人固有詐疾而得疾者。」乃出爲 不欲傷建立,亟召還京師。建立入見,亦多言重誨過失。明宗大怒,欲亟罷重誨,羣臣 建立與安重誨素不協,定州王都有二志,數以書通建立,約爲兄弟,重誨知之以爲言。 【解之,乃止。 然卒以建立爲右僕射、同中書門下平章事、判三司事。 居歲餘,自言不 建立快快不得志,遂求解職,乃以太子少保致仕。

曰:「汝爲節度使,不作好事,豈獨重誨讒汝邪!」賜以茶藥而遣之。 建立數請朝見,不許,乃自詣京師,闌至後樓見明宗,涕泣言己無罪,爲重誨所擯,明宗 廢帝立,復起爲天平軍

節度使。

輿 、入朝,給二宦者掖而升殿,宴見甚渥。又徙昭義,賜以玉斧、蜀馬。 **晉高祖時,徙鎭平盧。** 天福五年來朝,高祖勞之曰:「三十年前老兄,可毋拜!」賜以肩 累封韓王。

建立好殺人,其晚節始惑浮圖法,戒殺生,所至人稍安之。 卒年七十,贈尙書令。

去,守恩因剽劫從恩家貲,以潞州降漢。 昭義節度使張從恩與守恩姻家,乃以守恩權巡檢使,以守潞州,而從恩入見契丹。 子守恩,以蔭補,稍遷諸衞將軍。 建立已卒,家于路,守恩自京師得告歸,而契丹滅晉。 漢高祖卽位,以守恩爲昭義軍節度使,徙鎭靜難 從恩旣

西京留守,加同中書門下平章事。

客次以俟見,而吏馳報新留守視事於府矣。 以使相自處,肩興出迎。 守恩性貪鄙,人甚苦之。時周太祖以樞密使將白文珂等軍西平三叛,還過洛陽, 太祖怒,即日以頭子命文珂代守恩爲留守,而守恩方詣館謁,坐於 '守恩大驚,不知所爲,遂罷去,奉朝請于京 守恩 師。

**睡覺矣。」聞者皆縮頸。** 後隱帝殺史弘肇等,召羣臣上殿慰諭之,羣臣恐懼,無敢言者,獨守恩前對曰:「陛下始 顯德中,爲左金吾衞上將軍以卒。

之際是已。 法 制 旣極而 是時, m 풆 m 嶋 漢 英 後亂從之。 呼 [廷君臣亦置而不問,其上下安然而不怪者, 、習爲常事,故特發於喜怒頤指之間,而文珂不敢違,守恩不得拒。 !至於此歟!是以善爲天下慮者,不敢忽於微,而常杜其漸也, 太祖與漢未有間隙之端,其無君叛上之志,宜未萌于心,而其所爲如 若文珂、守恩皆位兼將相,漢大臣也,而周太祖以一樞密使頭子易置之,如更戍 道德仁義,所以爲治,而法制綱紀,亦所以維持之也。自古亂亡之國,必先壞其 亂與壞相乘,至蕩然無復綱紀,則必極於大亂而後返,此勢之然也,五 **豈非朝廷法制綱紀壞**亂 可不戒哉 太祖旣處之不 相乘, (此者, 其來也 何

#### 康福

自魏 福 狀 反, 兵過 貌類胡 康 福 蔚州 人而 相 州 人也, 豐厚,胡宜羊 福以小坊馬二 世為軍 校。 ·馬。」乃令福牧 千匹歸命,明宗 福以騎射事晉王爲偏將。 馬 于相 軍勢由 州 爲小馬坊使, 是益盛。 莊宗嘗日,「吾家以羊馬爲生, **明宗入立**, 逾 年馬大蕃滋。 拜飛龍使, 明宗 領

磁

[州刺史、襄州兵馬都監。從劉訓討荆南,

無功而還。

福爲將無佗能,善諸戎語,明宗嘗召入便殿,訪以外事,福輒爲蕃語以對。 樞密使安重

|誨惡之,常戒||福日:「無妄奏事,當斬汝!」||福懼,求外任。

所擠。 宗怒,謂福曰:「重誨遣汝,非吾意也。吾當遣兵護汝,可無憂。」乃令將軍牛知柔以兵衞福。 夷境,為帥者多遇害,乃拜福凉州刺史,朔方、河西軍節度使。 福入見明宗, 涕泣言為重誨 盡,獲其玉璞、綾錦、羊馬甚衆,由是威聲大振。 吐蕃數千帳,不覺福至,福分其兵爲三道,出其不意襲之。吐蕃大駭,棄車帳而走,殺之殆 行至方渠,而羌夷果出邀福,福以兵擊走之。至青岡峽,遇雪,福登山望見川谷中煙火,有 靈武韓洙死,其弟澄立,而偏將李從賓作亂。澄表請朝廷命帥,而重誨以謂靈武深入 明宗召重誨爲福更佗鎮,重誨曰:「福爲刺史無功効而建節旄,其敢有所擇邪!」明

朝廷。 福居靈武三歲,歲常豐稔,有馬千駟,蕃夷畏服。 福章再上,卽隨而至,明宗不之罪,徙鎭彰義。 明宗遣人謂福曰:「我何少汝而欲負我!」福言:「受國恩深,有死無二。」因乞還朝, 歷靜難、雄武,充西面都部署。 言事者疑福有異志,重誨亦言福必負

晉高祖時,徙鎭河中,代還,卒于京師,贈太師,諡曰武安。

衾, 相顧竊戲曰:「錦衾爛兮! 福世本夷狄,夷狄貴沙陀,故常自言沙陀種也。福嘗有疾臥閣中,寮佐入問疾,見其錦 」福聞之,怒曰:「我沙陀種也,安得謂我爲溪?」聞者笑之。

雑

傳第三

十四四

康福

郭延曾

#### 郭延魯

郭 延魯,沁州綿上人也。 父饒,以曉勇事晉,數立軍功。爲沁州刺史者九年,爲政有惠

愛,州人思之。

爲刺 道攀號。 軍 都指揮使,累遷復州刺史。 史,其敢忘吾先君之志! 延魯以善樂爲將,累遷神武都知兵馬使。 天福中, 拜單州刺史, 卒于官。 ,」由是益以廉平自勵,民甚賴之。 延魯歎曰:「吾先君爲沁州者九年,民到于今思之。 朱守殷反,從攻汴州,以先登功爲汴州馬步 秩滿,州人乞留,不許,皆遮 吾今幸得

刺 ,史任武夫,恃功縱下, 當是時,刺史皆以軍 爲害不細。 中功拜, 言事者多以爲言,以謂方天下多事,民力困敝之時,不宜以 而延魯父子,特以善政著聞焉。

之事稍作,至於層而不可勝紀矣。其「添都」、「助國」之物,動以千數計。至於來朝、奉使、買 鳴 呼,五代之民其何以堪之哉!上輸兵賦之急,下困剝斂之苛。自莊宗以來,方鎭進 獻

雑傳第三十四 校勘記

宴、贖罪,英不出於進獻。 大州善地。 蓋自天子皆以賄賂爲事矣,則爲其民者其何以堪之哉!於此之時,循康之吏如 而功臣大將,不幸而死,則其子孫率以家貲求刺史,其物多者得

#### 校勘記

延魯之徒者,誠難得而可貴也哉!

(1) 楊仁晟 薛史卷九○趙在禮傳作「楊晸」,通鑑卷二七四作「楊仁晸」。

 $\Xi$ 高行珪以右軍攻其右 鄂本「珪」作「周」。 按薛史卷一二三高行周傳載,天成中,高行周從王晏

球圍定州,敗王都事與此合,疑當從鄂本。

# 新五代史卷四十七

# 雜傳第三十五

## 華溫琪

堂堂,非常人也!」乃匿于家。後歲餘,聞濮州刺史朱裕募士爲兵,乃往依之。 以温琪爲供奉官都知。巢敗,温琪走滑州,顧其狀貌魁偉,懼不自容,乃投白馬河, 里,不死,河上人援而出之。又自經于桑林,桑輒枝折。 華温琪字德潤,宋州下邑人也。世本農家。温琪 身長七尺。 乃之作縣,有田父見之曰:「子狀貌 少從黃巢爲盜,巢陷長安, 流數十

爲定昌軍,以温琪爲節度使。 以避之,民賴其利。 朱友謙以河中叛附于晉,末帝拜温琪汝州防禦使、河中行營排陣使。遷耀州觀察留後。 後事梁,爲開道指揮使,累以戰功爲絳、棣二州刺史。 歷齊、晉二州。 莊宗攻晉州,踰月不能破,梁末帝嘉温琪善守,升晉州 坐掠部民妻,爲其夫所訟,罷爲金吾衞大將軍、左龍武統軍。 | 棟州苦河水爲忠、温琪徙于新州

「可代者惟樞密使耳。」明宗曰:「可。」重誨不能答。 曰:「温琪舊人,宜與一重鎭。」重誨意不欲與,對以無員闕。 佗日,明宗語又及之, 徙鎮雄武。 莊宗滅梁,見温琪,曰:「此爲梁守平陽者也!」嘉之,因以耀州爲順義軍 明宗時來朝,願留闕下,以爲左驍衞上將軍。 温琪聞之懼,稱疾不出者累月。已而以 踰年, 明宗謂樞密使安重誨 拜温其節度 重海日:

宗惜之,不許。 爲鎭國軍節度使。 旗出入陣間者,<u>莊宗登高丘望見之, 歎曰:「彼猛士,誰能爲我取之者?」從簡因前請往,莊</u> `從簡多爲梯頭, 莊宗愛其勇,以功累遷步軍都指揮使。 **長從簡,陳州人也。** 天福元年卒,贈太子太傅。 **萇從簡** 從簡 廢帝時,以太子太保致仕。 潛率數騎,馳入梁軍,奪其旗而還,軍中皆鼓噪,莊宗壯之,賜與甚厚。 世本屠羊。從簡去事鬥爲軍校,力敵數人,善用槊。 莊宗與梁軍對陣, 梁軍 莊宗用兵攻 ·有執大

懿之,工遲疑不忍下,從簡叱其亟鑿,左右視者,皆若不勝其毒,而從簡言笑自若。 從簡嘗中流矢,鏃入髀骨,命工 <sub>取之。</sub> 工無良藥,欲鑿其骨,人皆以爲不可。 從簡 然其為 速使

明宗嘗戒之曰:「富貴可惜,然汝不能守也。先帝能貸爾,吾恐不能。」從簡性不可悛,明宗 人剛暴難制,莊宗每屈法優容之。 累遷蔡州防禦使。 明宗時,歷麟、汝、汾、金四州防禦使。

左金吾衞上將軍。 卒年六十五,贈太師。 討副使,從至河陽,拜河陽三城節度使。 簡曰:「事主不敢二心。」廢帝釋之,拜潁州團練使。 晉高祖起兵太原,廢帝將親征,召爲招 廢帝舉兵於鳳翔,從簡與諸鎭兵圍之,已而兵潰,從簡東走,被執。 廢帝還洛陽,從簡即降晉。 歷鎮忠武、武寧,入爲 廢帝責其不降,從

害斯人,吾必不免。」因躍出而告之,使其速以帶獻,遂踰垣而去,不知其所之。 夜入其家殺而取之。卒夜踰垣,隱木間,見其夫婦相待如賓,二卒歎曰:「吾公欲奪其寶,而 從簡好食人肉,所至多潛捕民間小兒以食。許州富人有玉帶,欲之而不可得,遣二卒

## 張筠 弟籛

**筠,愛其辯惠,以爲四鎭客將、長直軍使,累拜宣徽使。** 脹筠,海州人也。世以貲爲商賈。<br />
筠事節度使<br />
時溥爲宿州刺史。梁兵攻溥取宿州, 末帝分相、澶、衞三州爲昭德軍,以

傳第

三十

Ŧī.

驳筠

筠 為節度 使 由 是 魏 博軍叛附于晉。 晉王攻相 州 ) 筠 乘 城 走。 後以爲 永平 車 節 度使

守, 元。 怒, · 戒守者不內,筠至長安不得入,乃朝京師,以爲左驍衞上將軍 筠嘗 梁 命左右收彥琳下獄,以其反聞 企 ·有疾,不見將吏,副使<u>符彥琳入問疾,</u> 事 唐, 仍為京兆 尹 從郭崇韜伐蜀 明宗知彥琳無反狀,召彥琳釋之,陽徙筠爲西京留 ,爲劍南 筠又辭不 兩 川安撫 . 見。 **彦琳疑筠已死**, 使 蜀 平, 拜河 卽 南 諯 尹,徙鎭興 出 牌印

兆 蜀 筠 弟籛, 平, 魏 Ŧ 當筠爲京兆尹時,以爲牙內指揮使、三白渠營田 |機岌班師,至興平,而明宗自魏起,京師大亂, [制置: **鑊乃斷咸陽浮橋以拒繼岌,** 使。 筠西伐蜀,留籛守京 繼

发

乃

自

萬。 刺 中 死 玉 珍 渭 史。 然筠 南 有 初 晉 偏將 筠 |錢 明宗 出 爲 悉 代 帝 Ň 侯莫陳威 取其行 康懷英爲永平軍節度使,而懷英死,筠即掠其家貲。 好 時 刨 施予 位, 以 將 刨 橐。 者, 以 造 軍 其富 市 嘗 人 丽 與温 捕 馬 王 於回鶻, 一, 故 衍 誅 宦 自 韜發唐諸陵, 所 者 蜀 至 行 不爲聚 坐 延嗣 至 馬 秦川 不 一合命 中式, 斂 分得 莊宗 民賴 而聞 寶貨, 有 遣宦者向 司 以安。 之珍 理其 筠 寶錢 因以 價直 而 延 |錢 又 事殺 嗣 一階酒 又於唐故宮掘地, 錢 取之。 殺之, 性 威而 貪 品 船 延 由 取 因 是 之。 嗣 歷 鬱 兄弟 因 鬱 沂、 虚 魏 而 貲 密二州 多得 得 王 卒。 皆 繼 衍 蜀 鉅 金

簉

居洛陽

摊其貲

,以酒色聲妓自

娛足者

十餘年

人謂之「地仙」。天福

三年,

徙居長安。

是歲,張從實作亂,入洛陽,跨途以免。 卒, 贻太子少師。

橋,而繼岌得以兵東,明宗未必能自立。 深以爲德, 亡,於張籛無所利害,錢何爲而拒之不使之東乎? 豈其有所使而爲之乎? 然明宗於符彥超 繼岌以元子握重兵,死于外而不得立,此大事也,而前史不書其所以然。 嗚呼,五代反者多矣,吾於明宗獨難其辭!至於魏王繼岌薨,然後終其事 而待籛無所厚, 此其又可疑也。 則繼岌之死,由錢之拒,其所繫者豈小哉 不然,好亂之臣,望風而響應乎?使踐不斷浮 也 大繼岌之存 莊 宗 遇

#### 楊彥詢

彦詢 博叛梁入于晉,彥詢因留事晉。 爲 楊彥詢字成章,河中寶鼎人也。 人聰悟,遂見親信。 師範降梁,後見殺,彥詢無所歸, 莊宗滅梁,以彥詢爲引進副使,奉使吳、閩,常稱旨。 少事青州王師範,師範好學,聚書萬卷,使彥詢掌之。 乃之魏,事楊師厚爲客將。 歷德 魏

晉高祖鎭太原, 雑 傳 绑 三十 Ŧī. 廢帝疑其有貳志, 楊 彦 韵 4 周 擇諸將之謹厚者佐之, 乃以彥詢爲太原節度副使。 州

刺史、羽林將軍。

否?公其審計之!」高祖反意已決,彥詢亦不復敢言。高祖左右以彥詢異議,欲殺之,高祖 其後晉高 [祖以疑見徙,欲拒命不行,以問彥詢,彥詢不敢正言,因曰:「太原之力, 能與唐敵

遽止之,曰:「惟副使一人,我自保之。」乃免。

節度使。天福七年,徙鎭鎭國,遭歲大饑,爲政有惠愛。 數往來虜帳中,德光亦愛其爲人。明年,拜感德軍節度使行,復入爲宣徽使,又拜安國 以病風罷爲右金吾衞上將軍。 軍

#### 李周

年七十四,赠太子太師。

日:「邯鄲用武之地,今世道未平,汝當從軍旅以興吾門。」 李周字通理,邢州内丘人,唐昭義軍節度使抱眞之後也。父矩,遭世亂不仕,嘗謂周

嶽, 衞。 ,中其馬,周大呼曰:"「吾在此,孰敢爾邪? 内 丘 圕 在十六為內丘捕賊將,以勇聞。是時,梁、晉兵爭山東,羣盜充斥道路,行者必以兵 人盧嶽將徙家太原,舍逆旅,傍偟不敢進,周意憐之,爲爰至西山。 」盜聞其聲,曰:「此李周也。」因各潰去。 有盜從林 周送

|嶽至太原,||嶽謂之曰:「吾少學星曆,且工相人。子方頤隆準, 吾占天象,晉必有天下,子宜留事晉,以圖富貴。」周以母老辭歸。 眉目疏徹, 身長七尺, 野科相

|宗以巨栰積薪沃油,順流縱火焚||梁兵解去。||莊宗見||男曰:「微公,諸將爲梁擒矣!| 宗遺佗將代周守,幾爲梁兵所破,莊宗遽追周還守之,乃得不破。其後梁人已破德勝,因東 至多善政。 歷相、蔡二州刺史。明宗時,拜武信軍節度使,徙鎮靜難,歷武寧、安遠、永興、宣武四鎮,所 爲我守,何憂!」日行六十里,且行且獵,曰:「周非梁將可敵也。」比至,周已絕糧三日。 擊楊劉,以巨艦絕河,斷晉餉援。周遣人馳趨莊宗求救,請日行百里以赴急,莊宗笑曰:周 爲將甚勇,其於用兵,善守,能與士卒同甘苦。梁兵攻周,周堅守。 晉王以周爲萬勝黃頭軍使。後從征伐常有功。從戰怕鄉,先登,遷匡霸指揮使,守楊劉。 是時,梁遣葛從周攻下邢、洛,晉王栅兵青山口,周未知所歸,乃思獻言,至青山歸晉, 久之,周聞母喪奔歸,莊

晉高祖時,復鎭靜難,罷還。 出帝幸澶淵,以周留守東京,還,拜開封尹。 卒年七十四,

鮰

太師

#### 五二六

### 劉處讓

將。 萬進 劉 處 護字德謙,滄州 人也。 少爲張萬進親吏,萬進入梁,爲泰寧軍節度使,以處讓爲牙

死 讓 乃於軍 |晉王壯之,日:「義士也! ·門截耳而訴曰:「萬進所以見圍者,以附晉故也, 奈何不顧其急? 苟不出兵, 願請 」爲之發兵。未渡河,而萬進爲梁兵所敗,處讓因留事晉。

帝 時, 莊宗卽位,爲客省使,常使四方,多稱旨。 魏州 軍亂,逐其帥劉延皓,遣范延光招討,以處讓爲河北都轉運使。 天成中, 遷引 進使,累遷左 一驍衛 大將軍。 |廢

有 m 路 副 意 招 晉 討 高 Mi 漽 使張從實叛于河陽,處讓分兵擊破從賓。還,與光遠攻鄴,逾 祖 疑處讓 立,歷宣 入城,醬以禍福, 一徽南院使。 范延光反, 延光 乃出 高祖命楊光遠爲招討使,以處 降 年不能下。 護參其 其後 軍 延光 己

時 己掌握, 以宰 唐 制 柏 舉動多驕恣,共所求請,高祖頗裁抑之。處讓爲光遠 桑維 樞 密 翰 使常以宦者爲之,自梁用敬翔、李振, 、李松兼樞 密使, 處讓 興諸官 者心不平之。 至莊宗始用武臣, 言:「此非上意,皆維翰、松等嫉 光遠之討 延光也, 而權重 以晉 將 相 重 兵 高 在 祖

公耳! 」光遠大怒。 及兵罷,光遠見高祖,訴以維翰等沮己,高祖不得已,罷維翰等,以處讓

爲樞密使。

廢其職。 處讓在職, 處讓居喪期年,起復爲彰德軍節度使、右金吾衞上將軍 凡所陳述,多不稱旨。 處讓丁母憂,高祖遂不復拜樞密使,以其印付中書而 以疾卒,年六十三,累贈

# 李承約

太師。

爲其子守光所囚,承約以其騎兵奔晉,晉王以爲匡霸指揮使。 李承約字德儉,薊門人也印。 少事劉仁恭,爲山後八軍巡檢使,將騎兵二千人。 從破夾寨,戰臨淸,以功累遷

洛汾二州刺史、潁州團練使。

璋, 爲左衞上將軍 恩信撫諸夷落,勸民農桑,興起學校。 諭以禍福。 天成中, 邠州節度使毛璋有異志, 了,改左龍武統軍,拜昭義軍節度使,復爲左龍武統軍 後明宗遣人代障, 璋卽時受代。 居數年、當代, 明宗拜承約涇州節度副使,使往伺璋動靜。 明宗大喜, 黔南 人詣京師乞留,爲許留一年。 即拜承約黔南節度使。 承約 承約 召 見

天福二年 ·,遷左驍衞上將軍 數請老,不許。 卒年七十五,赠太子太師。

# 張希崇

誾 時,盧 乃開 灰。 去虜 歲餘,虜將喜其爲人,監兵稍怠,希崇因與其麾下謀走南歸。 偏 懼 、瓜、沙皆遺使入貢。 沄 將 得脱, 明宗 明日 屯 帳 脹希崇字德峯,幽州薊人也。少好學,通左氏春秋。劉守光不喜儒士,希崇因事軍 文進自平州亡歸, 將兵戍平州。其後契丹攻陷平州,得希崇,知其儒者也,以爲盧龍軍行軍 田 千餘里,使其聞 , 教士 嘉之,拜汝州 , 虜將謁 因勸希崇獨去。 郝 希崇 種,軍以足食,而省轉饋,明宗 觚而 防禦使。 ,希崇飮之以酒,殺之穽中,兵皆潰去,希崇率其 居四 契丹因以希崇代文進爲平州節度使, 希崇日:「虜兵守我者三百騎 |呼兵,則吾與汝等在漢界矣!| 一歲, 上書 遷 靈武節度使。 「水還內地, 徙鎮 下 靈州 詔褒美。 邠 地接戎狄,戍兵餉道,常苦抄掠, 寧。 爾, 衆皆日善。 希崇撫養士卒,招輯夷落 烹其將, 其兵必散 其麾下皆言兵多, 遣其親將以三百騎監之。 (麾下, 乃先爲穽, 得生口二 走。 司 不 馬。 可俱亡, 寘 且 希崇 戸州 明宗 一中爲 自 萬 回 南 居

晉高

祖入立,

復拜靈武節度使

希崇歎曰:「吾當老死

邊微

**豈非命**邪!

」希崇事母至

月掩畢口大星,希崇歎曰:「畢口大星,邊將也,我其當之乎!」明年正月卒,贈太師。 孝,朝夕母食,必侍立左右,徽饌乃敢退。 爲將不喜聲色。 好讀書,頗知星曆。 天福三年,

# 相里金

相里金字奉金,抖州人也。爲人勇悍,而能折節下士。 事晉王爲五院軍隊長。

戰柏鄉、胡柳,皆有功,遷黃甲指揮使。

同光中,拜忻州刺史。是時,諸州皆用武人,多以部曲主場務,漁蠹公私,以利自入,金

獨禁部曲不興事,厚其給養,使掌家事而已。遷隴州防禦使。

帝卽位,德之,拜保義軍節度使。晉高祖起太原,廢帝以金爲太原四面步軍都指揮使。

廢帝起兵鳳翔,馳檄四隣,四隣未有應者,獨金首遣判官薛文遇見廢帝,往來計事。

廢

高祖入立,徙鎮建雄,罷爲上將軍。 天福五年卒, 贈太師。

#### 五三〇

# 張廷蘊

戰, 在魏,以劉皇后從行,劉氏多縱其下擾人爲不法,人無敢言者,廷癋 金瘡滿體,莊宗壯之,以爲帳前黃甲二十指揮步軍都虞候、魏博三城巡檢使。是時,莊宗 張廷蘊 開封襄邑人也。 少爲宣武軍卒,去事晉,稍遷軍校。 輒收而 常從莊宗征伐, 斬之。 先登力

絳四州防禦團練使、左監門衞上將軍。 使, 旦,明宗與行欽後至,明宗心頗慊之。 將兵爲前鋒。 李繼韜 数于路州(m), 莊宗遣明宗爲招討使, 廷藴 至路, 日已暮, 即率兵百餘踰濠登城, 城守者不能禦, 廷蘊以功遷羽林都指揮使、申懷沂三州刺史、金額 開運 中,以疾卒。 元行欽爲都部署 廷蘊爲馬步軍都指揮 遂破路州。 雕 明

安重酶 廷藴 吾視汝貌必 重海 武人,所識不過數字, 屢言之,明宗以廷蘊破踏之隙,終恨之,故終不秉髦節。 一儒 人, 미 無隱也。」鳳以實對, 而平生重文士。 延藴 **嘗從明宗破梁鄆州**, **巫薦於明宗**。 後鳳貴為 廷蘊素康,歷七州 獲判官趙鳳, 相 數薦 延蘊於 延蘊 卒

之日,家無餘貲。

### 馬全節

節爲馬步軍指揮使。明宗卽位,歷博單野沂四州刺史、金州防禦使。 馬全節字大雅,大名元城人也。唐同光中,全節爲捉生指揮使。 廢帝時,蜀人攻金州, 趙在禮反鄴都,以全

州兵纔數百,全節散家財,與士卒堅守,蜀人去,廢帝召全節,以爲滄州留後。

裕,斬首三千級,生擒千餘人。承裕棄城去,審暉追至雲夢,執承裕及其兵二千人,全節斬 之矣。吾見天子,必訴此而後就刑。」全節懼,因殺承裕,高祖置而不問,徙全節鎭昭義。 千五百人,以其餘兵幷承裕獻于京師。承裕謂全節曰:「吾掠城中,所得百萬計,將軍皆取 兵三萬,使全節與安審暉討之,金全南奔。昇將李承裕守安州,全節與承裕戰州南,大敗承 晉高祖入立,卽拜全節橫海軍節度使,徙鎭安遠,代李金全。。金全叛附于李昪,高祖發

<u>距</u>澶、魏之間,全節別攻白團城,破之,虜七百人。 克豪州,虜二千人,降其守將晉廷謙。 自出帝與契丹交惡,全節未嘗不在兵間。開運元年,爲行營部虞候,契丹與晉大軍相 匹

徙安國。從杜重威討安重榮,以功徙鎮義武。

月,契丹敗于戚城,引兵分道而北,全節敗之于定豐,執其將安暉。七月,徙廣晉尹,留守鄴

雜傳第三十五 馬全節 皇前遇

都 十月,杜重威爲招討使,以全節爲副,大敗契丹于衞村。

全節爲人謙謹, 事母至孝,其臨政決事,必問法如何。 初:徙廣晉,過元城,衣白欄謁其

縣合,州里以爲榮。

開運二年,徙鎭順國,未至而卒,年五十五,贈中書令。

# 皇甫遇

皇甫遇, 常山眞定人也。 爲人有勇力,虬髯善射。 少從唐明宗征伐, 事唐爲武勝軍節

度使,所至苛暴,以誅斂爲務,賓佐多解官逃去,以避其禍

高行周爲北面行營都部署,遇爲馬軍右廂排陣使。 晉高祖時,歷義武、昭義、建雄、河陽四鎮,罷爲神武統軍。 是時, 青州楊光遠據城反,出帝 契丹入寇,陷貝州 乃遣李 出帝以

遇等至馬家渡,契丹方將渡河助光遠,遇等擊敗之,以功拜義成軍

節度使、馬軍都指揮使。

守貞及遇分兵守鄆州。

樂城、柏鄉等九縣,南至邢州。 開運二年,契丹寇西山,造先鋒趙延壽圍鎭州, 是時歲除,出帝與近臣飲酒過量,得疾,不能出征,乃遣北面 杜重威不敢出戰。 延壽分兵大掠, 攻破

收軍而南,契丹亦皆北去。是時,契丹兵已深入,人馬俱乏,其還也,諸將不能追,而從恩率 遇等退保黎陽,虜因得解去。 與諸將怪遇視虜無報,皆謂遇已陷虜矣。已而有馳騎報遇被圍,安審琦率兵將赴之,從恩 戒彥超曰:「今日之勢,戰與走爾,戰尙或生,走則死也。 等死,死戰,猶足以報國。」張從恩 見天子! 疑報者詐,不欲往,審琦曰:「成敗天也,當與公共之,雖虜不南來,吾屬失皇甫遇,復何面目 即與彥超躍馬入虜,取之而還。 虜兵與遇戰,自午至未,解而復合,益出生兵,勢甚盛。 遇 踣,得其僕杜知敏馬,乘之以戰。 <u></u> <u>彦超率數千騎前視虜。遇渡潭河,逢虜數萬,轉戰十餘里,至楡林,爲虜所圍,遇馬中箭而</u> 行營都監張從恩會馬全節、安審琦及遇等禦之。從恩等至相州,陣安陽河南,遣遇與慕容 」卽引騎渡河,諸軍皆從而北,拒虜十餘里,虜望見救兵來,卽解去。遇與審琦等 知敏爲虜所擒,遇謂彥超曰:「知敏,義士也,豈可失之!」

丹,伏兵幕中,悉召諸將列坐,告以降虜,遇與諸將愕然不能對。」重威出降表,遇等冤首以 次自畫其名,卽麾兵解甲出降。 三年多,以杜重威爲都招討使,遇爲馬軍右廂都指揮使,屯于中渡。重威已陰送款契 契丹遭遇與張彥澤先入京師,遇行至平棘,絕吭而死。

備 中, 篡唐 廣也,士卒初不知,及使解甲,哭聲震天,則降豈其欲哉!使遇奮然攘臂而起, 《則難得,難得,故可貴焉。 然知其所可恕,與其所可貴,豈不又難哉! 雖死不能贖也,豈足貴哉!君子之於人,或推以恕,或責以備。恕,故遷善自新之路廣,, 雖不幸不免而見害,猶爲得其死矣,其義烈豈不凛然哉!旣俛首聽命,相與亡人之國 用翔之謀爲多,由子佐其父而弑其祖,可乎?其不戮於斧鉞,爲幸免矣。 殺重威 方晉兵之降 於坐

# 安彦威

鎭天平、宣武、成德,以彥威常爲牙將,以謹厚見信。 揮使。 安彥威字國俊,代州崞縣人也。少以軍卒隸唐明宗麾下。 以從榮判六軍,彥威遷捧聖指揮使,領寧國軍節度使。 明宗入立,皇子從榮鎭鄴,彥威爲護 彦威善射, 頗知兵法。 明宗

民治隄。 丁母 晉高 憂 遷 祖入立,拜彦威 西京留守,遭歲大饑,彥威賑撫饑民,民有犯法,皆寬貸之,饑民愛之,不忍流 ,哀毀過制 北京留守,徙鎮歸德。是時,河決滑州,命彦威塞之,彦威出私錢 出帝與契丹隳盟,拜彥威北面行營副都統,彥威悉以家財佐軍用。

以疾卒于京師。

彦威與安太妃同宗, 出帝事以爲舅,彥威未嘗以爲言。 及卒, 太妃臨哭, 人始知同宗

也,當時益稱其愼重。

#### 李瓊

之,又以所乘馬與高祖,而步護之,走十餘里,乃得免。 祖衣與俱遯,至劉李河而追兵且及,瓊浮水先至南岸,高祖至河中流,馬踣,瓊以長矛援出 出 [涿州,遇契丹,與戰不勝,諸將各稍引去,而晉高祖獨戰不已,契丹漸合而圍之。 瓊引高 李瓊,滄州饒安人也。少爲騎將,與晉高祖隸唐明宗麾下。同光二年,契丹犯塞,明宗

揮使。 申二州刺史。出帝時,爲棣州刺史。楊光遠反,以書招瓊,瓊拒而不納。 明宗兵變于魏而南,瓊從高祖以三百騎先趨汴州。 高祖建國,以爲護聖都虞侯,賜與金帛甚厚,而不與之官爵,瓊亦鬱鬱。 久之,拜相、 高祖爲保義軍節度使,以爲牙隊指 遷洺州團練使,又

爲護聖右廂都指揮使。

晉亡,契丹入京師,以瓊爲威州刺史,行至鄭州,遇盜見殺。

# 劉景巖

高祖起兵太原,唐廢帝調民七戶出一卒爲義兵。 劉景巖,延州人也。 其家素富,能以貲交游豪俊。 延州節度使楊漢章發鄉民赴京師, 事高萬金爲部曲,其後爲丹州 刺史。

行,景巖遣人激怒之,義兵亂,殺漢章,迎景巖爲留後。晉高祖卽位,卽拜景巖節度使

景巖邠州,皦入拜補闕,而景巖又徙鎭保義,居未幾,又徙武勝。景巖乃悟皦爲賣已,遂誣 景嚴信之,歲餘,其獲甚多。景嚴使皦朝京師,皦乃言:「景嚴不宜在邊,可徙之內地。」乃移 奏皦隱己玉帶,皦坐貶商州上津令。皦懼景巖邀害之,道亡,匿山中。 謂 邊地不可以久安,爲陳保名享利之策,言哪、涇多善田,其利百倍,宜多市田射利以自厚。 景巖從事熊皦,爲人多智,陰察景巖跋扈難制,懼其有異心,欲以利愚之,因語景巖,以

盛,党項司家族畜牧近郊,尤富彊,景嚴與之往來,允權頗患之。允權妻歲時歸省,景嚴謂 日:「高郎一縣令,而有此州,其可保乎?」允權益惡之,而心又利其田宅,乃誣其反而殺之, 乃還故里。 開運三年,景嚴罷武勝,以太子太師致仕,居華州。契丹犯京師,以周密鎭延州, 而州人逐密,立高允權,允權妻劉氏,景嚴孫女子也。景嚴良田甲第、僮僕甚 景巖

# 年八十餘。

長子行踪,德州刺史,罷,留京師,亦被誅

次子行謙、允權婦翁也、爲奏言非劉氏子、遂冤不誅。

# 校勘記

(二) 拜威德軍節度使 「感德軍」,貴池、南監、汪、南昌本同,汲、殿、蜀、鄂、劉校本作「威德軍」。按

本史卷六〇職方考無此二軍。纂誤補卷三云:「考薛史本傳:『天福二年,出爲鄧州節度。』鄧州

于時爲威勝軍,此當是『威勝』之誤。」

(三) 薊門 貴池、汪本同,汲、殿、南昌、蜀、鄂、劉校本及薛史卷九○李承約傅作「薊州」。

(三) 李繼韜叛于潞州 薛史卷三五唐明宗紀載:同光二年四月,「潞州小將楊立叛,帝受詔討之」。通

《鑑卷二七三略同。按字繼輯已先一年誅死,此當是楊立。

# 新五代史卷四十八

# 雜傳第三十六

# 盧文進

擊鄰。 雖與,心常歉之也,因與亂軍殺存矩反。攻新州,不克,攻武州,又不克,遂奔于契丹,契丹使 行,行至祁溝關,聚而謀爲亂。文進有女幼而美,存矩求之爲側室,文進以其大將不敢拒, 莊宗以屬其弟存矩。 盧文進字大用, 存矩募山後勁兵數千人,課民出馬,民以十牛易一馬,山後之人皆怨,而兵又不樂南 范陽人也。 存矩爲新州團練使,統山後 爲劉守光騎將。 八軍。 唐莊宗攻范陽,文進以先降拜壽州刺史, 莊宗與劉鄭相拒於幸,召存矩會兵

守平州。

徙鎭 (威勝,加同平章事, 明宗卽位,文進自平州率衆數萬歸唐,明宗得之,喜甚, 入爲上將軍 ,出鎭昭義,徙安遠。 以爲義成軍節度使。 居歲餘,

雜傳第三十六 處文進 李金全

杜 自 「至營中別其將士,告以避契丹之意,將士皆再拜爲訣,乃南奔。 重 晉高祖 貴,送款於李昪,昪遣兵迎之。文進居數鎭,頗有善政,兵民愛之。 立,與契丹約爲父子,文進懼不自安。 天福元年多,殺其行軍司馬馮知兆、副使 **昪以文進爲天雄統軍、宣** 其將行也,從數騎,

潤節

度使

論 餘年、皆文進爲之也。 丹以中國 人無寧歲。 ,近代朝廷儀制、臺閣故事而已,未嘗言兵。 文進 織 身長七尺,狀貌偉然。 唐兵屯涿州, 紅 工 一作無不備, 契丹由此益 及其南奔,始屈身晦迹, 歲時饋運, 自其奔契丹也,數引契丹攻掠幽、薊之間,虜其人民, 自瓦橋關至 彊。 同光中, 後以左衞上將軍卒于金陵 務爲恭謹, 幽州, 契丹數以奚騎出入塞上, 嚴兵斥候, 禮接文 士, ,常苦鈔奪, **謙謙若不足**, 其所談 爲唐 攻掠瀌、趙, 患者十 教契

# 李金全

爲 刺刺 明宗謂曰:「卿患馬多邪,何進獻之數也。且卿在涇州治狀如何無乃以馬爲事乎。」途 史。 李金全, 天成中,爲彰義軍節度使(1),在鎭務爲貪暴。 其先出 於吐谷渾。 金全少爲唐明宗廝養,以驍勇善騎 罷歸, 獻馬數 射, 常從明宗 + 匹, 居 數 戰 日, 伐,以功

全慚不能對。徙鎭橫海。久之,罷爲右衞上將軍。

全未至,襄州安從進意暉必走江南,以精兵遮其要路。 招暉日:「暉降,以爲唐州刺史。」又以信箭諭安州,不戮一人,且戒金全曰:「無失吾信。」金 晉高 祖時,安州屯防指揮使王暉殺節度使周瓌,高祖遣金全將騎兵千人以往,下詔書 暉聞金全來,果南走,爲從進兵所

金全後至,得暉餘黨數百人,皆送京師。

將軍違韶而殺降,亦將不免也!」高祖不能詰。 曰:「王暉首亂,猶賜之信誓,以爲刺史;我等何罪,反見殺邪?若朝廷之命,何以示信?苟 |暉之亂也,大掠城中三日,|金全利其所掠貲,因擒其將||武克和等十餘人殺之,克和呼 即以金全爲安遠軍節度使。

者乎?宜納仁沼而遣漢榮。」漢榮聞之,夜使人殺令圖而耽仁沼,仁沼舌壞而死。 凡所賜與甚厚,悉以分故人、親戚之貧者,此天下之廉士也。爲人如此,豈有爲人謀而不善 晏球求其人,欲厚賞之,仁沼退而不言,此天下之忠臣也。都敢,晏球遣仁沼慰捷于京師, 晏球攻王都於中山,都遣善射者登城射晏球,中兜牟,仁沼從後引弓,射善射者,一發而斃, 賈仁沼代之,且召漢榮。漢榮教金全留己而不遣,金全客龐令圖諫曰:「仁沼昔事王晏球, 金全左都押衙明漢榮用事(11),所爲不法,高祖患之,不欲因漢榮以累功臣,爲選廉吏

天福五年夏,高祖以馬全節代金全。而仁沼二子欲詣京師訴其父冤,漢榮大懼,給金

停

第三十

六

李金全

楊思

五四二

召公對 |裕入安州,金全遂南奔,行至汉川,引頸北望,涕泣而去。 全 百:「前 獄也。」金全信之,遂叛,送款于李昪。 日天子召漢榮,公違詔而不遣。 仁沼之死, 其二子將訴于朝。 高祖發兵三萬授 **昪以金全爲天威統軍。** 全節討之。 今以全節代公, 昇遣其將李承 是

諸將皆銳於攻取, 漢隱帝時,李守貞反河中,乞兵於昪,金全爲昪潤州節度使,與查文徽等出沭陽。 金全獨以謂遠不相及,不可行,乃止。 其後亦不復用,不知其所終。

# 楊思權

思權曰:「公有甲士,而思權在,何患也!」乃勸從榮招募死士、增利器械以爲 容語從厚之善,以諷勉之。從榮不悅,告思權曰:「天下共賢河南而非我,我將廢矣,奈何?」 從榮素驕,所爲多不法。 之,以其事聞。 明宗時,秦王從榮爲河東節度使,以馮贇爲副, 楊思權, 邠州新平人也。 明宗召思權還京師,以從榮故,亦不之責也。 是時,宋王從厚爲河南尹。 事梁爲控鶴右第一軍使。 從厚年少,謙恭好禮。 思權爲北京步軍都指揮使以佐佑之。 唐莊宗滅梁,以爲夾馬都指揮使。 後爲右羽林都指揮使,將兵戍 明宗陰遣人從 備。 馮贅 患

降。 之,而虔釗督戰甚急,軍士反兵逐虔釗,思權因呼其衆曰:「路王眞吾主也!」即擁軍士入城 「臣以赤心奉殿下,殿下事成,願不以防禦、團練使處臣。」乃出一紙於懷中曰:「願志臣姓名 使尹暉攻城東,破其兩關城。 暉聞思權已降,亦壓其軍使解甲,由是諸鎭之兵皆潰。 路王從珂反鳳翔,興元張虔釗會諸鎭兵討賊。 從珂登城呼外兵,告以己非反者,其語甚哀,外兵聞者皆悲 諸鎭兵圍鳳翔, 思權與暉入見從珂,思權前日 思權攻城西、嚴衞指揮

廢帝入立, 拜思權靜難軍節度使。後爲右龍武統軍、左衞上將軍。 天福八年, 卒于京 以爲驗。」從珂卽書曰:「可邪寧節度使。

師,贈太傅。

#### 尹暉

指 州節度使。 揮 ·使,恃先降功,不爲<u>高</u>祖屈, 尹暉者、魏州大名人也。 晉高祖入立,罷爲右衞大將軍。 從廢帝入洛陽,而晉高祖來朝,與暉遇于道。 馬上橫鞭揖之,高祖怒,白廢帝暉不可 **范延光反,以書招暉,暉懼,** 與名藩。 出奔淮南, 暉時猶爲嚴衞 乃以爲應 爲人所

殺,有子爋。

維傳第

 $\equiv$ 

十六

尹暉

Ŧ

弘합

# 王弘贄

刀刺 宗愛子,公,愛壻也,公於此時不能報國,而反問大臣、國寶所在,公亦助賊反邪? 油 以百騎出奔,而將相大臣無一人從者,則人心去就可知也。 寶、乘輿、法物從乎?」曰:「無也。」弘贄歎曰:「所謂大木將顚,非一繩所維。 吾戚屬也,何以圖全?」弘贄曰:「天子避狄,自古有之,然將相大臣從乎?」曰:「無也。」「國 祖曰:「衞州刺史王弘贄,宿將也,且多知時事,請就圖之。」即馳騎前見弘贄曰:「主上危迫, 即下馬慟哭, 加 將 上謁於驛舍。 高祖, 朝于京師,騶呵前導者不避, 王弘贄,不知其世家何人也。 從珂反於鳳翔,擁兵東至陝。 高祖親將陳暉扞之,守榮與暉戰死,弘進亦自刎。 謂敬瑭曰:「路王反, 高祖且以弘贄語白愍帝。 愍帝遣左右叱之,對曰:「成德軍節度使石敬瑭也。」愍帝 康義誠等皆叛我,我無所依,長公主教我逆爾于路。」高 唐明宗時,爲合階二州刺史、右千牛衞將軍、衞州 愍帝懼, 弓箭庫使沙守榮、奔弘進前謂高祖曰:「主上,明 夜以百餘騎出奔,至衞州 雖欲興復,其可得乎!」即從高 高祖因盡殺帝從兵,獨留帝于 東七八里,遇晉高 今萬乘之主, 」乃抽佩 刺史。

驛而

去

衞州 酒以慰無憀。」愍帝受之,由是日獻一觴。及巒持酖至,因使酒家獻之,愍帝飮而不疑,遂崩。 ,弘贄令市中酒家獻酒,愍帝見之,大鷲,遽殞于地,久而蘇,弘贄曰:「此酒家也,願獻 弘贄奉帝居于州廨。 弘贄有子巒,爲殿直, 廢帝入立,遣巒持鴆與弘贄。 杒, 愍帝在

<u>臥贄後事晉爲鳳翔行軍司馬,以光祿卿致仕,卒,贈太傅。</u>

# 劉審交

劉審交字求益,幽州文安人也。 少略知書,通於吏事,爲唐興令,補范陽牙校。 劉守光

僭號,以審交爲兵部尚書,守光敗,歸于太原, 唐莊宗以爲從事。 其後趙德鈞鎭范陽, 北面

轉運使馬紹宏辟審交判官。

史,以母老去官。母喪,哀毀過禮,不調累年。 王晏球討王都,以爲轉運供軍使。 定州平,拜遼州刺史。復爲北面轉運使,改慈州

租,審交曰:「租有定額,而天下比年無閑田,民之苦樂,不可等也。」途止不檢,而民賴以不 PAR I "鐵爲三使,歲餘,三司益煩弊,乃復合爲一,拜審交三司使。 晉高祖即位,楊光遠討范延光於魏州, 審交復爲供軍使。 議者請檢天下民田,宜得益 是時,晉高祖分戶部、度支、

雜

擾。 遷右衞上將軍 陳州防禦使。 出視民田, 見民耕器薄陋, 乃取河北耕器爲範, 爲民更

安從進平,徙審交襄州,又徙青州,皆有善政。 罷還。

守城 罷審交不用。 兵在京師者猶數千,可以城守而待行周,淑妃不從,議未決。 起義太原,從益召高行周以拒高祖,行周不至。 , 當爲燕謀, 然事勢不可爲也。 契丹犯京師,留蕭翰而去,翰復以審交爲三司使。 太妃語是。」從益乃罷不設備,遺人西迎高祖。 從益 母王淑妃與羣臣謀迎高祖,或以謂燕 已而翰召許王從益守京師。 審交進日:「余燕人也, 高祖至, , 今 爲 燕 漢高 궲

近郊, 隱帝時,爲汝州防禦使,有能名。 使民得歲時祠祭。 韶特贈太尉, 乾祐 起祠立碑。 三年卒,年七十四。 州人聚哭柩前,上疏乞留葬

#### 王周

王周,魏州人也。 少以勇力從軍,事唐莊宗、明宗,爲裨校,以力戰有 功拜 刺

涇州節度使。 晉 天 福中,從楊光遠討范延光於魏州 涇州張彥澤爲政苛虐,民多流亡,周乃更爲寬恕,問民疾苦,去其苛弊二十餘 又從杜重威討安重榮於鎭州, 皆有 功。 歷貝州、

事,民皆復歸。 歷遷武勝、保義、義武、成德四鎭, 皆有善政。 定州橋壞,覆民租車, 周 日:

「橋梁不修,刺史過也。」乃償民栗,爲治其橋。

以周爲武勝軍節度使。 城降,何面目南行見人主興士大夫乎!」乃劇飲,求刀欲自引決,家人止之,迫以出降。製丹 杜重威降契丹,契丹兵過鎭州,臨城呼周使出降,周泣曰:「受晉厚恩,不能死戰而以

漢高祖入立,徙鎭武寧。卒于鎭,贈中書令。

# 高行周 行建附

阔, 皆叛,乃棄城走。克用以劉仁恭守幽州,以其兄某爲先鋒都指揮使,思繼爲中軍都指揮使, 幽州節度使李匡威戍將。匡威爲其弟匡儔所篡,晉王將討其亂,謀曰:「高思繼兄弟在孔領 弟某爲後軍都指揮使,高氏兄弟分掌燕兵。 克用臨訣謂仁恭曰:「思繼兄弟,勢傾一方,爲 有兵三千,此後患也,不如遣人招之。思繼爲吾用,則事無不成。」克用遣人招思繼兄 燕俗重氣義,思繼等聞晉兵爲匡威報仇,乃欣然從之,爲晉兵前鋒。匡儔聞思繼兄弟 高行周字尚質,嬀州人也。 世爲懷戎戍將。父思繼。 思繼兄弟皆以武勇雄於北邊,爲

雑

傳

第三十

六

高行周

施患 克用 者,必高氏 以責仁恭,仁恭以高氏爲訴 也, 宜善爲防。」克用留晉兵千人爲仁恭衞。 由 是晉盡誅思繼兄弟 而晉兵多犯法, 思繼等數誅殺

守也,今劉公救兵不至,奈何? 職 在 何 也。 「吾所憚 馬 武 顧吾子耶 山 當從我行,不然, 莊宗 後, 州 赤 者行建 開守光 卽 以其 時,歷朔忻 被囚, 夜組 一行欽 兄某之子行珪爲牙將, 且見 也。」乃遣人之懷戎, 守光立, 行周 嵐 圍 即以兵圍 馳 且殺公子。」行 三州 ·入晉見莊宗,莊宗因遣明宗救武州 以行珪為武 即率所牧馬赴援, 刺 行珪。 史、大同軍 可殺吾以降晉。」父老皆泣,願以 庄謝日:「與君俱劉公將, 州 得行珪子繁之。 月餘, 而思繼子行周年十餘歲, 刺 節 史。 而 度使。 行珪城中 麾下兵叛于道, 其後守光背晉, 明宗入立、徙鎮 - 食盡, 兵過武州, 召其州人告曰:「吾非不爲父老 比至, 而忍叛之?吾當爲劉氏 推行欽爲幽 晉兵攻之。 死守。 亦收之帳下, 招行珪 威勝、 行欽 是時,行周 曰:「守光 已解去 州留後, 守光 稍長, 將元行 行珪 滴 可取 行欽 從行 補以 也, 而代 乃 欽 尙 珪 牧 軍

兵 IIII 有 之。 謀 珪 叛 者 性 因 1,行珪先覺之,因潛徙庫兵于佗所。 誣奏延策同反, 丼其子皆見殺, 天下 所爲 多不法,副 使范延策,爲人剛直,數規諫之,行珪 冤之。 戍兵叛, 行珪 趨庫劫兵 卒于鎭, (無所 贈 得, 不聽, 太 尉 乃潰 銜之。 已而 追 戍

當 行珪之降晉也, 行周隸明宗帳下, 初爲裨將, 趙德鈞識之 謂明宗曰:「此子貌厚而

入其城,鄆人方覺,遂取之。莊宗滅梁,以功領端州刺史,遷絳州。 軍中皆欲止不進,行周曰:「此天贊我也!耶人恃雨,不備吾來,宜出其不意。」即夜馳涉濟 小心,佗日必大貴,宜善待之。」梁、晉軍河上,莊宗遣明宗東襲鄆州, 行周將前軍, 夜遇雨,

明宗時,從平朱守殷,克王都,遷潁州團練使、振武軍節度使。歷鎭彰武、昭義。

晉高祖時,爲西京留守,徙鎭天雄。 安從進叛,以行周爲襄州行營都部署,討平之,徙

鎭歸德。 契丹滅晉,留蕭翰守汴,翰又棄去,召唐故許王從益入汴。 出帝時,代景延廣爲侍衞親軍都指揮使。 是時,李彥韜、馮玉等用事,乃求歸鎭。 而漢高祖起太原,從益遣人

召行周,將以拒漢,行周歎曰:「衰世難輔,況兒戲乎 '!」乃不從。

漢高祖入京師,加行周守中書令,徙鎭天平軍, 封臨清王。 周太祖入立,封齊王。 卒,

贈尙書令,追封秦王。有子懷德。

# 白再榮

**榮從契丹北歸,至鎭州,契丹留麻荅守鎭州而去,晉人從者多留焉。** 白再榮,不知其世家何人也。少爲軍卒。唐、晉之間,爲護聖指揮使。 居未幾,李筠、何福進 契丹犯京師,再

傳第三十

六

白再榮

安

叔千

名次最高,乃推爲留後。

等謀逐麻荅,使人召再榮,再榮遲疑不欲往,軍士迫之,乃往,共攻之。 麻荅走,諸將以再榮

攻再榮於第,悉取其財。 已而前啓曰:「士卒嘗事公隸麾下,一旦無禮如此,亦復何面見公 所爲,非獨公力也。 相何在,何以對之?」再榮默然,乃止。而悉拘嘗事麻荅者取其財,鎭人謂之「白麻荅」。 而求物,又欲害崧取其貲。李穀謂曰:「公等親被契丹之苦,憂死不暇,然逐麻荅者,乃衆人 一」乃斬之,攜其首而去,家人以帛贖而葬之。 漢高祖卽位,拜再榮爲留後,遷義成軍節度使。 再榮出於行伍,貪而無謀。 今纔得生路,而遽殺宰相,此契丹尙或不爲,然它日至京師,天子問宰 是時,李崧、和凝等皆隨契丹留鎭州, 罷還京師。 周太祖以兵入京師,軍士 再榮以兵環其居,迫

# 安叔千

王都 安國、建雄四鎮。 ,拜秦州 安叔千字胤宗,沙陀三部落人也。少善騎射,事唐莊宗,以爲奉安指揮使。明宗時與討 刺刺 史。 叔千狀貌堂堂,而不通文字,所爲鄙陋,人謂之「沒字碑」。 從擊契丹,爲先鋒都指揮使,以功拜昭武 軍節度使〔三〕。 歷 静難 横海

夷言,德光勞曰:「是安沒字否?汝在邢州,已通誠款,吾今至此,當與汝一喫飯處。」叔千再 晉出帝時,爲左金吾衞上將軍。 契丹犯京師,晉百官迎見耶律德光于赤岡,叔千出班

拜。乃以爲鎭國軍節度使。

漢高祖入立,罷歸京師,自以常私附契丹,頗懷媿懼。以太子太師致仕。

歸于洛陽,卒,年七十二。 周太祖兵入京師,軍士大掠,叔千家貲已盡,而軍士意其有所藏者,鐘掠不已。傷重

# 校勘記

爲彰義軍節度使 「彰義」,各本原作「彰武」,通鑑卷二七八作「彰義」。 薛史卷九七李金全傳謂

州」,則彰武當是彰義之誤。」今按薛史下文亦有「卿在涇州」之語,此是彰義無疑。據改。 「天成中授涇州節度使」。纂誤補卷三云:「按職方考,延州彰武,涇州彰義。 此傳下云『卿在涇

 $\exists$ 卷四三八及通鑑卷二八一均作「胡漢筠」。 明漢榮 汪本同,他本及馬令南唐書卷一二李金全傳作「胡漢榮」,薛史卷九七李金全傳、冊府

**(3)** 在利州 以功拜昭武軍節度使 園地,為唐命所不及; 振武在朔州,屬唐境。 **薛史卷一二三安叔千傳「昭武」作「振武」。** 此當作「振武」。 按本史卷六〇職方考,

弁律

傳第三

十六

校

勘

<u> 7</u>7

# 新五代史卷四十九

# 雜傳第三十七

# 翟光鄴

邑人守永定驛,晉人攻之,踰年不能下,景珂卒戰死。 翟光鄴字化基,濮州鄄城人也。 其父景珂,倜儻有膽氣。 光鄴時年十歲,爲晉兵所掠,明宗愛 梁、晉相距于河上,景珂率聚

其穎悟,常以自隨。

從益入汴,以爲樞密使。漢高祖入京師,改右領軍衞大將軍、左金吾大將軍,充街使。 光遠,以光鄴爲靑州防禦使。光鄴招輯兵民,甚有恩意。契丹滅晉,遣光鄴知曹州。 光鄴事唐,官至耀州團練使。 晉高祖時, 歷棣沂二州刺史、西京副留守。 出帝已破楊 許王 周太

祖入立,拜宣徽使、樞密副使,出知永興軍,卒于官。

雜

傳第三十七

翟光鄴

馮

EII.

光鄴爲人沈默多謀,事繼母以孝聞。 雖貴,不營財產,常假官舍以居,蕭然僅蔽 風雨。

立祠、不許。 雍 寬靜休息爲意。 睦親族、粗衣 (糲食, 病亟,戒其左右,氣絕以尸歸洛,無久留以煩軍府。 與均有無,光鄴處之晏然,日與賓客飲酒聚書爲樂。 既卒,州人上書乞留葬 其所臨 政, 務以

#### 馮暉

蜀,累遷夔、興二州刺史。 從佗道出其左,擊蜀守兵殆盡。會晉高祖班師,拜暉澶州刺史。 亡入梁軍,王彥章以暉曉勇,隸之麾下。 馮 暉, 魏州人也。 爲効節軍卒,以功遷隊長。 董璋反東川,暉從晉高祖討璋,軍至劍門,劍門兵守,不得入,暉 。梁亡,莊宗赦暉不問。從明宗討楊立、 唐莊宗入魏,與梁相距于河上,暉以隊長 魏王繼岌平

餘區,多出俸錢,民不加賦,管內大治,晉高祖下韶書褒美。 必以兵。 萬,自關以西,轉輸供給,民不堪役,而流亡甚衆。一青岡、土橋之間,氏、羌剽掠道路,商旅行 節度使,徙鎭靈武。 天福中,范延光反魏州,遣暉襲滑州,不克,遂入于魏,爲延光守。 暉始至,則推以恩信,部族懷惠,止息侵奪,然後廣屯田以省轉餉,治倉庫、亭館千 靈武自唐明宗已後,市馬糴栗,招來部族,給賜軍士,歲用度支錢六千 已而出降,拜義 成軍 皇

盾曜

晉見暉馬多而得夷心,反以爲患,徙鎭靜難,又徙保義。 歲中,召爲侍衞步軍都指揮使,領 起第於城中,賜予豐厚,務足其意。彥超旣留,而諸部族爭以羊馬爲市易,期年有馬五千匹。 党項拓拔彥超最爲大族,諸族嚮背常以彥超爲去就。暉之至也,彥超來謁,遂留之,爲

河陽節度使,暉於是始覺晉有患己意。

靈武, 至中書令,封陳留王。廣順三年卒,追封衞王。子繼業。 族求戰,即與之戰而敗走,諸族遂不敢動。禪至靈武,撫綏邊部,凡十餘年,恩信大著。 恃也,吾能殺之,其餘豈敢動哉!」已而諸族皆以兵扼道路,暉以言譬論之,獨所殺首領一 皆殺之。裨將藥元福曰:「今去靈武尙五六百里,奈何?」暉笑曰:「此夷落之豪,部族之所 劍邪?吾聞王氏劍天下利器也。」俯而取諸腰間,若將玩之,因擊殺首領者,其從騎十餘人 衞。」乃募得兵千餘人,行至悔戍,蕃夷稍稍來謁,暉顧首領一人,指其佩劍曰:「此板橋王氏 是時, ,失夷落心,大爲邊患。暉卽請曰:「今朝廷多事,必不能以兵援臣,願得自募兵以爲 出帝昏亂,馮玉、 李彥韜等用事,暉曲意事之, 因得復鎭靈武。時王令温鎭 官

# 皇甫暉

卒擢拜陳州刺史,終唐世常爲刺史。 萬家足矣。」又盡殺之。及明宗入魏,遂與在禮合謀,莊宗之禍自暉始。明宗卽位,峄自軍 州以入于魏,在禮以暉爲馬步軍都指揮使。暉擁甲士數百騎,大掠城中, 姓,曰:「姓國。」暉曰:「吾當破國!」遂盡殺之。又至一家,問其姓,曰:「姓萬。」暉曰:「吾殺 疆,遂斬之,推一小校爲主,不從,又斬之,乃攜二首以詣裨將趙在禮,在禮從之,乃夜焚貝 上,天下一家,精甲銳兵,不下數十萬,公等各有家屬,何故出此不祥之言?」軍 俱行。不幸天子怒吾軍,則坐據一州,足以起事。」 仁晟曰:「公等何計之過也! 天下已定,而天子不念。魏軍久戍之勞,去家咫尺,不得相見。今將士思歸不可遏,公當與我 「唐能 失政,天下離 破梁而得天下者,以先得魏而盡有河北兵也。 甫 魏州 |暉爲人聽勇無賴 人 也。 爲魏軍卒,成瓦 了夜博軍中,不勝,乃與其徒謀爲亂,劫其都將楊仁晟曰: 橋關,歲滿當代歸,而留屯貝州。是時, 魏軍甲不去體、馬不解鞍者十餘年,今 至一民家, 士知不可 唐莊宗已 今英主在 問其

千與之,而飮以酒,暉飲自若,不謝而去。久之,爲密州刺 |陂, 卒成大事, 然由我發也, 公今富貴, 能卹我乎?不然, 禍起坐中!」在禮懼, 遽出器幣數 晉天福中,以衞將軍居京師。 在禮已秉旄節, 罷鎭來朝, 史。 暉往侯之曰:「與公俱起甘

契丹犯闕,暉率其州人奔于江南,李景以爲歙州刺史、奉化軍節度使,鎭江州。 周師征

暉金瘡被體,哀之,賜以金帶、鞍馬,後數日卒。 准 景以暉爲北面行營應援使,屯淸流關, 爲周師所敗, 拜鳳左屯衞上將軍。 井其都監姚鳳皆被擒 世宗召見,

## 唐景思

伐蜀, 馬。 出帝時,契丹攻陷貝州,景思爲趙延壽所得,以爲壞砦使。 漢高祖時,爲鄧州行軍司馬,後爲沿准巡檢。 唐景思,秦州人也。 景思為蜀守固鎖 幼善角觝,以屠狗爲生。 繼岌兵至,景思以城降, 拜興州 後去爲軍卒, 刺史。 契丹滅晉,拜景思亳州防禦 累遷指揮使。 晉高祖時, 爲貝州行 唐魏王繼岌 軍司

聞景思被告,乃見<u>弘</u>肇,願先下獄明景思不反,<u>弘</u>肇憐之,送知權獄中, 驗,景思曰:「我家在此,請索之。有錢十千,爲受外路。有甲一屬,爲私畜兵。」吏索之,惟 則殺之,不然將失之也。」東至, 景思與李景交通,而私畜兵甲。 衣笥, 漢法酷,而史弘肇用事,喜以告訐殺人。景思有奴,嘗有所求不如意, 軍籍、糧簿而已。 吏閔而寬之, 景思迎前,以兩手抱吏呼冤,請詣獄自理。 弘肇遣吏將三十騎往收景思, 景思請械送京師以自明。景思有僕王知權在京師, 奴謂吏曰:「景思勇者也,得 日勞以酒食。 即馳見弘肇, 吏引奴與景思 景思

雑

傳第

旣 **【械就道,潁、亳之人隨至京師共明之。** 弘肇乃鞫其奴,具伏,即奏斬奴而釋景思。

周 ,師伐淮南,以功領饒州刺史,遷<u>濠州刺史,兵攻濠州,以戰傷重卒,贈武淸軍</u>節度使。 後從世宗戰高平, 世宗以所得漢降兵數千爲効順指揮, 以景思爲指揮使,復戍淮上。

#### 王進

指揮。 都指揮使。 京師,往返不過五六日,由是愈親愛之,累遷奉國 招置麾下。 王 漢高 進, 幽州良鄉人也。 祖 歷汝、鄭二州防禦使、彰德軍節度使。 <u>彦超鎭安遠軍,軍中有變,遭進馳奏京師,明宗怪其來速,嘉其足力,以</u> 爲侍衞親軍指揮使,以進爲軍校。 爲人勇悍,走及奔馬。 軍都指揮使。 高祖鎭河東,因以之從,每有急, 顯德元年秋日,以疾卒,贈太師 少聚徒爲盜,鄉里患之,符彥超遣人以路 從周太祖 起魏,遷虎捷右廂 遣 隸 進 馳 寧衞

〇 一本作初。

其所 ·興俱勇夫悍卒,各裂土地封侯王,何異豺狼之牧斯人也!雖其附託遭遇,出於一時之 鳴 呼 予 述 舊史, 至於王進之事, 未嘗 不廢書而歎曰:甚哉, 五代之君,皆武 、崛起,

漢高 軍卒,未嘗有戰功,徒以幸會漢興,遂秉旄節。 賢人君子之在下者,可勝道哉!可勝道哉! 人常相上下,視在上者如進等,則其在下者可知矣。予書進事,所以哀斯人之亂,而見當時 國,如更戍長無異,蓋其輕如此,況其下者乎!如進等者,豈足道哉!易否泰消長,君子小 者歟?當此之時,爲國長者不過十餘年,短者三四年至一二年。天下之人,視其上易君代 而輕歟?抑因緣僥倖,未始不有,而尤多於亂世,旣其極也,遂至於是歟?豈其又有甚於是 一組為河東節度使,以思為牢城指揮使。高祖入立,領武勝軍節度使,徙鎮昭義。 常思字克恭,太原人也。初從唐莊宗爲卒,後爲長劍指揮使。歷唐、晉爲六軍都虞侯。 初,思微時,周太祖方少孤無依,食于思家,以思爲叔,後思與周太祖俱遭漢以取富貴。 常思 在潞州五年,以聚斂爲事,而性鄙儉。 思起

節,何其甚歟!豈非名器之用,隨世而輕重者歟?世治則君子居之而重,世亂則小人易得

然獨必皆橫身陣敵,非有百夫之勇,則必一日之勞。

至如進者,徒以疾足善走而秉旄

周太祖已卽位,每呼思爲常叔,拜其妻,如家人禮。廣順三年,徙鎭歸德,居三年來朝行〕,

五六〇

韶宋州悉蠲除之。 又徙平盧,思因啓曰:「臣居宋,宋民負臣絲息十萬兩,願以劵上進。」太祖頜之,即焚其劵, 思居青州,踰年得疾,歸于洛陽,卒,贈中書令。

# 孫方諫

爲尼族人,卽繼行其法,堡人推以爲主。 中,以佛法誘民,民多歸之。後尼死,堡人言其尸不朽,因奉而事之。尼姓孫氏,方諫自以 孫方諫, 鄭州清苑人也。 初, 定州西北有狼山堡, 定人常保以避契丹,有尼深意居其

受命,率其徒復入狼山。 求不得,乃北通製丹。 晉出帝時,義武軍節度使惡方諫聚徒山中,恐爲邊患,因表以爲遊奕使。方諫因有所 契丹後滅晉,以方諫爲義武軍節度使。已而徙方諫於雲中,方諫不

漢高祖起,契丹縱火燒定州,虜其人民北去。方諫聞之,自狼山入,據之以歸漢,

嘉之,卽拜方諫義武軍節度使。

至洛得疾,徙鎮匡國,卒于洛陽,年六十二,赠太師。 周太祖時,徙鎭鎭國,以其弟行友爲定州留後。 世宗攻太原,方諫朝于行在,從還京,

(二) 廣順三年徙鎮歸德居三年來朝

亦死于顯德元年。

此處紀年顯誤。

按廣順盡三年,「居三年」,則爲顯德三年。而據薛史卷一二九

常思傳,思於廣順二年來朝,顯德元年死。又考本史卷一一及薛史卷一一三周太祖紀,周太祖

五六

## 新 五代史卷五十

# 雜傳第三十八

#### 王峻

之。 方用事,筠因以峻遺巖。梁亡,巖族誅,峻流落民間。 已下魏博、筠棄相州、走歸京師。 晉高祖滅唐, 高祖 王 一峻字秀峯,相州安陽人也。父豐,爲樂營將。 鎭河東,峻爲客將。 殺延期,是時漢高祖從晉起兵,因悉以延期貲產賜之,峻因得事漢高祖。 高祖卽位,拜峻客省使。 租庸使趙嚴過筠家,筠命峻歌佐酒,嚴見而悅之。 峻少以善歌事梁節度使張筠。 久之,事三司使張延朗,延朗不甚愛 漢遣郭從義討趙思館,以峻監其軍。 是時巖 唐莊宗

等遂與太祖 周 太祖 71 傳 舉兵 第 鎭天雄軍,峻爲監軍。 = +-犯京 八 師 Ŧ 太祖監國,以漢太后命拜峻樞密使。 蛟 漢隱帝已殺大臣史弘肇等, 又遣人殺周太祖及峻等, 太祖將兵 八北出, 至澶州

累遷

造宣徽

北院使。

返

峻

六四

冝 響京 遺侍衞馬軍指揮使郭崇率兵之宋州、 (H) 是時 太祖已遺 馮道迎湘陰公贇于徐州 前申州刺史馬鐸之許州以伺變, 而漢宗室蔡王信在許州。 峻與王殷

信

待之? 分兵扼之,使吾過此,可知其必敗也。」峻軍去晉州一舍,旻聞周兵大至,卽解去。 事 德以加之,豈宜輕舉!而兗州慕容彥超反迹已露,若陛下出汜水,則彥超入京師,陛下何以 追之,峻猶豫不決。 劉旻兵銳亦未可當,臣所以留此者,非怯也,蓋有待爾。 行營都部署,得以便宜從事。 」乃止不行。峻軍出自絳州,前鋒報過蒙院,峻喜,謂其屬曰:「蒙院,晉、絳之險也,旻不 太祖遣使者翟守素馳至陝州,諭峻欲親征。 太祖 ,」守素馳還,具道峻言。是時,太祖已下詔西幸,聞峻語,遽自提其耳曰:「幾敗吾 入立,拜峻右僕射、門下侍郎、同中書門下平章事,監修國史。 明日,遣騎兵追旻,不及而還。 別遣陳思讓、康延沼自烏嶺出絳州與峻會。 峻屏左右謂守素曰:「晉州城堅不可近,而 且陛下新卽位,四方藩鎮,未有威 劉旻攻晉州, 峻至陝州, 諸將皆欲

從討慕容彥超,爲隨駕都部署,率衆先登。

或 小不如志,言色輒不遜,太祖每優容之。 峻 以與太祖 俱起于魏, 自謂佐命之功,以天下爲己任。 |峻年長於||太||祖二歲,往往呼|峻爲兄, 凡所論 請,事無 、大小, 期於 或稱其字, 必得,

從之。 外所知,懼以漏落得罪。 曰:「峻凌朕,不能忍 論 不出, 曰:「宮室已多,何用此爲?」太祖 峻必出矣。」太祖僶俛從之。峻聞太祖且來,遙馳入謁。 與峻相善口,太祖卽遣同召峻。 居數日,諸鎭皆馳騎上峻書,太祖大駭。峻連章求解,因不視事,太祖遣近臣召之曰:「卿若 胺 請不已,語 由是益橫。 一峻乃退。 峻 峻爲樞密使兼宰相,又求兼領平盧。 峻於樞密院起廳事,極其華侈,邀太祖臨幸,賜予甚厚。 ·吾當自往候卿。」峻曰:「車駕若來,是致臣有不測也。」然殊無出意。 已被黜 又請用顏衎、陳同代李穀、范質爲相,太祖 自破慕容彥超還,即求解樞密以探上意,太祖慰勞之。峻多發書諧鎭,求爲保薦, 漸不遜。 鄭仁誨、李重進、向訓等,皆太祖故時偏裨,太祖初卽位,豫抑未欲進用,而峻 太祖遂不能忍, 明日 太祖 以峻監修國史,意其所書不實,因召史官取日曆讀之,史官以禁中事非 1 」卽貶商州 日亭午,太祖未食,峻爭不已,是時寒食假,太祖曰:「俟假開,當爲卿 峻貶後,李瀔監修,因請命近臣錄禁中事付史館,乃命樞密直學士 司 日:「樞密院屋不少,卿亦何必有作? 同還奏曰:「峻意少解,然請陛下聲言嚴駕,若將幸之,則 馬,卒于貶所。 御便殿,召百官皆入, 已受命,暫之鎭,又請借左藏庫綾萬匹,太祖皆勉 日:「進退宰相,豈可倉卒?當徐思之。」峻 即幽峻於別所。 太祖於內園起一小殿,峻輒奏 」峻慚不能對。 樞密直學士陳同 太祖見馮道, 泣

雜

僔

第

=

十八

王

岭

王姒

五六五

五

六六

就樞密院錄送史館,自此始。

#### 王殷

Ŧ 殿,大名人也。 少爲軍卒, 以軍功累遷靈 武馬步軍都指揮使。 唐廢帝時, 從范延光

計 張令昭于魏,以功拜祁州刺史。 晉天福中,徙原州刺史。

母責之,殷卽取杖授婢僕,自答於母前。 殷事母以孝聞,欲與人游,必先白母,母所不可者,未嘗敢往。 母亡服喪,晉高祖詔殷起復,以爲憲州刺史,殷乞 及爲刺史,政事有小失,

終喪。服除,出帝以爲奉國右廂都指揮使。

後從漢高祖討杜重威,先登力戰,矢中其腦,鏃自口出而不死, 高祖嘉之, 以爲侍衞步

軍都指揮使,領寧江軍節度使。

州 仍領親軍,自河以北皆受殷節度。 祖,遂起兵反。 又韶郭崇殺周太祖于魏。 契丹犯邊, 太祖入立,拜侍衞親軍都指揮使,出爲天雄軍節度使、同中書門下平章事 漢遣殷以兵屯澶州。 韶書至澶州, 殷頗務聚斂,太祖聞而惡之,遣人謂之曰:「吾起魏時, 隱帝已殺楊邪等, 弘義恐事不果,反以告殷,殷遣人馳至魏告周太 詔鎮寧軍節度使李弘義殺殷于澶

廩儲畜豈少邪? 汝爲國家用,足矣。」殷不聽。

御滋德殿,殷入起居,即命執之,削奪在身官爵,長流登州。 兵柄,職當警衞,出入多以兵從,又求兵甲,以備非常。是時,太祖臥疾,疑殷有異志,乃力疾 壽(三)、太祖許之,而懼其疑也,復遣使止之。 明年,太祖有事于南郊。 殷與王峻俱從太祖起自魏,後峻得罪,殷不自安。 廣順三年秋九月永壽節, 殷求入爲 已而殺之, 徙其家屬于登州。 是冬, 殷來朝, 殷握

#### 劉詞

劉詞字好謙,大名元城人也。少事楊師厚,以勇悍知名。唐莊宗下魏博,與梁戰夾河,

**詞以軍功爲効節軍使,遷長劍指揮使,坐事左遷汝州十餘年。** 

撓,人頗便之。|詞居暇日,常被甲枕戈而臥、謂人曰:「我以此取富貴,豈可一日輒忘之。 且 州刺史。 人情易習,若一墮其筋力,有事何以報國!」 遷奉國第一軍都虞候。 廢帝時, 晉軍討安從進,爲襄州行營都虞候,以功遷泌州團練使。 詔諸州鎭選驍勇者充禁軍,詞得選爲禁軍校。從破張從賓、楊光遠〔三〕,以功 從馬全節破安州,以功遷指揮使。從杜重威破鎭州,以先登功拜泌 徙房州,歲餘,爲政不苛

雅傳

第三

十八八

劉

詞

王霞

漢高 加 時 復爲 奉國右廂都指揮使。 漢軍討李守貞于河中, 詞以侍衞 步 軍 都指揮使領

寧江 軍節 度 (使,爲 行營都虞候 ,以功拜 鎭 國軍 節度使。

部署 敗 南 周太祖 走, 及班 遇詞而止之曰:「軍 師 入立, 以爲 加同 '河東行營副 中書門下平 敗矣,可無前 都部署 章事 一,徙鎭永興。 也。」 歷鎮安國、 詞 不聽, 明年卒于鎮,年六十五, 河陽三城。 輒趣兵以進, 世宗戰高平, 世宗嘉之, 贈侍中 以爲 樊愛能 随 等軍 諡 駕 忠 都

#### 王環

惠。

王環 鎭州眞定人也。 以 勇 力事 孟 知祥為 御 者, 及知祥僭號于蜀, 使典衞兵。 晉開 運

之亂,秦、鳳、階、成入于蜀,孟昶以環爲鳳州節度使。

欲 糧 一千當谷口,別遣裨將以勁兵千人出其後,伏堂倉以待其歸。 消 頗 天下以爲家,而聲敎不及秦、鳳,今兵已出, 周世 艱 宗 昶遣兵五 郊即位 ,明年,遣王景、向訓 千出堂倉抵黃花谷以 攻 秦、 爭糧道。 鳳州, 無功而 數爲環所敗,大臣皆請罷 景、 返, 訓 先知 吾有慚焉。」乃 過兵前 其 來, 命 遇建雄、戰不勝, 排 決意 陣 兵。 使張 世宗日 攻之。 建雄 以 周 兵 兵

堂倉,伏發,盡殪之,由是蜀兵守諸城堡者皆潰。

世宗召見環,歎曰:「三州已降,環獨堅守,吾數以書招之,而環不答,至於力屈就擒,雖不能 閉城不內,處儔遂奔成都,玭乃以城降,成、階二州相繼亦降,獨環堅守百餘日,然後克之。 死,亦忠其所事也,用之可勸事君者。」乃拜環右驍衞將軍。 初,昶遣其秦州節度使高處儔以兵援環(四),未至,聞堂倉兵敗,亦潰歸,處儔判官趙毗

卒,教之水戰。 明年,世宗再征淮,使環將水戰卒數千,自蔡河以入淮。環居軍中,未嘗有戰 文縝、邊鎬等皆被擒,世宗悉以爲將軍,與環等列第京師,歲時賜與甚厚。明年又幸淮南, 功。蜀卒與環俱擒者,世宗不殺,悉以從軍,後多南奔於景,世宗待環益不疑。已而景將許 又以環從,遇疾,卒于泗州。 ,舟楫甚盛,周師無水戰之具,世宗患之,乃置造船務於京城之西,爲戰艦數百艘,得景降 是時,周師已征淮,即以環佐侯章爲攻取賊城水砦副部署。初,周師南征,李景陳兵於

### 折從阮

折從阮字可久,初名從遠,避漢高祖名,改爲阮,雲中人也。 三十八 折 從 阮 校 勘 其父嗣倫,爲麟州刺史。 五六九

從阮爲人,温恭長者,居父喪,以孝聞。 唐莊宗鎭太原,以爲牙將, 後以爲府州 刺史。 晉出

帝與契丹敗盟,從阮 以兵攻契丹,取其城堡十餘,遷本州團 練使,兼領朔州 刺 史、安北 都護

振武軍節度使、契丹西南面行營馬步軍都虞候。

漢 高 祖 入立,於府州建永安軍,以從阮爲節度使。 明年,以其族朝京師, 從鎭武勝, 刨

拜從阮子德展爲府州團練使。

周 太祖入立 一,從阮歷徙宣義、保義、靜難三鎭。 顯德二年,罷還京師,行至洛陽卒,贈 中

校勘記

書令。

樞密 首 學 上 陳同與峻相 善 薛史卷一 三〇王峻傳及通鑑 卷二九一「陳同」作 「陳 觀

 $\Xi$ 廣 順三年秋 九月 7永壽 節般 求 入為壽 按薛史卷一一〇周太祖紀及五代會要卷 周太祖 生于

天祐 日爲 永 元年七月二十八日。 壽節。」又卷一一三周太祖紀及通鑑卷二九一並載:廣順三年秋七月,王殷三次上表乞朝 薛史卷一一一周太祖紀云:「百寮上表, 請以七月二十八日皇 帝 降 聖

覲。此作「九月」 恐誤。

從破張從實楊 光遠 按薛史卷九七張從賓傳及通鑑卷二八一,天福二年六月范延光反,晉高祖

高祖遣楊光遠討范延光事,是楊光遠爲討叛者而非叛將。此處「楊光遠」疑爲「范延光」之誤。 命楊光遠、張從賓討之,而從賓與延光同反。本史卷五一及薛史卷九七范延光、楊光遠傳亦載晉

高處儔 本史卷六四後蜀世家、九國志卷七後蜀臣傳、通鑑卷二九二及宋史卷四七九西蜀世家

皆作「高彦儔」。

# 新五代史卷五十一

# 雜傳第三十九

#### 朱守殷

爲長 果悞予事 遷蕃漢馬步軍都虞候,使守德勝。 《直軍,以守殷爲軍使,故未嘗經戰陣之用。然好言人陰私長短以自結, 朱守殷,少事唐莊宗爲奴,名曰會兒,莊宗讀書,會兒常侍左右。 」明宗請以守殷行軍法,莊宗不聽。 王彥章攻德勝,守殷無備,遂破南城,莊宗罵曰:「駑才, 莊宗卽位, 以其廝養 莊宗以爲忠,

勳舊, 闡其第而殺之。 同光二年,領鎭武軍節度使行。是時,莊宗初入洛,守殷巡檢校京師,恃恩驕恣,凌侮 與伶人景進相爲表裏。 魏王繼岌已殺郭崇韜, 進誣朱友謙與崇韜謀反,莊宗遣守殷

是時,明宗自鎭州 飵 僡 43 ---+ 九 來朝,居于私第。 尔: : 1 砂 放 M 莊宗方惑羣小,疑忌大臣,遣守殷伺祭明宗動靜。 五七三

守殷陰使人告明宗曰:「位高人臣者身危,功蓋天下者不賞,公可謂位高而功著矣。 宜自圖

歸藩,無與禍會也!」明宗曰:「吾洛陽 一匹夫爾,何能爲也 !」既而明宗卒反于 魏。

殷等軍,守殷按軍不動。 莊宗東討,守殷將騎軍陣宣仁門外以俟駕。 莊宗獨與諸王宦官百餘人射賊, 郭從謙作亂,犯興敎門以入,莊宗 守殷等終不至,方移兵憩北邙山 ~ 函召守

下,聞莊宗已崩,卽馳入宮中,選載嬪御、寶貨以歸,縱軍士劫掠,遣人趣明宗入洛

使。 城,汴人開門納延光,守殷自殺其族,乃引頸命左右斬之。 殿尤不自安,乃殺指揮使馬彥超,閉城反。 七日,傳徇洛陽。 九月,明宗詔幸汴州,議者喧然,或以爲征吳,或以爲東諸侯有屈照者, 明宗即位,拜守殷同中書門下平章事、河南尹、 明宗行至京水, 判六軍諸衞事。 明宗至汴州, 聞守殿反, 明年,遷宣武 遣范延光馳兵傅其 命鞭其尸,梟首于 將制置之。 軍節 度

守殷之將反也,召都指揮使馬彥超與計事,彥超不從,守殷殺之。 明宗憐彥超之死,以

承祚爲洺州長史。

市

#### 董璋

武, 養讓爲子, 董璋, 不知 是爲朱友讓。 其世家何人也。 其僮 一奴以 少與高季 友讓 故, 興、 ,皆得事 孔循俱爲汴州富人李讓家僮。 梁太祖,璋以 軍 功爲指揮 使。 梁太祖鎮宣 晉 李緞

| 韜以路州 叛降梁,末帝遣璋攻下澤州, 即以璋爲刺 史。

候, 安重酶居中用事,議者多言知祥必不爲唐用,而能制知祥者璋也,往往稱璋忠義,重酶以爲 軍事 梁亡,璋事唐爲邪寧節度使, 大小,皆與參決。 蜀平,以爲劍南東川節度使,孟知祥 與郭崇韜相善。 崇韜伐蜀, 鎭 以璋爲行營右厢馬步軍都處 西川 其後,二人有異志。

及知祥 籠, 川 知、姚洪,皆殺之。 扼劍 衞, 訴 然,頗優寵之,以故璋益橫 不肯出,秖出十萬而已。 火炙之,或刲肉釘 分布其諸 璋益倨慢,使者還, 門 天成四年,明宗祀天南 關爲 覺唐疑己,且削其地,遂連謀以反。 心七砦, 刑。 又分閬州置保寧軍,以仁矩爲節度使,遺姚洪將兵千人從仁與戊閬州。 於關北 面 多言璋欲反狀。 割心而啖。 增置關, ·郊,詔兩川貢助南郊物五十萬,使李仁矩賫安重 又因事欲殺仁矩, 號永定。 長興元年九月, 重酶患之, 璋因爲其子娶知祥女以相結。 凡唐戍兵 仁矩 流涕泣 乃稍擇將吏爲 東歸者,皆遮留之,獲其逃者,覆以 知祥攻陷遂州, Mi 死, 歸言璋必反。 兩川 璋攻陷閬州, 刺 史,以精兵爲其牙 又遣其將李彦 海書往渝璋, 其後使者至東 執李仁 璋

釗

雂

第

==

+

九

黄

琘

70. 延

光

初,唐陵州刺史汪暉代還過璋,璋邀留之。 謝之有!」璋由 祥遣人告璋, 遂得罪死, 等,兵久無 初 璋等 (功, 而 敬 塘 反,唐獨誅 章家屬,知祥妻子皆在成都,其疏 欲與俱謝 此 亦還。 關以 疑知祥賣己。 西饋 過自歸,璋曰:「唐不殺孟公家族,於西川恩厚矣。 我子 明宗乃遣 、運不給,遠近勞敝,明宗惠之。 三年四月,以兵萬人攻知祥,戰于彌牟,璋大敗,還走梓州。 西川 進奏官蘇愿、東川 至是,暉執璋殺之,傳其首於知祥 軍將劉澄 安重酶自往督軍,敬瑭 屬留京師者皆不 一西歸, **諭璋等使改** 誅。 石敬瑭 孫何在? 不納, 討璋 重海 何 知

#### 范延光

終不肯言晉事。 宗使延光間行求兵,夜至河上,爲梁兵所得,送京師,下延光獄,搒掠數百,脅以白刃, 盛,未可圖也,不如築壘馬家口以通汝陽。」莊宗以爲然。 光輒自請行,乃懷延孝蠟丸書,西見莊宗致之,且曰:「今延孝雖有降意,而梁兵扼楊劉者甚 椰州 **范延光字子**瓌, 梁兵方扼楊劉,其先鋒將康延孝陰送款於明宗。 繫之數月,稍爲獄吏所護。 相州臨潭人也。唐明宗爲節度使,置延光麾下,而未之奇也。 脏宗入汴,獄吏去其桎梏,拜而出之。莊宗見延 明宗求可以通延孝款於莊宗者, 壘成,梁遣王彥章急攻新壘。 明宗破 延光 明

光,喜,拜檢校工部尙書。

|汴兵望見天子乘興,乃開門,而延光先入,猶巷戰,殺傷甚衆,守殷死,汴州平。 IJ 神 緩 ·速駭之。」乃以騎兵五百,自暮疾馳至半夜,行二百里,戰于城下。 《之使得爲計,則城堅而難近。故乘人之未備者,莫若急攻,臣請騎兵五百, 明宗 時,爲宣徽南院使。 明宗行幸汴州, 至滎陽, 朱守殷反, 延光日:「守殷反迹始見, 遲明, 明宗亦馳至, 馳至城下

原時, 五萬兵之食也。」明宗曰:「肥戰馬而瘠吾人,此吾所媿也 下,吾老矣,馬多奈何 宗問延光馬數幾何?對曰:「騎軍三萬五千。」明宗撫髀歎曰:「吾兵間四十年,自太祖在太 明 馬數不過七千,莊宗取河北,與梁家戰河上,馬纔萬匹。 年,遷樞密使,出爲成德軍節度使。 '!」延光因曰:「臣嘗計,一馬之費,可養步卒五人,三萬五千匹馬, 安重誨死, 復召延光與趙延壽並爲樞密使。 今有馬三萬五千而不能一天

得綏 所惜者朝廷大體也。」是時, 之,久不克。 史以招降之。 、銀、不能 夏州李仁福卒, 隰州刺史劉遂凝馳驛入見獻策,言經、銀二州之人,皆有內嚮之意,請除二刺 延光日:「王師問罪,本在彝超,夏州已破,綏、銀豈足顧哉!若不破夏州, 守也。」遂凝 其子彝超自立而邀旄節。 又請自馳入說彝超使出降, 王淑妃用事,遂凝兄弟與淑妃有舊,方倚以蒙恩寵,所言無不 明宗遣安從進代之, 延光日:「一遂凝,萬一失之不足惜, <u>彝超不受代。以兵攻</u>

ЭĠ

雜

似

Ħ

==

聽,而大臣以妃故,多不敢爭,獨延光從容沮止之。

勸 延 2光以嚴法制之,延光曰:「制動當以靜,宜少待之。」已而明宗疾少間,京師乃定。 明宗有疾,不能 一視朝,京師之人,詾詾異議,藏竀 山谷,或寄匿於軍營,有司不能

度使。天雄軍亂,逐節度使劉延皓,遣延光討平之,即以爲天雄軍節度使。 崩,路王反,殺愍帝,唐室大亂,弘昭、贇皆及禍以死。 不得已,乃皆罷之,延光復鎭成德,而用朱弘昭、馮贇爲樞密使。 延壽陰察延光有避禍意,亦遽求罷。明宗再三留之,二人辭益懇至,繼之以泣 一時,秦王握兵驕甚,宋王弱而且在外,議者多屬意於潞王。 末帝復韶延光爲樞密使,拜宣武軍節 延光懼禍之及也,乃求罷 已而秦王舉兵見誅,明宗 明宗

遂以其言爲然,由是頗畜異志。 也,入腹內,王者之兆也。」張生自延光微時,言其必貴,延光素神之,常置門下,言多輒中, 延光常夢大蛇自臍入其腹, 半入而掣去之, 以問門下術士張生, 張生贊曰:「蛇, 龍類

獨 不 當晉高祖起太原,末帝遣延光以兵二萬屯遼州,與趙延壽掎角。旣而延壽先降,延光 高祖卽位,延光賀表又頗後諸侯至,又其女爲末帝子重美妃,以此遂懷反側。

祖封延光臨清王以慰其心。

平山人祕瓊者,爲成德軍節度使董温其衙內指揮使,後温其爲契丹所虜,瓊乃悉殺

温其家族,瘞之一穴,而取其家貲鉅萬計。 出于魏。 延光陰遣人以書招之,瓊不納,延光怒,選兵伏境上,同瓊過,殺之于夏津,悉取其 晉高祖入立,以瓊爲齊州防禦使, 橐其貲裝, 道

貲,以戍邏者悞殺聞。 由是高祖疑其必爲亂,乃幸汴州

濫 而擊之,兵多溺死,銳、暉退走入魏,閉壁不復出。 高祖以楊光遠爲招討使,引兵自滑州渡胡梁攻之。 一操扇,酣歌飮食自若,軍士苦大熱,皆不爲用。 天福二年六月,延光遂反,遣其牙將孫銳、澶州刺史馮暉,以兵二萬距黎陽, 光遠得諜者,詢得其謀,誘銳等渡河, **銳輕脫無謀,兵行以娼女十餘自隨,張** 掠滑、衛。

高祖 非我敵,況銳等兒戲邪?行取孺子爾!」乃決意討之。 聞延光用銳等以反,笑曰:「吾雖不武,然嘗從明宗取天下,攻堅破彊多矣。 初,延光反意未決,而得暴疾不能興,銳乃陰召暉入城,迫延光反,延光惶惑,遂從之。 如延光已

入 軍節度使,賜鐵券。 者。 延光又附楊光遠 說 然魏 而降之。 延光初無必反意,銳等敗,延光遣牙將王知新賷表自歸,高祖不見,以知新屬武德司。 城堅難下,攻之逾年不克,師老糧匮,宗正丞石昂上書極諫, 高祖 表請降,不報,延光遂堅守。 亦悔悟。 居數月來朝, 三年九月,使謁者入魏赦 因慚請老,以太子太師致仕。 晉以箭書二百射城中,悉赦魏 延光,延光乃降,册封東平郡王、天平 請赦延光, 人,募能斬 願以單車 延光

太傅。 浮橋, 也。 則 南 河陽 兵脅之使自裁。 爲中國 「楊光遠留守河南,吾之仇也。 高 上遺 三祖待之與羣臣無間, 使李式,式目:「主上 初, 走吳越,請拘之洛陽。」高祖猶豫未決。光遠兼鎭河陽,其子承勳知州事,乃遣承勳以 ,其行輜 推墮水溺死,以延光自投水死聞,因盡取其貲。 初 處讓來時,適有契丹使至,北朝皇帝問晉魏博反臣何在? 水運軍使曹千獲其流尸于繆家攤,詔許歸葬相州,已葬,墓輒崩,破其棺槨,頭顱皆 「後患。」延光聞之泣下,莫知所爲。 秘瓊殺董温其取其貲,延光又殺瓊而取之,而終以貲爲光遠所殺,而光遠亦不能免 高 加 重盈路,光遠利其貲,果圖之。 赦 降 延光日:「天子賜我鐵券,許之不死,何得及此。」乃以壯士驅之上馬,行至 延光,語使者謂之曰:「許卿不死矣, 一敦信明義,許之不 然心不欲使在京 吾有田宅在 前。 庣 處讓日:「當且之洛陽, |河陽,可以往乎?」處讓曰:「可也。」乃挈其帑歸 因奏曰:「延光反覆姦臣, 若不圖之, 非北 歲餘, 則 不死矣。」乃降。 使宣徽使劉 高祖以適會其意,不問,爲之輟朝,贈 若降而殺之, 恐晉 處讓載酒夜過延光, 及致仕 以避契丹使者。」延光日: 不能制,當鎖 何以享國 居京師 」延光謀於 歲時宴見, 以來, 謂 走胡 免

于一魏, 當 延光以為步軍都監,使之守城。 延光反時,有李彦珣者,爲河陽行軍司馬,張從賓反河陽,彥珣附之,從賓敗,彥珣奔 招討使楊光遠知彥珣邢州人也,其母尚在,乃遣人之

州刺史三,大臣言彥珣殺母當誅,高祖以謂赦令已行,不可失信。後以坐贓誅。 邢州,取其母至城下,示彦珣以招之,彦珣望見,自射殺之。及延光出降,晉高祖拜彥珣原

爲惡。 哀哉!若彥珣之惡,而恬然不以爲怪,則晉出帝之絕其父,宜其舉世不知爲非也。 也,豈非積習之久而至於是敷!語曰:「性相近,習相遠。」至其極也,使人心不若禽獸,可不 不孝,然彥珣彎弓射其母,高祖從而赦之,非徒彥珣不自知爲大惡,而高祖亦安焉不以爲怪 骨肉不能相保,蓋出于不幸,因之禮義日以廢,恩愛日以薄,其習久而遂以大壞,至於父子 之間,自相賊害。五代之際,其禍害不可勝道也。夫人情莫不共知愛其親,莫不共知惡於 民漸習而自趨之,至於久而安以成俗也。然民之無知,習見善則安於爲善,習見惡則安於 嗚呼,甚哉,人性之愼於習也!故聖人於仁義深矣,其爲敎也,勤而不怠,緩而不迫,欲 五代之亂,其來遠矣。自唐之衰,干戈飢饉,父不得育其子,子不得養其親。其始也,

## 婁繼英

婁繼英, 不知何許人也。 17) == + 九 宴 繼 英 歷梁、唐,爲絳、冀二州刺史、北面水陸轉運使、耀州團練使。 安 F 燊

五八二

晉高祖時,爲左監門衞上將軍。

恐不自安,乃出奔許。高祖下詔招慰之,使復位,繼英懼不敢出。 度使萇從簡以延光之反,疑有應者,爲備甚嚴。延沼未及發,延光蠟書事泄於京師,繼英惶 大喜,與之信箭,使**陰**圖許。 反,繼英有弟爲魏州子城都虞候,延光遣人以蠟書招繼英,繼英乃遣延沼入魏見延光,延光 繼英子婦,温延沼女也,自明宗時誅其父韜,延沼兄弟廢居于許,心常怨望。 延沼與其弟延濬、延衮募不逞之徒千人,期以攻許。 而許州節 及范延光

俱投從賓於汜水。 温氏兄弟謀殺繼英以自歸,延沼以其女故不忍。張從賓反於洛陽,延沼兄弟乃與繼英 繼英知温氏之初欲殺己也,反譖延沼兄弟於從實,從實殺之。從賓敗,

繼英爲杜重威所殺。

## 安重榮

安重榮,小字鐵胡,朔州人也。 祖從義, 利州刺史。父全,勝州刺史、振武馬步軍都指

揮使。

重榮有力,善騎射,爲版武巡邊指揮使。 晉高祖起太原,使張潁陰招重榮,其母與兄皆

韶, 以爲不可,重榮業已許潁,母、兄謀共殺潁以止之,重榮曰:「未可,吾當爲母卜之。」乃立一 中。」一發又中,其母、兄乃許,重榮以巡邊千騎叛入太原。 百步而射之, 曰「石公爲天子則中。」一發輒中, 又立一箭而射之, 高祖即位,拜重榮成德軍節度 曰:「吾爲節度 使則

後射殺之。 之,其父泣曰:「不忍也!」其母從傍詬駡,奪其劍而逐之,問之,乃繼母也, 重榮叱其母出, 重榮雖武夫,而曉吏事,其下不能欺。 有夫婦訟其子不孝者,重榮拔劍授其父,使自殺 使。

課民種稗,食馬萬疋,所爲益驕。 對使者鞠躬俯首,受責愈謹,多爲好辭以自解,而姑息重榮不能詰。 是時,吐渾白氏役屬契丹,苦其暴虐,重榮誘之入塞。契丹數遣使責高祖,并求使者, 世恥也!」數以此非誚高祖。 邪?兵強馬壯者爲之爾!」雖懷異志,而未有以發也。 甚,高祖奉之愈謹,重榮憤然,以謂「詘中國以尊夷狄,困已敝之民,而充無厭之欲,此晉萬 二千搜索丼、鎭、忻、代山谷中吐渾,悉驅出塞。 重榮起於軍卒,暴至富貴,而見唐廢帝、晉高祖皆自藩侯得國,嘗謂人曰:「天子寧有種 契丹使者往來過鎭州,重榮箕踞慢駡,不爲之禮,或執殺之。 因怒殺指揮使賈章, 誣之以反, 章女尚幼, 欲捨之, 女日: 吐渾去而復來, 重榮卒納之, 因招集亡命, 是時,高祖與契丹約爲父子,契丹驕 乃遣供奉官張澄以兵 高祖

难 傳

是高賈女之烈,而知重榮之必敗也。 「吾家三十口皆死於兵,存者特吾與父爾,今父死,吾何忍獨生,願就死!」 遂殺之。 與人於 重榮旣僭侈,以爲金魚袋不足貴,刻玉爲魚佩之。娶

一妻,高祖因之並加封爵

勞,久居富貴,沒身虜塞,酷虐不勝,企足朝廷,思歸可諒,苟聞傳檄,必盡倒戈。」其表數千 以諸蕃不招呼而自至,朔州不攻伐而自歸,雖繫人情,盡由天意。又念陷蕃諸將等,本自勳 款,皆號泣告勞,願治兵甲以報怨。又據朔州節度副使趙崇殺節度使劉山,以城來歸。 壯 曰:「前世與虜和親,皆所以爲天下計,今吾以天下臣之,爾以一鎭抗之,大小不等,無 可十萬。又據沿河党項、山前後逸越利諸族首領皆遣人送契丹所授告身、敕牒、旗幟來歸 車帳、甲馬七八路來奔,具言契丹殘害,掠取生口羊馬,自今年二月已後,號令諸蕃,點閱躡 自應州來奔,又據生吐渾、渾、製苾、兩突厥三部南北將沙陀、安慶、九府等各領其族、牛羊、 幽州南境之民,處之博野。上表曰:「臣昨據熟吐渾白承福、赫連功德等領本族三萬餘帳 ,辦具軍裝,期以上秋南向。 諸蕃部誠恐上天不祐,敗滅家族,願先自歸,其諸部勝兵衆 」重榮謂晉無如我何,反意乃決。 又爲書以遺朝廷大臣、四方藩鎮,皆以契丹可取爲言。高祖患之,爲之幸鄴,報 天福六年夏,契丹使者拽刺過鎮,重榮侵辱之,拽刺言不遜,重榮怒,執拽剌,以輕騎掠 重榮雖以契丹爲言,反陰遣人與幽州節度使劉晞相 自辱

安從進

契丹亦利晉多事,幸重榮之亂,期兩敝之,欲因以窺中國,故不加怒於重榮。

爲前驅。 之後潭。 「吾有天下則中之。」一發而中,其母乃許。 饒陽令劉巖獻水鳥五色, 重榮曰:「此鳳也。」畜 重榮將反也, 其母又以爲不可, 重榮曰:「爲母卜之。」指其堂下幡竿龍口仰射之, 曰: 鎭之城門抱關鐵胡人,無故頭自落,鐵胡,重榮小字,雖甚惡之,然不悟也。 又使人爲大鐵鞭以獻,誑其民曰:「鞭有神,指人,人輒死。」號「鐵鞭郎君」,出則以

御樓受馘,命漆其首送于契丹。 引官軍以入,殺守城二萬餘人。 與十餘騎奔還,以牛馬革爲甲,驅州人守城以待。 降晉,大懼,退入于輜重中,其兵二萬皆潰去。是多大寒,潰兵飢凍及見殺無孑遺, 際,臨陣卷旗以奔晉軍,其鎧甲鞍轡皆裝以銀,晉軍不知其來降,爭殺而分之。 重榮聞彥之 以嚮郡,聲言入覲。行至宗城破家堤,高祖遣杜重威逆之,兵已交,其將趙彥之興重榮有 其多,安從進反襄陽,重榮聞之,乃亦舉兵。是歲,鎭州大旱、蝗,重榮聚飢民數萬,驅 改成德軍爲順德,鎭州日恆州,常山日恆山云。 重榮以吐渾數百騎守牙城,重威使人擒之,斬首以獻,高祖 重威兵至城下, 重榮裨將自城西水碾門 重榮獨

### 安從進

迎于 州 都 指 從進 從進 郊。 揮 宏 使, 從 |巡檢京城,殺樞密使馮贇,送款於從珂。 嘗一以兵 清泰中,徙鎮 進 領 貴 振 州 武 刺 往, 索 史。 葛部人也。 山南 卒亦無功。 明宗 東道。 時 祖、父皆事唐爲騎將。 爲保養、彰武 晉高 愍帝 即位, 祖 卽 位, 徙領 軍節 加同中書門下平章 愍帝出奔, 順化, 度使, 從進 爲 未嘗將兵征 侍衞 從珂 初從莊宗 馬軍 將至 事 ·都指 伐。 京師 於兵間, 李 揮 彝超 從進 使。 爲護 率百官班 潞王 自 駕 立 反鳳 於夏 馬 軍

立來朝 遣。 皆黥以充軍 與令謙 在漢江南,臣卽赴任。」高祖亦優容之。其子弘超爲宮苑副使, 進已畜異志,恃江爲險,招集亡命,益置軍兵。 所為 王令謙、潘知麟者,皆從進牙將也, 高祖 謂舉可 了,願還 遊南山,酒酣,令人推墮崖死 取天下不順 ۰, 成事 鄉里,已徙上黨。 與安重榮陰相結託,期爲表裏。 ,故在位七年,而反者六起,從進最後反,然皆不觅也。 、常以 此 慚,藩鎭多務, 朕虚青州以待卿,卿誠樂行,殷即降制。」從進報曰:「移青州 常從從進最久,知其必敗, 過爲姑息,而藩鎭之臣,或不 高祖患之,謀徙從進,使人謂曰:「東平王建 南方貢輸道出襄陽者,多擅留之,邀遮商族, 居京師,從進請賜告歸,遂不 切諫之。 - 自安, 自范延光反鄴,從 從進遣子弘超 或心慕高祖

凝曰:「陛下且北,從進必反,何以制之?」高祖曰:「卿意奈何?」凝曰:「臣聞兵法,先人者 六年,安重榮執殺契丹使者,反迹見,高祖爲之幸鄴,鄭王重貴留守京師。 宰相和

奪人,願爲空名宣敕十數通授鄭王,有急則命將以往。」

鄧州 京師,高祖御樓受俘,徇于市而斬之。降寒陽爲防禦,贈令謙忠州刺史,知鱗順州刺史。 奔還襄陽。 ,不克,進至湖陽,遇建崇等,大駭,以爲神速,復爲野火所燒,遂大敗。從進以數十騎 從進聞高祖北,遂殺知麟以反。鄭王以空名敕授李建崇、郭金海等討之,從進引兵攻 高祖遣高行周圍之,踰年糧盡,從進自焚死。執其子弘受及其將佐四十三人送

#### 楊光遠

也? 足; 前 威 刺等,明宗與大臣議,皆欲歸之,獨光遠不可,曰:「剪刺皆北狄善戰者,彼失之如去手 、病禿折臂,不通文字,然有辨智,長於吏事。 明宗時,爲嬀、瀛、冀、易四州刺 戰契丹於新州,折其一臂,遂廢不用。久之,以爲幽州馬步軍都指揮使,戍瓦橋關。光遠爲 且居此久,熟知中國事,歸之豈吾利也!」明宗曰:「蕃人重盟誓, 」光遠曰:「臣恐後悔不及爾! 初, 楊光遠字德明,其父曰阿噔啜,蓋沙陀部人也。光遠初名阿檀,爲唐莊宗騎將,從周德 唐兵破王都於中山,得契丹大將廁刺等十餘人。已而契丹與中國通和,遣使者求 .」明宗嘉其說,卒不遣廁劇等。 光遠自易州刺史拜振武 已與吾好,豈相負 史,以治稱。

雜

傳第

三十九

楊光遠

軍 節度使。 清泰二年,徙鎭中山,兼北面行營都虞侯,禦契丹於雲、應之間

忠, 間 侍 將 非惡漢兒邪 惡漢兒。」光遠與諸將初不知其誚已,猶爲謙言以對,德光曰:「不用鹽酪,食一萬匹戰馬,豈 滴馬步 [入蕃。」德光日:「吾國無土地官爵以居汝,汝等勉事晉。」晉高祖以光遠爲宣武軍節度使、 頗親信之。 ·國之數月,人馬食盡,殺馬而食,馬盡,乃殺敬達出降。耶律德光見之,靳曰:「爾輩大是 晉高 對曰:「臣於富貴無不足也,惟不及張生鐵死得其所, 軍都指揮使。光遠進見,佯爲悒悒之色,常如有所恨者,高祖 祖 起太原,末帝以光遠佐張敬達爲太原四面招討副使,爲契丹所敗,退守晉安寨。 · 」光遠等大慚伏,德光問曰:「懼否?」皆曰:「甚懼。」曰:「何懼?」曰:「懼皇帝 此常爲愧爾! 疑其有所不足,使人 曲 是高祖

|福五年 皆超 制。 兵 在 陰以 拜 外 高 范 官爵 祖 延光反, \ 實貨 謂 徙鎮平盧,封東平王。 不得已,罷出維翰於相州,亦徙 高 恩寵 奉契丹,訴己爲晉疏斥。 祖 畏己, 以爲魏府都招討使,久之不能下,高祖卒用佗計降延光。 **#** 比。 ,始爲 樞 恣横。 密使桑維翰惡之, 光遠請其子以行,乃拜承祚單州刺史, 高祖 所養 每優容之,爲選其子承祚尙長安公主,其次子 光遠 部 曲 西京留守, 數以爲言。 千人, 撓法 兼鎭 光遠 犯禁河、洛之間, 河陽, 自魏來朝, 奪其兵職 承勳萊州防禦使, **屢指維** 丽 甚 光遠自以 光遠 於寇盜。 翰 承信等 始 擅 大怨 握重 權 難

,俱東,車騎連屬數十里。 出帝卽位,拜太師,封壽王。

周儒亦叛降契丹。 刺史,遣使者賜以玉帶、御馬以慰安之,光遠益驕,乃反。召契丹入寇,陷具州。 先帝賜我,安得復取,是疑我反也!」遂謀爲亂。 是時 ,晉馬少,括天下馬以佐軍,景延廣請取光遠前所借官馬三百匹,光遠怒曰:「此馬 而承祚自單州逃歸,出帝即以承祚爲淄州 博州刺史

遇以兵萬人沿河而下。 兵大將守博州渡,使儒得引契丹東過河與光遠合,則河南危矣!」出帝乃遣李守貞、皇甫 光遠隔絕。德光聞河上兵大敗,與晉決戰戚城,亦敗。 是時,出帝與耶律德光相距澶、魏之間,鄆州觀察判官竇儀計事軍中,謀曰:「今不以重 儒果引契丹自馬家渡濟河,方築壘,守貞等急擊之,契丹大敗,遂與

羣臣皆以爲不可, 承祚皆詣闕自歸,而光遠亦上章請死。 出帝以其二子爲侍衞將軍,賜光遠韶書,許以不死, 可,乃殺節度判官丘濤、親將杜延壽、楊瞻、白延祚等,劫光遠幽之,遣人奉表待罪。承信、 光遠北望契丹,稽首以呼德光曰:「皇帝悞光遠邪!」其子承勳等勸光遠出降,光遠曰:「我 在代北時,嘗以紙錢祭天池,投之輒沒,人言我當作天子,宜且待時,毋輕議也。」承勳知不 契丹已北,出帝復遣守貞、符彥卿東討,光遠嬰城固守,自夏至多,城中人相食幾盡。 乃敕李守貞便宜處置。 守貞遣客省副使何延祚殺之于其家。 延祚至其

雑傳

第三十九

楊光

遠

校勘記

世 第,光遠方閱馬于廐,延祚使一都將入謂之曰:「天使在門,欲歸報天子,未有以藉手。」光遠 日「何謂也?」曰:「願得大王頭爾!」光遠駡曰:「我有何罪?昔我以晉安寨降契丹,使爾家 1世爲天子,我亦望以富貴終身,而反負心若此!」遂見殺,以病卒聞。

使刻 信爲平盧節度使。 石于青州。 承 勳 事晉爲鄭州防禦使,德光滅晉,使人召承勳至京師,責其劫父,臠而食之,乃以承 碑石旣立,天大雷電,擊折之。 漢高祖贈光遠尙書令,封齊王,命中書舍人張正撰光遠碑銘文賜承信,

餘年,皆光遠爲之也 瘡天子、跛脚皇后邪? 偏 傍者皆易之,乃賜名光遠云。 阿噔啜初非姓氏,其後改名城而姓楊氏。 」相傳以爲笑。 光遠旣病禿, 然而召夷狄爲天下首禍,卒滅晉氏,瘡痍中國者三十 而妻又跛其足也,人爲之語曰:「自古豈 光遠初名檀,清泰二年,有司言明宗廟諱犯 有禿

#### 校勘記

- 同 光二年領鎮武 軍 **下節度使** 「鎮武軍」,貴池、汪本同,南監、汲、殿、南昌、鄂、蜀、劉校本作「振武
- 軍 祖拜彦珣房州刺史 **薛史卷七** 四朱守殷傅亦云「同光二年爲 振武 節 度 使

「房州」,薛史卷九四李彥珣傳及通鑑卷二八一作「坊州」。

晉高

# 新五代史卷五十二

# 雜傳第四十

#### 杜重威

州 從高祖攻降延光,徙領忠武,加同平章事。又徙領天平,遷侍衞親軍都指揮使。 刺史,以典禁兵。從侯益攻破張從賓於汜水,以功拜潞州節度使。 杜重威,朔州人也。 其妻石氏,晉高祖之女弟,高祖卽帝位,封石氏爲公主,拜重威舒 范延光反於鄴

重胤曰:「兩兵方交,退者先敗。」乃分兵爲三,重威先以左右隊擊其兩翼,戰酣,重胤以精 安重榮反,重威逆戰于宗城,重榮爲偃月陣,重威擊之不動。 重威欲少却以伺之,偏將

兵擊其中軍,重榮將趙彥之來奔,重榮遂大敗,走還鎭州,閉壁不敢出。 王 重威攻破之, 以功

拜重威成德軍節度使。

雜

傳等四十

杜重

威

重 |威出於武卒,無行而不知將略。 破鎭州,悉取府庫之積及重榮之貲,皆沒之家,高祖

其

人民

千萬

過其城下,重威

登

城望之,未嘗出

救

知 m 不 問 及 出 帝 與契丹 絕好,契丹連歲入寇, 重威閉城自守, 屬州 城 邑多所 屠戮。 胡 첾

洪 還兵擊之,重威等南走,至陽城,爲虜所 運 元 年, 加重威 北 面行營招討使。 明年 困,賴符彦 引兵 攻泰州,破滿城、 卿、張彦澤等因 遂城。 大風奮擊,契丹大潰。 契丹已去至古

諸將欲追之,重威爲俚語曰:「逢賊得命,更望複子乎?」乃收馬馳

錄以 廷莫能 〈聞,給絹數萬匹以償之,重威大怒曰:「吾非反者,安得籍沒邪 重威 止 区居鎮 即拜重威爲鄴都留守。 州, 重斂其民,戶口 彫敝,又懼契丹之至,乃連表乞還京師 而鎭州所留私栗十餘萬斛, 殿中監王欽祚和市軍儲, 未報, 귮 上 道, 乃 朝

李穀教 夾滹沱 六十餘日, 三年秋,契丹高牟翰詐以瀛州降,復以重威爲北面行營招討使。 (重威以三脚木為橋, 募敢死士 河而 重威 飢殍盈路,居民拆木以供爨,剉藁席以秣馬牛,重威兵行泥潦中,調發供饋, **愛至瀛州** 軍 偏將宋彥筠、王淸渡水力戰,而重威按軍不動,彥筠遂敗,淸戰死 , 牟翰已棄城去, 重威退屯武彊。 一過河擊賊,諸將皆以爲然,獨重威不許 契丹寇鎮、定,重威西趨中渡 是秋, 天下大水, 轉 與虜 運 霖 雨

人指契丹請降。 契丹遣騎兵夜並 契丹大悅,許以中國與重威爲帝, 西山 摩灓城,斷重威軍後。 是時,重威已有異志,而糧道隔 重威信以爲然,乃伏甲士,召諸將告以降 絕,乃陰遺

威將吏,而錄其私帑,以重威歸京師。 祖 許之。重威素服出見高祖,高祖赦重威,拜檢校太師、守太傅、兼中書令。 悉誅璉及重

74 体 绑

四十

杜 A

威

4 守 口 猶喜躍以爲決戰,重威告以糧盡出降,軍士解甲大哭,聲震原野。 諸將愕然,以上將先降,乃皆聽命。 重威出降表使諸將書名,乃令軍士陣于栅外,軍士 契丹賜重威赭袍,使衣以

示諸軍,拜重威太傅。

訴於契丹曰:「臣以晉軍十萬先降,乃獨不免率乎?」契丹笑而免之,遣還鄴都。 北歸,重威與其妻石氏詣虜帳中爲別。 重威俛首不敢仰顧。 契丹犯京師, 重威以晉兵屯陳橋, 士卒凍餓, 不勝其苦。 重威出入道中, 市人隨而詬 契丹據京師,率城中錢帛以賞軍,將相皆不免,重威當率萬緡,乃 明年,契丹

鄴。 丹留燕兵千五百人在京師,高祖自太原入,告者言其將反,高祖悉誅於繁臺,其亡者奔于 招陳等,陳登城呼曰:「繁臺之誅,燕兵何罪? 旣無生理,請以死守!」 祖乃自將攻之。遣給事中陳同以詔書召之,重威不聽命,而漢兵數敗,圍之百餘日。初,契 燕將張璉先以兵二千在鄴,聞燕兵見殺,乃勸重威固守。 高祖已殺燕兵,悔之,數遣人 漢高祖定京師,拜重威太尉、歸德軍節度使,重威懼,不受命。遣高行周攻之,不克,高

重威食盡,屑麴而食,民多逾城出降,皆無人色。重威乃遣判官王敏及其妻相次請降,

五九四

燦、弘璲尸於市,市人蹴而詬之,吏不能禁,支裂蹈踐,斯須而盡。 高祖 「病甚,顧大臣曰:「善防重威! 」高祖崩,秘不發喪,大臣乃共誅之,及其子弘璋、弘

## 李守貞

李守貞,河陽人也。 晉高祖鎭河陽, 以爲客將, 其後嘗從高祖, 高祖卽位, 拜客省使。

監馬全節軍破李金全於安州,以功拜宣徽使。

顏匿守貞所,詔取顏殺之,守貞大怒,乃與維翰有隙 類。 寶貨、名姬、善馬獻之守貞,守貞德之,陰置顏麾下。是時,凡出師破賊,必有德音赦其餘 百匹,裨將七十餘人。徙領泰寧軍節度使,以兵二萬討之。 幸澶州。 而光遠黨與十餘人皆亡命,捕之甚急,樞密使桑維翰緩其制書,久而不下。 出帝卽位,楊光遠反,召契丹入寇。守貞領義成軍節度使,爲侍衞親軍都虞候,從出帝 麻荅以奇兵入鄆州,渡馬家口,栅於河東。守貞馳往破之,契丹兵多溺死,獲馬數 光遠降,其故吏宋顏悉取光遠 言事者告

首也。」守貞以功拜同平章事,賜以光遠舊第,守貞取旁官民舍大治之,爲京師之甲。 賊平行賞,守貞悉以黦茶染木給之,軍中大怒,以帛裹之爲人首, 梟於木間, 曰:「守貞

**臨幸,燕錫恩禮,出於諸將。** 

與重威等攻下泰州,破滿城,殺二千餘人。還,爲侍衞親軍都指揮使,領天平軍節度使,又 錢」,及班師,又加賞勞,曰「卸甲錢」,出入之費,常不下三十萬,由此晉之公私重困。 守貞 爲將皆無節制,行營所至,居民緣圉一空,至於草木皆盡。其始發軍也,有賜賚,曰「掛甲 契丹入寇,出帝再幸澶州,杜重威爲北面招討使,守貞爲都監。晉兵素驕,而守貞、重威

領歸德。

守貞等軍於中渡,遂與重威降于契丹。契丹以守貞爲司徒。契丹犯京師,拜守貞天平軍節 不可用,乃用守貞。是時,重威鎭魏州,守貞嘗將兵往來過魏,重威待之甚厚,多以戈甲金 臣者。」因請與重威俱北。於是卒以重威爲招討使,守貞爲都監,屯于武疆。契丹寇鎭、定, 帛奉之。出帝嘗謂守貞曰:「卿常以家財散士卒,可謂忠於國者乎!」守貞謝曰:「皆重威與 **酢以瀛州降,出帝以爲然,命杜重威等將兵應之。**初,晉大臣皆言重威不忠,有怨望之心, 是時,出帝遣人以書招趙延壽使歸國,延壽詐言思歸,願得晉兵爲應,而契丹高牟翰亦

以謂漢室新造、隱帝 漢 高 祖 入京師,守貞來朝,拜太保、河中節度使。高祖崩,社重威死,守貞懼,不自安, 初立,天下易以圖,而門下僧總倫以方術陰干守貞,爲言有非常之相,

雜

傳第

四十

李守貞

丹,使出兵以牽漢 翔 發兵 西據潼關, 乃決計 景崇與思綰遣人推守貞爲秦王,守貞拜景崇等官爵。 反。 招誘草寇,所在竊發。 而趙思綰先以京兆反,遣人以赭黃衣遺守貞,守贞大喜,以爲天人皆應,乃 漢遣白文珂、常思等出軍擊之。已而王景崇又以鳳 又遺人間以蠟丸書遺吳、蜀、契

于前,則漢兵屈矣。」威以爲然,遂先擊守貞。 主,守貞先敗,則思綰、景崇可傳聲而破矣。 請先擊思綰、景崇,威計未知所向。 文珂等攻景崇、思縮等久無功, 行至華州,節度使扈彥珂謂威曰:「三叛連衡,以守貞 隱帝乃遣樞密使郭威率禁兵將文珂等督攻之。 若捨近圖遠,使守貞出兵于後,思館、景崇拒戰 諸將皆

人 輒 將分爲三栅,栅其城三面,而闕其南,發五縣丁夫築長城以 者,勢也。今合諸將之兵以攻一城,較其多少,勝敗 博,以爲道譏之,艴然而怒。 補其所壞,守貞輒出爭之,守貞兵常失十三四,如此逾年,守貞城中兵無幾,而食又盡,殺 是時,馮道罷相居河陽,威初出兵,過道家問策,道曰:「君知博乎?」威少無賴, 威曰:"「可矣。」乃爲期日,督兵四面攻而 道曰:「凡博者錢多則多勝,錢少則多敗,非其不善博, 一破之。 可知。」威大悟, 連三棚。 謀以遲 守貞 出其兵壞長城,威 久困之, 所以 乃與諸 好蒲 敗

初,守貞召總倫問以濟否,總倫曰:「王當自有天下,然分野方災,俟殺人垂盡, 則王事

濟矣。」守貞以爲然。嘗會將吏大飲,守貞指畫虎圖曰:「吾有天命者中其掌。」引弓一發中

之,將吏皆拜賀,守貞益以自負。

城破,守貞與妻子自焚,漢軍入城,於煙燼中斬其首,傳送京師,梟於南市,其餘黨皆

## 張彥澤

磔之。

聖右廂都指揮使、曹州刺史。與討范延光,拜鎭國軍節度使,歲中,徙鎭彰義。 有光,顧視如猛獸。以善射爲騎將,數從莊宗、明宗戰伐。與晉高祖連姻,高祖時,已爲護 張彥澤,其先突厥部人也。 後徙居陰山,又徙太原。 **彥澤爲人廳悍殘忍,目睛黃而夜** 

援之邠州,節度使李周留式,馳騎以聞,韶流式商州。<br />
彥澤遣司馬鄭元昭詣闕論請,期必 彦澤遣指揮使李興以二十騎追之,戒曰:「式不肯來,當取其頭以來!」式至**衍州,刺史以**兵 所厚,多任以事,左右小人皆素嫉之,因共讒式,且迫之曰:「不速去,當及禍。」式乃出奔。 請殺之,其掌書記張式不肯爲作章,屢諫止之。彥澤怒,引弓射式,式走而免。」式素爲彥澤 爲政暴虐,常怒其子,數答辱之。子逃至齊州,州捕送京師,高祖以歸彥澤。彥澤上章

往

傳第四十

張彦澤

足而

脈動之。

得式,且日 :「彥澤若不得張式, 息在不測。」高祖不得已,與之。 彥澤得式,剖心、決口、斷手

高 祖遣王周代彦澤,以爲右武衞大將軍。 周奏彥澤所爲不法者二十六條,并述涇人殘

然彥澤止削階、降爵而已。 不得已,召武父鐸、弟守貞、子希範等,皆拜以官,爲蠲涇州民稅,免其雜役一年,下詔罪己, 其不死。」濤厲聲曰:「彥澤罪若可容,延光鐵券何在 濤、王禧伏閣上疏,論彥澤殺式之冤,皆不省。濤見高祖切諫, 敝 之狀,式父鐸詣闕訴冤, 於是國珍等復與御史中丞王易簡率三院御史詣閣門連疏論之, 諫議大夫鄭受益、曹國珍,尚書刑部郎中李濤、張麟 [一] 高祖怒,起去, 濤隨之諫 高祖曰:「彥澤功臣, 不已,高 員外知 吾嘗許 郞

謂彥澤曰:「今軍中飢渴已甚,若待風回,吾屬爲虜矣!且逆風而戰,敵人謂我必不能,所謂 出其不意。」彥澤卽拔拒馬力戰,契丹奔北二十餘里,追至衞村,又大敗之,契丹遯去。 「今虜乘上風,而吾居其下,宜待風回乃可戰。」彥澤以爲然。諸將皆去,偏將藥元福獨留 水、鑿井輒壞,又天大風,契丹順風揚塵奮擊甚銳,軍中大懼。 河北,彥澤在兵間,數立戰功,拜彰國軍節度使口。與契丹戰陽城,爲契丹所圍,而軍中無 出帝時,彥澤爲左龍武軍大將軍,遷右武衞上將軍,又遷右神武統軍。 彥澤以問諸將, 諸將皆曰: 自契丹與晉戰

惶惑不知所之,而彥澤適至,言虜可破之狀,乃與重威等西趨鎭州。 定之間,敗契丹于泰州,斬首二千級。 開運三年秋,杜重威爲都招討使,李守貞兵馬都監,彥澤馬軍都排陣使。彥澤往來鎮 重威、守貞攻瀛州不克,退及武彊,聞契丹空國入寇, **彥澤爲先鋒,至中渡** 

橋,已爲虜所據,彥澤猶力戰爭橋,燒其半,虜小敗却,乃夾河而寨。

曰:「臣無面目見陛下。」復使召之,彥澤笑而不答。 **頓兵**明德樓前,遣傅住兒入傳戎王宣語,帝脫黃袍,素服再拜受命。 使人召**彦**澤,彥澤謝 書入,乃滅火。大內都點檢康福全宿衞寬仁門,登樓覘賊,彥澤呼而下之,諸門皆啓。彥澤 騎先入京師,彥澤倍道疾驅,至河,銜枚夜渡。壬申夜五鼓,自封丘門斬關而入。有頃,宮 十二月丙寅、重威、守貞叛降契丹,彥澤亦降。耶律德光犯闕,遣彥澤與傅住兒以二千

**德光渡河,帝欲郊迎,彦澤不聽,遣白德光,德光報曰:**「天無二日,豈有兩天子相見於道路 躁,飮之有不測之虞,所以不敢進。」帝姑烏氏公主私賂守門者,得入與帝訣, 揮使李筠以兵監守,內外不通。 (`主者曰:「此非帝有也。」不與。 明日,遷帝於開封府,帝與太后、皇后肩輿,宮嬪、宦者十餘人皆步從。 帝與太后所上德光表章,皆先示彥澤乃敢遣。 又使求酒於李崧, 崧曰:「臣家有酒非敢惜, 慮陛下憂 歸第自經死。 **彦澤遣控鶴指** 帝取內庫帛

雜傳

邪!」乃止。

初 彥澤至京師,李濤謂人曰:「吾禍至矣!與其逃於溝竇而不免,不若往見之。」濤見

**彦澤,爲俚語以自投死,彦澤笑而厚待之。** 

太后,太后遲疑未與,即劫取之。。逐澤與閤門使高勳有隙,乘醉入其家,殺數人而去。 **视**之,出三手指,軍士卽驅出斷其腰領。 皇子延煦母楚國夫人丁氏有色, **逐**澤使人求於皇 迫遷出帝,遂輦內庫,輸之私第,因縱軍士大掠京師。 軍士邏獲罪人, **彥澤醉不能問**, **彥澤自以有功於契丹,畫夜酣飲自娛,出入騎從常數百人,猶題其旗幟曰「赤心爲主」。** 瞋目

然後用刑,勵剖其心祭死者,市人爭破其腦,取其隨,劈其肉而食之。 殺士大夫子孫,皆緩經杖哭,隨而詬詈,以杖朴之,彥澤俛首無一言。 人,問:「彥澤當誅否?」百官皆請不赦,而都人爭投狀疏其惡,乃命高勳監殺之。 彥澤前所 耶律德光至京師,聞彥澤劫掠,怒,鎖之。高勳亦自訴於德光,德光以其狀示百官及都 行至北市, 斷腕出鎖

叛以降虜,亦未必不亡,然開虜之隙,自一景延廣,而卒成晉禍者,此三人也。 嗚呼,晉之事醜矣,而惡亦極也!其禍亂覆亡之不暇,蓋必然之理爾。 使重威等雖不 視重威、彦

其肉、剔其髓而食之、撦裂蹈踐、斯須而盡,何其甚哉!此自古未有也。然當是時,舉晉之 澤之死,而晉人所以甘心者,可以知其憤疾怨怒於斯人者,非一日也。 此,而終以不悟,豈非所謂「臨亂之君」各賢其臣」者歟? 兵皆在北面,國之存亡,繫此三人之勝敗,則其任可謂重矣。 **蓋天下惡之如彼,晉方任之如** 至於爭已戮之尸,臠

### 校勘記

(1) 拜彰國軍節度使 卷二八五稱「彰德節度使」。按安陽屬相州,爲彰德軍;彰國軍爲應州。此「彰國」當是「彰德」 薛史卷八四晉少帝紀稱「相州節度使」,卷九八張彥澤傳謂「出鎮安陽」,通鑑

之訛。

# 新 代史卷五十二

# 雜 傳第四十

## 王景崇

以求用。 累拜左金吾衞大將軍,常怏怏人主不能用其材。 隸麾下。 王景崇,邢州人也。爲人明敏巧辯,善事人。 已而翰北歸,許王從益居京師,用景崇爲宣徽使、監左藏庫。 明宗卽位,拜通事舍人,歷引進閤門使,馳詔方鎭、監軍征伐,必用景崇。 晉亡,蕭翰據京師,景崇厚路其將高牟翰 唐明宗鎮邢州,以爲牙將,其後嘗從明宗, 後事晉,

策 |祖攻鄴,景崇不得從,乃求留守起居表,詣行在 〇見高祖,願留軍中効用,爲高祖畫攻戰之 (, 甚有辯, 高祖乃奇其材。 漢高祖起太原,景崇取庫金奔迎高祖,高祖至京師,拜景崇右衞大將軍,未之奇也。

高

〇 一本作宮。

雑 傳 第 四 + 王 景 榖

得漢 蜀兵,追至大散關而還。 善矣,若獝遲 為 兵爲援,高祖遣景崇以兵迎回鶻。 助高祖 是 時 漢 **达方新造** 患之。 疑,則以便宜圖之。」景崇行至陝,趙贊已東入朝, 及已破鄴,益等懼,皆請 鳳翔侯盆、永興趙贊皆嘗受命契丹,高祖立,益等 高祖乃詔景崇兼鳳翔巡檢使。 景崇將行,高祖已疾,召入臥內戒之曰:「益等已來 入朝。 會回 鶻 入貢, 而獨兵方寇南山, 言爲党項 內顧 所 自 隔不得通 疑,乃陰召蜀 景崇擊破

行及矣!非吾,誰爲子言之。」於是景崇頗不欲殺益,益乃亡去,景崇大悔失不殺之。 不過賓佐,而子已貴矣,奈何欲以陰狡害人而取之乎?侯公父子爪牙數百,子毋妄發,禍 主莫知,猶豫未決。 景崇至鳳翔,侯益 益從 |未有行意,而||高祖崩,或勸景崇可速誅||益,景崇念獨受命先帝 事程渥,與景崇同鄕里,有舊,往說景崇曰:「吾與子爲故人, 吾位 而少

精兵 景崇 翔節 兵至矣,須臾塵起,景崇以爲然,乃令數千人潰圍而出以爲應。 開 封 度使。 《挑戰,景崇不出。|暉乃令千人潛之城南一舍,僞爲|蜀兵旗幟, 尹,景崇心不自安,諷鳳翔將東求已領府事。 西招蜀人爲助,蜀兵至寶鷄,爲暉將藥元福、李彥從所敗。 盆 至京師,隱帝新立,史弘肇、楊邠等用事,益乃厚略邠等,陰以事中景崇。 景崇乃飯,盡殺侯益家屬,與趙思綰共推李守貞爲秦王,隱帝卽以趙暉討之。 朝廷患之,拜景崇邠州留後,以趙暉爲鳳 暉攻鳳翔,塹而圍之,數以 暉設伏以待之,景崇兵大 循南 山而下, 聲言蜀救 已而益 拜

敗,由是不敢復出。

乃降暉。 成而死,猶勝於東手也。」際等皆然之。 乎?吾聞趙暉精兵皆在城北,今使公孫輦等燒城東門偽降,吾以牙兵擊其城北兵, 脫使不 今皆敗矣,何所恃乎?不如降也。」景崇曰:「誠累君等,然事急矣,吾欲爲萬有一得之計可 明年, ,守貞、思綰相次皆敗,景崇客周殩謂景崇曰:「公能守此者,以有河中、 遲明,釐燒東門將降,而府中火起,景崇自焚矣,釐 京兆也。

# 趙思綰

趙思綰、魏州人也。爲河中節度使趙贊牙將。漢高祖即位,徙贊鎭永興,贊入朝京師,

留思縮兵數百人於永興。 高祖遣王景崇至永興,與齊藏珍以兵迎回鶻,陰以西事屬之。

聲請先黥以率衆,齊藏珍惡之,竊勸景崇殺思綰,景崇不聽,與俱西。 俱西,然以非己兵,懼思縮等有二心,意欲黥其面以自隨,而難言之,乃稍微風其旨。思綰厲 景崇至永興,贊雖入朝,而其所召蜀兵已據子午谷,景崇用思結兵擊走之。遂與思綰

高祖遺使者召思綰等,是時候益來朝,思綰以兵從益東歸〔〕。 思綰謂其下常彥卿曰:

雅

僔

第四十

趙思

綰

興副 挈其家屬。」益信之以爲然。 「趙公已入人手,吾屬至,丼死矣,奈何?」彥卿曰:「事至而變,勿預言也。」爲 使安友規出 迎盆,飲于郊亭,思綰前曰:「兵館城東,然將士家屬皆居城中,願縱兵入城 思縮與部下入城,有州校坐於城門,思縮歐之,奪其佩刀斬之, 行至 一永興,永

丼斬門者十餘人,遂閉門劫庫兵以叛。

至千,則勇無敵矣 盡 以思維爲晉昌軍節度使。 「殺人而食,每犒宴,殺人數百,庖宰一如羊豕。 高 祖遣郭從義、王峻討之,經年莫能下,而王景崇亦叛,與思綰俱送款於李守貞,守貞 隱帝遣郭威西督諸將兵,先圍守貞於河中。 思縮取其膽以酒吞之,語其下曰:「食膽 居數月,思綰城中食

壯夫所恥,幸少假之。」從義許之,父子俱斬於市。 之,乃遣人白郭威,威命從義圖之。從義因入城召思綰, 趣之上道, 至則擒之。思綰問曰: 拜思綰鎭國軍留後,趣使就鎭,思綰遲留不行。 若坐守窮城,待死而已。」思縮然之,乃遣教練使劉珪詣從義乞降,而遣其將劉筠奉表朝廷。 而爲此爾!今國家用兵三方,勞敝不已,誠能翻然効順,率先自歸,以功補過,庶幾有生; 「何以用刑?」告者曰:「立釘也。」思縮厲聲曰:「爲吾告郭公,吾死未足塞責,然釘磔之醜, 思縮計窮,募人爲地道,將走獨,其判官陳讓能謂思縮曰曰三二公比於國無嫌, 蜀陰遣人招思綰,思綰將奔蜀,而從義亦疑 但懼死

# 慕谷彥留

事 唐明宗爲軍校、累遷刺史。唐、晉之間、歷磁、單、濮、棣四州,坐濮州造麴受財,法當死, 慕容彥超,吐谷渾部人,漢高祖同產弟也。 嘗冒姓閻氏,彥超黑色胡髯,號閻崑崙。少

祖自太原上章論救,得減死,流于房州。

以事 周 周以女故,惜賊城而不攻,行周大怒。 持重,兵至城下,久之不進。 以 ,召彥超責之,又遣詣行周謝過,行周意稍解。 天 ,凌辱行周,行周不能忍,見宰相涕泣,以屎塞口以自訴。 不軍節度使高行周爲都部署以討之,以彥超爲副。彥超與行周謀議多不協,行周用兵 契丹滅晉,漢高祖起太原,彥超自流所逃歸漢,拜鎭寧軍節度使。杜重威反於魏,高祖 <u>彦超欲速進戰,而行周不許。</u> 高祖聞二人不相得,懼有佗變,由是遽親征。 行周有女嫁重威子,彥超揚言行 高祖知曲在彦超,造人慰勞行 彦超數

行周為天雄軍 ,高祖以爲然,因自督士卒急攻,死傷者萬餘人,由是不敢復言攻。 是時,漢兵頓魏城下已久,重威守益堅,諸將皆知未可圖,方伺其隙,而彥超獨言可速 節度使, 行周辭不敢受,高祖遣蘇逢吉諭之曰:「吾當爲爾徙彥超。」行周乃 後重威 出降, 高祖以

雅淖第

四

# 受,而彥超徙鎭泰寧。

州 里, 歸營。」又謂隱帝曰:「官家宮中無事,明日 毕 此 懦 在 至克,彥超方食,釋匕箸而就道。 隱帝遇弑于北郊。 隱帝出勞軍 京 夫之計也。」隱帝乃遣彥超副益,將兵于北郊。 隱帝已殺史弘肇等,又遣人之魏殺周太祖及王峻等,懼事不果,召諸將入衞京師。 飾 宜閉門以挫其銳, 遣其妻子登陴以招北兵, 可使解甲。」彥超誚益曰:「益老矣 ·,太后使人告彥超善衞帝,彥超大言報曰:「北兵何能爲?當於陣上 周兵 犯京師,開封尹侯益謂隱帝曰:「北兵之來,其家屬 可出觀臣戰。」明 周兵至,益夜叛降于周。 日隱帝復出勞軍,彥超戰敗 彦超 力戰于七 喝 奔克 坐使 使

敗, 反者。 不名, 手韶許之。 晉、絳,太祖遣王峻用兵西方, 而 周太祖 劉旻攻晉、絳不克,解去。 太祖 又遣翰林學士魯崇諒往 殿其 彦超 入立,逢超不自安,數有所獻,太祖報以玉帶,又賜詔書安慰之,呼逢超爲弟而 印 復稱管內多盜 文僞, 以書示行周。 **彦超乘間亦謀反**, 慰諭之〔三〕, 而 太祖乃遣侍衞步軍指揮使曹英、客省使向訓討之,彥超閉 止,又爲高行周所與書以進, 彦超 彦超心益疑懼。 又遣 遣押衙 人南結李昇, 鄭麟至京 已而 | 昇爲出 其辭皆指斥周 劉旻自立于太原, 師求入朝 兵攻沭陽,爲周 過失, 知其詐, 若欲共 出兵攻 兵所

城自守。

雜傳第四十一 慕容彦超 校勘記

隱。 贖出弘魯,彥超大怒,遺軍校笞弘魯夫婦肉爛而死,遂斬周度于市。 家僮與周度斸掘搜索無所得。彥超又遺鄭麟持刃迫之,弘魯惶恐拜其妻妾,妻妾皆言無所 度,乃令周度監括弘魯家。周度謂弘魯曰:「公命之死生,繫財之多少,願無隱也。」弘魯遣 中民貲以犒軍,前陝州司馬閻弘魯懼其鞭扑,乃悉家貲以獻。彦超以爲未盡,又欲并罪周 河中、安襄陽、鎭陽杜令公,近歲之龜鑑也。」彥超大怒,未有以害之。 已而見圍,因大括城 義守之而長世者多矣。今公英武,一代之豪傑也,若量力相時而動,可以保富貴終身。李 周度入白彥超,彥超不信,下弘魯及周度于獄。弘魯乳母於泥中得金纏臂獻彥超,欲 初,彥超之反也,判官崔周度諫曰:「魯,詩書之國也,自伯禽以來未有能霸者,然以禮

里 一致祭,迎於開元寺,塑像以事之,日常一至,又使民家立黃幡以禳之。 是歲鎭星犯角、亢,占曰:「角、亢,鄭分,兗州當焉。」彥超卽率軍府將吏步出西門三十

包以銀,號「鐵胎銀」。其被圍也,勉其城守者曰:「吾有銀數千鋌,當悉以賜汝。」軍士私相謂 之,民皆爭以所質物自言,已而得質僞銀者,寘之深室,使敎十餘人日夜爲之,皆鐵爲質 曰:「此鐵胎爾,復何用哉!」皆不爲之用。 > 彥超陰教主更夜穴庫垣、盡徙其金帛于佗所而以盜告。 **彥超爲人多智詐而好聚斂,在鎭嘗置庫質錢,** 有奸民爲僞銀以質者, 主吏久之乃覺。 **彦超卽勝于市,使民自占所質以償** 而

明年五月,太祖親征,城破, 彦超夫妻皆投井死, 其子繼勳率其徒五百人出奔被擒, 緣

兗州平,太祖韶贈閻弘魯左驍衞大將軍、崔周度祕書監。

校勘記

滅其族。

是時侯益來朝思館以兵從益東歸 薛史卷一〇九趙思綰傳云「遺供奉官王益部署思綰等赴

闕」。按通鑑卷二八七及卷二八八,侯益來朝在乾祐元年二月,趙思縮從王益東歸在乾祐 元 年三

月,兩不相涉。疑此處侯益爲王益之誤。

3 陳讓能 貴池、汪本同、南監、汲、殿、南昌、 蜀、鄂、 劉校本及薛史卷一〇九趙思維傳、 通鑑卷

二八八「陳」作「程」

S 魯崇諒 汪、南監本同、貴池、汲、殿、南昌、蜀、鄂、劉校本及通鑑卷二九○「魯」作「魚」。

# 新五代史卷五十四

# 雜傳第四十二

敗亡,亦無所不至,況爲大臣而無所不取不爲,則天下其有不亂,國家其有不亡者乎!予讀 之大法,廉恥,立人之大節。 馮道長樂老敍,見其自述以爲榮,其可謂無廉恥者矣,則天下國家可從而知也。 傳曰:「禮義廉恥,國之四維;四維不張,國乃滅亡。」善乎,管生之能言也!禮義,治人 蓋不廉,則無所不取;不恥,則無所不爲。人而如此,則禍亂

禄、任人之國者多矣,然使忠義之節,獨出於武夫戰卒,豈於儒者果無其人哉? 豈非高節之 邑,必有忠信。」豈虚言也哉! 士惡時之亂,薄其世而不肯出歟?抑君天下者不足顧,而莫能致之歟?孔子以謂:「十室之 予於|五代得全節之士三,死事之臣十有五,而怪士之被服儒者以學古自名,而享人之

不得見也。 予嘗得五代時小說一篇,載王凝妻李氏事,以一婦人猶能如此, 凝家青、齊之間,爲號州司戶參軍,以疾卒于官。凝家素貧,一子尙幼,李氏攜 則知世固嘗有其人而

雜傳第

四 十 二

馮道

指,或爲之泣下。 手爲人執邪? |李氏顧天已暮,不肯去,主人率其臂而出之。 其子,負其遺骸以歸。 不可以一手丼汚吾身!」卽引斧自斷其臂。 開封尹聞之,白其事于朝, 東過開封,止旅舍,旅舍主人見其婦人獨攜一子而疑之,不許其宿。 官爲賜藥封瘡,厚卹|李氏,而笞其主人者。 李氏仰天長慟曰:「我爲婦人,不能守節,而此 路人見者環聚而嗟之,或爲彈 嗚

#### 馮道

呼,士不自愛其身而忍恥以偷生者,聞字氏之風宜少知愧哉

東軍,以爲巡官,以其文學薦之晉王,爲河東節度掌書記。 馮道字可道,瀛州景城人也。 事劉守光爲參軍,守光敗, 莊宗卽位,拜戶部侍郎, 去事宦者張承業。 承業監河 充翰林

耕于野,躬自負薪。 却,寘之別室,訪其主而還之。 夠而已。 道 爲人能自刻苦爲儉約。 所得俸祿, 有荒其田不耕者,與力不能耕者,道夜往,潛爲之耕。 與僕廝同器飲食,意恬如 其解學士居父喪于景城,遇歲飢, 當晉與梁夾河而軍,道居軍中,爲一茅庵,不設牀席,臥一 也。 諸將有掠得人之美女者以遺道, 悉出所有以賙 其人後來媿謝 郷里, 道不能 而退 束

道爲同州節度使,踰年,拜司空。 王 誦。 貴餓農,穀賤傷農。」因誦文士攝夷中田家詩, 郎、 也。 前世有形之寶 山 師。 而獲全,居安者患生於所忽,此人情之常也。」明宗問曰:「天下雖豐,百姓濟否? 道 大寶日位 一入,是爲廢帝,遂相之。 」明宗曰:「吾素知之,此眞吾宰相也。」拜道端明殿學士,遷兵部侍郎。 孔 同中書門下平章事 過井陘之險,懼馬蹙失,不敢怠於銜轡,及至平地,謂無足慮,遽跌而傷。 道 莊宗 水運 天成、長興之間,歲屢豐熟, 不以爲德。 |循勸道少留以待,道曰:「吾奉詔赴闕,豈可自留!」乃疾趨至京師。 相明宗十餘年〔1〕,明宗崩,相愍帝。 軍將於臨河縣得一 選弒,明宗卽位,雅知道所爲,問安重誨曰:「先帝時馮道何在?」重誨曰:「爲學士 一,何以 《爾,王者固有無形之寶也。」明宗問之,道曰:「仁義者,帝王之寶也。 分守位 服除, 日仁。』」明宗武君,不曉其言,道已去,召侍臣講說其義,嘉納之。 復召爲翰林學士。 廢帝卽位,愍帝猶在衞州 玉杯,有文曰「傳國寶萬歲杯」,明宗甚愛之,以示道,道曰:「此 晉滅唐, 道又事晉, 晉高祖拜道守司空、同中書門下平章 中國無事。 行至汴州, 遇趙在禮亂, 路王反於鳳翔, 其言近而易曉。 道嘗戒明宗曰:「臣爲河東掌書記時,奉使中 後三日,愍帝始遇弑 愍帝出奔衛州 明宗顧左右錄其詩, 明宗自魏擁兵還, 崩 歲餘,拜中書侍 凡蹈危者慮深 道率百官迎路 已而 」道曰:「穀 常以自 廢帝出 故曰:

雜傳

第四

+

馮

道

六一三

太師 徙鎮 「無才 又問曰:「何以來朝?」對曰:「無城無兵,安敢不來。」德光誚之曰:「爾是何等老子?」對曰: 加司徒,兼侍 人威勝。 奉朝請。 無德癡 契丹滅晉,道又事契丹, | 頑老子。」 德光喜,以道爲太傅。 周滅漢,道又事 中,封魯國公。 周,周太祖拜道 高祖崩,道相出帝,加太尉,封燕國公,罷爲匡國軍節度使, 朝耶律德光於京師。 太師,兼中書令。 **德光北歸**, 從至常山。 德光責道事晉無狀, 漢高祖立、乃歸漢、以 道 不能對。

當世之士 道少能 一無賢愚皆仰道爲元老,而喜爲之稱譽。 !矯行以取稱於世,及爲大臣,尤務持重以鎭物,事四姓十君, 益以舊德自處。 然

道視 至澶州 太祖意 太祖 帝教得。」人皆以謂契丹不夷滅中國之人者,賴道一言之善也。 喪君亡國亦未嘗以屑意 謂漢大臣必行推戴,及見道,道殊無意。 那 擁兵 |少沮,知漢未可代,鉁陽立湘陰公贇爲漢嗣,遣道迎贇于徐州。 律德光嘗問道日:「天下百姓 而 反,遂代漢。 議者謂道能沮太祖之謀而緩之,終不以晉、漢之亡責道也。 [如何救得?」道爲俳語以對曰:「此時佛出救不得,惟皇 太祖素拜道, 因不得已拜之,道受之如 周兵反,犯京師,隱帝 灣未至,太祖 將兵北 罕時, 然

陳己更事四姓及契丹所得階勳官爵以爲榮。 當 是時 ',天下大亂,戎夷交優,生民之命, 自謂:「孝於家,忠於國,爲子、爲弟、爲人臣、 急於倒懸, 道方自 「號「長樂老」,著書數 百言,

雜傳第四十二 李弘

爲師長、爲夫、爲父,有子、有孫。時開一卷,時飲一杯,食味、別聲、被色,老安於當代,老而

自樂,何樂如之?」蓋其自述如此。

以爲太祖山陵使。葬畢而道卒,年七十三,諡曰文懿,追封瀛王。 擊旻,果敗旻于高平。世宗取淮南,定三關,威武之振自高平始。其擊旻也,鄙道不以從行, 「劉旻烏合之衆,若遇我師,如山壓卵。」道曰:「陛下作得山定否?」世宗怒,起去,卒自將 世宗曰:「吾見唐太宗平定天下,敵無大小皆親征。」道曰:「陛下未可比唐太宗。」世宗曰: 有大喪,必不能出兵以戰。且善用兵者出其不意,吾當自將擊之。」道乃切諫,以爲不可。 道前事九君,未嘗諫諍。世宗初卽位,劉旻攻上黨,世宗曰:「劉旻少我,謂我新立而國

道旣卒,時人皆共稱歎,以謂與孔子同壽,其喜爲之稱譽蓋如此。 道有子洁。

# 李琪 兄題

李琪字台秀,河西燉煌人也。

中,聞者哀憐之。 其兄珽,唐末舉進士及第,爲監察御史。丁內艱,貧無以葬,乞食而後葬。 服除,還拜御史。 珽飢臥廬

北 誅之。 下黄 印以 甚, 襲怒 間 許州 州。 書記 爲敵 等救洪 解矣。」汭不聽,果敗,溺死。 齊 曹州尤甚,太祖 「所廢 授珽。 欲使人 馮行 曹州 也。」太祖卽位, 故此 人縻之,則武陵、武安必爲公之後患。 誣 召 以贓下獄, 1拜左 ?襲病,行襲有牙兵二千,皆故蔡卒,太祖懼爲變。行襲爲人嚴酷,從事魏峻切諫,**行** 素劇難理,前刺史十餘輩, 汭以大舟載兵數萬,與爲汭謀曰:「今一舟容甲士千人,糗糧倍之,緩急不可動 今在 名內黃 延爲亂 、代受詔, 英曰:「東首加朝服,禮也。」乃卽臥內見行襲,道太祖語, 行襲感泣 **| 諫議** 陳留。」太祖平生不愛儒者,聞與語大喜。 人。」太祖 大夫。 復遣既治之。既至索賊,得大校張彥珂、既甥李郊等,及牙兵百餘人,悉 欲誅之。乃遣英代行襲爲留後。 除考功員外郎、 曰:「外黄、下黄何在? 太祖 趙匡凝鎭襄陽, 幸 河北,至內黃,顧珽曰:「何謂 知制誥。 皆坐廢, 不若以勁兵屯巴陵,壁不與戰,吳兵糧盡 又辟掌書記。 珽至,以治聞。 **| ) 度度太祖不欲先用故吏,固辭不拜,出知曹** 」珽曰:「秦有外黃都尉,今在 **珽至許州,止傳舍,慰其將吏,行襲病** 友珪立,除右散騎常侍,侍 太祖破匡凝,得珽,喜曰:「此眞 遷兵部郎中、崇政院直學士。 內黃?」英日:「河南 。」會歲 強丘; 飢 盗劫汴、宋 有外黃 下黄爲 則 若 解 袁 軍

琪

、少舉進士、博學宏辭,

累遷殿中侍御史,與其兄珽皆以文章知名。

唐亡,事梁太祖爲

討

賊

兵

所殺

尚書左丞,拜同中書門下平章事, 與蕭頃同爲宰相。 翰林學士。 二人多所異同。

琪內結趙巖、張漢傑等爲助,以故頃言多沮。
頃嘗掎摭其過。 梁兵征伐四方,所下詔書,皆琪所爲,下筆輒得太祖意。 頃性畏愼周密,琪倜儻負氣,不拘小 末帝時,爲御史中丞、 

明宗以爲然,乃發喪成服,而後卽位。以琪爲御史中丞。 世,今興兵向闕,以赴難爲名,而欲更易統號,使先帝便爲路人,則斃然梓宮,何所依往!」 說,問 宜改號以自新。」明宗疑之,下其事羣臣,羣臣依違不決。 勸進,有司具儀,用柩前即位故事。 漫然無足取,而莊宗獨稱重之,遂以爲國計使。 光三年秋,天下大水,京師乏食尤甚,莊宗以朱書御札詔百僚上封事。 琪上書數千言,其說 唐莊宗滅梁,得琪,欲以爲相,而梁之舊臣多嫉忌之,乃以爲太常卿。 .何謂改號,對曰::「莊宗受唐錫姓爲宗屬,繼昭宗以立,而號國曰唐。今唐天命已絕, 霍彦威、孔循等請改國號,絕土德。 方欲以爲相,而莊宗崩。 **琪議日:「殿下宗室之賢,立功三** 明宗武君,不曉其 明宗入洛陽,羣臣 遷吏部尙書。 同

聞不坐卽退,獨大臣奏事,日一見便殿,而侍從內諸司,日再朝而已。 自唐末喪亂,朝廷之禮壞,天子未嘗視朝,而入閤之制亦廢。 常參之官日至正衙者,傳 明宗初卽位,乃詔羣

雜牌第

рy

+ =

宣政 韶起居日有言事者,許出行自陳。 又韶百官以次轉對 對官論 宴見也,其事殺。自乾符已後,因亂禮闕,天子不能日見羣臣而見朔望,故正衙常日廢仗, 而朔望入閣有仗,其後習見,遂以入閣爲重。 喚仗,由閤門而入,百官俟朝于衙者,因隨以入見,故謂之入閤。然衙,朝也,其禮尊;閤, 朔望一出御文明殿,前殿也,反謂之入閣,琪皆不能正也。」琪又建言:「入閣有待制、次 然有司不能講正其事。 `,前殿也,謂之衙,衙有仗。 紫宸,便殿也,謂之閤。 其不御前殿而御紫宸也,乃自正衙 事,而內殿起居,一見而退,欲有言者,無由自陳,非所以數見羣臣之意也。」明宗乃 凡羣臣五日一入見中興殿,便殿也,此入閤之遺制,而謂之起 至出御前殿,猶謂之入閤,其後亦廢,至是而

**猶依** 書右僕射。 延 而 【違不敢正言其事。 豆盧革等罷相,任圜議欲以珙爲相,而孔循、鄭珏沮之,乃止。 後奏。 是時, 琪爲中丞,畏重誨不敢彈糾,又懼諫官論列,乃託宰相任圜先白重誨而後糾,然 樞密使安重誨專權用事,重誨前騶過御史臺門,殿直馬延誤衝之,重誨卽臺門斬 

院言無送上之文,而與已落新授,復舉上儀,皆不可。

「敗契丹之兇黨,破眞定之逆城」,坐誤以定州爲眞定,罰俸一月。 霍彥威卒,詔踑撰神道碑 彦威故梁將,而琪故梁相也,敍彦威在梁事不曰僞,爲<u>馮道所</u>駁。 明宗討王都,已破定州,自汴還洛,琪當率百官至上東門,而請至偃師奉迎。 其奏章言

鄉 〔貢進士|李琪」,常置之坐側。爲人少持重,不知進退,故數爲當時所沮。以太子少傅致仕, **| 琪爲人重然諾,喜稱人善。少以文章知名,亦以此自負。旣貴,乃刻牙版爲金字曰「前** 

#### 鄭珏

卒,年六十。

諸大臣 士數不中,全義以珏屬有司,乃得及第。 黎廷 [以]全義故數薦之,累拜中書舍人、翰林學士奉旨。 ,唐宰相繁之諸孫也。 其父徽,爲河南尹張全義判官。 昭宗時,爲監察御史。 末帝時,拜中書侍郎、同中書門下 梁太祖卽位,拜左補闕。 珏少依全義居河南, 舉進 梁

#### 平章事。

雑

傳

第四十二

**政** 狂

李

愚

唐莊宗自鄆州入汴,末帝聞唐兵且至,惶恐不知所爲,與李振、敬翔等相持慟哭,

寶馳入唐軍,以緩其行,而待救兵之至。」 帝曰:「事急矣,寶固不足惜,顧卿之行,能了事 珏問計安出 

密使孔循。循嘗事梁,與珏善,因言珏故梁相,性謹愼而長者,乃拜珏平章事 莊宗入汴,珏率百官迎謁道左。貶萊州司戶參軍,量移曹州司馬。 張全義爲言於郭崇

切諫,乃詔罷其行。而压又稱贊之,以爲宜罷 不省,上下洶洶,轉相動搖,獨压稱贊,以爲當行。 明宗幸汴州,六軍家屬自洛遷汴,而明宗又欲幸鄴都,軍士愁怨,大臣頗以爲言。明宗 趙鳳極言於安重酶,重酶驚懼,入見明宗

之,压章四上,乃拜左僕射致仕,賜鄭州莊一區。卒,贈司空。 | **压在相位既碌碌無所爲,又病聾,孔循罷樞密使,珏不自安,亟以疾求去職。 明宗數**留

#### 李愚

李愚字子晦,渤海無棣人也。 愚爲人謹重寡言,好學,爲古文。 滄州節度使盧彦威以

東,與李延光相善,延光以經術事梁末帝爲侍講,數稱薦愚,愚由此得召。 久之,拜左拾遺、 其言甚壯。 愚爲安陵主簿,丁母憂解去。 建不能用,乃去之洛陽。舉進士、宏詞,爲河南府參軍。 後遊關中, 劉季述幽昭宗於東內,愚以書說韓建, 白馬之禍,愚復去之山 使圖興復,

卿 坐言事忤旨,罷爲鄧州觀察判官。 、獨揖,可乎? <u>衡王友諒,末帝兄也,梁大臣李振等皆拜之,獨愚長揖,末帝以責愚曰:「衡王</u>朕拜之, 」愚曰:「陛下以家人禮見之,則拜宜也。臣於王無所私,豈宜妄有所屈?」

崇政院直學士。

見利 爲然,而所至迎降,遂以滅蜀。 发伐蜀 曰:「王衍荒怠,亂國之政,其人厭之。 則進,知難則 唐莊宗滅梁,愚朝京師,唐諸公卿素聞愚學古,重之,拜主客郎中、翰林學士。 ,辟愚都統判官。 诣 今大軍涉險,人心易搖,正可斬之以徇。」由是軍 蜀道阻險,議者以謂宜緩師待變而進,招討使郭崇韜以決於愚,愚 初,軍行至寶鷄,招討判官陳乂稱疾請留, 乘其倉卒,擊其無備,其利在速,不可緩也。」崇韜以 中無敢言留者。 愚厲聲曰:「陳乂 魏王

館以居。 愚有疾,明宗遣宦官視之,見其敗氈敞席,四壁蕭然,明宗嗟嘆,命以供帳物賜之。 借延賓

辭

罷爲太常卿。

任圜罷相,乃拜愚中書侍郎、

雜

傳

第

四

+

李

愚

歋

횔

明宗即

位、累遷兵部侍郎承旨。

明宗祀天南郊,愚爲宰相馮道、趙鳳草加

同平章事(三)。

愚爲相,

不治第宅,

恩制,道鄙其

乃相與出迎。廢帝入立,罷道出鎭同州,以劉昫爲相〔記〕。 死,愚欲至中書候太后進止,道曰:「潞王已處處張牓招安, 踏王反,犯京師,愍帝夜出奔。 明日愚與馮道至端門, **晌性褊急,而愚素剛介,動輒違** 今即至矣, 聞帝已出 愚守左僕射。 何可俟太后旨也?」 而朱弘昭、馮贇皆已

| **昫與馮道姻家,愚數以此誚朐,兩人遂相諠詬,乃俱罷。** 

職 終日,而無所用心也。清太二年以疾卒。 而以愚爲迂,未嘗有所問。 ,州縣貢士,作鄉飲酒禮,時以其迂闊不用。<br />
愍帝卽位,有意於治,數召學士,問以時事 是時,兵革方興,天下多事,而愚爲相,欲依古以創理,乃請頒唐六典示百司,使各舉其 廢帝亦謂愚等無所事,常目宰相曰:「此粥飯僧爾! 」以謂飽食

#### 盧導

盧 導字熙化,范陽人也。 唐末舉進士,爲監察御史。 唐亡事梁、累遷左司郎中、侍御史

知 雑 事,以病死。

衞 州 唐 阴宗時,召 宰相馮道、李愚集百官于天宮寺,將出迎路王于郊,京師大恐,都人藏竄,百官久而 拜右諫議大夫,遷中書舍人。 路王從珂自鳳翔以兵犯京師, 愍帝出奔于

爲亂兵劫其衣,以敝服磁形而至,見彥長揖,神氣自若,揮筆成文,而言甚淺鄙,彥以其易 爲太府少卿。楊師厚鎭天雄,與解官往依之。師厚卒,賀德倫代之。張彥之亂,命判官王 導終不草牋。 |王守節不回,以忠義見責,其將何辭以對?且上與潞王,皆太后子也,不如率百官詣宮門, 取太后進止。」 語未終,有報曰:「潞王至矣。」 京城巡檢使安從進催百官班迎, 百官紛然而 不集,惟導與舍人張昭先至。 ,豈可輕議哉!」道曰:「勸進其可已乎?」導曰:「今天子蒙塵于外,遽以大位勸人, 若潞 。路王止于正陽門外,道又促導草牋,導對如初。 司空頲,貝州淸陽人也。唐僖宗時,舉進士不中,後去爲羅紹威掌書記。紹威卒,入梁 導後事晉爲吏部侍郎。 司空頲 天福六年卒,年七十六。 馮道請導草牋勸進,導曰:「潞王入朝,郊迎可也,若勸進之 李愚曰:「吾輩罪人,盧舍人言是也。

雜

傳第四

\_ + =

司空質

校勘記

六二三

兇,甚喜,即給以衣服僕馬,遂以爲德倫判官•

家奴召之,裕擒其家奴,以謂通書于梁。 **頲爲郭崇韜**所惡,崇韜數言其受路。 德倫以魏博降晉, 晉王兼領天雄, 都虞候張裕多過失, 仍以頲爲判官。 莊宗族殺之。 梁、晉相距河上,常以頲權軍府事。 類屢以法繩之。 )類有姪在梁, 遣

### 校勘記

- (1) 道相明宗十餘年 按唐明宗在位僅八年,此誤。
- $\Xi$ 任國罷相乃拜愚中書侍郎同平章事 趙鳳 三月趙鳳罷,以太常卿李愚爲中書侍郎、同平章事。薛史卷六七李愚傳云:「長興初除太常卿,屬 出鎮邢臺,乃拜中書侍郎平章事。」任圜罷相至李愚入相已經五年。纂誤卷下疑「史之所書 本史卷六唐明宗紀載:天成二年六月任圜罷,長興二年

本謂趙鳳,而觀爲任圜也」。

3 七 馮道 罷道 月,以太常卿盧文紀爲中書侍郎、同平章事;十月,李愚、劉昫罷相。 、李愚同列。又本史卷七及薛史卷四六唐廢帝紀載,清泰元年五月,馮道罷爲同州節度使, 出鎮同州以劉昫爲相 按本史卷六及薛史卷四四唐明宗紀,劉昫於長興四年正月爲相,與 此云廢帝罷馮道出鎮而

以

劉昫爲相誤

# 新五代史卷五十五

# 雜傳第四十三

#### 劉昫

後為定州王處直觀察推官。處直為子都所囚,昫兄暄亦爲怨家所殺,眴乃避之滄州 劉昫,涿州歸義人也。 **晌爲人美風儀,與其兄喧(1)、弟暤,皆以好學知名燕、薊之間。** 

事, 昫 **予而愛其風韻,遷端明殿學士。長興三年(11),拜中書侍郎兼刑部尙書、同中書門下平章** 晌詣中興**殿門謝,是日大祠不坐,**眴入謝端明殿。 晌自端明殿學士拜相,當時以此爲 唐莊宗卽位,拜昫太常博士,以爲翰林學士, 明宗時, 累遷兵部侍郎居職。明宗素重

榮。廢帝入立,遷吏部尙書、門下侍郎,監修國史。

廢帝大怒,罷政,命昫兼判三司。 初,廢帝入,問三司使王政:「帑廩之數幾何?」政言:「其數百萬。」及責以賞軍而無十 **晌性察,而嫉三司蠹敝尤甚,乃句計文簿,覈其虚實,** 

雑

傳第四

+ =

劉胎

残 租 積 自 悉蠲除之。 往時吏幸積年之負蓋而不發, 因以把持州縣求賄路, 及晌一 切蠲除

民間歡然以爲德,而三司吏皆沮怨。

聞 圖 以 直 消 言 HOL | 晌日:「此公親家翁所爲也!」| 晌性少容恕,而愚特剛介,遂相詆詬。相府史吏惡此兩人 先 因共揚言,其事聞,廢帝並罷之,以昫 是 罷 晌相,皆歡 了馬道與昫爲姻家而同爲相,道罷,李愚代之。愚素惡道爲人,凡事 |呼相賀日:「自此我曹快活矣 爲 《右僕射。是時,三司諸吏提印聚立月華門外 有稽失者, 必指

射 司 僕 胎 班 矛 射 軱 次 能 易 胎 入朝 以 亦 道 知 日「有恥且格」。居儉訴曰:「名諱 在 由 改居儉秘書監,居儉快快失職。 相位,不習典故。 省一个 翠 遇雨,移班廊下, 是時 相 龍 能 與道 馮道罷 知,由是不 同,乃 相爲 御 初, 隨道 入朝堂, 司空。 史臺吏引僕射立 ,明宗崩,太常卿崔居儉,以故事當爲禮儀使, 出 自隋、 入,有司不能彈正 俟臺官、兩省入而後 有令式,予何罪也? 唐以 中書舍人李詳爲居儉誥詞, 中丞御 來,三公無職 文文下, 一,而 議 入, 者 事 胸詰 」當時聞者皆傳以 多 宰 ,不 竊 柏 更以 特置,及道 笑 出 之。 則 故 有「開 隨 事 丽 名心 自 居儉辭以祖諱 出 爲 為笑。 毕 司 懼」之語, 空, 相 至 昫 至 爲僕 問 臺省 有

问中書門下平章事 音 高 加 胩 張 從 貧 , 復判三司 反 一、殺 是子 重 义 於 洛陽 契丹犯京師 乃以 **响以目疾罷爲太保**、 昫 爲 東都 留 守 判 是歲卒一年六十。 鹽 鐵 開 運 中, 拜

### 盧文紀

吾法官!」皆杖而遣之。 文紀又請悉復中外官校考法,將相天子自書之,詔雖施行,而官卒 相趙鳳:「進奏更比外何官?」鳳曰:「州縣發遞知後之流也。」明宗怒曰:「乃吏卒爾,安得慢 密使安重酶。 重酶曰:「吾不知故事,可上訴于朝。」即相率詣閣門求見以狀訴。 明宗問宰 名,勞以茶酒而不相見,相傳以爲故事。」文紀曰:「吾雖德薄,敢隳舊制?」因遣吏飜之。進 奏官奮臂誼然欲去,不得已入見,文紀據牀端笏,臺吏通名贊拜,旣出,恚怒不自勝,訴於樞 子微弱,諸侯彊盛,買奉不至,朝廷姑息方鎮,假借邸吏,大夫、中丞上事,進奏官至客次通 賀,文紀問:「當如何?」吏對曰:「朝廷在長安時,進奏官見大夫、中丞如胥史。自唐義,天 刑部侍郎、集賢殿學士。唐明宗時,爲御史中丞。初上事,百官臺參,吏白諸道進奏官 盧文紀字子持,其祖簡求,爲唐太原節度使,父嗣業,官至右補闕。文紀舉進士,事梁

一,文紀不見之,因請連假。 文紀素與宰相崔協有隙,協除工部郎中于鄴,文紀以鄴與其父名同音,大怒,鄴赴省參 

不考。歲餘,遷工部尙書。

雑

傳第四

六

石州司馬。

拜中書侍郎、同中書門下平章事 望。」廢帝因悉書淸望官姓名內琉璃瓶中,夜焚香呪天,以筯挾之,首得文紀,欣然相之,乃 偉、語音琅然,廢帝奇之。後廢帝入立,欲擇宰相,問於左右,左右皆言:「文紀及姚顗有人 久之,爲祕書監、太常卿。 奉使于蜀,過鳳翔,時廢帝爲鳳翔節度使, 文紀爲人形貌魁

何必延英。 容奏議天下事。 是時,天下多事,廢帝數以責文紀。 因韶宰相有事,不以時詣閤門請對。 廢帝以謂五日起居,明宗所以見羣臣也,不可罷,而便殿論事,可以從容, 文紀因請罷五日起居,復唐故事,開延英,冀得從

待,自卿爲相,詢于興議,皆云可致太平,今日使吾至此,卿宜如何?」文紀皇恐謝罪。 至河陽,文紀勸帝扼橋自守,不聽。 周太祖入立,即拜司空于家。卒,年七十六,赠司徒。 晉高祖起太原,廢帝北征,過拜徽陵,休仗舍,顧文紀曰: [吾自鳳翔識卿,不以常人爲 晉高祖入立,罷爲吏部尚書,累遷太子太師,致仕。

### 馬胤孫

屬,而先帝新棄天下,臨喪赴鎭,臣子之忠也。」左右皆笑其愚,然從珂心獨重之。 廢帝入 胤孫告之曰:「受命移鎭,路出京師,何向爲便?」胤孫曰:「君命召,不俟駕。今大王爲國宗 從珂河中觀察支使。 ,, 徙鎭鳳翔,胤孫常從之,以爲觀察判官。 潞王將舉兵反,與將吏韓昭胤等謀議已定,召 馬胤孫字慶先,棣州商河人也。 從珂爲楊彦温所逐, 爲人懦暗,少好學,學韓愈爲文章。舉進士,爲唐潞王 罷居于京師里第,胤孫從而不去。 從珂爲京兆

立,以爲戶部郞中、翰林學士。 久之,拜中書侍郞、同中書門下平章事。

常侍 紀獨 語人也!且僕射師長百寮,中丞、大夫就班脩敬,而常侍在南宮六卿之下,況僕射乎?昭序 昭序建言:「常侍班當在僕射前。」胤孫責御史臺檢例,臺言:「故事無所見,據今南北班位, 特拜者,有司不知故事,朝廷議者紛然,或曰司空三公,宰相職也,當參與大政,而宰相虛文 , 豈識事體?」 朝士聞居儉言, 流議稍息。 以謂司空之職,祭祀掃除而已。胤孫皆不能決。時劉昫亦罷相爲僕射,右散騎常侍孔 ·在前。」胤孫卽判臺狀施行,劉昫大怒。崔居儉揚言于朝曰:「孔昭序解語,是朝廷無解 胤孫不通世務,故事多壅塞。是時,馮道罷匡國軍節度使,拜司空。 胤孫臨事多不能決,當時號爲「三不開」,謂 司空自唐已來無

晉兵起太原,廢帝幸河陽,是時勢已危迫,胤孫自洛來朝行在,人皆冀其有所建言,胤

其不開

П

以論議,不開印以行事,不開門以延士大夫也。

雑

傳第四十

馬胤孫

姚顗

孫獻綾三百匹而已。晉高祖入立、罷歸田里。

人,而常誦傳奕之論,今反佞佛,是佛佞公邪,公佞佛邪? 時人誚之曰:「佞清泰不徹,乃來佞佛。」清泰,廢帝年號也。 胤孫旣學韓愈爲文,故多斥浮屠氏之說,及罷歸,乃反學佛,撰法喜集、佛國記行于世。 · 」胤孫答曰:「豈知非佛佞我也?」 人有戲胤孫曰:「公素慕韓愈爲

協爲明宗相, 後以太子賓客分司居于洛陽,周廣順中卒。 在位無所發明,旣死,而有降語其家,胤孫又然。時人嘲之曰:「生不能言,死 胤孫卒後,其家婢有爲胤孫語者。 初,崔

而後語」云。

時人傳以爲笑。

#### 姚顗

以爲 爲奇 左散騎常侍兼吏部侍郎、尙書左丞。 姚顗字百眞,京兆長安人也。少惷,不修容止,時人莫之知,中條山處士司空圖一 ,以其女妻之。 舉進士,事深爲翰林學士、中書舍人。 廢帝欲擇宰相, 選當時清望官知名於世者,得盧 唐莊宗滅梁,貶復州 司馬,

文紀及顕,乃拜閩中書侍郎、同中書門下平章事。

之何,廢帝爲下詔書禁止。 資、長定舊格,歲久多舛,因增損之。 選人多不便之,往往邀遮宰相,喧訴不遜, 顗等無如 中,馮道爲相,建言:「天下未一,選人歲纔數百,而吏部三銓分注,雖曰故事,其實徒繁而無 益。」始韶三銓合爲一,而尙書、侍郎共行選事。至顗與盧文紀爲相,復奏分銓爲三。而循 尙書一人日尙書銓,侍郎二人日中銓、東銓。 每歲集以孟多三旬,而選盡季春之月。 |天成 **顗爲人仁恕,不知錢陌銖兩之數,御家無法,在相位齪龊無所爲。唐制吏部分爲三銓,** 

晉高祖立,罷頗爲戶部尙書。卒,年七十五,卒之日家無餘貲,尸不能斂,官爲賵贈乃

能斂,聞者哀憐之。

#### 劉丘

好學,敏於文辭,善談論。舉進士,事梁爲左拾遺、侍御史。末帝時,爲翰林學士,累官至兵 劉岳字昭輔,洛陽人也。唐民部尚書政會之八代孫,崇龜、崇望其諸父也。 岳名家子,

部侍郎。

傳

四

一 十 三

劉岳

梁亡,貶此州司馬。復用爲太子詹事。 唐明宗時,爲吏部侍郎。 故事, 吏部文武官告

所以告韶也。 代之亂,因以爲常,官卑者無復給告身,中書但錄其制辭,編爲敕甲。」岳建言,以謂「制辭或 任其材能,或褒其功行,或申以訓誡,而受官者既不給告身,皆不知受命之所以然,非王言 ,皆輸朱膠紙軸錢然後給,其品高者則賜之,貧者不能輸錢,往往但得敕牒而無告身。五 請一切賜之」。由是百官皆賜告身,自岳始也。

用之。至其久也,又益訛謬可笑,其類甚多。 後亡失,愈不可究其本末,其婚禮親迎,有女坐婿鞍合髻之說,尤爲不經。公卿之家,頗遵 損其書,而其事出鄙俚,皆當時家人女子傳習所見,往往轉失其本,然獨時有禮之遺制。其 用於死者可乎?」乃詔岳選文學通知古今之士,共删定之。岳與太常博士段顒、田敏等增 道 起復、冥昏之制,歎曰:「儒者所以隆孝悌而敦風俗,且無金革之事,起復可乎?婚,吉禮也 牧子之所誦也,故岳舉以誚道。道聞之大怒,徙岳秘書監。其後李愚爲相,遷岳太常卿。 宰相馮道世本田家,狀貌質野,朝士多笑其陋。道旦入朝,兵部侍郎任贊與岳在其後, 初,鄭餘慶嘗採唐士庶吉凶書疏之式,雜以當時家人之禮,爲書儀兩卷。明宗見其有

岳卒于官,年五十六,贈吏部尚書。子,温叟。

雜傳第四十三 馬縞

皆取岳書以爲法,而十又轉失其三四也,可勝歎哉! 意使民知禮。 尚拳拳而行之。 五代干戈之亂,不暇於禮久矣! 明宗武君, 出於夷狄,而不通文字,乃能有 嗚呼,甚矣,人之好爲禮也!在上者不以禮示之,使人不見其本,而傳其習俗之失者, 而岳等皆當時儒者,卒無所發明,但因其書增損而已。 然其後世士庶吉凶,

#### 馬縞

曰:「五帝不相襲禮,三王不相沿樂,惟皇與帝,異世殊稱。 事。 明宗下其議, 時, 加 「漢諸侯王入繼統者,必別立親廟,光武皇帝立四廟于南陽,請如漢故事,立廟以申孝享。」 而無帝, 解瀆亭侯淑爲孝元皇〔三〕,父萇爲孝仁皇,請下有司定諡四代祖考爲皇,置園陵如漢故 | 累遷中書舍人、刑部侍郎、權判太常卿。| 明宗入立,繼唐太祖、莊宗而不立親廟。| 編言: 事下太常,博士王丕議漢桓帝尊祖爲孝穆皇帝,父爲孝崇皇帝。 馬縞,不知其世家,少舉明經,又舉宏詞。事梁爲太常少卿,以知禮見稱于世。唐莊宗 惟吳孫皓尊其父和爲文皇帝,不可以爲法。 禮部尚書蕭頃等請如縞議。宰相鄭珏等議引漢桓、靈爲比,以謂靈帝尊其 右僕射李琪等議與縞同。 **爰自嬴秦**, 稿以謂孝穆、孝崇有 已兼厥號, 股 居 九 五 明宗詔

皇帝 止可行,有 李琪 原武昭王爲與聖皇帝,皆立廟京師,此唐家故事也。 爲億兆之尊, 等請 損 有 尊祖 益。 禰爲皇帝,曾高爲皇。 今議者引古,以漢爲據,漢之所制,夫復何依。開元時, 奈何總二名於眇躬,惜一字於先世。」乃命宰臣集百官於中書,各陳所 宰相 鄭珏合羣議奏曰:「禮非天降而本人情, 臣請四代祖考皆加帝如韶旨,而 尊皋陶為德明 町

立廟京

《師。」詔可其加帝,而立廟應州

奪制 定,下太常具五服制度,附于令。」令有五服,自腐始也。 也。 日:「令於 司封 可同 是。」廢帝下其議,太常博士段顒議「嫂服給假以大功者,令文也,令與禮異者非 嫂無 之不同者五。 郎中曹琛, 以名則兄子之妻疏, ,推恩引義,各有所當。 如 服,推而遠之也。 劉岳脩書儀,其所增損,皆決於縞。 此」。右贊善大夫趙咸 喪服無正 禮,姨舅皆服小功,令皆大功。 請下其議,并以禮、令之違者定議。 文,而嫂服給大功假,乃假寧附令,而敕無年月,請凡喪服皆以開元禮爲 唐太宗時,有司議爲兄之妻服小 因尊則嫂非卑,嫂服 據禮爲兄之子妻服大功,今爲兄之子母服小功,是輕重失 又議日(图):「喪, 稿又言:「綾麻 大功,其來已久。令,國之典,不可滅也(亞)。」 妻父母壻外甥皆服總,令皆小 與其易也, 韶尙書省集百官議。 功五月,今有司給假爲大 喪紀,所以別親疏, 寧戚。 儀禮 五服,或以 左僕射 功。 辨嫌 名加 一,而 禮、令之不 ,功九月,非 疑。 劉 晌 ~,或因 禮,叔 其倫 等議 喪服

編,明宗時嘗坐覆獄不當,貶綏州司馬。 復爲太子賓客,遷戶部、兵部侍郎。 盧文紀作

相,以其迂儒鄙之,改國子祭酒。卒,年八十,贈兵部尙書。

# 崔居儉

**催居儉,清河人也。祖蠡、父莠皆爲唐名臣。居儉美文辭,風骨淸秀,少舉進士。** 梁貞

明中,爲中書舍人、翰林學士、御史中丞。唐莊宗時,爲刑部侍郎、太常卿。

自高,爲世所嫉。明宗崩,居儉以故事爲禮儀使,居儉以祖諱蠡,辭不受,宰相馮道卽徙居 崔氏自後魏、隋、唐與盧、鄭皆爲甲族,吉凶之事,各著家禮。

至其後世子孫,專以門望

**儉爲秘書監。居儉歷兵、吏部侍郎、尚書左丞、戶部尚書。晉天福四年卒,年七十,贈右僕射。** 居儉拙於爲生,居顯官,衣常乏,死之日貧不能葬,聞者哀之。

#### 崔梲

崔棁字子文, 深州安平人也。 父涿,唐末爲刑部郎中。 悦少好學, 頗涉經史, 工於文

雑

傳 绑 PU +

=

崔 E 儉

崔

稅

六三六

辭。 遭世 亂,寓居于滑臺,不遊里巷者十餘年,人罕識其面。 梁貞明三年,舉進士甲科,

封尹王瓚辟掌奏記。

監察御史,不拜,踰年再命,乃拜。 客問疾者,悅輒迎拜門外,泣涕而告之,涿終不服藥而卒。 | 梲性 |至孝,其父||涿病,不肯服藥,曰:「死生有命,何用藥爲?」||枕屢進醫藥,不納。 累遷都官郎中、翰林學士。 悦居喪哀毀, 服除, 唐明宗以爲 每賓

亡失已久,稅與御史中丞寶貞固、刑部侍郎呂琦、禮部侍郎張允等草定之。其年冬至,高祖 意,以謂維翰以孔英爲言,乃考英及第,物議大以爲非,卽罷學士,拜尙書左丞,遷太常卿。 爲當時所惡。 少專於文學,不能涖事,維翰乃命悅知貢舉,悅果不能舉職。時有進士孔英者,素有醜行, 相桑維翰所改。 五年,高祖韶太常復文武二舞(K),詳定正、多朝會禮及樂章。 自唐末之亂,禮樂制度 晉 高 ?祖時,以戶部侍郞爲學士承旨,權知天福二年貢舉。 悦既受命,往見維翰,維翰素貴,嚴尊而語簡,謂悅曰:「孔英來矣。」悅不諭其 | 稅以| 唐故事學士草制有所改者當罷職, 乃引經據爭之,維翰頗不樂。 初, 稅爲學士, 嘗草制, 而稅

六十有四人,服平巾贖,緋絲布大袖、繡襠甲金飾,白練醬,錦騰蛇起梁帶,豹文大口袴,鳥 白中單,白練醬襠,白布大口袴,革帶履。左執籥,右秉翟。執纛引者二人。武舞郎八佾, 會朝崇元殿,廷設宮縣,二舞在北,登歌在上。文舞郞八佾,六十有四人,冠進賢,黃紗袍,

少卿。 天成中,復爲中書舍人、翰林學士,累遷尚書右丞承旨。 雜 第 껃 + Ξ 李傑 校 勘 記 六三七

悲離煩慝,如薤露、虞殯之音,舞者行列進退,皆不應節,聞者皆悲憤。其年高祖崩。 坊伶人、百工商賈、州縣避役之人,又無老師良工教習。明年正旦,復奏于廷,而登歌發聲 嗟歎之。然禮樂廢久,而制作簡繆,又繼以龜兹部霓裳法曲,參亂雅音,其樂工舞郎,多敎 文同,舉食,文舞舞昭德,武舞舞成功之曲。禮畢,高祖大悅,賜悅金帛,羣臣左右覩者皆 葆鼓一,大鼓一,金錞一。歌、簫、笳各二人。王公上壽,天子舉爵,奏、玄同;三舉,登歌奏 脱以

左執干,右執戚。執旌引者二人。加鼓吹十二按,負以熊豹,以象百獸率舞。

按設羽

奉迎,樂工教習鹵簿鼓吹,都人聞者爲之流涕焉。 開運二年,太常少卿陶穀奏廢二舞。明年,契丹滅晉,耶律德光入京師,太常請備法駕 風痺改太子賓客分司西京以卒。

亡,事梁爲監察御史,累遷中書舍人、翰林學士。梁亡,責授懷州司馬,遇赦量移,稍遷衞尉 李懌,京兆人也。少好學,頗工文辭。唐末舉進士,爲祕書省校書郎、集賢校理。

生可畏,來者未可量,假合予復就禮部試,未必不落第,安能與英俊爲准格?」聞者多其知 格,學士寶夢徵、張礪等所作不工,乃命懌爲之,懌笑曰:「年少舉進士登科,蓋偶然爾。後 後遷刑部尚書分司洛陽,卒,年七十餘。 時右散騎常侍張文寶知貢舉,所放進士,中書有覆落者,乃請下學士院作詩賦爲貢舉

# 校勘記

- (1) 與其兄暄 「暄」,汪本同,他本及薛史卷八九劉昫傅均作「晅」。
- (三) 長興三年 按本史卷六及薛史卷四四唐明宗紀、通鑑卷二七八、劉昫拜相在長興 四年。
- 靈帝尊其祖解濟亭侯淑爲孝元皇 **祖爲孝元皇」。** 又云「祖淑、父萇,世襲解濟亭侯」。李賢注:「淑以河間王子封爲解濟亭侯 「靈帝」,各本原作「桓帝」。按後漢書卷八靈帝紀云「追尊皇
- **父封。」此當爲「靈帝」,據改。**
- (至) 不可滅也 右贊善大夫趙咸又議曰 「滅」,汪本同,他本作「減」。 「又」,汪本同,他本作「乂」,五代會要卷八作「又」。
- (长) 五年高祖詔太常復文武二舞 「五」,各本原作「八」。 晉高祖死于天福七年,不可能有八年詔復 志及五代會要卷六亦繫於天福五年,明「八」是「五」之訛。據改。 二舞之事。按:本史卷八及薛史卷七九晉高祖紀均謂天福五年冬至始用二舞,薛史卷一四四樂

# 新五代史卷五十六

# 雜傳第四十四

#### 和凝

秀發。 凝隨之,反顧見凝,麾之使去。凝曰:「丈夫當爲知己死,吾恨未得死所爾,豈可去也!」已 義之士也,後必富貴,爾其謹事之!」因妻之以女。 而一騎追壞幾及,凝叱之不止,卽引弓射殺之,壞由此得免。壞歸,戒其諸子曰:「和生,志 矩,性嗜酒,不拘小節,然獨好禮文士,每傾貲以交之,以故凝得與之游。而凝幼聰敏,形神 和凝字成績,鄆州須昌人也。其九世祖逢堯爲唐監察御史,其後世遂不復宦學。 舉進士,梁義成軍節度使賀瓌辟爲從事。壞與唐莊宗戰于胡柳,壞戰敗,脫身走,獨 凝父

浮薄 了喜爲諠譁以動主司。 |天成中,拜殿中侍御史,累遷主客員外郎,知制誥;翰林學士,知貢舉。 是時,進士多 主司每放膀,則圍之以棘,閉省門,絕人出入以爲常。 凝徹棘開

雜

傳第四十四

和凝

六四〇

門,而士皆肅然無譁,所取皆一時之秀,稱爲得人。

稱旨。 晉初,拜端明殿學士,兼判度支,爲翰林學士承旨。 天福五年,拜中書侍郎、同中書門下平章事 高祖數召之,問以時事,凝所對皆

左僕射。 之速也, 鄴,從進果反,鄭王卽以宣敕命騎將李建崇、焦繼勳等討之。 王,有急則命將擊之。」高祖以爲然。 何? 」高祖曰:「卿將何以待之?」|凝曰:「先人者,所以奪人也。 高祖將幸鄴,而襄州安從進反迹已見。凝曰:「陛下幸鄴, 行至花山,遇建崇等兵,以爲神,遂敗走。 是時,鄭王爲開封尹,留不從幸,乃授以宣敕。 出帝即位,加右僕射,歲餘,罷平章事,遷 從進謂高祖方幸鄴,不意晉兵 從進必因此時反, 請爲宣敕十餘通,授之鄭 高祖 則將奈

漢高 祖時,拜太子太傅,封魯國公。 顯德二年卒,年五十八,贈侍中。

時第五 好 |凝好飾車服,爲文章以多爲富,有集百餘卷,當自鏤板以行于世,識者多非之。 稱道後進之士。 ,後知舉,選范質爲第五。 唐故事, 知貢舉者所放進 後質位至宰相,封魯國公,官至太子太傅,皆與凝同, 士,以已及第時名次爲重。 凝舉進士 然性樂 一及第

時以爲榮焉

三

#### 趙瑩

趙瑩字玄輝,華州華陰人也。 爲人純厚,美風儀。 事梁將康延孝爲從事。 晉高祖爲保

義軍節度使,以瑩掌書記,自是徙鎭常以瑩從。

令。 用其言,心甚愛之。。高祖卽位,拜翰林學士承旨、戶部侍郎、同中書門下平章事。 出爲晉昌軍節度使、開封尹。 高祖將起兵太原,以問諸將吏,將吏或贊成之,瑩獨懼形于色,勸高祖毋反。 是時,出帝童昏,馮玉、李彥韜等用事,與桑維翰爭權,乃 累拜中書 高祖 雖

共譖去之,以瑩柔而易制,故復引以爲相。

及卒,造易從護其喪南歸。 從俱,而易則留事漢,官至刑部郎中。 左丞田敏使于契丹,遇瑩于幽州,瑩見敏悲不自勝。 |太祖憐之,贈|瑩太傅,葬于|華陰。 後瑩病將卒, 告于契丹,願以尸還中國, **瑩子易則、易從。** 周太祖時,與契丹通好,造尙書 當其徙而 北也, 契丹許之。 與易

#### 馮玉

史, 士、戶部侍郎,遷樞密使、中書侍郎、同中書門下平章事。 |玉不知書,而與殷鵬同爲舍人,制誥常遣鵬代作。頃之,|玉出爲潁州||團練使,拜端明殿學 呆遷禮部與中,爲鹽鐵判官。<br />
晉出帝納<br />
玉姊爲后(1),<br />
玉以后戚知制誥, 馮玉字璟臣,定州人也。少舉進士不中。馮贇爲河東節度使,辟爲推官。 拜中書舍人。 入拜監察御

不敢除授,以俟玉決。玉除中書舍人盧價爲工部侍郎,桑維翰以價資望淺爲不可,由是與 是時,出帝童昏,馮皇后用事,軍國大務,一決於玉。 玉嘗有疾在告,自刺史已上,宰相

維翰有際,維翰由此罷相。

压從入契丹,契丹以爲太子太保。周廣順三年,其子傑自契丹逃歸,压懼,以憂卒。 夕而盡。明日見彥澤,猶諂笑,自言願得持晉玉璽獻契丹,以冀恩獎。彥澤不納。出帝之北, |玉爲相,四方賄,積貲鉅萬。契丹滅晉,張彥澤先以兵入京師,兵士爭先入|玉家,其貲一

#### 盧質

盧質字子徵(三),河南人也。 父望,唐司勳郎中。 質幼聰惠, 善屬文。 事唐爲秘書郎,

丁母憂,解職。後去遊太原,晉王以爲河東節度掌書記。

林學士。從平梁,權判租庸,遷兵部尚書,後爲學士承旨,仍賜「論思匡佐功臣」。天成元年, 即位,欲以質爲相。質性疎逸,不欲任責,因固辭不受。拜太原尹、北京留守,遷戶部尙書、翰 質與張承業等定議立莊宗爲嗣。莊宗將卽位,以質爲大禮使,拜行臺禮部尙書。 莊宗

拜匡國軍節度使。 三年,拜兵部尙書,判太常卿事。 歷鎭河陽、横海。

謂輝王不幸爲賊臣所立,而昭宗、何皇后皆爲梁所弒,遂以亡國,而「昭宣光烈」非所宜稱, 且 孝皇帝,廟號景宗。天成四年八月戊申,明宗御文明殿,遣質奉册立廟于曹州。 曹太后崩,乃止。因其故壠,稍廣其封,以時薦變而已。質乃建議立廟追諡,諡曰昭宣光烈 |立廟稱宗而不人太廟,皆非是。 共以此非質,大臣亦知其不可,乃奏去廟號。 初,梁已篡唐,封哀帝爲濟陰王,旣而酖殺之,瘞于曹州。 同光三年,莊宗將議改葬,而 而議者以

秦王從榮坐謀反誅,質以右僕射權知河南府事。 廢帝反鳳翔、愍帝發兵誅之,竭帑藏

第四

十四四

魔質

呂琉

滿一萬。 財以佐用。乃使質與政等共議配率,而貧富不均,怨訟並起,囚繫滿獄。 司獻籍數甚少,廢帝暴怒。 以厚賞,而兵至鳳翔皆叛降。 廢帝患之,乃命質等借民屋課五月,由是民大咨怨。 自諸鎭至刺史,皆進錢帛助國用,猶不足, 廢帝悉將而東,事成許以重賞,而軍士皆過望。 三司使王玫請率民 六七日間,所得不 廢帝入立,有

晉高祖入立,質以疾分司西京,拜太子太保。卒,年七十六,贈太子太師,諡曰文忠。

#### 呂琦

道,以死。 監者信之,縱琦去。」玉興琦得俱走,琦足弱不能行,玉負之而行,逾數百里,變姓名,乞食于 殺。守光怒虎,幷族其家。琦年十五,見執,將就刑,兗故客趙玉給其監者曰:「此吾弟也。」 兵相攻,守文敗死,其吏民立其子延祚而事之,以兗爲謀主。已而延祚又爲守光所敗,兗見 呂琦字輝山,幽州安次人也。父克,爲橫海軍節度判官。 節度使劉守文與其弟守光以

後為橫海趙德鈞節度推官,入爲殿中侍御史。 **琦爲人美風儀,重節概,少喪其家,游學肦、晉之間。** 唐莊宗鎭太原,以爲代州軍事推

求利 帛所以養士而扞國也,又輸以資虜,可乎?」|崧等惶恐拜謝,拜無數,時足力乏不能拜而先 語問樞密直學士薛文遇,文遇大以爲非,因誦戎昱「社稷依明主,安危託婦人」之詩,以誚琦 師。 之以女,使彊藩大鎭顧外無所引援,可弭其亂心。」||熬以琦語語三司使張延朗,延期欣然日: 中國,契丹由此數欲求和。琦因言:「方今之勢,不如與契丹通和,如漢故事,歲給金帛,妻 與李崧俱備顧問,多所裨畫。琦言:「太原之患,必引契丹爲助,不如先事制之。」自明宗時 與,琦請不已,訓懼自殺,獄乃辨,蒙活者甚衆。歲餘,遷禮部郎中、史館脩撰。 王都反定州,契丹遣秃餒、剪刺等助都,而爲趙德鈞、王晏球所敗,秃餒見殺,剪刺等皆送京 拜知制誥、給事中、樞密院直學士、端明殿學士。是時,晉高祖鎭河東,有二志,廢帝患之,琦 納路反其獄,其冤家訴于朝,下御史臺按驗,得訓贓狀,奏攝訓赴臺。 「苟能紓國患,歲費縣官十數萬緡,責吾取足可也!」因共建其事。 其後契丹數遣使者求萴刺等, 廢帝大怒,急召松、琦等問和戎計如何。琦等察帝色怒,亟曰:「臣等爲國計,非與契丹 長興中,廢帝失守河中,罷居清化坊,與琦同巷,琦數往過之。後廢帝入立,待琦甚厚, 其辭甚卑恭,明宗輒斬其使者不報。而東丹王又亡入 廢帝大喜, 佗日以琦等 訓爲安重誨所庇,不

明宗

時,爲駕部員外郎,兼侍御史知雜事。

河陽主藏吏盜所監物,下軍巡獄,獄吏尹訓

僔

第四十四

呂琦

薛融

丹爲助,遂以亡唐。 之,其議遂寢。 定,奏曰:「陛下以臣等言非,罪之可也,雖拜何益?」帝意稍解,曰:「勿拜。」賜酒一 帝曰:「呂琦彊項,肯以人主視我邪!」埼曰:「臣素病羸,拜多而乏,容臣少息。」頃之喘 因遷琦御史中丞,居數月,復爲端明殿學士。 其後晉高祖起太原, 果引契 巵而遣

琦事晉爲秘書監,累遷兵部侍郎。 天福八年卒。

文度幼孤,琦教以學,如已子,後舉進士及第云。 趙玉仕至職方員外郎,琦事之如父,玉疾,親嘗藥扶侍,及卒,爲其家主辦喪葬。

琦有子餘慶、端。

#### 薛融

不敢言,融獨從容對曰:「融本儒生爾,軍旅之事,未嘗學也,進退存亡之理,豈易言哉!」高 融爲觀察判官。高祖徙鄲,欲據太原拒命,延見賓佐,問以可否,而坐中或贊成之,或恐懼 薛融,汾州平遙人也。少以儒學知名,唐明宗時爲右補闕,直弘文館。晉高祖鎭太原,

祖不之責也。

諫, 兵,而暴斂疲民以給軍食。今田將熟,奈何恣畋游以害多稼?使民何以出租賦,吏以何督 令。 部與中。 民耕?陛下不聽臣言,顧賜臣死於馬前,使後世知陛下之過。」莊宗大笑,爲之止獵。 ,以笏叩顙,北望而呼曰:「明主,明主!」聞者皆哂之。 明宗嘉之,拜吏部郎中、史館脩撰。 何澤, 明宗時,數上書言事。明宗幸汴州,又欲幸鄴,而人情不便,大臣屢言不聽;澤伏閤切 唐莊宗好畋獵,數踐民田,澤乃潛身伏草間伺莊宗,當馬諫曰:「陛下未能一天下以休 何澤 廣州人也。父鼎,唐末爲容管經略使。澤少好學,長於歌詩。 澤外雖直言,而內實邪佞,嘗於內殿起居,班退,獨 舉進士,爲洛陽 户 部 拜倉

辭 遷御史中丞,改尙書右丞,分司西京。卒,年六十。 非 臣所 高 祖 入立,拜吏部郎中, 長也。」遂辭不拜。 時韶修洛陽大內,融上疏切諫, **棄侍御史知雜事**。 累拜左諫議大夫, 高祖褒納其言,即韶罷其役。 遷中書舍人。 融曰:「文

五代之際,民苦於兵,往往因親疾以割股,或旣喪而割乳廬墓,以規免州縣賦役。 僔 第 四 + 74 何 溘 王 椹 六四七

歲給獨符,不可勝數,而課州縣出紙,號爲「獨紙」。澤上書言其敝,明宗下詔悉廢戶部獨紙。 澤與宰相趙鳳有舊,數私于鳳,求爲給諫。鳳薄其爲人,以爲太常少卿。 敕未出而澤

即稱新官上章自訴。章下中書,鳳等言:「澤未拜命而稱新官,

澤時年已七十,尙希仕進,卽造婢宜子詣匭上章言事

輕侮朝廷,

請坐以

請立秦王爲皇太子。秦王素驕,多不軌,遂成其禍,由澤而始。 |晉高祖入立,召爲太常少卿,以疾卒于家。

法。」乃以太僕少卿致仕,居于河陽。

先知之,

#### 王權

卒,年七十八,贈左僕射。 馬。 闕。 唐亡,事梁爲職方員外郎、知制誥、翰林學士,累遷御 起爲右庶子,累遷 |權字秀山,太原人也。 唐左僕射起之會孫。 父薨,官至右司 安能稽顙於穹廬乎?」因辭不行, 戸部尚書。 晉高祖時爲兵部尚書。 坐是停任。 史中丞。 是時, 高祖以父事契丹, 郎中。 唐莊宗滅梁,貶權 踰年以太子少傅致仕。 權舉進士,爲右 權當奉 隨 州 補 司

#### 史圭

升殿侍立。 郭崇韜鎭成德,辟爲從事。 士職雖清,而承領文書,**多**掌庶務,與判官無異。 史圭,常山石邑人也。 樞密直學士升殿自圭始。 明宗時,爲尙書郎。安重誨爲樞密使,薦|圭直學士。 故事, 爲人明敏好學。 改尙書右丞, 判吏部銓事。 爲寧晉、樂壽縣令,有善政,縣人立碑以頌之。 重酶素不知書,倚崖以備顧問,始白許佳 直學

晉高祖立,召拜刑部侍郎、鹽鐵副使,遷吏部侍郎,分知銓事,有能名。 以疾罷,卒于常 史。罷歸常山,閉絕人事,出入閭里乘輜輧車。

lЩ

#### 龍敏

調。 **敏素善馮道,道爲唐莊宗從事,乃潛往依之。** 龍敏字欲訥,幽州永淸人也。少仕州,攝參軍。劉守光亂,敏避之滄州,遂客於梁,久不 監軍張承業謂道曰:「聞子有客,可與俱

傳第

74 -|-

史主

龍飯

六 四 九

|道以敏見承業,承業辟|敏監軍巡官,使掌奏記。|莊宗卽位,召拜司門員外郞

聞。 敏 丁母憂,去職。 父咸式(三),年七十餘,而其王父年九十餘,皆在鄴,敏乃求爲興唐尹, 趙在禮反,逼敏起視事。 明宗即位,在禮鎭滄州,敏乃復得居喪。 事祖、父以孝 服

除,累拜兵部侍郎。 馮贇留守北京,辟敏副留守。 [資入爲樞密使,|敏拜吏部侍郎。 是時,晉高祖起太原,乞

敏曰:「晉所恃者契丹也。 官砦,且戰且行,得其半達,則事濟矣! |德鈞爲將,守城嬰塹,篤勵健兒而已。 使其當大敵,奮不顧身,非其能也。 況有異志乎? 今 |丹且有內顧之憂,何暇助晉。|晉失||契丹,大事去矣。| 又謂||李懿曰:「敏,||燕人也,能知德鈞。 聞 兵契丹。 '駕前之馬,猶有五千,願得壯者千匹,健兵千人, 胚 |育爲太常卿,使于吳越。是時,使吳越者,見吳越王皆下拜, | 幽獨揖之。 唐廢帝在懷州, 趙德鈞父子有異志、張敬達屯于晉安、勢甚危急。 東丹王失國之君,今在京師,若以兵送東丹自幽州而入西樓,契 ·」||懿爲言之||廢帝,|廢帝莫能用。 然人皆壯其大言。 與勇將郎萬金,自平遙沿山冒虜中而趨 廢帝問計從臣, 還,遷工部

侍郎。 乾祐元年,瘍發於首卒,贈右僕射。 記

### 校勘記

(1) 晉出帝納玉姊爲后

馮玉爲后兄,疑「玉姊」當作「玉妹」。

按本史卷一七出帝皇后馮氏傳、薛史卷八九馮玉傳及通鑑卷二八三均謂

(三) 盧廣字子徵 汪本同。他本「黴」作「黴」。

「咸」,南監本同,汪本作「威,他本均作「盛」。

(三) 敏父咸式

# 五代史卷五十七

# 雜傳第四十五

州節度使,以推官李薨掌書記。「崧謂掌書呂柔曰:「魏王皇子,天下之望,書奏之職,非薨所 李崧,深州饒陽人也。」崧幼聰敏,能文章,爲鎭州參軍。 李崧

乃召書吏三四人,登樓去梯,夜以黃紙作詔書,倒用都統印,明旦告諭諸軍,人心乃定。 遠軍五千里,不見咫尺之詔殺大臣,動搖人情,是召亂也。」繼岌曰:「吾亦悔之,奈何?」||松 殺崇韜,人情不安。崧入見繼岌曰:「王何爲作此危事?誠不能容崇韜,至洛誅之何晚?今 繼岌與郭崇韜伐蜀,以崧掌書記。繼岌已破蜀,劉皇后聽讒者言,陰遣人之蜀,教繼岌 當。」柔私使崧代爲之,以示盧質、馮道,道等皆以爲善。乃以崧爲興聖宮巡官,拜協律郞。

唐魏王繼岌爲興聖宮使,領鎭

伴 第 四 -|-五 李 惄

奫

師還,繼岌死於道。

拜中 非石 蓋欲使燃終始成己事也。其後晉高祖以兵入京 明宗怒甚, 時,契丹入鴈門,明宗選將以捍太原,晉高 殿 范 書侍 敬瑭 延光居鎭州 . 郞、同中書門下平章事 長 不可也!」由 責延壽等,延壽等惶恐,欲以康義誠 與中,明宗春秋高,秦王 ,辟崧掌書記。 是從崧議。 兼樞密使。 延光爲樞密使,崧拜拾遺,直樞密院。累遷戶部侍郎、端明 晉高祖深德之, 陰遣 一從榮多不法,晉高祖 祖欲之。 丁內艱, 師 應選, 松獨曰:「太原, 樞密使范延光、 起復。 人謝崧曰:「爲浮屠者, 爲六軍 ·副使, 趙延壽等議將,久不決, 國之北門, 懼 禍 及,求 必合其尖。 宜得重臣 出 外藩。是

詐 原,重威代爲侍衞使,崧亦數稱重威之材,於是漢高 重 壽 威 以爲然,卒以重威將大兵,其後敗于中渡,晉遂以亡。 在 幽州, 同 高 !制加平章事,漢高祖恥之,怒不肯謝,晉高 加 崩, 詐言思歸以誘晉兵,<br />
崧等信之。 出帝卽位,以拯棄判三司, 與馮玉對掌樞密。 初,漢高 祖遣和凝論之,乃謝。 祖以崧爲排己,深恨之。。崧又信延壽之 祖在晉,掌親 是時, 軍,爲侍衞都指揮使,與杜 晉兵敗契丹於陽城, 其後漢高 祖出 居太 趙延

與馮道等得還。 八而已 契丹耶律德光犯京師,德光素聞延壽等稱崧爲人,及入京師,謂人曰:「吾破南朝,得松 !」乃拜崧太子太師。 高祖素不悅處,又爲怨者譖之,言處爲契丹所厚,故處遇漢權臣,常惕惕爲 契丹北還,命崧以族俱行,留之鎭州。 其後麻荅棄鎭州,

謙謹,莫敢有所忤。

乃以幼女託逢吉。逢吉送|崧侍衞獄。|崧出乘馬,從者去,無一人,|崧恚曰:「自古豈有不死之 逢吉子弟同舍,酒酣,出怨言,以爲奪我第。」崧又以宅劵獻逢吉,逢吉尤不喜。)漢法素嚴, 人,然亦豈有不亡之國乎!」乃自誣伏,族誅。 王凝謀因山陵放火焚京師,又以蠟丸書通守貞。逢吉遣人召崧至第,從容告之,崧知不免, 曲李澄家,以情告澄。是時,高祖將葬睿陵,河中李守貞反。澄乃敎延遇告變,言崧與其甥 楊邠、史弘肇多濫刑法。 漢高祖入京師,以崧第賜蘇逢吉,崧家遭亂, **嶼僕葛延遇爲嶼商賈,多乾沒其貲,嶼笞責之。**延遇夜宿逢吉部 多埋金寶,逢吉悉有之。 而松弟嶼、義與

數經赦宥,難之。樞密使王峻聞之,多台符有義,乃奏誅延遇。 | 松素與翰林學士徐台符相善,後周太祖入立,台符告宰相馮道,請誅葛延遇,道以延遇

#### 李鏻

間, 自稱淸海軍掌書記,謁定州王處直,處直不爲禮。乃易其綠衣,更爲緋衣,謁常山李弘 李鳞,唐宗室子也。 其伯父陽事唐(1),咸通間爲給事中。鳞少舉進士,累不中,客河朔

利 口 弘規進之趙王王鎔,鎔留爲從事。其後張文禮弒鎔自立,遣鏻聘唐莊宗於太原 ·敢言,乃陰爲莊宗畫文禮可破之策。後文禮敗,莊宗以鳞爲支使

非唐 決,以聞。 逐補 宗正 事。 莊宗即位,拜鱗宗正卿,以李瓊爲少卿。 「獻祖 無譜諜,莫能考按。 爲令。 鏻 莊宗下公卿博士,問故唐諸帝陵寢所在。 矛 宣皇帝建初陵, 學無 民卽持絳幡招置部曲,侵奪民田 知,不足以備九卿。」坐貶 懿祖 有民詣寺自言世爲丹陽竟陵臺令, 光皇帝啓運陵,請置臺令。」縣中無賴子自稱宗子者百餘 司農少卿,出爲 獻祖、懿祖墓在趙州昭慶縣,唐國初建,鋒、瓊 [百餘頃,以謂陵園壖地。 公卿博士言:「丹陽在今潤州 河中節度副 厚賂宗正吏,鏻、瓊不復詳 使。 民訴于官,不能 而 竟陵

才 事 · 較業, 久而 宗室皆 声 明宗 日「楊溥 無効 何後衆 卽 爲宰相。 位 由 一,以鏻故人,召還, 人? 欲 ....是 足鳞 歸 丽 今天祚中興,宜按舊典,磷雖不才 國 久寅 兗州 久矣,若 班 行 行,於諸 軍 、累遷 朝 司 廷遣 馬 戶 君安乎? 使 ,部尙書。鳞意頗希大用 渝 之, 可以召也。」重海信之, 道 等惡 嘗 以其言。 事莊宗霸府, 管調 後楊溥諜者見鏻 馮道、趙鳳曰:「唐家故 識今天子於藩 以玉 帶與課者 言 事 邸, 位爲 |鏻 謂 論

荆 南, 鏻 謂高從誨曰:「士固有否泰,吾不爲時用久矣。 與 (廢帝 岩有 舊 恩帝 時,爲兵 部 倘 書,奉 一使 湖南 今新天子即位,我將用矣!」乃就從海 聞 廢帝 立,喜, 以謂 必用 己爲相 還 過

右,取進奏官報狀示鱗,頗與文紀皆拜平章事矣。鱗慚失色。還,遂獻其皮、拂,廢帝終不 之臣,孰有公輔之望?」承翰曰:「尙書崔居儉、左丞姚顗,其次太常盧文紀也。」從誨笑顧左 求寶貨入獻以爲賀,從誨與馬紅裝拂二、猓然皮一,因爲鳞置酒,問其副使馬承翰:「今朝廷

初, 李愚自太常卿作相,而盧文紀代之,及文紀作相,鳞乃求爲太常卿。 及拜命,中謝

曰:「臣叨入相之資。」朝士傳以爲笑。

用。

|鳞事||管累遷太子太保。||漢高||祖卽位,拜||鏻司徒,居數月卒,年八十八,贈太傅。

#### 賈綽

賈緯,鎭州獲鹿人也。 少舉進士不中,州辟參軍。 唐天成中,范延光鎭成德,辟趙州軍

事判官,遷石邑令。

際,事迹粗存,亦有補於史氏。 當唐之末。 緯長於史學。 王室微弱, 唐自武宗已後無實錄,史官之職廢,緯采次傳聞,爲唐年補錄六十五卷。 諸侯噩盛,征伐擅出,天下多事,故緯所論次多所闕誤。 而喪亂之

链麻第四十五 資料 吸希

堯

(唐) 書。 晉 天福 丁內艱,服除,知制誥。 中,爲太常博士,非其好也,數求爲史職,改屯田員外郎、起居郎、史館脩撰,與脩 累遷中書舍人、諫議 大夫、給事中, 復爲修撰

爲人,待之甚薄。 漢隱帝時, 詔與王伸、竇嚴等同脩晉高祖、出帝、漢高祖實錄。 |緯爲||維翰傳,言「||維翰死,有銀八千鋌」。翰林學士|徐台符以爲不可, 初,桑維翰爲相,常惡緯

非緯,緯不得已,更爲數千鋌。

當 何以仕進?」言之太祖〔1〕,貶平盧軍行軍司馬。 1時大臣過失, 峻見之,怒曰:「賈給事子弟仕宦亦要門閥, 廣順元年實錄成,緯求遷官不得,由是怨望。是時,宰相王峻監脩國史,緯書日曆,多言 明年卒于青州 奈何歷詆當朝之士, 使其子孫

# 段希堯

賓佐謀,希堯以爲不可,高祖雖不聽,然重其爲人,不責之也。 高祖呼萬歲者,高祖惶惑,不知所爲。希堯勸高祖斬其亂首,乃止。 段希堯,河內人也。晉高祖爲河東節度使,以希堯爲判官。 高祖軍屯忻州, 高祖將舉兵太原,與其 軍中有擁

高祖入立,希堯比諸將吏,恩澤最薄。 久之,稍遷諫議大夫,使于吳越。 是時,江、淮不

欺, 東、西銓事,累遷禮部尙書。 通, 凡使吳越者皆泛海,而多風波之患。希堯過海,遭大風;左右皆恐懼,希堯曰:「吾平生不 汝等恃吾,可無恐也!」已而風亦止。歷萊、懷、棣三州刺史。 卒,年七十九,贈太子少保。 出帝時,爲吏部侍鄓,判

#### 張允

判官。 禮敗,乃出之爲魏州功曹。 水部員外郎,知制誥。 張允,鎭州人也。少事州爲張文禮參軍。 罷,遷左散騎常侍。 廢帝皇子重美爲河南尹,掌六軍,以允剛介,乃拜允給事中,爲六軍 趙在禮辟節度推官、歷滄、克二鎭掌書記。 唐莊宗討張文禮,允脫身降,莊宗繫之獄,文 入爲監察御史,累遷

其禍 音而宥過,開狴牢而出囚,冀感天心以救其災者,非也。假有二人之訟者,一有罪而一 陛下無赦爾!』蓋行赦不以爲恩,不行赦不以爲無恩,罰有罪故也。 ?,若有罪者見捨,則無罪者銜冤。 1,無赦者小害而大利,久而不勝其福。』又漢之吳漢疾篤,帝問漢所欲言。 晉高祖卽位, 屢赦天下, 允爲駁赦論以獻曰:「管子曰:『凡赦者小利而大害, 久而不勝 此乃致災之道,非救災之術也。至使小人遇天災,則皆 自古皆以水旱則降德 漢曰:『惟願 無

傳第

四十

五

張允

王松

欲,務勤儉,恤鰥寡,正刑罰而已。」是時,晉高祖方好臣下有言,覽之大喜。 善而禍淫。 喜而相勸以爲惡,曰:『國將赦矣,必捨我以救災。』如此,則是敎民爲惡也。 夫天之爲道,福 一若捨惡人而變災爲福,則是天又喜人爲惡也。凡天之降災,所以警戒人主節嗜

| 介事漢爲吏部侍郎,隱帝誅戮大臣,京師皆恐,允常退朝不敢還家,止于相國寺。

#### 王松

陳,高祖憐之(五),但使解職而已。|松有田城東,歲時往來京師,以疾卒。 鎭太原,辟松節度判官。晉高祖卽位,拜右諫議大夫,累拜工部尚書。出帝北遷,蕭翰立許 勿自疑,由是御史臺悉斂百官僞敕焚之。。松以手指其胸,引郭子儀自誚, 王從益於京師,以松爲左丞相。 二十四考中書令也。」聞者笑之。 王松,父徽,爲唐僖宗宰相。 漢高祖入洛,先遣人馳詔東京百官嘗授僞命者皆焚之,使 後松子仁寶爲李守貞河中支使,守貞反,松以子故上書自 松舉進士,後唐時,歷刑部郎中,唐末,從事方鎮。晉高祖 以語人曰:「此乃

裴皞

議,每陳朝廷闕失,多斥權臣。改太子賓客,以老拜兵部尚書致仕。晉高祖起爲工部尚書, 眷」,居河東者號「中眷」。線出於名家,而容止端秀,性剛急,直而無隱。少好學,唐光化中 復以老告,拜右僕射致仕。卒,年八十五,贈太子太保。 舉進士,拜校書郎、拾遺、補闕。 裴皞字司東,河東人也。 裴氏自晉、魏以來,世爲名族,居燕者號「東眷」,居凉者號「西 事梁爲翰林學士、中書舍人。事後唐爲禮部侍郎。 皞喜論

迎不送。人或問之,皞曰:「我見桑公於中書,庶寮也,桑公見我於私第,門生也。 引新進士詣皞,皞喜作詩曰:「門生門下見門生。」世傳以爲榮。 維翰已作相,嘗過皞, 皞以文學在朝廷久,宰相馬胤孫、桑維翰, 皆皞禮部所放進士也。後胤孫知舉, 放牓, 何送迎

# 王仁裕

之有?」人亦以爲當。

秀, 以文辭知名秦、 王仁裕字德輦 |隨間 ()。 天水人也。 秦帥辟爲秦州節度判官。 少不知書,以狗馬彈射爲樂, 秦州入于蜀, 年二十五始就學, 仁裕因事蜀爲中書舍 而爲 人儁

〇 撫本有此三字。

翰林學士。

立,罷 事,至其 以爲 麗爲兵部尙書、太子少保。 唐莊宗平蜀,仁裕事唐,復爲秦州節度判官。 職 爲 刈判官。 入立,馳檄諸鎭, 鄓 一、歷 廢帝舉兵鳳翔, 司封 左司 韶書、告命皆仁裕爲之。久之,以都官郎中充翰林學士。晉高 郎中、諫議大夫。 顯德三年卒,年七十七,贈太子少師 思同戰敗,廢帝得仁裕, 漢高祖時, 王思同鎭興元, 辟爲從事。 聞其名不殺, 寘之軍中。 復爲翰林學士承旨 累 思同留守西 遷 自廢帝起 戸部尚 旭 入

平生所作詩 少 無 也 和 聲,當有爭者起 仁裕性曉音律,晉高 萬餘首 爲 於禁中。」已而 百卷,號西江集。 祖初定雅樂,宴羣臣於永福殿, 水滌之,顧 兩軍 上校鬭 見江 一中沙石皆爲篆籀之文,由是文思益 昇龍門外, 聲聞于內 奏黃鍾,仁裕聞之曰:「音不 人以爲神。 進。 喜爲 乃集其 純 肅 其 而

相, 時稱其得人。 裕 與 和凝 於五代時皆以文章知名, 又嘗知貢舉,仁裕門生王溥,凝門生范質,皆至宰

**| 裴羽字用化,其父贄,相唐僖宗,官至司空。** 羽以一品子爲河南壽安尉。

事梁爲御史

臺主簿,改監祭御史。

與俱歸。醪初不許,羽以語感動醪,醪惻然許之,因附羽表自歸。明宗得醪表大喜,由是吳越 錢鏐與安重誨有隙,唐方絕鏐朝貢,羽等被留經歲,而崇以疾卒。 復通於中國。 羽護崇喪至京師,及其橐裝還其家,士人皆多羽之義。 唐明宗時,爲吏部郎中,與右散騎常侍陸崇使于閩,爲海風所飄至錢塘。 後鏐遣羽還,羽求載崇尸 是時,吳越王

羽,周太祖時爲左散騎常侍,卒,贈戶部尙書。

#### 王延

令。 馮道作相,與延故人,召拜左補闕。遷水部員外郎,知制誥。 王延字世美,鄭州長豐人也。 少好學, 嘗以賦謁梁相李琪,琪爲之稱譽,薦爲卽墨縣 拜中書舍人;權知貢舉。

傳第四

十五

**裁羽** 

王延

馬重接

遂及其子邪!」明年,選[順甲科,人皆稱其公。 累遷刑部尚書,以太子少保致仕。 卒,年七 之,則曰:『其父善泅,子必能之。』若是可乎?」延退而笑曰:「盧公之言,爲崔協也,恨其父 貢舉選士,當求實効,無以虛名取人。<br/>
昔有<br/>
越人善泅,生子方降,其母浮之水上。<br/>
人怪而問 吏部尚書盧文紀與故相崔協有隙。是時, 協子順方舉進士, 文紀謂延曰: 「吾嘗譽子于朝,

随爲人重然諾,與其弟規相友愛,五代之際,稱其家法焉。

# 馬重績

大曆,居于太原。 馬重績字洞徽,其先出於北狄,而世事軍中。 唐莊宗鎭太原,每用兵征伐,必以問之,重績所言無不中,拜大理司直。 重績少學數術,明太一、五紀、八象、三統

明宗時,廢不用。

健而 離明。 晉高祖以太原拒命,廢帝遣兵圍之,勢甚危急,命重績筮之,遇同人,日:「天火之象,乾 湯曰:『戰乎乾。』乾,西北也。又曰:『相見乎離。』離,南方也。其同我者自北而南 健者君之德也,明者南面而嚮之,所以治天下也。同人者人所同也,必有同我

木,木不自續,虛而動之,動隨其覆。歲將秋矣,無能爲也!」七月而從實敗。高祖大喜,賜 下。拜重績太子右贊善大夫,遷司天監。明年,張從賓反,命重績筮之,遇隨,曰:「南瞻析 乎?乾,西北也,戰而勝,其九月十月之交乎?」是歲九月, 契丹助晉擊敗唐軍, 晉遂有天

以良馬、器幣。

皆合無舛。」乃下詔班行之,號調元曆。行之數歲輒差,遂不用。 首。」韶下司天監趙仁錡、張文皓等考覈得失。仁錡等言:「明年庚子正月朔,用重績曆考之, 多,差闊愈甚。臣輒合二曆,創爲新法,以唐天寶十四載乙未爲上元,雨水正月中氣爲氣 審多差,宣明氣朔正而星度不驗,崇玄五星得而歲差一日,以宣明之氣朔,合崇玄之五星, 二曆相參,然後符合。自前世諸曆,皆起天正十一月爲歲首,用太古甲子爲上元,積歲愈 天福三年(3),重績上言:「曆象,王者所以正一氣之元,宣萬邦之命。 而古今所紀,考

夜昏曉,皆失其正,請依古改正。」從之。 四刻十分爲正,此自古所用也。今失其傳,以午正爲時始,下侵未四刻十分而爲午。 由是畫 重績又言:「漏刻之法,以中星考晝夜爲一百刻,八刻六十分刻之二十爲一時,時以

重績卒年六十四。

### 趙延義

每爲建占吉凶,小不中, 得罪而幾死者數矣!子孫能以佗道仕進者, 趙延義字子英, 秦州人也。 輒加詰責。 會祖省躬通數術, 温珪臨卒, 不必爲也。」然極義少亦以此仕閩爲司天 戒其子孫曰:「數術,吾世業,然吾仕亂 避亂于蜀。 父温珪, 事蜀王建爲司天

延義兼通三式,頗善相人。 契丹滅晉,延義隨虜至鎭州。 李筠、白再榮謀逐麻答歸漢,

**猶豫未決,延義假述數術贊成之。** 

監。

蜀亡,仕唐爲星官。

圍蘇逢吉、劉銖第,欲誅其族,聞延義言悚然,因貸其族,二家獲全。 當以仁恩德澤,而漢法深酷, 周太祖自魏以兵入京師,太祖召延義問:「漢祚短促者,天數邪? 刑罰枉濫,天下稱冤,此其所以亡也!」是時,太祖方以兵 延義事周爲太府卿、判 」延義言:「王者撫天

司天監,以疾卒。

## 校勘記

(二) 其伯父湯事唐 「陽」,薛史卷一〇八李鳞傳作「湯」。按新唐書卷七〇下宗室世系表,湯昆弟有

濟、深、泊,名皆從水。疑「陽」爲「湯」傳寫之誤。

(三) 言之太祖 「太祖」,各本原作「高祖」,薛史卷一三一賈緯傳作「太祖」。按薛史卷一一〇周太祖

紀及通鑑卷二九〇,周太祖於廣順元年正月即位改元,同月加王峻同平章事。 今賈緯被貶旣在

廣順中王峻爲相之時,則此「高祖」爲「太祖」之訛無疑,據改。

3 高祖憐之 月李守貞反。王松上書當守貞反時,則此「高祖」當作「隱帝」。 按本史卷一〇漢本紀及薛史卷一〇一漢隱帝紀,漢高祖死於乾祐元年正月,同年三

(日) 天福三年 本史卷八晉高祖紀載: 天福四年三月「丙辰頒調元曆」,薛史卷七八晉高祖紀及五代

會要卷一〇亦繫在四年。此疑誤。

